




BIBLIOTHECA
UNIV. JAGIELL.
CRACOVENSIS

38016

Mag. St. Dr.

P



38016

I

Geol. pol.

8444

hy.

1. v R

5183

1890. I. 49.

P 1272

A T R I V M
SAPIENTIAE
A P E R T V M



S E V
EXPOSITIO

In Primum Caput Libri Sapientiae
Quatuor Partibus
EXDIVISA

Variis Doctrinis & Annotationibus
C U M U L A T A


Multorumq, praesertim Concionatorum Usibus,
A P. Antonio Swirczynski Polono
Societatis IESV Theologo

ACCOMMODATA

Anno Incarnatae Sapientiae. M. DCC. XVI.

Typis Collegii Leopoliensis, Soc: IESV

2. Koriguzbiera Jarob. Kuz Gieyston



Præfuleos, Tibi Fama parabat honores,
 Seq; Tibi solus, sponte parabat honor.
 Ergo Sacras inferre Cruces, in stemma volebat,
 Inferriq; Sacræ non renuere Cruces.
 Sed quia Te Patriis contentum viderat esse,
 Non audebat adhuc insinuare suas.
 Credo tamen, postquam nova senserit ATRIA pandi,
 Hoc, sibi reclusum, non dubitabit iter.

38016
 I

PERILLVSTRI REVERENDISSIMO DOMINO
D. CONSTANTINO
De MROZOWICE

MROZOWI
CKI

Iuris Vtriusq; Doctori.
Ecclesię Metropolitanae Leopoliensis
ARCHIDIACONO
Canonico, Buscensi, Rohatnensi, Præposito &c;
Mecænati Amplissimo.



Ntequam Sapientię Atrium liber a-
periat, Domum Tuam pulsat, PER-
ILLVSTRIS REVERENDIS-
SIME DOMINE. Veluti enim ad
Honoris Templum, nisi per Virtutis eadem accessus
patuit, Ita ad Sapientię honoratos lares, nulla cer-
(*) tior

tior, nulla compendiosior, nulla tritior via est, quam
per Vestrae Domus limina; utpote gentilitis Familiae
Vestrae calcata Solis, eruditio Signata Majorum Ve-
stigiis. Permittes verò, ut in primo limine, honore
Domus Vestrae defixa subsistat admiratio. Aedisq;
MROZOVICCIANÆ Splendoribus obtutum pa-
scat curiosum, lustret prodigia, veneretur Majestatem.
Domus hæc aut Capitolum, ob tot Capitum, à quibus
majorem incepit Historia gloriam, aut Solis ob illu-
strem originis lucem, regia est, aut certè Fame Pa-
latium, in quo non audiuntur tantum laudanda, sed
fiunt; cui pro centum januis totidem portas aperuit
munificentia, nisi Templum dixeris **MROZOVIC-
CIANI NOMINIS**, NVMINI consecratum, tot
impensis, quot meritis, tot sudoribus, quot pro Patria
exantblatis erectum curis. Templi hujus tectum non
aliud est, nisi sublimitas, non alia frons, nisi facies
Reipublicæ, non alia, nisi quæ & Patriæ fundamen-
ta non alia nisi magnorum Vestigiorum planta,
non alia porta, nisi in tot Victoribus triumphalis, Ara
non alia, nisi cui honor cessit, cruenta, quia ad pur-
pure usq; sanguinem, Victima. Quos ego hic Pena-
tes, quos Semideos (nisi quòd integri esse malitis ho-
mines,

mines, quàm Semidei) video : ipsi propè servi grandis
 familia . Ardent undequàq; illustres cere, & fu-
 mosæ quantumvis imagines, nihil præter lucem retinēt.
 Superbit illâ facie, illo vultu, quē pingit color, vixq;
 sustinent tabulæ Virorum umbram . Hic honoris, hic
 militis, hic Mystæ imago, id est idea pendet, ipsâ ca-
 ret vitâ effigies, quamq; vivam credideris, quia ali-
 quid grande spirat, Non alia hic oculi, nisi Patriæ pro-
 spicientis, despicientis bellî pericula, non alia frontis,
 nisi imperterritæ, non alia vultûs, nisi aut facundi,
 aut veridici effigies . Vel p̄tiam manum formidaret
 barbarus, tantum enim bellicâ effecisti fortitudine, ut
 umbræ Vestræ partem exhorrescat hostis . Veneror hîc
 demissâ in reverentiam memoriâ **STANISLAI**
MROZOWICKI vultum, qui ut plus affinitatis
 habuisset, suo cum Stanislao, Szczepanodiorum ex
 Matre contraxit Nomen, etiam hac in parte non im-
 par **STANISLAO**, quod nullum pro Patria ensem
 metueret, hoc tantum dissimilis quod nulli in audacem
 Sibi habuerit adversarium, sed hostium timor esset .
ALEXANDRI interim in imagine hæret cogitatio,
 Macedonem dixisses, ni Polonus dici mallet, potiusque
 imitari Magnos, quàm appellari Maxim.9 duceret . Idem

Stanislaus
 ex Szeze-
 panovia
 Mrozowi-
 cki Miles
 fortissimus

Alexander
 Mrozowi-
 cki heros
 insignis,

carcerem
Scythicum
& tandem
mortem
heroicam
ia acie
subiit.

tamen quod Macedo Dario, Osmano Alexander erat.
Postquam toties profligasset Barbarum in vulneris le-
nimentum, & doloris solatium se obtulit, quia capi,
quàm fugere maluit, in prædam cedere, quàm ex acie
discedere. Superato sæpius hoste, etiam aliquot anno-
rum carcerem vicit, nunquam minùs de sua, plus de
Patriæ libertate cogitans, quàm in vinculis. Tor-
quatum illum in compedibus & tantò plus Patriæ obli-
gatum, quantò arctius stringeretur, putares: verumta-
men & Socrates erat, qui carcerem intrare videba-
tur: loco ignominiam detracturus. Nulla ibi tæ-
dia passus, nisi ad victorias; si gementem aliquando
audivit hostis (audivit autem rarissimè) ipsi præster-
nebatur sono, quasi gemere nisi dolente non posset ho-
ste, aut præsagium cladis Barbaricæ prodente animo.
sed morari tantum non præcludere triumphorum iter,
carcer potuit: quia arctior locus erat, pati Polmæ
Virtutis non potuit amplitudinem, hoc effecit tantum
ut majorem hostilis cruoris sit in longiore abstinentiâ
irritaret. promptioremq; in Thraces mora redderet.
Tantâ enim agilitate leves Tartarorum persequenda-
tur animas, ut non tam ulisci sua incommoda, quàm
servitutis etia compensare videretur. Carcer Scythis
erat,

erāt, cū arctaret illorum cuneos. Vbi ergo totum
 Se Republicæ salutē impenderat, impenlit & vitam
 in ea, in qua rem Lechicā stare fecit acie, cecidit,
 & veluti fatigatus triumphis, non mortuus est, sed
 quievit, eò tamen injurius Polonia quòd nimis se libe-
 raliter salutē ejus expēderet, objiceret periculis. Sed
 novum ego inter fortissimorum Heroum leones DA-
 NIELEM video, qui in Mosayscensi arena, in præ-
 mium laboris bellici mortem appetit: nimirum post tot
 victorias discedere ex campo noluit, ne aut hostem fu-
 gere, aut laboris præmia petere videretur. Vbi ma-
 num manui, ferrum gladio, hostis opponere non au-
 debat, contra inexpugnabilem pectoris arcem, tormentū
 direxit, ut saltem orbe vinceretur toto, qui parte vin-
 ci nequirit. Inde virtute certatur: hinc ignibus, ru-
 unt caeco impetu globi, passimq; eos feriunt, quibus
 parcere voluissent, unus Danielelem petiit, eò excusabi-
 lis, quòd volentim pro Patria mori vulnerasset, ad-
 missus sinu est, ut ex amore Patriæ susceptum esse ne-
 mo dubitaret, una idē Herodē circumstabat dubita-
 tio, an cadendum esset, cecidit tamen ut Se vel hoc
 probaret hominem, qui ceu aliquod Numen belli, ab
 hostibus timebatur, ostenderetq; Se non cum fatis pu-

Daniel
 Mrozowi-
 cki ad Mo-
 sayskum
 globo ictus.

gnare, sed cum hostibus, sine raiua tamen aduersari-
casus hic esse non potuit, magna enim etiam cum ca-
dunt feriant, quos armis edomuit, mole corporis op-
pressit, Moschos. Notantq. Aetnam illi Senferunt
Enceladi. IACOBVMne præteream? Pusilla mo-
lem stature laude bellicâ superavit, provexit meritis.
Cum vastissimo ille aliquando Gigante in arenam de-
scenderat, non magis ferro, quam corporis securo pro-
ceritate, despiciebat alto supercilio Davidem Sarma-
ticum, Teutonicus Goliath, solâq. magnitudinis aucto-
ritate vincendum non dubitavit, nescius Lechicam for-
titudinem non cubito examinandam, sed manu, magna-
nimitate non magnitudine. Aude interim (Polonus
Hector agit) nec istam altitudinem frontis, supra ictus
ferri Lechici puta, ipsa vastitas majus triumphis spa-
tium præbet, nec solum capitale Vulnus, lethale est,
verbis animum, animo ferrum addidit, & simul pro-
pè aggressus est hostem, simul fregit, vicit, stravit,
vincit, victumq. ne teste tam nobili careret victo-
ria, in Regis conspectum duxit, eum, quem meruit rei
gestæ dignitas tulit plausim. Toto regno pusilli ro-
bar corporis supra miracula attollente. Non solum
tunc indiete Heros vicisti hostem, expectationem Ci-
vium,

vinum, Nobilitatis emulationem, spem Procerum, supe-
 rasti, ipsam Vladislai in triumpho duxisti admiratio-
 nem. Erubuit se ipsam protensa molis vastitas, de-
 buitq; aut certè voluit manceps decrescere, ut minus
 probum videretur. quanquam & decreverat: multum
 enim de antiqua demisit superbiam, quã Poloniam de-
 spiciebat fronte, Regiam edoctus venerari majestatem.
 Rapit inde oculum ALBERTI vultus, Vultus ille
 à teneris devotus galeis, tot laureis prope insignis, quot
 comis, nullam bellicæ sortis inclementiam, nullam peri-
 culatorum præsentiam, nullam laborum pro Patria ex-
 cusans difficultatem. Primus hic (dare enim exem-
 pla quàm sequi maluit) in adversa ægmina irruere,
 & quasi ad triumphum viam ostendere, primus mortẽ
 contemnere, inò subire etiam docuit. Namq; ubi con-
 tra Othomanum, copias duxerat militares, veluti quã-
 dam bellici sudoris siti, quòd hostem adhuc non vide-
 ret, in itinere emortuus, hocq; duntaxat felix erat
 Oriens, quod ante paginam MROZOVICCIUS
 occiderit, quanquam & infelicem se credere potuit,
 quòd non illius manu occidisset. Hoc est non prius
 vitam quàm mortem desecere, non alio gradu ad fata,
 quàm triumphali descendere, non aliter vitæ metam
 attinge.

Alberti
 Mrozowi-
 cki intene-
 re, contra
 Othoma-
 num deces-
 sit.

attingerē, quā in heroici decursu itineris. Quid
stantis Callimachi desides reliquum. Roma colat? quasi
etiam inanima delubra, stare su prodigium, Herodes,
nunquam, segnes, fata induunt. Uno prope pede mi-
micū altero sepulchra intracti. Non aliter ex urbe abeūt,
quā hostem insequendo. Inde nerō quantum Viro-
rum agmen? Tota familia Vestra grandis exercitus!
omnes MROZOVICII Fabij sed plures quam tre-
centi, cuncti indicti. Quot quot in hac nati Domo
non prius viderunt lucem, quam flammā senserunt Mar-
tis. Non prius suxerunt lac, quam hostilem sitirent
sanguinem. Non prius audierunt MROZOVIC-
CII quā fortes, omnes Viri progeniti, & velut
Cadmaea seges (eam enim tantū falx Vestra mes-
sem legit,) cum clypeis, aut ad clypeos nati. Prima hic
infantia ludere nisi per scuta, nescit, ipsa cunabula pro-
pe jam sunt Deortū pulvinaria, Omnes hic non dū novē-
nes jam jurati contra arma Patriae infesta, Annibales
ita ut ipsa Colligationis necessitas, Vos bellae gloriae
obliget. Dedecusq; Donū Vestrae putaretis, aut ho-
stem, aut Orbem contemnendo, non vincere. Idem
Vobis, Domū Vestrae fons est, quod Achilli Lethe,
ex quo robur bellicum bibitis, hoc tamen Achilli im-
pares

pares, quod nullâ parte vulnerari pro salute Regni
 recusetis. Tam virilis Vestra infantia est. Nullus
 verò in senio capillorum hyemem vidit, nisi sub Casside
 inter belli rigores, aut Palladis curas, cānuerit. Sci-
 licet, & in illa ætatis brumâ lauros virere probè
 nostis, Neq̃ ignem ardoris martii debere tepescere,
 ipsam Annorum maturitatem, conferre auctoritatem
 Victoriæ. Quousq̃ tandem inter armorum spectacula
 errat curiosa oculi acies? redite tantisper ad patris
 vultum lumina, eamq̃ in MROZOVICCIANIS
 legite imaginibus. Ostrzeszoviensem Notarium PAV-
 LVM MROZOVICCIVM, quàm egregiè & pul-
 chrius quàm olim Cæsarem, suæ pinxere pennæ, pro
 Tribunali sæpius Iudicem semper incorruptum, semper
 Aristidem egit. Si Themis iudicis ideam efformare
 vellet, non aliâ eam ex fronte pingeret. Novum in illo
 Areopagus Lublinensis audivit Paulum, etiam cum
 gladio, dum contra scelera agendum esset. Non mino-
 res enim vitiorum quam hostium estis vindices. Atq̃
 jam ad Genitoris Tui ora devenimus, (breviares enim
 ad Te festinantis styli iubent esse desideria.) Ita hic
 Haliciensem egit Notarium, ut nihil fecerit, quod non
 fastis notari mereretur: Ita Iudicem ut nihil decre-

Paulus Mro-
 zowski
 Notarius
 OstrzeŹo-
 viensis.

(**)

verit

verit, quod orbis non approbaretur iudicio. Nemo illo fe-
 licius, Regni tractavit negotia, nemo diversas amicorū li-
 tes cōposuit efficacius in hoc uno primū conveniebāt par-
 tes oppositæ, quod **GEORGIO** vellent uniri Iudice. Com-
 missarium stipendii militaris toties **Leopolis** vidit, nun-
 quam sine militum elogiis; veluti enim mereri, ita par-
 tiri sciebat stipendia. Non imparem Parenti natum,
 recens adhuc pingit color & meritorum viva recorda-
 tio **IOANNEM MROZOWICKI** Germanæ ti-
 bi virtutis, & sanguinis hominem. Auditur adhuc vox
 Ioannis illius & in Nobilitatis ore, in populi laudi-
 bus resonat; vix parem in **Russia** suo ævo habuisse
 audit. Antequam verò ad Te, deflectat oculus, liceat
 illam à **MROZOVICCIANIS** imaginibus, in cognat-
 tas, & quasi Vestro Sanguine pictis Icones, divertere.
 Quidquid in **OLESNICIS** illustre coloravit honor,
 in tabulas Domūs Vestræ transtulit, quacūq; his cum
POTOCCHIS, LIPSCIS, DANILOVICIS,
WISNIOWIECCIS, KONIECPOLSCIS,
CHODOROWSCIS, WASZECZYNSCIS,
KROSNOWSCIS, CETNERIS, PARISSIS,
FIRLEIS SVLGOSTOWSCIS, DROCHO-
ICWSCIS, &c: linea, eam ad vos usq; duxit Apelle.
 Consanguinitas. Tot hīc habetis cerussis, quot pur-
 puras

P. R. Dñs
 Natus ex
 Olesnicka.

puras, tot splendores, quot Celsissimos, ac Illustrissimos.
Ergo recreata Majorum Tuorum vultibus cogitatio,
in Te vivam MROZOVICCIANÆ ideam Di-
gnitatis, aciem dirigit. Vix enim decus Tuum crede-
res, pictos tantummodo ostendere Æmilianos, nisi super-
stes Atauorum gloria in Te colores animaret, illustraret
umbras, Ceras accenderet. Eam adhuc in pueri-
tia gessisti frontem, quam è majoribus Tuis Naturæ
solertia efformasse videbatur; quò minor fuisses, omnia
in Te Antecessorum lineamenta colligentis industriæ, ma-
jus prodigiū censebaris. Iam Tibi digna Heroe MRO-
ZOVICCIO magnanimitas, digna Iudice Prudentia,
digna senio maturitas; nihil puerile præter annos, ni-
hil humile præter staturam; simul pene Constantinus
esse cœpisti, & esse magnus. Æternitatem se prius ætas
credidit, cui pro canitie candorem, pro annis meritorio
multitudinem, pro vetustate incorruptos Antecessorum
mores, addidisti: attollant se adhuc eâ felicitate Le
oburgici Athenæi colles, quod Tuam erudiendo pueritiam
in iuventute posse esse Senecam didicerint. Condiscipuli
in Te, morum Magistrum, æmuli, laboris Ducem, omnes,
doctrinæ, probitatis, exemplar habuere. Quamcunq̃
classē tereres, semper in prima eras. Calcasti Parnassum

Leopoldi
studium

Cracovia
Juris pru-
dentia.

limina? & primo Solea Tue tactu novum excitasti
Heliconem. Oratorio in campo Olimpiam decurristi.
Aristotelem Eurippus, Tu absorbuiſti Eurippum. Ro-
sas alii comederunt, ut dicendi in ſpade condirent genus;
Tu roſis loquebaris, effecturus ne ſui Lechia Roſini
deſuiſſent. Iam Te legum evocat Scientia, In corona-
ta Vrbe, in Principe Regni Academia Juris prudentia
Studuiſti, quicquid difficilius eſſet, in Te explicans,
Legum obſervantiſſimo, ibi quid ſit reorum vindicem,
miſerorum Patronum agere, didiciſti, adeo ut ipſam
Juris prudentiam Tui juris feceris. Ultro illa menti
Tuae, ſe inſinuabat Scientia, eò quòd in Te aequiſſimum
Iudicem praeviderat. Decorum, omni dote Scientiae,
Caput, ſolà caruit laurea. Non tam enim arboris ſci-
entificae folia, quàm à radice querebatur Sapientia.
Quanta tamen certantium de fronte Tua laurearum
contentio? quaſi ipſa doctarum praeſentia frontium, prae-
mii loco frontem tuam expoſcerent, Si in aliorum tempo-
ra adores ſerpere prodigni inſtar habebatur, in Tuum
verticem volabant lauri, quamvis & lento illas paſſu
proceſſiſſe non negaverim, in tam alti enim culminis
aſcenſu, poterant fatigari. Celeriores Zamoſtienses
videbantur adores, quòd reliquis frontem tuam prae-
pue-

Zamoſtia
accipit lau-
ream.

puerint, quāquam grādem Mentis ambitum redimere
 non poterant, quin infulis locum reliquissent. Taceā
 ne doctoralis annuli letitias de Tua manu sibi gratu-
 lantis? parem se orbi credidit, postquam digito Tuo
 suffecerat, neq; aliā, quam Te, gemmā, voluit intume-
 scere. Ut vero Doctorali adorea etiam coronam adde-
 res, Regale adjecisti Sacerdotium; ne alium in Te
 Doctorem haberet Orbis, quam Ecclesie. Aris Te de-
 vodisti, etiam hīc, pro Numine colendus Cleri. Primam
 Licentiatus Doctor docuisti sententiam, seculi licentiā
 cōtemnere, idq; tāto pręstitisti efficacius, quantō plus exēpla
 moveant. Iuvat jam ē Cathedris peroranti aurem dare,
 adhuc enim intra Archidiacesanę Basilicę sacros pari-
 etes, vocalis eloquentię Tuae tinnit echo. Toties pul-
 pitum illud ascenderas, ut tanquam Tonans contra vi-
 tia fulminares, interim audientium oculi tot gemmas
 inter hęc tonitrua conceperant, quot lacrymas. Orbē
 traxerit Gallicanus, Tu corda. Induratos scelerum con-
 stantiā Memnones, haustā à Vultu Tuo flammā ad dō
 disertos effecisti, ut sua etiam fateri crimina potuissēt.
 Virtus verō à nemine, quā à Te suaderetur citius,
 cui pretium facundia, facundię dignitatem, dicentis
 conciliabat auctoritas. Quę autem hominum audiendi

In Archicā
 tdedra sac-
 pius conci-
 onatus.

Te

In octavis
Concepti-
onis maxi-
mè
Itē in Festo
S. Ignatii

Deputatus
Tribunalis
aliquoties.

Te aviditas? veluti non verba, sed nummos, spargeres
perorando. Quotusquisq; Catilina erat, quotusquisq; Ver-
res, Tu contra illum Cicero; quotusquisq; Trajanus, Tu
Plinius, scilicet & laude digna agere, & laudanda
encomiis extollere bene nosti. Quot laudes, eloquen-
tiæ Tuæ, **MARIÆ** debent encomia, intactum Virginei
Conceptus integritatem, nemo doceret acutius probaret
nemo. Satisq; evidens esse veritatis poterat argumen-
tum, dixisse **MROZOVICIVM**. Habet gratias labo-
ri Tuo Ignatius, qui inter laudum suarum numerum,
Te recenset suum Oratorem. Iam Doctorem, jam Ec-
clesiasten, jam tandem Iudicem, agis. Nec tantum ver-
bis, sed ultore gladio vitia persequeris. Novum justitiæ
rigorem Polona Nemesis, sub Iudice induit **MRO-**
ZOVICCIO. Non jam auro filebant partes, sed
causæ, ipsum quinimo aurum, justum in Te expallesce-
bat Arbitrum. Neq; allevianda criminis sperabatur gra-
vitas, aut aliquem habitura valorem, auri adjecto pen-
dere, cum Tu ad libram stares. Non eò minus censebas
crimen, quod magno auctore patratum esset; non ideo
felix, quia fortunæ; non ideo securum, quia honoratum;
non ideo liberum, quia liberale; etiam contra elatos su-
pra vulgum vertices, Iudicibus esse gladium non dubi-
tasti

tasti. Vixq̃ esse tam altam dignitatem, quæ vel secto
 capite Themidem aliquando adorare non cogatur, digni-
 tatem sententiæ non Personis metiebaris, sed causæ æ-
 quitate. Satis ad victoriam causa habuit, dum esset
 iusta. Reos etiam felices reddidisti, quod Te ludæ
 causâ caderent, non quærentq̃ per crimina, sceleri
 faventem sententiam. Mitio rem ego jam, quàm Indi-
 cis vultum in Te intueor, quem multiplici venustate
 decorus ornat honor. Huc præclare Acti Canoni-
 catûs, non anni sed prope secula. Plura Tu in Senatu
 illo Sacro consumpsisti lustra, quam vivendo ali, un-
 de jam attrita Metropolitana hujus dignitatis purpura,
 inter alia sua decora, ipsam etiam numerat antiqui-
 tatem, annos computat, quibus Te ornat. Vix aliquem
 diu honor patitur, Te ut à teneris complexus est,
 quia semper amat, constanter fovet, veluti constantior
 esse à Constantino didicerit. Injurius tamen ipso amo-
 re O! honor es, dum poscentibus altioribus Re-
 gni subsellis negas **MROZOVICCIUM**. Quã-
 tum Tibi honoris, Vicaria in Archidiocesi dignitas fece-
 rit, adhuc populi tenetur præsentis memoriâ. Cùm
 tristem **ARCHIPRÆSVLIS** fato, **CONSTAN-**
TINI LIPSCII administrares **INEVLAM**, ipse

Aliquot
 decad: anni
 Canon: Le-
 opoliens:

Admini-
 strator Ar-
 chiep:

mereri videbaris: Hocq̃ duntaxat merorem suum
solabatur, quod Te haberet tutorem, speraret Suc-
cessorem. Et obtinuisset, si ultra illam, Mentem
non erexisses, eamq̃ non fluxisses frontis, sublimitatem,
quæ ascendi non posset, quia mereri dignitatem, maluisti,
quàm accipere. Neq̃, alas vol. sibi Cruces colere quã
gentilitias. Inferiorem tuã maiestate f. spicatus honorẽ
cui caput inclinandum erat, & qui n. si demissus in ve-
nerationem vultu, quæri debuit; jamq̃ plũs in Te, quod
æstimet Laetitia habet, quam in suo Legato olim; quod
nec annulum Archipræsuleum adorare volueris.
Dolet negatam se Tibi dignitas, & majoribus Ti-
tulis ulcisci injuriam parat, quanquàm & nunc ni-
hil Tibi, ad Insulas desit præter votum. Tuos
enim tantũ annutus expectant dignitates, parate
expectant insulae, si Verticem, vel annuendo, infle-
ctas. Interim ARCHIDIACONI contentus mu-
nere, eò quod non possit esse Summum; dum Tuum,
Quot Ordini Sacro admovisti Candidatos; tot con-
secrare merebaris; quot visitasti Ecclesias, tot regere.
Mentem Præsulis, hoc in Honore, si non dignita-
tem habes. Brevibus, laudum Tuarum expediam
multitudinem. Aetati, Virtuti, Scientiæ, ipse Tu ho-
nor

Archidia-
conus Leo-
polienſis.

or quidam es. Vnde, licet extra illos fasces, HO-
NORIS.

Ergo jam hospes Domi Tuae liber, etiam vult
esse incola, grandem in illa habiturus Bibliothecam,
d' Te ipso, supra titulum, felicem se superbit, non im-
merito, quod pro Atrio, domum Sapientiae, Honoris
Virtutis, Templum, aperuerit. Eum verò Tu tanquā
domesticum, tanquam Tuum, & Nominis Tui Culto-
rem admittes, quem offert

MAGNO NOMINI TVO

devotissimus servus

A. S. S. I.

AP



APPROBATIO

Opus, quod inscribitur ATRIVM SAPIEN-
TIAE Apertum, seu Expositio in primum
Caput Libri Sapientiae &c. &c. à R. P. An-
tonio Swirczynski Soc. IESV Theologo, actuali
in Collegio Leopoliensi multos per annos Sacrae The-
ologiae Professore, concinne & elaboratè conscriptum,
quoniam nihil contra fidem, ac bonos mores in se
continet, quin imò Ecclesiam Dei novis, temporis
moderno accommodatis Annotationibus locuple-
tat; ut quantocius lucem publicam videat, impri-
mendi facultatem concedo. Dabantur Leopoli in
Residentia D. D. Canonicorum Leopoliensi: Die 16.
mensis Decembris, Anno 1715.

IOANNES, THOMAS IOSEPHOWICZ
Canonicus, S. R. M. Secr. Libr: per Archi-
diacessim Leopoli: Ordinarius Censor,





FACULTAS

R. P. Visitatoris, ac Præpositi V. Provincialis Soc: Iesu, per Poloniam

Cum Opus, quod inscribitur: Apertum Sapientiae Atrium, &c. à P. Antonio Swirczynski Societatis nostræ, conscriptum, à quot ejusdem Societatis ad id deputati Patres recognoverint, & in lucem edi posse probaverint: potestate mihi factâ ab A. R. P. N. Michaeli Angelo Tamburino, præfate Societatis Præposito Generali, Facultatem concedo, ut typis mandetur, si iis, ad quos pertinet, ita videbitur. Cujus rei gratiâ, has literas manu nostrâ firmatas, sigilloq; nunitas dedimus.

Leopoli 16 Decembr: 1715.
REINHOLDVS GERT





Cum SAPIENTIA latet, & thesaurus
est abditus, quid est in utrovis uti-
litatis? Ecclesiast: 41.

Intrans in Domum meam, conquiescam
cum illa; (id est Sapientiâ) non e-
nim habet amaritudinem conversa-
tio illius, nec tædium convictus il-
lius, sed lætitiâ & gaudium.

Sap: 8.

SAPIENTIA, violentiâ non aufertur,
antiquitate non corrumpitur, com-
municatione multiplicatur.

Cassian: in Epist.



PRÆLIMINARIS INSTRVCTIO.

¶ Quamvis unius duntaxat Capituli, libri Sapientiae, expositio-
nem hoc opere in plures partes diviso, complecti placuit,
de toto tamen libro, aliqua præmittenda videbantur. Imo
autem de Auctoritate hujus libri. 2do, de illius Auctore. 3tio
de materia circa quam versatur, aliquid innuendum. 4to tandem
occasio & tempus libri conscripti exponendum.

QUANTVM ad AUCTORITATEM LIBRI SAPIENTIAE

Negant Judæi & hæretici illum esse Canonicum Sacrae Scripturae.
Imi quidem fortassis ex eo, quia in hoc libro, c. 2. prædicitur mors
Christi, ab impijs Judæis eidem inferenda. Hæretici vero ideo: quia
eorum hæresibus adversatur, utpote commendans opera bona, laudans
castitatem &c: Cæterum de fide est librum Sapientiae esse Canonicam
Scripturam. Tum q. id definitum est in Concilio Florentino. Item
in Trident: ses. 4. Item in Carthagini: 3tio c. 47. Tum q. id testan-
tur Ss. Patres, inter quos D. August. lib. 2. de prædest. SSrum. c. 14.
Et lib. 2. de Symb: ita scribit: *Non debuit repudiari Sententia Libri
Sapientiae, qui meruit in Ecclesia Christi, de gradu lectorum Ecclesia
Christi, tam longa annositate recitari* Tum q. Christus & Apostoli,
multa testimonia ac Sententias, ex libro Sapientiae desumpserunt, ut
patet Matth. 13, 43. Item 27. 18. Ad Rom: 11. ad Ephes: 6. &c:

*Negant hæ-
retici, doce-
Ecclesia
Christi hunc
librum esse
Canonicum*

QUANTVM ad AUCTOREM HUIVS LIBRI.

DE Primario hujus libri Authore, certum est de fide, quod sit Spi-
ritus S. incertum verò est, & apud Patres controversum, quis
fuerit

*Diversi Au-
thorum sen-
sus de hujus*

fuerit secundarius Author, seu scriptor illius. Potissimum tamen qua-
libri secundario scrip-
tores.

*Aliqui a
Salomone
docent esse
conscrip-
tū.*

*Negant
alij*

*Alii a Phi-
lon*

druplex est opinio.

Ima illorum, qui censent Auctorem hujus libri esse Salomonem, ex his rationibus. Tum q. hic liber in græcis Bibliis, inscribitur. Sapientia Salomonis. Tum q. multi PP. ut Tertul. lib: de Præscript: c. 7. Cyprian: Ambros: Clemens Alexan: S. Basil: &c: tribuunt eum Salomoni. Tum q. ipse Author libri cap: 9. vocat se Regem, & edificatorem templi, qui alius esse nequit, quam Salomon.

2do Alij negant eum esse Salomonis, ex eo Tum q. hic liber si esset Salomonis, cognitus fuisset hebræis, & poneretur in Canone Sacræ scripturæ, qui tamen nec hebraice visus, nec in Canone hebræorum positus est. Tum q. liber hic primitus græcè scriptus videtur: Redolet enim græcanicam eloquentiam, ut constare potest ex collatione illiq. cum aliis libris. Tum q. Veteres, tres tantum libros Salomonis numerant. Nempè Proverbia. Ecclesiasten: & Cantica. Tum q. ita tenent gravissimi Authores, ut Lyran. Hugo. Dionys. Abulens. Loring. Pineda, Driedo, pluresq. alij. Tum q. Author hujus libri alludit ad fabulas Poetarum, qui omnes Salomone fuerunt longè posteriores. Unde S. Hieronymus in Prologo, illam inscriptionem in græcis codicibus dicit falso esse appositam. Alii SS. PP. dicunt ex eo illum vocari Salomonis, quia nomine illius, à quopiam est conscriptus, imitabaturq. illius sensa ac sententias, & inducit Salomonem loquentem. Hinc S. Augustinus lib: 2. de doctr. Christi: c. 8. & lib. 17. de civit: c. 20. dicit. Constantem esse opinionem, ejus libri Authorem, esse IESVM Filium sirach.

3tio alij putant esse Authorē hujus libri Philonem hebræum, qui paulo post Christum vixit sub Caio Caligula Imperatore. Ita censet Lyranus, Dionys: sed hæc Opinio videtur esse minus probabilis. Tum q. Philo mansit Judæus, infidelis, pertinax, & a Christo alienus. Tum q. Sapientia, ab Ecclesia tota numeratur inter libros veteris testamenti, qui ante Christum sunt conscripti. Tum q. hic liber citatur à S. Clemente Pontifice Epist: ima Et à S. Dionys: Areopagita c. 4. ut Sacer, & priscus. Tum

PRÆLIMINARIA

Tum q. à S. Hieron. & aliis viris illustribus textentibus cata logum librorum Philonis, nulla est facta mentio Sapientiae. Ex quo colligitur, non posse quidquam certi haberi de Authore Libri Sapientiae.

At tandem aliqui probabiliter conjiciunt quod sub tempora Ptolemæi Philadelphi scriptus fuerit liber Sapientiae græcæ, ab aliquo è septuaginta duobus Interpretibus, vel simili Rabbino, in gratiam Ptolemæi Philadelphi qui post Alexandrum cum esset 2dus Rex Ægypti, evocavit ex Judæa Septuaginta duos Interpretes, qui Biblia hebræa in græcum idioma traducerent.

*Alii ab uno
ex septu-
aginta
Interpre-*

QUANTUM ad ARGUMENTVM HUIJUS LIBRI

TRactatur hoc libro de vera Sapientia, illâq, practicâ, quæ est ratio agendorum secundum DEVM; agitur autem potissimum de illius origine, effectibus ac præmiis, adjungiturq; Vituperatio oppositorum veræ Sapientiae vitiorum, cum interminatione debitarum iidem pænarum.

QUANTVM ad OCCASIONEM & TEMPUS LIBRI CONSCRIPTI

Refert Cornelius à lapide quod mortuo Alexandro magno, Subjugatâ prius Persarum Monarchiâ, quatuor Duces Primarii divisērunt sibi ejus Imperium. Antigonus Asiam, Antipater Macedoniam, Seleucus Syriam, Ptolemæus Ægyptum occupavit. Judæa verò media inter Syriam, & Ægyptum fuit locus prædæ; unde Ptolemæus abduxit centum viginti millia Captivorum, ubi multi ad gentilitium defecerunt. Post mortem Ptolemæi Lagi, successit Filius Ptolemæus Philadelphus, ab initio gravis, postea additus Judæis, utpote reconciliatus iisdem per septuaginta duos Interpretes; ex quibus unus ad instructionem hujus Regis videtur conscripsisse librum Sapientiae & ad consolationem, confirmationemq; Judæorum, ne à DEO, restâq, fide ad idola ægyptiorum deficerent.

*Occasio &
tempus cō-
scripti librè
Sapientiae*

LIBRI SAPIENTIÆ.

Caput. i.

1.



Illigite Iustitiam, qui iudicatis terram. Sentite de Domino in bonitate, & in simplicitate cordis, quærite illum.

2.

Quoniam invenitur ab his, qui non tentant illum: apparet autem eis, qui fidem habent in illum.

3.

Perversæ enim Cogitationes separant à DEO, probata autem virtus corripit insipientes,

4.

Quoniam in malevolam animam, non introibit Sapientia, nec habitabit in corpore subdito peccatis.

5.

Spiritus enim Sanctus disciplinæ effugiet fletum, & auferet se à cogitationibus, quæ sunt sine intellectu, & corripietur à superveniente iniquitate.

6.

Benignus est enim Spiritus Sapientiæ, & non liberabit maledicum à labiis suis: quoniam renum illius testis est DEUS, & cordis illius scrutator est verus, & lingvæ ejus auditor.

7.

Quoniam Spiritus Domini replevit orbem terrarum: & hoc, quod continet omnia, Scientiam habet vocis.

8.

Propter hoc, qui loquitur iniqua, non potest latere, nec præteriet illum corripiens iudicium.

9.

In cogitationibus enim impii interrogatio erit: Sermonum autem illius auditio ad DEUM veniet, ad correptionem iniquitatum illius.

10.

Quoniam auris zeli audit omnia, & tumultus murmurationum non abscondetur.

11. Custodite ergo vos à murmuratione, quæ nihil prodest, & à detractiōe parcite lingvæ: quoniam sermo obscurus in vacuum non ibit: os autem quod mentitur, occidit animam.
12. Nolite zelare mortem in errore vitæ vestræ, neque acquiratis perditionem in operibus manuum vestrarum.
13. Quoniam DEVS mortem non fecit, nec latatur in perditione vivorum.
14. Creavit enim ut essent omnia: & Sanabiles fecit nationes orbis terrarum: & non est in illis medicamentum exterminii, nec inferorum regnum in terra:
15. Iustitia enim perpetua est, & immortalis, Injustitia autem mortis est acquisitio.
16. Impij autem manibus, & verbis accersierunt illam, & æstimantes illam amicam, defluerunt, & sponsones posuerunt ad illam: quoniam morte digni sunt qui sunt, ex parte illius.



SYNOPSIS CAPITIS
&
DISPOSITIO OPERIS



Versus Sexdecem hoc Capite continentur, in quorum pene singulis, plures Sententiæ, ad varias doctrinas eruendas servituræ reperiuntur; proinde seorsim quosq; sensus expendere animus est. Tria verò in explanatione singulorum præstare conabor. 1mo verba, & sensus afferendorum textuum, juxta mentem Interpretum exponentur. 2do Quæstiones inde oriundæ, difficultatesq; intervenientes solventur, & ad discursus formandos accommodabuntur. 3tio. Annotationes, argumentis de Sacrarum literarum penu, & SS. Patrum testimonio desumptis firmatæ, atq; congrua eruditione exornatæ, plurimum Concionaturis subservituræ afferentur. Totum autem opus in quatuor partes aut libros dividetur, quarum singulæ, quatuor versus assumpti Capitis explanabunt. Porro materia seu argumentum præsentis capitis est: imprimis invitatur omnes, potissimum tamen Præsides, ac Regnorum moderatores, ad amorem veræ Sapientiæ, ad quam invenientiam ac complectendam, efficaciam proponuntur media: deinde impedimenta demonstrantur, quæ vitanda & amovenda sunt, veram Sapiëntiam inquirenti.

PARS PRIMA.

EXPLICANDI CAPITIS.

Primos quatuor versus hæc Pars continebit, quorum singuli juxta ordinem & modum immediatè expressum proponentur, ac explanabuntur.

PRIMVS VERSVS.

Diligite *Justitiam, qui judicatis terram. Sentite de Domino in bonitate, & in Simplicitate cordis querite illum.*

EXPOSITIO SS. PATRVM

Diligite *Justitiam qui judicatis terram.* Imprimis S. Basilii in Psal. 44. ad illa *dilexisti Iustitiam*, dicit: hoc loco imperari non qualemcunq; sed vehementem Iustitiæ amorem, ut deducitur tum ex græco tum ex hebraico textu. Syrus & Arabicus ista verba: *Iudicatis terram*, legit: *Iudices terræ.* Antonius in melissa pars 2. ser 9. legit: *Qui judicia exercetis inter homines.* Alii legunt: *Qui regitis terrā*

Per *Iustitiam* Cornelius à lapide, intelligit virtutem specialem, vī ejus redditur jus suum cuiq; hanc enim Principes tueri debent, velut basim, & columnen Reipublicæ. S. Bernardus sumit pro Penitentia
&c

PARS PRIMÆ

& patientia in quavis tribulatione. Christophorus à castro, aliq̃, Iustitiam hic accipiunt pro complexo virtutum; qualibet enim virtus præscribit ea, quæ ad officium hominis spectant, ut honestè secundum rationem, legem & voluntatem DEI vivat. Vatablus hoc loco; pro *diligite Iustitiam*, ponit: *diligite Sapientiam*. Unde noster à Castro ita hunc locum exponit: Vos ò Principes, rectoresq̃; hominum, à quibus prodit totius populi salus, diligite virtutem, & Sapientiam sectamini.

Sentite de Domino in bonitate. Imprimis S. Hieronymus in c. 55. Isaia legit: *usu & praxi gustate & sapite DEI Iustitiam, virtutem, & Sanctimoniam.* 2do Dionysius. Clarius & Vatablus, eius loci hunc sensum esse volunt: O Reges curate, ut de DEO, Deiq̃; Providentia, Majestate, Sapientia, cæterisq̃; attributis, ita sentiatis, & sapiatis, sicuti revera ipsa se habent in Deo. Hinc S. Cyrillus in concilio ephesino, prædictum versum sic exponit: *sentite de Domino que vera sunt.* 3tio, Cornelius à lapide: *sentite de Domino in bonitate*, id est in probitate, honestate, virtute, Sanctitate, quod ipse sit probissimus, honestissimus, Sanctissimus, adeoq̃; fons omnis iustitiæ, probitatis, Sanctitatis &c. Idem hæc verba: *In bonitate* legit: *in benignitate, & beneficentia.* Sentire de DEO, quod non sit Severus & crudelis, sed benignissimus & beneficentissimus, dives in omnes. 4to Sensus Symbolicus est: sensui Intellectus consentiat sensus Voluntatis, ut scilicet rectè Bonitatem DEI mente concipiat, & voluntate ametis, ac moribus exprimatis, juxta illud Psal: 110. *Intellectus bonus omnibus facientibus eum*, vel ut legit D. Hieron. Doctrina bona his, qui faciunt eam. 5to S. Bonaventura sensum mysticum hunc affert: *sentit de Domino in bonitate*, qui Sacram scripturam, quæ DEI est verbum piè legit ac intelligit: non redarguendo, sed approbando & exequendo.

Et in simplicitate cordis, querite illum. S. Hieron, lib. 1. contra Pelag: addit: *In sapientia & simplicitate cordis querite DEUM.*

Aliqui itaq̃; imo apud Cornelium à lapide exponunt: *Querite*
De-

PARS PRIMA

DEUM corde simplici & sincero, non duplici, ficto & simulato. 2do alii cum S. Cypriano lib. 3. testimon. c. 33. sumunt simplicitatem, prout hæc opponitur curiositati, ut sensus sit: nolite curiosè scrutari DEI majestatem, Providentiam &c: 3tio S. Aug: lib: 1. de serm: Domini in monte, cap. 7. *simplicitatem* accipit pro puritate, ut opponitur missioni. Unde juxta illum, prædictus textus sic exponitur: Puro corde quarite DEUM. 4to Alii sumunt simplicitatem, pro integritate & perfectione; proinde dicitur vir simplex, id est integer & perfectus. 5to Holcot per *simplicitatem*, intelligit charitatem. 6to tandem à nonnullis *simplicitas* accipitur pro candida liberalitate. Accommodatè itaq; ad allatas PP, expositiones, sensus prædicti textus est: Principes, non dimidiato, imperfecto ac languido, non arcto & stricto, sed integro, perfecto, largo & liberali corde quarite DEUM, non dividendo scilicet illud in creaturas, sed totum, quantum quantum est, DEO tradendo, quod sit per plenam Charitatem.

RESOLVTIO

OCCVRRRENTIVM DIFFICVLTATVM.

TRia hæc potissimum veniunt exponenda: Imo cur Sapiens sermonis sui initium ducit ab invitatione Principum ad diligendam Iustitiam? 2do explicandum quid simplicitas, ac illi opposita doloſitas? Imo, cum sæpè a plerisq; prudentia cum doloſitate immeritò confundatur, etiam ejus notitia adjungenda. 3tio modus querendi DEUM, afferendus.

Quano

*Amor, effi-
cax argu-
mentum
ad persua-
dendum*

Quantum ad Imum: non Incongrua ratio esse potest: ideo Sapientem sui Sermonis sumpsisse initium à dilectione Iustitiæ, ut ostenderet præcipuum & probatum ad quævis consequenda Duce[m], esse Amorem. Intendebat Sapiens Principum animis & curæ insinuare Iustitiã, ejusq; obtinendæ proponere media; ergo prius amorem illius ingerit; ut sic felicius in sua vota omnes trahat. Nullum enim efficacius ad persuadendum, nullum fortius ad inclinandas in partem propositam hominum mentes, esse potest argumentum, quam illud, quod ab amore pondus & robur accipit. Hinc S. Xaverius Sociis suis inter præcepta commendabat curam, quoad fieri posset, diligere se ab omnibus, addens rationem: *Nulla scilicet re magis animos hominum flecti in omnes partes quam amore.* Beatus vero Laurentius Justinianus c. 14. de triumph: Christi agone, dilectionem dicit esse radicem omnium Virtutum, qui ait: *Ubi est Charitas, ibi est bonorum operum fecunditas, in illa tanquam in radice, virtutes universe insertæ sunt. Vivunt, prorsus, quamdiu in dilectionis radice subsistunt. Succide radicem, & repente rami, fructus exsiccantur & folia.* Non immeritò itaq; dilectionis Iustitiæ commendationem præmittit Sapiens, sine quâ sicut nec aliæ virtutes, ita & Iustitia in cordibus Principum radicari non poterat.

Addit 2dam rationem Cornelius à lapide: nam sicut Ecclesiastes initio proposuit thema totius libri dicens: *Vanitas vanitatum & omnia vanitas,* quod deinde toto libro prosequitur, probat & confirmat; sic Sapiens proponit thema & argumentum totius Sapientiæ suæ; hæc enim non aliud tractat, non alium scopum spectat, quam ut doceat omnes homines, præsertim Principes, diligere justitiã, DEUM cognoscere, amare & revereri, ac simplici corde illum quærere, colere & venerari. In hoc enim consistit vera, cælestis & divina Sapientia.

Quan-

RESOLUTIO

Quantum ad 2dum. Imprimis: Prudentiam illi omnes habere dicuntur, qui nihil ex improviso & impetu naturæ, sed omnia ex consilio, & propter finem prævisum agunt. Unde Prudentia consistit in actionibus honestis ex regula rectæ rationis ad omnes circumstantias temporis, loci, Personarum, legum, eventuum perspicacis, provenientes. In quo ipso plures actus interveniunt: Nam Imo apprehenditur per Intellectum finis, in eo postea complacet voluntas, & illius assequendi sequitur intentio, tandem procedit consilium de mediis ad finem conducentibus, electioq; præferens unum præ altero.

Quid prudentia?

Deinde per simplicitatem non intelligitur hoc loco imperitia: quia hanc non commendaret Christus, prout commendat simplicitatem, dicens: *Estote prudentes sicut serpentes, & simplices sicut columbæ.* Idem ergo hic sonat simplicitas, quod sine dolo & fūco. Simplex enim dicitur quasi sine plica, non habens cor duplex, ita ut aliud foris ostendat, aliud mente gerat. Unde simplicitas debet esse conjuncta cum Prudentiâ, & vicissim; ita enim quisq; debet esse simplex, ut non pateat aliis via eum decipiendi; ita prudens, ut nulli noceat, nullum decipiat. Dolositas tandem & culpanda astutia consistit in abusu prudentiæ, seu potius ingenii ad alios decipiendos. Hinc dolosus malum finem intendit, aliudq; foris ostendit, aliud mente tegit.

Quid simplicitas?

Quid dolositas?

Quantum ad 3tium. Compendiosissima inquirendi & inveniendi DEVM, via est, sedula Christi Domini imitatio, quam & ipse Salvator multis in locis sui Evangelij, & SS. Patres nobis commendant; nam ut cætera omittam testimonia, cum in ultima, quam habuit Christus cum discipulis suis sermocinatione, dixisset Thomas: *Domine nescimus, quo vadis, & quomodo possumus viam scire?* Respondit ille: *Ego sum via, veritas & vita,* quasi diceret: non potest esse certior ac securior via ad eum ac quem vado, nisi per me ipsum, meiq; imitationem. Unde S. Leo serm. 16 de Pas: ait: *Dominus ipse factus est nobis via, quia nisi per Christum, non itur ad*

Modus inveniendi DEVM, imitatio Christi

Christum; per ipsum autem ad ipsum tendit, qui per Semitam patientiæ & humilitatis ejus incedit. Magnus verò Hipponensis Præsul Augustinus, ut ad eandem imitationis viam nos excitaret incundam, induxit Christum suo in sermone super matth. c. 5. unumquemq; nostrum interrogantem, dicens: *Qua vis ire? ego sum via: quo vis ire? ego sum veritas: Ubi vis permanere? ego sum vita. Ambulare vis? ego sum via: falli non vis? ego sum veritas: mori non vis? ego sum vita.*

Alterum modum querendi DEUM, proponit S. Hieronymus cum in cap. 55. Isaia scribens, ait: *Querite Dominum, dum inveniri potest, quærite non loco, sed fide & penitentiâ.* Et certe aptissimus cuivis Christiano homini DEUM investigandi modus, frequens Divinæ fidei exercitium, defectu enim actualis fidei, de præsentia DEI omnia cernentis, ingens per mortalium animos, serpit morum corruptio.

ANNOTATIONES.

Siquidem tres prædicto veru continentur Sententiæ, in singulas earum depromuntur variae annotationes ac reflexiones, incipiendo a Imo textu dicente: *Diligite Iustitiam qui iudicatis terram.* In hoc possimum quatuor fontes occurrunt, ex quibus facile deduci possunt morales doctrinæ. Imus est: cur ad illos tantum cohortatio incipit, qui iudicant terram, & non etiam ad eos, qui iudicantur & subsunt? adus. Cur iudicib; ac Præsidibus non alia virtus, sed iustitia diligenda commendatur? 3tius cur inter iudicandos nulla diversitas & distinctio ponitur, sed omnes eodem nomine terræ exprimentur? 4tus quare ad illos etiam non fit adhortatio, qui iudicaturi sunt & regimen obtineant, sed solum ad hos, qui in præsentia iudicant, & regunt populum.

AN.

A N N O T A T I O

DILIGITE IUSTITIAM QUI JUDICATIS TERRAM.

AD illos duntaxat sufficit cohortatio, qui judicant & regunt terram; nec est necesse ut ipsi judicandi aut subditi impellantur ad amorem Iustitiæ: qualis enim fuerit Rex, qualis Gubernator, talis erit & populus. Regis ad exemplum totus componitur orbis. Efficacissimum nempe exhortandi genus est, boni principum mores. Exhortatione egent Principes ut ament, amplectantur Iustitiam. Exemplum verò Præsidum, omni sermone vocalius, populi ad omne bonum inclinabit animos. Ab exemplari Regum vita, omnium pendet salus. Ab illis debet incipere emendatio, ut cæteri sanentur.

*Bonum
exemplum
Principum
Salus sub-
ditorum.*

Sicut natura, juxta multorum Philosophiam, primum in Embrione format cor: quia ab eo in cætera membra prorogatur vita. Sicut radicem arboris fovemus, & sæpe rigamus, ut omnes arboris rami, in vigore permaneant; sic Reges, Principes instruendi sunt, ut omnes salubriter Sapiant. Hinc Solon Atheniensis [teste Laertio] Præsides ac Reges Corpori, subditos umbræ comparabat: nempe ad motum corporis, se accommodat umbra; ut enim, inquit, umbræ figuras Corporum, ita subditi homines, majorum mores imitantur.

*Illi prius
formandi,
ut alii in-
formantur.*

Rectè S. Fulgentius, epist. 6. ait: *Qui sunt in culmine seculi constituti, aut plurimos secum perdunt, aut plurimos secū, in viam salutis perducunt.* Non minùs probè Romanus monet Philolophus: *Hac est subditorum consuetudo, ut Principes suos, tam in bono, quam in malo imitentur, ideo qui alijs imperant, plurimum cavere debent, ne eos suo depravent exemplo.* Et Cicero lib. 1. ep. 9. quales in Repub: Principes sunt, tales reliquos solere esse cives.

Isaie 51. Hortatur Propheta omnes
Iera-

Israelitas: *Attendite ad Abraham Patrem vestrum, & Saram, quæ peperit vos.* Cur ita monet & inculcat attentionem ad exempla Antecessorum? ut scilicet ostendat, unius viri Principis ac faminae recordationem, sufficientem esse, ad hoc, ut populus ille universus imò & totus orbis ad pietatem instruatur. Audiamus D. Greg: Nissen

*Exemplo-
bono redu-
citur mali
à suis viis.*

in lib. de vita moysis differentem: *Quicumq;*, inquit *hujus vita flumibus oppressi à virtute aberrant, exemplo Abrahæ ac Saræ, quasi quodam gubernaculo, ad Divina Voluntatis portum revocantur.* Præclare D. Cyprian: lib de duplici martyrio ait: *Efficacius est vita, quâ lingua testimoni; habent & opera suam linguâ, habent suam facinorâ tacente lingua.*

Ioan: 4 Credidit ipse, & domus ejus tota. Non legitimus descendisse in Aulam illus Reguli, Apostolos, Concionatores, qui prædicarent illi populo veritatem Evangelicam. Quid ergo tam efficacissimè persuasit veram fidem? Exemplum Reguli. Credidit ipse, inde in totam domum propagata fides, & domus ejus tota. S. Thomas in C 4. explicat: *scilicet servi & ministri: quia secundum conditionem Dominorum, sive bonam sive malam, servi disponuntur.* Cum Rudolpho Imperatori sitienti, in bello Contra Regem Bohemiæ, offerretur à rusticola sciphus aquæ, eum repudiavit dicens: *Habe tibi vasculum: nam ego exercitui, non mihi sitiebam.* Et hoc modo milites ad ferendam patienter sitim incitavit.

Exuditio

*Demon
maximè
Præsidium
insidiatur.*

Lucæ 22. manifestat Christus Apostolis, quid de illis animarum hostis cogitaret: *Eccè sathan expetivit ut cribraret vos sicut triticum* S. Cyprian: legit: *ut vexaret vos.* S. Ambros: *ut cerneret:* Tertul: *ut discerneret.* Dionys. Carth: ut tentationis suæ impulsu agitare, concuteret, & furbaret sicut triticum in cribro. Et addit Christus: *Ego autem rogo pro te Petre ut non deficiat fides tua.* In quem locum S. Leo *Diabolus omnes exagitare, omnes cupiebat elidere, & tantum specialia à Domino cura Petri suscipitur, & pro fide Petri præcipue supplicatur, tanquam aliorum status certior sit futurus, si mens Principis victa non fuerit.*

Mar.

Marci 6. *Da mihi in disco caput Ioannis Baptiste*, petiit illa saltatrix Puella. Cur non oculos eruendos? cur non linguam præcedendam petit, sed Caput? Opuelam non minùs astutam, quam malam! Petiit Caput: nam illo deficiente, omnia membra cadunt. Unde D. Bern: *Membrum Caput sequitur, quo laborante omnes corporis partes laborare necesse est.* Et certè velut ad motum rotæ principalis in horologio, reliquæ omnes moventur. Angeli item inferiores illuminantur à superioribus. Cælorum deniq; motus procedunt ad motum primi mobilis, ita componitur Orbis, Regis ad exemplum. Nam teste Claudiano: *Non sic inflectere sensus humanos edicta valent, quam vita regentium.*

*A capite
malum in-
cipit.*

Cant: 1. sponsa clamat: *Trabe me post te, curremus in odorem ungventorum tuorum.* Cur dicit curremus, si sola trahenda erat? *Trabe me.* Origenes refert conchas marinas, inter se eligere Reginam, velut apes eligunt Regē, easq; ad motum Reginae moveri. Si Regina hæret immobilis, & ipsæ eodem tenentur loco, comitanturq; euntē. Sponsa cælestis velut Regina, plures domicellas in suo comitatu habebat; dicebat itaq; sponso, *trabe me post te*, id est [ut explanat D. Thom: à villa nov: in cap. 1 Cant.) *Non ipsa venire possum per me, sed tu trabe, sequar te, si trahis me.* Quod domesticas meas attinet, ipsæ ad motum meum movebuntur. prout infert Hugo Card: in c. 1, can: *Ne curram ego sola, licet sola trahi petierim, curremus ergo simul & adolescentule mecum meo exemplo excitata.* Hinc S. Isidorus Pelusiota lib. 2. Ep. 209 ait: *ita naturâ comparatum est, ut ad ejus, qui præest, similitudinem, ii qui parent, se se effingant.*

Ioan: 6. Cum Christus cibare vellet turbam, fragmenta panis deferenda, non aliquibus ex turba committebat, sed Apostolis; cujus rationem inquirens D. Chrysost: ait: *Sed quânam gratiâ, non dedie turbae ut ferrent, sed discipulis? quoniam hos magis erudiri volebat, qui totius orbis Magistri erant futuri.*

A N N O T A T I O 2da.

DILIGITE JUSTITIAM, QUI IUDICATIS TERRAM.

DOcet Theologia Justitiam esse virtutem ad alios. Reges, Praesides, Iudices non sibi tantum, sed & aliis vivere debent.

Alis non sibi Princeps vivere debet. Principes sunt tanquam luminaria: *Fecit duo luminaria magna, luminare majus ut praeset diei, & luminare minus, ut praeset nocti* Gen. 1. non sibi sed alijs lucere debent

Simili. Principes debent esse adinstar putei, qui ideo decurrentibus aliunde repletur aquis; ut alii habeant quod hauriant. Fons nisi per campos diffundatur, stagnante corruptus aqua à sua deficit natura, ita & Praesides suo defunt muneri, si suis duntaxat, non aliorum serviant commodis.

Similes eos oportet esse nubibus, quæ ideo ex humoribus terræ, in sublime elewantur, ut terras deciduis recreent imbribus.

Principes convenit esse tanquam arbores, quæ aliis, non sibi fructificant.

Exemplo. Adrianus Imperator, obtento Imperio dixit: *sic gesturus sum principatum, ut sciam. rem populi esse, non meam privatam.*

Apocal: 12. Cur Agnus dignus acclamatur accipere honorem, gloriam &c: quia vellus non propter se, sed ad aliorum fovendum calorem, servat: *sic vos non vobis, vellera fertis oves.*

Pastor non seipsum sed oves pascere debet. Ioan: 17. Eligit Christus Petrum Praesidem, audiamus cum qua instructione illum instituit, *Pasce, inquit, oves meas;* non se pascere, sed oves debuerat, qui Princeps eligebatur. Nec prius pascendas Christus committit oves; antequam intellexerit, quod illum diligit Petrus. *Simon amas me? Pasce oves meas.* Isidorus in hunc locum: *Nemo debet Pastoris officium accipere, nisi charitate ceteris antecellat.*

Et S. Greg: hom 17. in Evang: addit: *Nemo propriè ad semet- ipsum habere caritatem dicitur, sed dilectio in alterum tendit, ut caritas esse possit.* *Pastor non seipsum sed oves pascere debet.*

Cant 2. Gloriatur sponsus dicens: *Ego flos campi.* quare non ex- li fidas? cur ille immortalis decor sectatur in campo flores? aut si flos dici optat, cur non horti vel vicidarii, sed campi flos appelletur? Enimverò in eo exultat sponsus, quòd & flos sit & campo sufficiat, non sibi conclusus inter septa, sed aliis patenti campo floreat.

Ioann: 15. *Ego vos elegi ut caris & fructum afferatis,* non retine- re sibi, sed ferre alijs fructum debent, qui electi sunt ad ho- norem.

A N N O T A T I O 3tia.
DILIGITE IUSTITIAM. QUI IUDICATIS TERRAM.

Diligite, inquit, Iustitiam, id est omnium Virtutum collectionem & complexum, juxta quorundam expositionem. Cur unam vir- tutem commendandam non selegit, sed omnium Virtutum amorem *Unam vi- tiu n tota laudem corrumpit* inculcat Sapiens? nempe exprimere volebat, plenam cujusq; potissimum verò Principum laudem, non in una aliqua virtute consistere, sed omni- um possessor virtutum esse debet, qui laudari desiderat. Non me- retur commendationem nisi ille, qui totam implevit legem. Vel unius virtutis defectus, universa corrumpit encomia.

Unam partem si deforme afficiat ulcus, totum corrumpit decorem formosi vultus. Etiam unica macula auro depictam vestem, à de- bito deiecit pretio. nec tota consonat harmonia, si vel unica citharæ frangatur fides. Quid prodest toto ore esse venustum, si nasum ab- sumpsit lues.

A simili

Quid profuit Goliath 1. Reg: 17. quod cassis ærea super caput ejus, & lorica quamea induebatur, & ocreas æreas habebat in cruribus, & clypeus æneus tegebat humeros, cum sola fronte nudus, vulnere locum reliquerit.

Quid Dan. 2. iuvabat statuam nabuchodonosoris quod capite aureo attolleretur, pectus praeferret argenteum &c: quando pars una fictilis pedum, totius ruinae fundamentum fecit. Rectè socrates monet:

In vita perinde ut in simulacro, omnes partes pulchras esse oportet.

Calisthenes Philosophus Alexandrum modestè commoneat, ne sibi *Principes* divinos honores, utpote homini mortali reddi exigeret; quem ipse *nolunt sibi* naribus, auribus, labiisq; truncatum, & in cavea cum cane inclusum, *vera dici.* tandem necari iussit, labem suo nomini aeternam vel hoc unico opere inurens. Unde seneca quaest. natur. lib. 6. c. 23. ait: Hoc est

Uno scelere Alexandri crimen aeternum, quod nulla virtus, nulla bellorum felicitas redimet. Nam quoties quis dixerit: Occidit Persarum multa millia; Alexandri opponetur & Calisthenem. Quoties dictum erit: Occidit Darium, omnia praepenes quem tunc magnum regnum erat; opponetur & Calisthenem. Quoclarè gesta ries dictum erit: Omnia vicit, Imperium ex angulo Thraciae, usq; ad cōtaminā-Orientis terminos protulit, dicitur sed Calisthenem occidit. Ex his tur: quae fecit, nihil tam magnum erit, quam scelus Calisthenis.

Psal. 32. Confitemini Domino in Cithara, in psalterio decem chordarum psallite ei. S. Augustinus in haec verba: Psalle in psalterio decem chordarum; praecepta enim legis decem sunt, in decem praeceptis legis habes psalterium. S. Hieron. lib. 6. in Isai c. 16. ad nostrum Totius le-*gu sit obser-*propositum suam affert expositionem, dicens: Quomodo cithara non ratio. emittit vocalem sonum, atq; compositum, si saltem una chorda rupta fuerit; sic si una chorda Virtutum defuerit, non poterit melos dulce resonare.

Talis debet esse qualibet anima, suo sponso placere studens, qualis laudatur Cant. 4. Tota pulchra es; alia vix laudem meretur, si quid ei ad integritatem pulchritudinis defuerit.

A N N O T A T I O

4ta.

DILIGITE JUSTITIAM QUI IUDICATIS TERRAM.

Prius diligendam proponit justitiam, antequam Iudicium explicet officia. non placet DEO, ut quis præscribat legem aliis, ipse si. *Sibi quis* ne lege vivens. Sapientia maxima est, sibi ipsi prius providere, *prius pro-* ut melius alii instruantur. male gubernat alios, qui seipsum regere *videre de-* nescit. *bet de vir-*

Rectè Plutarchus: *Non est, inquit, cadentis alium erigere.*
Quid prodest aquæ, quod aliorum vultum & manus lavet, si ipsa deter-
sas contrahat lordes? Quid emolumenti pictor refert, qui penicillo
egregias efformat facies, cum ipse Therfites sit.

Prudenter olim prudentes Virgines: *Nefortè non sufficiat nobis &*
vobis, ite potig ad vendentes. Matth. 15. In quem sensum eleganter
mellifluus Doctor D. Bern: *Nam Charitas, inquit, non modo habet, Abundare*
sed etiam abundat, vult abundare sibi, ut possit omnibus, servat sibi debet qui-
quantum sufficiat, ut nulli deficiat. *sibi & aliis*

Non sine mysterio David Psal: 41. gloriatur: *Eruñtavit cor meum vult sufficere*
Verbum bonum. In hunc locum S. Bern: *Eruñtandi verbo usus est*
ut ostenderet, quod de plenitudine eruñtaret, non oscitaret de inanitate.
Eam prudentiam imitata est illa de uxoribus Prophetarum mulier, quæ
excusans se apud Elisæum, quod sua creditoribus non persolveret, ait:
Non habeo ancilla tua quidquam in domo mea, nisi parum olei quo
ungar. 4. Reg: 4. S. Bernard. de nativ: S. Ioan: Bapt: dicit: *Non*
est mihi, nisi modicum olei, quo ungar, volo illud in vase tutius quã
in lampade possidere: quasi diceret: Volo potius ex illo mihi prodesse
ad vitam, quam aliis prælucere ad doctrinam. Undè rectè Claudia-
nus canit: *Tunc omnia jure tenebis, cum poteris rex esse tui.*

Cant: 1. Sponsa querulatur: *Posuerunt me custodem in vineis, vi-*

Ce

neam

Sibi non *neam meam non custodivi.* quasi innueret: alienas animas curavi, me-
desit alio- am neglexi. Hinc S. Bern: Ego, inquit, loci hujus occasione, me ipse
rum Custos reprehendere soleo, quod animarum susceperim curam, qui meam non sufficerem
custodire.

Ordinatae Charitatis exemplum proponit nobis D. Paulus 1. ad
Cor 9. dicens: *Omnibus omnia factus sum, ut omnes facerem salves.*
Ita enim omnium saluti invigilabat, ut se quoq; ab omnium salute non
excluderet. Sicut D. Bernard. lib. 1. confid: ad Eugen: Papam, eum
Charitas locum expendens, ait: *si totus vis esse omnium, instar illius, qui omni-*
ordinata *bus omnia factus est, colligat & te, intra se sinus, qui omnes recipit;*
à se incipiat cum omnes te habeant, esto etiam tu ex habentibus unus. Et lib: 2.
A te incipiat consideratio tua, & in te finiatur, tu primus tibi, tu ul-
timus.

Psal: 118. *Eruclabunt labia mea hymnum, cum docueris me justi-*
ficationes tuas. D. Ambr: ierm: 22. in hunc Psalmum: *Non po-*
test quis ante eructare hymnum, nisi didicerit iustitias DEI.

Satis Christiano Spiritu, licet Ethnicus Philosophus praescribit mo-
Bene reget nita: Ep. 37: *Si vis omnia tibi subicere, te subice rationi, multos*
alios, qui reges, si ratio te rexit. Huc spectat Catonis majoris dictum, quod
seipsum re- Plutarchus refert: *Eam demum Optimum, & laude dignum Imperato-*
gere novit. rem, qui propriis affectibus imperaret.

Præstantissimus quibusdam videri posset Sesostris Regis ægypti tri-
Passiones umphus, qui Reges quatuor à se subjugatos, jumentorum in morem,
magis do- currum suum pertrahere cœgit. Sed omnem pompam inanem is exsu-
mande quā perat, qui quatuor potentissimas passiones subiecit rationi. D. Augu-
hostes stinum audite: in Psal. 2. *Et nunc Reges intelligite, jam Reges, id est*
jam valentes regere, quidquid in vobis servile aut bestiale.

Invictissimus Imperator Carolus v. neapolim ingressus, super Ur-
bis portas, indomitum sine freno equum depictum contuitus intellexit,
libertatis neapolitanæ symbolum esse & adjecit: *Rectè se habet, facit*

breui, ut frenum habeat. Ita quisq; Princeps deberet primo seipsum frenare, qui populum subiectum sibi habere desiderat.

ANNOTATIO sta.

DILIGITE IUSTITIAM QUI JUDICATIS TERRAM.

Omnēs iudicandæ ac subditi uno nomine terræ exprimuntur. nullo scilicet Personarum respectu, Reges, Iudicesq; moveri debent. Ad tribunal, æquitas & Iustitia, non respectus ac Personarum discretio præsidere debet. Decreta ferre, sententiam concludere, Iustitiæ officium est, non respectuum.

*Iustitia
absq; respectu*

Iudices ac Principes moysen imitari deberent, qui ut legitur Exod. 34. faciem suam coruscantem, superinducto velo occultabat, fortassis ostendendæ æquitatis causâ, ne ad hunc potius, quam ad illum oculos intendere videretur.

Thebani teste Plutarcho lib. de Iside & Osiride. Item ægyptiî, teste Isidoro siculo, de fabulosis antiquorum gestis, depingebant Iudices clausis aut etiam effossis oculis, ut significarent: Iudicibus nec oculos quidem competere, quos ad litigantes reflectendo, unâ cum oculis, affectus in eorum partes inclinarent, & qui oculati essent corpore, cæci animo redderentur. Qui enim Personam respicit, in causa caligat. Et ut loquitur D. Ambros: *Ubi errat oculus, ibi errat affectus.*

Iudicis oculi clausi

Clemens Romanus lib. 2: constit. & D. Basil. Ep. 39. ad Eustochium referunt apud nonnullas gentes fuisse consuetudinem, ut Iudices nunquam capitalem, ferrent Sententiam, nisi obductâ Cortinâ, aut interjecto velo tegerentur, ut sic nihil respectui concederetur, omnia committerentur Iustitiæ.

Nihil dâ dum respectui Personarum

Apud simandium Iudex pingitur, è collo suspensam habens veritatem, oculosq; in sinum dejectos, cum octo legum libris circumstantib;

quo significatur: Iudices integros esse debere, & solam inspicere veritatem ut notavit Pierius Hierogl: 41. c. 4.

*Nihil San-
guini.*

Canutus Vandalorum Imperator deprehensus in merica latrones, cum morti addixisset, unus eorum exclamavit: se esse de cognatione Canuti, Sanguinis jure, se vitam deposcere. Sed reposuit iustissimus Rex: *Cognato nostro, ut honoratior sit, sublimiorem parate Crucem.*

*Non affe-
ctus, sed ju-
dicia cau-
sas exami-
net.*

In Republica Veneta mos inolevit, ut priusquam Senatores Curiae pedem inferrent, ad Templum S. Marci descenderent, privatas ibidem similtates ac inimicitias, si quas conceperant, deposituri, ne sicut amant aut oderunt, judicent.

Alexander cum ab illo Olympia mater, necem innocentis extorquere vellet, idq; per partus dolores obsecraret, respondit: *Aliam mater mercedem pete, hominis salus nullo pretio compensatur.*

Quā generosā mente declaravit, nullos etiam maternos affectus in Iudicum subsellis habere locum. Lex & ratio cujusq; causam promovere debet, non affectus.

*æquanimi-
tas in Ju-
dice.*

Ioan: 5. Iudex noster supremus, normam judicandi præscribit, dicens: *Ego sicut audio judico.* Quæ D. Bernard. de grad: humil: sic exponit: *Non sicut odi, non sicut amo, non sicut timeo, sed sicut audio, judico.*

Auro notanda est sententia Caroli v. Imperatoris: quemadmodum, inquit ille, sol in medio Astrorum consistens, tam egenis quā divitibus, æquali modo ac mensurā dispensat; sic Principum ac Iudicum est, sine ullo Personarum respectu, subditorum causas examinare, & æquali Iustitiæ lanci appendere. Confirmat Arnobaldus contra Gentes: *Magnarum est mentium, pari pendere cunctos lance, & individuas cunctu exhibere benevolentias.*

Psalm: 45. Propheta deprædicat, quod DEUS: *in medio ejus non commovebitur.* In quem locum acutè, more suo D. August: *Quid est ergo DEUS in medio ejus? hoc significat, quod æquus est omnibus DEVS, & Personas non accipiat, quomodo enim illud, quod in medio est, paria habet paria ad omnes fines, ita DEUS dicitur æqualiter omnibus consulens.*

Cur

Cur Matth. 24. dies iudicii comparatur cum illo tempore, quod præcedit æstatem: *Cum videritis hæc fieri, scitote quoniam prope est æstas.* Nempe tempore illo, nulla apparet diversitas inter arbores, in omnibus folia frigore hyemis detracta, viriditas exaruit, nec habet arbor, etiam maxime fructifera quod offerre valeat; proinde in tali forma iudicia agitari debent, ut nihil detur respectui, nihil concedatur muneribus, integrum judiciariæ Potestatis munus ad Themidis bilancem referatur.

Archiepiscopus Colonienſis anno 1057. cum comperiſſet Iudices falſam ſententiam in cauſa pauperis faminæ tulliſſe, omnibus crui oculos juſſit, excepto, qui ſolus uno oculo privatus, cæteros domum deduceret, in ejuſq; memoriã ſupra domos excæcatorum capita figurina cum effoſſis oculis collocanda curavit, [ut ſcribit Dreſſer: millenſ. vi. part: 2.) tanto ſpectaculo docendo omnes Iudices ut totum æquitati, nihil reſpectui in ferendis ſententiis concederent.

A N N O T A T I O 6ta.

DILIGITE IUSTITIAM. QUI JUDICATIS TERRAM.

Omnēs uno nomine terræ compellantur, Iudicum ac Regum Subditi: non enumerat Sapiens Urbes, villas, territoria, hominum genus ac titulos, ſed omnes ſub uno terræ nomine proponit: *Qui judicatis terram.* nempe efficaciter perſuadere voluit juſtitie dilectionem Regibus ac Iudicibus, à terra argumentum ſumit: quaſi vellet oſtendere: nullum eſſe efficacius medium ad continendos omnes in ſuo officio, ad perſuadendum Juſtitie amorem, quam terræ, pulveris in quem homo convertetur; memoriã. Optimus diſciplinæ ac virtutum maſter eſt, arena, pulverisq; in quem reſolvemur, recordatio. Remedium ſanandis animi morbis, terra ſuo omnes ſinu ſuſceptura. mors

Forma
iudicij

Mortis me-
moriam me-
dicus anime

mentis

menti impressa omnium morborum medicus, Sanctitatis custos est.

Similes sunt nostri affectus, ac rebelles passionēs, quæ sæpè lædunt conscientiam, & miseram configunt animam, apibus à sua sede effugientibus ac per aëra volitantibus, de quibus Virgil.

*Morus animorum, atq; hæc incendia tanta
Pulveris exigui jactu, conspersa quiescunt.*

Virtutes in anima velut carbones igniti, supra quos in cinere sepultos legitur: non perit, tegitur sub pulvere splendor.

Sanctitas animarum comparari potest cum Phœnice, de quo symbolista: *sumit de pulvere vitam.*

Galenus de Sanguisugis tradit, quod ubi carni nimum adhæserint, facillimo negotio amoveri queant, si pulvere aut sale adspargantur.

Holcot in Sap: cap: 2: scribit; & alii probant experientiâ, quod ubi nidificant corvi, si aliquantum pulveris ex vitro confecti adspargatur nido, nullus unquam pullus ovo excludetur. Vitiâ sunt tanquam corvi, tanquam Sanguisugæ &c: nullum ergo efficacius remedium ad ejusmodi animæ mala depellenda, evitandaq; quam ob oculos exposita mortis imago. Hinc Numa Pompilius in cubiculo suo speculum appenderat, calvis mortuorum circumductum, cum lemmate: *Speculum hoc, non fallit.*

Apud Græcos cum crearetur Imperator, inter applausus populi, unus obviam aderat, qui una manu vasculum plenum mortuorum ossibus, ac pulveribus offerebat, in altera verò stuppam lini subtiliter pexam succendebat, ut in altero consideraret quod est, in altero videret, quid futurus esset, ac de imperialis culminis fastigio nullatenus inolescere, Damian: Opusc: 23. cap. 6.

Zeno Demii Filius, cum oraculum consulisset, quâ ratione optimam vitam duceret: responsum ei ferunt: *Si mortuus concolor fieret, vel*

vel si mortuorum consuetudine uteretur.

Quid mulierem sanguinis fluxu laborantem sanavit? *Salva facta est mulier ex illa hora.* Matth. 9. non illa pars vestis, quæ humeros Christi tegebat, non quæ manum involvebat, sed illa fimbria, quæ terræ propior, sæpius pulveri admovebatur: *Accessit retro, & tetigit fimbriam vestimenti ejus; & confestim stetit fluxus sanguinis.* Luc: 8.

Cur piscinæ probaticæ Aqua, nisi turbida sanabat agros? misceri terra debuit, ut sanitatem morbidæ referrent.

Cur Lucæ 18, Publicani laudatur pœnitentia? *Dico vobis, descendite hic justificatus in domum suam.* In terram scilicet defixis oculis, invenit, quam quærebat, justificationem: *Nolebat oculos levare in cælum.*

Cur Gen: 3. DEUS hominibus post peccatum fecit tunicas pelliceas Lyranus ait: *In signum suæ mortalitatis.* Signari mortis exuviis debebant, ut ad saniozem reducerentur mentem.

Psal: 93. *Quærit David & queritur: Usquequo peccatores Domine, usquequo peccatores gloriabuntur?* Vultis nosse quamdiu non solum in sua malitia perseverabunt, sed etiam exultabunt, ac gloriabuntur cum malè fecerint peccatores? *Donec fodiat peccatori fovea: id est donec videant sepulchrum.* Rem confirmat D. Petrus Damian: Opuscul: 15. cap. 22. *Superbiæ Spiritus inflat? Sepulchrum ad mentem redeat, necessariò illic rigida cervicis tumorem premimus, ubi cinerem nos proculdubio, cineremq; pensamus.*

Climacus narrat de viro religioso, qui segniter traductâ vitâ, aliquamdiu exanimis apparuit circumstantibus. Postea tamen ad se rediens, per annos duodecem, in exigua oclusus cellula, paucillo panis, & aquæ contentus, inter lacrymas & suspiria recogitabat quæ vidit in raptu. Tandem diu molestiis exquirentibus fratribus causam tanti rigoris, respondit: *Ignoscite fratres, nemo qui mortis memoria retinuerit, peccare unquam poterit.* Unde S. Ambrosius concludit: *Mortis meditatio est mors vitiorum, & vita virtutum.*

A N N O T A T I O

7ma

DILIGITE JUSTITIAM, QUI JUDICATIS TERRAM

Honores
mutant
mores.

CUr, quæso, illi duntaxat ad justitiæ amorem adhortatione urgentur, qui regunt, ac judicant in præsentî? non aliam ob causam puto, nisi ut palam sit, quod multi, qui ante imperium, spem sui maximam faciunt, eam in Imperio fallant. Degenerat quandoq; in vitia honor, & quos invenisse videbatur bonos, improbes perlapè reddit.

Non de uno dici potest, quod olim de Galba Imperatore Romano dici consueverat: *Optimus ad imperandum, nisi imperasset.*

Plurimi, qui ante Imperium, optimas præferebant dotes, omnes penitus in imperio profligantur. Est enim plerumq; honor quoddam veluti incendium, quo virtutes magno labore comparatæ consumuntur.

Unde eximia illa Vespasiani commendatio, quâ Plinius usus est. Nec quidquam, inquit, mutavit in Te fortunæ amplitudo, nisi ut prodesse tantundem posses, ut velles.

Mirum est, quod de Bucefalo Alexandri equo referunt Authores, Plin. lib. 8. c. 42. Curt: lib. 6. Plutar: & alii. Quod ejus fuerit animi ut ornatu equestri spoliatus, quemvis sessorem admitteret; excultus vero & suis instructus ornamentis, neminem, præter Alexandrum pateretur. Nempe ex ornatu regio tumorem assuēbat.

Hinc rectè Curtius lib. 3, ait de hominibus: *Homines cum se permiscuere fortunæ, etiam naturam dediscunt.*

Honores
pervertunt
mores.

Satis justa crisi Innocentius ætius ejusmodi honoratos notat, qui morum rectitudinem, cum privata exuerunt virâ, dicens: *Non curat prodesse, sed gloriatur præesse. Præsumit se meliorem, quia crevit in superiorem. Priores dedignatur amicos, notos ignorat besternos, Comites*

contemnit antiquos, vultum avertit, visum extollit, cervicem erigit, fastum ostendit, grandia loquitur, sublimia meditatur.

Urbanus VIII. Papa, volens ostendere, quòd dignitas Pontificia, illius animum non alteraverit, nec mentem immutârit, iussit pingi solem ex nubibus emergentem, qui post nubila videtur esse serenior, alijsq; quam ante, cum tamen semper sit idem, cui addidit lemma: *Alius & idem.*

Ezechielis 28. *Elevatum est cor tuum in decore tuo.* Polychronius legit: *in regno tuo.* Ita regii honores, non unius mutârunt mentem & mores. Unde S. Chrylost. in Psalm: 9: monet: *Nemo de potestate sibi magnificè placeat, nec intumescat: locus enim est lubricus & præceps, & eos, qui non attendunt, facillimè subvertit.*

Psalm: 48. *Homo cum in honore esset, non intellexit.* S. Bern: Ep. 237. *Honor absorbit intellectum.* Rectè proinde justos etiam, cautos esse jubet in ascensu honorum, D. Gregor. 3tia par. Pastoralis curæ admonit: 27. dicens: *Plerumq; etiam justos cum temporalis potentia suastollit, veluti in laqueum culpa comprehendit.* David DEO prius amantioris ad-
bilis, rector fuit in servitio, quam, cum pervenit ad Regnum. *juguntur.*

Psalm: 72. *Defecisti eos, dum allevarentur.* In quem locum D. Greg: lib. 1. Regist: ep. 5. *Elevatio ipsa, ruina est: quia dum gloriâ falsâ subnixi sunt, à gloria verâ evacuantur.*

Judicum 9. *Arbores exculant Regnum: Oliva quidem noluit regnare, ne perderet sui olei pinguedinem. Ficus ne desereret suorum fructuum suavitatem. Vitis, ne amitteret sui vini jucunditatem. Omnes scilicet quodammodo præsenferunt, quod non possent suorum fructuum ubertatem in fastigio dignitatis conservare. Immutari timebant, si regnare cogerentur.* *Mutat bonor.*

Psalm: 26. *Deficientes quemadmodum fumus deficient.* D. Greg: hîc: *Fumus ascendendo deficit, & se se dilando evanescit. Sic videlicet fit, cum peccatoris vitam, præsens felicitas comitatur, quia unde ostenditur ut altus sit, inde agitur ut non sit.*

A N N O T A T I O 8va.

DILIGITE IUSTITIAM QUI IUDICATIS TERRAM.

Quid est? quod tantopere Sapiens commendet Iudicibus amorem Iustitiæ. nempe voluit, ne vana Iudicum præferrent nomina, suoq; non deessent officio. Iudicum opus est, cura ac dilectio Iustitiæ, quid prodest, nomine Iudicis celebrari, & quæ Iudicis sunt non implere? vana nomina sine rebus.

Quisq; nomini suo respondere debet.

Pulchram hujus, S. Greg: Nyss. Ep: de Profes. Christ: similitudinem affert, dicens: eum, qui operibus non respondet nomini, similem esse medico, qui medicum profitetur, & medicinam ignorat.

Genes. 1. Formatis Dominus DEUS de humo cunctis animantibus terræ, adduxit ea ad Adam, ut videret, quid vocaret ea. Non frustra prævisio & consideratio ante impositionem nominum præmittitur: Illa scilicet vocabula tribui animantibus debebant, quæ rem ipsam exprimerent: ut Rupertus Abb: lib: 2. c. 24. advertit: *singulorum consideravit naturas, & ex qualitatibus diversis, diversa formavit vocabula.* Hinc rectè D. August: lib: de Genesi ad literam. *Nomen appellatur, quasi notamen, quod rem notet.*

Cassiodor: lib: 8. Ep: 20 dicit: *Nimis absurdum est, portare nomen alterum, & aliud dici, quàm debeat in moribus inveniri.*

Apocal: 3. Dominus plenas minis literas expediri jubet ad Episcopum Sardis: *Angelo Ecclesiæ sardis scribe &c:* Cur tam minaces literæ expediuntur? audite: *Scio opera tua, quia nomen habes quod vivas, & mortuus es.* Unde Ethnicus licet, vates monet: *Mensuram nominis imple.*

Et ex hoc maximè ab alio vatum, commendatur Probus, quod vir

esset sui nominis. Alterius verò gentii homines notat Iuvenalis, dicens:
Insignes multi præclaro nomine tantum.
 Eleganter in hanc rem D. Bernard. lib. 2. de confid: *Monstruosa res, gradus summus, & animus imus. Sedes prima, vita infima; anni multi & actus stulti. Facies rugosa, & lingua nugosa; caput canum, & cor varum. Sermo multus, & fructus nullus; lingua magniloqua, & manus otiosa.*
 Inde profluxit illud dictum: *Sire priveris, nec nomen habere mereris.*

Proinde etiam Alexander magnus expediens Ducem suum ad prælium, ejusdem secum nominis, ejusmodi monitum adjecit ei: (ut refert Plutarch] *Res dignas Nomine tuo, dignas Alexandro gere.*
 Alteri verò suorum militum ignavo, nomine Alexandro dixit: *Aut nomen muta, aut mores, animumq; Alexandri indue.*

Lucæ 16. Pauperis nomen exprimitur, divitis tacetur. *Erat quidam mendicus, nomine Lazarus. Homo quidam erat dives. S. Chrysost. Iniquus Lazarus pauper, quoniam Sanctus erat, nominatur. Iste verò dives & nomine indignus.*
superbus, nec nomine quidem dignus est habitus. juxta Psalm: 68. Nomen ejus non memoretur, deleatur de libro viventium, & cum iustis non scribatur.

Matth. 7. Magister universorum Christus dignam consideratione reliquit præcautionem: *Non omnis qui dicit mihi Domine, Domine, intrabit in regnum celorum. Didiceruntq; propria experientia hanc veritatem fatuæ Virgines, Matth. 25, quibus dictum: Nescio vos. S. Hilarius obtritus rationem assignat: Regnum celorum sola verborum officia non obtinent. Calum ment nent non nomina.*

Sapientiæ 4. Cur DEUS comparatur speculo? *Speculum sine macula. Raulinus respondet: Speculum repræsentat motum, non sonum, non auditum. Non auditores sed factores legis justificabuntur. Doctor Gentium ad Rom. 2, denuntiat.*

Nomina sinerebus, similia sunt pomis Gomorreis, de quibus Radivilius, quòd oculis pulchra appareant, ut acuant famem, manumq; provocent ad sui complexum; abrepta tamen à suis ramis, nihil præter cinerem relinquunt in manu. Similia sepulchris dealbatis &c.

Eximie Salvianus lib. 4, de Provid: differit, quod virtus magni Nominis perdatur vitio pravitatis, dicens: *Qui Christiani Nominis opus non agit, Christianus non esse videtur. Nomen enim sine actu, atq; officio suo, nihil est. Quid est dignitas in indigno, nisi ornamentum in luto?*

ANNOTATIONES.

IN textum, qui sequitur: *Sentite de Domino in bonitate.* Possunt verò peti annotationes ex his fontibus. Imo. Cur Sapiens, non loqui, non scribere, sed solum sentire suadeat de Domino in bonitate? 2do Cur sensum suum promulgare non hortatur, sed solum in terni sensus requirit bonitatem &c:

A N N O T A T I O Ima.

SENTITE DE DOMINO IN BONITATE

*Ab animo
Ordinato
omnis per-
fectio.*

NOn loqui, non scribere, sed sentire in bonitate de Domino suadet Sapiens: non dubitabat scilicet, facile bona ab ore proditura verba, si integer scelerisq; purus servetur animus. Radix nempe & fons omnis boni, recte ordinata mens. Ab animo & bona voluntate universa pendet perfectio,

Sicut in fidibus cum aliquid aut interceptum, aut relaxatum est, omnis canendi & consonantiae ratio turbatur, ac solvitur; ita vitiato animo destrui omnia necessum est.

Quemadmodum solis jubar, totum aërem sui praesentia facit pellucidum, omni-

omniaq; lumine complet, sic rectè dispositus animus cunctis operibus claritatem affert.

Congruè horologii index distinguit diei horas, si intus rotarum cursus non aberret; ita à rectè disposito animo, tota exteriorum actionum pendet ordinatio. *Ab internis externa procedunt*

Referunt annales Prædicat: ima Part: lib: 3. c. 37. quòd cùm D. Thomæ Sanctitas ubiq; celebraretur, Soror ejus germana, hac famâ perceptâ, & Sanctiore desiderio accensa, Fratrem Magistrum convenit, ut ab eo, in viâ Salutis instrueretur. Hanc igitur quæstionem movit: quânam arte ad Sanctitatem pervenire posset? Cui respondens, totam salutaris scientiæ summam hoc diverbio complexus est: *si vis*. Ubi declaravit omnem Virtutis, ac perfectionis structuram, à bona voluntate dependere. *Abona voluntate Perfectio.*

Alexander à Græcis per literas petiit, ut suo decreto, ipsum decernerent DEUM, cùm alij aliter statuerent, Lacedæmonii decretum ejus modi tulerunt: *Quoniam Alexander DEUS esse vult; sit*. Outinam eo nostra tendant vota, ubi nos simillimos ipsi reddant DEO, juxta illud D. Augustini: *Terram diligis? terra es, DEUM diligis? quid dicam? DEUS eris.*

Matth: 19: Venit Adolescens ad Christum, inquirens salutis consequendæ media: *Magister bone, quid boni faciam? ut habeam vitam æternam?* Cùmq; Christo observationem mandatorum præcipienti respondisset, quòd illa custodierit à juventute, adjecit Christus. *Si vis perfectus esse, vade & vende, quæ habes.* A voluntate illius, omnia Sanctioris vitæ consilia orditur: *si vis*, non aliter ad perfectionis culmen perventuros indicans homines, nisi per rectum propriæ voluntatis usum. Hinc D. Chrysost. hom: 24. in Ep. ad hebr. ait: *Sufficit velle & confecta sunt omnia, Si ipse velis? salvaberis. Si velis? proficies. Si vis perfectus esse? eris.*

Quod perspicuè Satis, gentilis licet Philosophus Seneca penetrans,

eiusmodi quæstionem movet: *Quid tibi opus est, ut sis bonus? & unico eam solvit verbo: velle.*

Ab incunabilis adhuc eam nos edocuit veritatem per Angelos Magister noster Christus, dum edixit: *Pax hominibus bonæ voluntatis.*

Optimâ in hanc rem D. Chrisost. hom: 25. Operis imperfecti, similitudine utitur, dicens: *Sicut ex floribus poma formantur, ita ex bonis voluntaribus opera perfecta nascuntur. Et sicut ante pomum flos præcedit, ita ante opus bonum, bona voluntas.*

Huc spectat quod Arnobius in Psalm: 146. notavit: *Si arbitriū in te, non fuerit bonæ voluntatis, non erit tecum Pax DEI.* Et S. August. lib: 1. de lib: arbitr. c. 18. *Vides igitur in nostra voluntate positiū esse, ut hoc fruamur tanto & tam vero bono, quid enim tam in voluntate, quàm ipsa voluntas est.*

Michoviensis, scriptor illustris S. Dominici, refert ex Fulgoso; In Pannonia juxta Sirmium Urbem, repertam Vitem, cujus Pampini ex auro purissimo; ejus rei causâ cum investigarent curiosi, vitē illam in vena auri radicatam repperunt. Aureos fructus spectare licet, ubi radix ab aurea surgit vena. Juxta illud ad Rom: 1. *firadix sancta & rami.*

Clemens Alexandr: lib: 5. Strom: c. 5. scribit, quod Socrates orare consueverit. *O Pan & a ii dii, date mihi, ut intus sim pulcher & honestus,* quasi innuere vellet: ab interioribus animæ ornamentis, totam in hominum mores derivari pulchritudinem. Neq; enim aliunde Christi sponsa suas trahit laudes, quàm ab animo rectè ordinato, accinente coronato vate: Psal. 44. *Gloria filie ejus ab intus.*

Optimè id ipsum declaravit Ecclesiastes, ubi fundamentum timoris DEI præparationem cordis humani esse voluit, dicens: *Qui timeant Dominum, præparabunt corda sua, & in Conspectu illius sanctificabunt animas suas Eccl: 2.*

ANNO.

A N N O T A T I O 122

SENTITE de DOMINO in BONITATE

Minùs, inquit, est bona loqui, exteriorem vultum ad omnem componere modestiam, minùs; nisi priùs bono mens abundet sensu. Nihil lingua suavi proficit verbo, si suo lateat sub pectore virus. Quin imò facilè exerrabit litera, & arectò deviabunt sermones, si in animo suum virtus non firmaverit domicilium. Quisquis exteriores sensus ad legem virtutis revocare conatur, animus imprimis curandus est. Non bene curatur malum quodpiam, nisi radici ejus adhibeatur remedium. A radice incipere curatio debet & bonitas.

*Remedium
mali à ra-
dice inci-
piendum.*

Quid prodest ad ruinam inclinatæ ædes exterioribus adornare coloribus? & hiantes dealbare rimas? si à fundamentis non inceperit reparatio? Minùs proficit, qui succrescentes spinas repetitis succidit ictibus, nec radicibus evellit. Fluentem exsiccare alveum frustra quis contendit, si fons scaturiat.

Cur quæso Dan: 2. Statua nabuchodonosoris in favillam redacta? quia non nisi Capitis, pectoris, aliorumq; membrorum curam habuit, & pedes, quibus tanquam fundamento nitebatur, neglexit.

Matthi 9. Devoti homines obtulerunt Supremo medico Paralyticum, videns fidem illorum dixit Paralytico: *Fili remittuntur tibi peccata tua.* S. rabo in hunc locum: *Ecce modus curationis, priùs dimittit peccata, tollens causam morbi, post curat corpus.*

*Peccatum
causa mor-
bi.*

Isaias corrupto illi populo prædicans dixit: *Lavamini, mundi estote, auferte malum cogitationum vestrarum.* Isa: 1. Dignum adversione, quòd Propheta, non operum, non verborum, sed cogitationum imprimis munditiam curandam imperat: *Auferte malum cogitationum vestrarum.* Certum est, quòd Propheta, omnis sceleris puros eos esse voluerit. Cur itaq; solas cogitationes in memoriam revocabat? Ut totam scilicet mali

radicem evelleret. Cogitationes, peccatorum radix est; hanc si am-
A cogitati- putes & evellas, simul verbis & operibus remedium adtulisti. Ita S.
one malum Ephrem de lingvæ malo ait: *Operis instar est cogitatio, quippe, in qua,*
incipit. *tanquam in causa omnium effectivâ, arbitrii nostri ratio nititur.* Huic

ergo occurrendum, ut cætera in bono statu constituantur. Idem sentit
 Eusebius Emissem: dicens: *Bonus medicus ad morbi venam, & radicem*
pectat, quam postquam amputaverit, cætera ad sanandum facilius ducit.

Lucæ 18. *Duo homines ascendebant in templum, ut orarent.* Ex his
 Publicanus à longe stans, nolebat nec oculos ad cælum levare, sed per-
 cutiebat pectus suum dicens: *DEUS propitius esto mihi peccatori.* S.
 Cæsarius examinans has Publicani penitentis ceremonias, quærit: Cur
 Publicanus, palam de se ipso loquens, omnia membra in reatu signi-
 ficare voluit: *propitius esto mihi peccatori,* & tamen à solo pectore præ-
 nam sumpsit, quod solum percussit? & respondet: *Pectus tundebat &*
peccata intus inclusa, quasi Judex Severissimus verberabat, Nempe de
corde exeunt cogitationes male, homicidia, adulteria &c: ut à radice omne
malum tolleret.

Exodi 32. Moyses ut adorati vituli idololatriam in populo castiga-
 ret, arripens vitulum, quem fecerant, combussit & contrivit usq; ad pul-
 v. rem, quem misit in aquam, & dedit ex eo potum filiis Israel; ea verò
Peccati m- actione finitâ, doli cultores ferro obtruncavit. In quem locum Olea-
dix evellē- ster: *Adverte, inquit, prudentiam Moysi, prius in peccatum, quam in*
da. *peccatores sevit, ut peccati radicem prius extirparet.* Addit S. Ni-
 lus lib: 8: de vitios: cogit: *Quocirca Nobis faciendum est, ut malorum*
radicem evellamus, hac enim manente, rami quoq; pullulabunt.

Psalm 37. Conqueritur vates Coronatus: *Corrupte sunt cicatrices*
meæ, à facie insipientie meæ. Accidit plerumq; aliquos neque honori-
 bus, neq; famâ crescere, quia domi putrescunt, & quare? *à facie insi-*
ipientie. Non habent tantam ingenii ac eloquii culturam, cum qua in
 publicum prodire valeant. Multos item Iuvenes corrumpi non sine do-
 lore advertimus, si causa investigetur? ab incauta lingua, à facie insipien-
 tiæ,

tiæ tota prædiit corruptio. Cæterum Psaltes in illorum hæc Personā videtur querulari, corruptasq; cicatrices dolere; qui suorum vulnerum curam, exterius tantum, & non à radice incipiunt. Palam fortassis omnibus facere voluerat, nihil esse periculosius, quam sicut morborum Corporis, ita & animæ vulnerum insipiens medicus. mortem enim, non vitam, majorem corruptionem, non vulneris curationem parat, qui exteriore cicatricis obductione contentus, integrum ad intra serpens relinquit malum.

De noceritis advertens oculos suos licentiosiores evagari, nec ad se redire illos, sine fædis cogitationibus deprehendens, oculis se ipsum privavit, ut omnem malorum radicem præcideret, dicens: *Malle se esse cæcum, quam impudicum.*

A N N O T A T I O 37a

SENTITE DE DOMINO IN BONITATE

Cur potius non monet Sapiens, ut suum sensum quisq; proferat in publicum; sed solum ut interni sensus bonitas conservetur, frvadet. *Sentite de Domino in bonitate.* noverat nempe, nihil ita tectum esse, sub profundo quamvis pectore, quod aliquando non emergat in publicum. Non sunt publicandi interni sensus, sive boni sive mali, facile se se, ipsi prodent, & quæ occulta esse putantur, in aperto lucent. *Nihil diu latet.*

Bonæ intentiones nostræ aut malæ, sunt adinstar olei, quod quantumcunq; demergatur in profundo, omni supernatat liquori.

Sunt adinstar morbi, viscera rodentis, quem ipse pulsus prodit. Hinc *Occulta emergunt*
Poëta: *Sepe tacens vocem, verbaq; vultus habet.*

Virtutes Stellarum morem imitantur, quæ eò pulchrius scintillant, & in apertum
in omnium influunt oculos, quò in profundiorē sol descenderit no-

Et

stem. Mat-

Matthæ 13, Cum dormirent homines, venit inimicus homo, & in medio tritici superseminavit zizania. Hæc est inimici hominis proprietas, dum alii quiescunt, quando dormiunt, ipse bonis mala miscet. nec in parte tantum, bonum depravat semen, sed in medio, & quidem electi tritici, sua superseminat zizania. Cur verò de nocte id facit? nempe: *qui male agit, odit lucem*. Noctis umbras quasivit, ut tutius latere posset; latere tamen non potuit, quem non succrescentibus adhuc zizaniis, prehenderunt servi, ac Domino suo annuntiaverunt inimicum. *Imus*, inquit, *colligimus*; quasi dicerent: non est necesse ut quis ostendat nobis, secernat ac seligat superseminata tritico zizania, facile colligemus malum semen. Dominus tamen respondit: *Sinite ea crescere*, quasi innueret; parcite labori, quem intenditis, in seligendis zizantiis, expectate ulteriora eorum incrementa, & ipsa se proprio flore prodent. Erumpet in folia, quæ nunc latere videtur nequitia. Unde S. Ambrosius in Apolog: David: *Vae mihi, quia latere cupio, & latere non possum; quomodo enim latebo, qui inscripta in pectore meo, gero meorum judicia peccatorum.*

*Index ani-
mi vultus*

Genes. 27. Esau dixit in corde suo, occidam Iacob, mox additur: *Nuntiata sunt hæc Rebecca*. A quo nuntiata? si dixit in corde? nemini innotuisse poterat cogitatio. Ipsa nimirum in apertum prodiit, ex ipsa legi fronte poterat, ex ipso colligi vultu. Sensus enim animi nostri quod cautius teguntur, eo celerius se produnt. merito Poëta: *Hen quàm difficile est, crimen non prodere vultu.*

Psalm: 138. Mirum est, quod Propheta enuntiat: *Nox illuminatio mea*. Utiq; noctium umbræ, omnia abscondunt, omnium rerum splendorem sepeliunt, quomodo ergo Davidem illuminabant tenebra? mysterium est, tunc maxime dicit se versari in lumine, cum se cernit in tenebris. Habent nimirum etiam noctes suam lucem, quæ occultissima quæq; prodantur.

Apocal: 4. *In conspectu sedis tanquam mare vitreum simile crystallo.*
Secundum Interpretes: per mare crystallinum Significatur penitentia peccata.

peccatorum, potestq; reliquis etiam virtutibus ea comparatio describere. Vitrum nempe crystallinum diaphanum est, ita ut & se, & alia omnia conspicienda proponat. Quæ vitro obducuntur, exposita sunt cunctorum aspectibus. Potest quidem res crystallo contineri, occultari non potest.

*Tegi malū
nequit.*

Ioan: 8. Mulier deprehensa in adulterio, adducta est ad Christum. Ipse autem *Scribebat in terra digito.* Cur non in marmore? non in columnis? non in facie templi? sed in terra. Ultra dubium innuere voluit: non debere decantari ac publicari peccata; nam etiam si in terra sepeliantur, ipsa se prodent, in publicum ex visceribus etiam terræ emergent. Et cerè illa mulier in angulo ab hominum oculis remoto peccavit, & tamen toti terræ, adulterii crimen innotuit. *Scribebat in terra.*

Plurima in huius rei confirmationem congeruntur exempla ab Authoribus: Nam refert Plutarchus de sera numinis vindicta. Et Drexel: in Iosepho c. 15. 81. quod grues casu prætervolantes, Ibici Poëtae interfectores, forte Corinthi in foro otiose sedentes, in suspicionem cædis, & supplicium capitis adduxerunt.

Item Engelgr: in luce Evangel: tom: 2: Dominica 4 post Epiph: narrat: quod Bessus parricida, cum hirundinum nidum perticâ dejiceret, & causam ejus rei diceret: mentiri nequam aves, à se Patrem occisum, eo ipso criminis suspectum se, & capitis reum fecit.

*Produntur
scelera va-
riis modis*

Surius 8. Iulii scribit, quod fur nullo teste præsentate, cum S. Medardo noviodunensi Episcopo abstulisset opimum bovem, eumq; ut tacitus duceret, nolam de animalis collo pendente, feno infarsit, ne prodederetur. sed vix cum bove domum ingressus fuerat, inportunè exaudiri capit tintinnabulum, & quamvis illud recondideret, aut in cista recluderet, impedire non potuit, quin vocaliore tinniret sono, conscientiamq; tamdiu perstringeret, donec facti ductus poenitudine, petita, cum lacrymis veniam, & Sancto Viro bovem, & sibi pacem animi restituit. Ex quibus palam deducitur: *Nihil esse tam opertum, quod non reveletur.* Matth: 10.

Psalm: 1 Enumerantur Virtutes Iusti hominis: *Beatus vir, qui non abiit in consilio impiorum &c: in lege Domini Voluntas ejus &c: quid itaq; de illo disposuit DEUS? en additur: Erit tanquam lignum, quod plantatum est, secus decursus aquarum.* Omnis motus arboris repræsentatur in aquis, ad aquas consistens, quid agat? depingunt aquæ, & omnia clarâ referunt in imagine. Ita Virtutes Sanctorum, quamvis tegantur, apparebunt tandem, & suo tempore cuiq; innotescent.

*Sanctorū-
virtus ve-
lut arbor
ad aquas*

Carolus v. advertens, quod unus de aulicis suis rotatum horologiū sustulerit, nihil illi de furto innuens, aliquantulum in conclavi suo, cū alloquio detinuit, quamdiu alia in palatio disposita horologia non sonarent, quo tempore ipsum etiam se se prodidit furtum.

Lisandro quidam dixerat. *Laudo te & defendo ubiq;.* Cui mox Lisander reposuit. *Duos, inquit, ruri boves habeo, quibus tacentibus, satis ipse novi, uter illorum sit piger, uter laboris amans.* Ejusmodi responsio docens: non esse necesse, ut quis suam venditet virtutem, aut internos explicet affectus; ipsa se se loquitur virtus, & quod latet in animo, quamvis tacente lingua, prodit ad extra.

*Habent suā
linguam
opera.*

Historia Patriarcharum in hist: Lot. refert; cum fama ad Vespasianum pervenisset mirabilem esse maris mortui naturam, quod in eo nihil mergi possit. Vespasianus, hoc ipsum experiri volens, nonnullos maleficos, manibus post terga revinctis, injici imperavit, illiusq; maris committi fluctui in profundum demergendos. Ceterum supernatabant omnes, nec ulla vi deprimi poterant. Ita sunt in hac mortali vita, hominum opera sive mala sive bona, quæ semper in lucem emergunt. Hinc Matth; 15. dicitur: *De corde exeunt cogitationes mala, homicidia, adulteria &c: non debent scilicet extrahi ab intimis animi, nec requiritur ut latens cor aperiatur; ipsæ cogitationes, ipsa intra pectus genita lœtera ultro prodibunt.*

A N N O T A T I O 4ta.

SENTITE DE DOMINO IN BONTATE

Cur tam urgender interioris duntaxat sensus bonitatem requirit Sapiens? fortassis ut declaret non placere DEO virtutem ac bonitatem clamosam, & loquacem. Sola nempe grata DEO, tacita virtus.

Vir intelligens, virtutiq; deditus ingentosam & solertem debet imitari apiculam, quæ defert in alvearium internè mellificum, quos extra collegerit flosculos, ubi favum operosius conficit, nec labores suos in oculis hominum ponit.

Virtutem thesauro in agro abscondito similem esse oportet, ut pretium habeat. Unde rectè D. Greg: hom. II in Evang: monet: *Deprecari desiderat, qui thesaurum publicè portat in via.* Abscondi debet ut integer maneat.

Quid est, quod DEUS tot alia ad Sacrificium destinando animalia, noluerit sibi offerri gallum gallinaceum, cum tamen videatur animal liberale ac misericors; quidquid enim invenerit, alios convocat, ut inter eos dividat inventa. novit item cælestes cursus, præsentit mutationes æris, excitat de nocte ad laudem DEI, factus deniq; est signum prænitentiæ: Cur itaq; à sacrificio excluditur? nempe bona quidem alijs communicat, sed intensius clamat, Cuiq; notum esse debet, si quid boni operatur. Proinde tanquam ineptus à sacrificio Divino rejicitur. Agnisculus verò ad oblationem destinatur, qui obmutuit coram se tondente.

Christus soluturus censum seu gabellam, non ad Martham, non ad Phariseos, qui ad tubæ clangorem eleemosynas distribuebant, sed ad pisces mutum expedit. Nempe gratissimum illud DEO munus, quod sub taciturnitate offertur.

I. Reg: 17. David prostratâ, illâ carneâ turri Goliath, lapillo ex

fun-

Virtus debet esse elinguis

*Meritum
loquacitate
perit.*

funda misso, extractoq, ejus gladio, ubi caput illius amputaverit, triumphans ad Israelitas redit, non suis viribus, sed DEO soli victoriam adscribens, Templum ingreditur, gratias DEO relaturus. mirum est, quod in testimonium gratitudinis, non lapidem sed gladium, pio cultu reliquit in anathema. Lapide prostravit Goliath, lapide tanquam glorioso victoriae instrumento usus, non lapidem tamen, sed ensen, in templo appendendum censuit. noverat nempe David non tam fore DEO gratum & acceptum lapidem, prout Goliath ensen, quia cum è funda per aërem jactaretur, strepitus auditus est, & antequam aggrediretur Gigantem, antequam superaret & attereret contumacem, iteratos per aëra dispensabat sibilos, quibus ceu totidem vivis vocibus, cælo, terraq, heroicum prædicabat factum. Gladius verò in vagina deliruit, donec stringeretur, & collum nullo præcedente strepitu, divisit à capite; nec in publica luce diutius moratus, iterum vaginà reconditus spectari renuit. Audiamus quid in hanc sententiam proferat D. Christost: *Lapide David è fistula rapit, funde opponit, & contorto vertice in Goliath excussit, qui lapis per inane volans, verberat aurem, aërem scindit, & violento impetu Goliath frontem invadit.* Proinde ineptus censebatur lapis ille ut numini offerretur in templo, qui tanto strepitu perfecit victoriam. Rectè Martialis lib: 5. Epigr. 51. *Crede mihi, quamvis ingentia Postume Jones. Auctoris pereunt garrulitate sui.*

A N N O T A T I O sta.

SENTITE DE DOMINO IN BONITATE

*Taciturnitas
Magi-
Gra rerum*

Bonum sensum, non sermones ac verba commendat Sapiens: Plus nempe sub taciturnitate boni sensus contineri non ignoravit, quam inter multa colloquia. Etiam indoctus plus sapit, dum tacet. Efficacissimum remedium est, bonos sensus conquirendi, taciturnitas, ac longa meditatione plenum silentium.

Gra.

Gratissima etiam odoramenta suavi privantur odore, si in aperto maneant. Civitas quamvis munitissima in imbellium etiam manus facile deveniet, si nullis claudatur portis.

Evagrius loquaces amygdalo confert, quæ omnium fere arborum prima floret, sed hæc celeritas nebulis ac pruinis miserè plectitur, ut flos nullum relinquat fructum.

Gregorius nazian: Celsus arguenti se de silentio, respondit: *Hirundines olim cavillabantur Cygnos, quòd in stagnis sibi tantum vive-* *Loquacitas*
rent, se autem jactabant in Urbibus inter homines versari. Sed repo- *ingrata*
situm sibi audire: O vos misellæ! quam vana gloria vestra est: Nos qui-
dem non multum, nec sape, sed svave canimus, homines deserunt ur-
bes, ut nos audiant, vos omnibus ingrata estis. Hinc Pythagoras mo-
nuit: Hirundines ne testò excipe.

Soloni quidam objecit, quòd taceret in convivio, cui ille reposuit: *Sultorum nullus tacere potest.* Et rectè, nam & Ecclesiastici 10. dicitur: *Stultus verba multiplicat.* In quem locum D. Hieron: *Stultus cum neq;*
prætoriorum meminerit, neq; futura cognoscat, falsâ sibi scientiâ promittens,
in eo doctum se putat, & Sapientem, si verba multiplicet: quasi Sanctus Doctor vellet concludere: Veram Sapientiam non inter multos versari sermones, sed intra silentii terminos foveri. Unde interrogatus Apollonius: quoniam essent optimi hominum? respondit: *qui dicendo brevissimi.*

Matth. 18. Cum facta esset inter discipulos Christi, contentio: *quis*
eorum videretur esse major? Mirum est quòd ad ejusmodi quæstionem resolvendam, non advocat Christus conspicuos eloquio homines, non invitat magni consilii viros, non assumit de Israel eruditissimos Doctores, sed infantem pene, ac elingvem puerulum in medium circuli magistro. *Optimus*
Magister
Statuit parv-
lum in medio eorum, vel hoc ipso declarans, quòd ille solus primatum *silentium*,
in Schola Salvatoris mereatur, ille ad cælestem destinetur Sapientiam qui plus exacto tribuens silentio, quam productis discursibus, infantiam

longa meditatione elingvis pueruli imitatur. *Nisi efficiamini sicut iste parvulus non intrabitis in Regnum celorum.*

Ad Pambonem ægyptium Eremitam venit Vir eruditus, Sacras illi explicaturus literas, duxit initium à Psalmo 38. *Dixi, custodiam vias meas ut non delinquam in lingua mea.* Cumq; hunc versum explanasset; Satis jam esse contendit Pambo, cum hoc calluero, plus discam. Post longum tempus venit idem Prælector quærens cur novam non posceret prælectionem? cui ille: *Primam non dum didici.* Marulus lib: 4. c. 6. minùs quippe prodest quævis eruditio ac scientia, quæ non processit à silentii magisterio.

Iam non miror quòd idem Eremita ut refert Palladius, lib: 8. c. 10. septuaginta annorum senex moriturus dixerit: *In hanc horam, non pœnitet me ullius sermonis, & sic ad DEUM abeo.*

Ezech: 10. Dignam admiratione rem narrat Propheta, quòd scilicet de quatuor animalibus, quæ Cap. 1. descripsit sub similitudine Aquilæ, Leonis, bovis & hominis, unum mutaverit suam speciem, jamq; non bos, sed Cherub apparuerit: *Facies una facies Cherub, & facies 2da, facies bœnis, & in 3tio facies leontis, & in 4to facies aquila.* mirandum planè, quòd nō aliud animal, sed bos ad Cherubini dignitatē sit evectus, ad ipsā Sapiētiæ plenitudinem pervenerit. Cherub enim ut D. Gregorius notat: *plenitudinē Sapiētiæ importat.* Non hominem, non leonem, non aquilam, sed bovem ad magisterium Sapiētiæ promotum audimus. Nam Cherub *quasi magister sapiētiæ*, ut Benedictus Parisiensis exponit. Non caret mysterio res. Cujus causas si indagare licet, illam innuere sufficiat; Nimirum non omnes ad consequendam Sapiētiæ plenitudinem aptos inveniri. Ille duntaxat plēnē sapiet, non qui tanquam leo circuit quærens distractionum occasiones; non qui velut aquila semper toto obtutu publicam solis prospicit lucem; non qui inter humanitatis officia integros trahit dies, sed qui tanquam laboriosus bos suò, tacitus deinetur iugo. Nunquid ignotum nobis quæ compellationum cudebant vocabula Angeli.

*Quis sapi-
entiam cō-
sequitur?*

Angelico Doctori D: Thomæ sui Compalastritæ, quem mutum bovem dicant; & tamen expendamus, quantus in universo orbe audiat Doctor, *facies una facies Cherub*. Ut palam sit nullum efficacius medium esse ad optimos animi conquirendos sensus, Sapientiæq; plenitudinem consequendam, quam doctum silentii magisterium.

Hinc rectè decrevit Æneas Sylvius: *quod sapientiùs sit agere, quàm fari*. Socrates verò tria suis discipulis maxime commendabat: In animo prudentiam; in vultu verecundiam; in lingua silentium.

Lucæ 1. Vix Nativitatem D. Ioannis Baptistæ prænuntiavit Archangelus, statim Pater ejus Zacharias obmutuit, postea infans natus, vix in mundum prodiit, omnibus relictis in solitudinem se recepit; ibidemq; contemplationi, & longo silentio annos triginta consecravit. Quis hæc expendens non succensuisset Ioanni, quod sibi tantum, non aliorum commodis vivere videretur. Interim tamen nemo zelosiùs, efficacius nemo, pro DEO & virtute locutus. *Vox clamantis in deserto*. Unde D. Chrysostomus serm. 92. tom. 3. admirandus toti prædicat orbi: *Quanto silentio vox nascitur, quanta taciturnitate tuba sæculis in clamatura generatur*.

*Silentio
vox mun-
do nascitur*

Pelagius scribit quod Agathon Abbas legens versum illum Salomonis: *Qui custodit os suum, custodit animam suam*. Prov. 13. triennio filicem ore circumtulit, ut vel hac ratione taciturnitatem dilcere cogeretur, ab illâ optimos sensus provenire non ignorans.

Opponet fortassis quispiam quod Spiritum Sanctum, Apostolorum Acta, in linguis dispersit descendisse in Apostolos perhibeant, ut vel sic ab Apostolico munere taciturnitas excludi videatur. Sed advertat ille, quis quis opponit, non in ore collocatas, sed super capita singulorum resedisse linguas, ut non à sensus inclinatione, sed à rectæ rationis gubernio, eas in suo motu dependere discat.

Appositè ad rem nostram Romanus Philosophus, Lucillo suo præscripsit instructionem Epist. 40. *Quemadmodum Sapienti viro incessus modestior convenit, ita oratio pressa, non audax. Tardiloquum te esse jubeo.*

A N N O T A T I O 6ta.

SENTITE de DOMINO in BONITATE.

Sensum bonum interiorem exoptat, non sermones provocat Sapiens: ne bonitas exterius apparere quærat: quasi docere nos vellet: ut sensus vester bonitatem contrahat, interius servari debet. Sepulta esse oportet, & ab oculis, exterioribusq; omnium sensu remota, quæ bona esse disiderant.

*Bonitas late-
re, non
apparere
quærat.*

Bombyx ut Sericea ducat fila, involucrum quarit, & in secreto laborat; cui congruum additur lemma: *Operitur, dum operatur.* Unde canit Tibullus: *Procul absit gloria vulgi.*

Quidquid nobilius in orbe reperitur, eo remotius esse ab oculis hominum experimur. Cor primum & ultimum hominis vivens, intra pectoris latebras reconditur. Aurum terræ visceribus occultatur. Corallium sinu maris detinetur, & si à piscatoribus ex aquis educatur, quasi indignè ferens produci in conspectum, quòd antea candidissimum latebat, rubore statim suffunditur. Margaritas concharum gremio conclusas legimus; & in abditissimis montibus adamantes; ita omnia à publica luce removeri necessum, quæ bona, quæ pretiosa æstimari volunt.

Consultissimè coronatus Vates, noctis tempus deputavit lacrymis: *Per singulas noctes lacrymis meis stratum meum rigabo* Psal. 6. ne has Cælo præparatas gemmas, omnia circumspectans mundi oculus solvi-deret.

S. August. lib. 21. de Civit. DEI. c. 5. refert: quòd Poma in terra Sodomorum gignantur quidem, & ad maturitatis faciem perveniant, sed morsu tentata, in fumum ac favillam fatisciente corio vaneant. Sic quid quid suam pulchritudinem ad jactantiam, oculorumq; ludendâ
speci-

speciem depingit, nihil præter fumum retinet. Hinc rectè Novarius in umbr. lib. 4. *A mundo sua videri qui querit, non est mundus; eximiam laudem merezetur, qui se ab hominum laudibus eximit.*

Matth. 13. Cur cæleste Regnum sub similitudine thesauri absconditi nobis proponitur? *Simile est Regnum calorum thesauro abscondito in agro.* Posset quidem esse congrua assimilati cæli thesauro in agro abscondito; ut instrueremur sicut thesaurum non levare de agro ab otiosis, ita nec cælum possideri. Sudore prius riganda tellus est, antequam de agri visceribus extrahatur thesaurus; labore certandum ei, qui manu, cæli coronam tepere exoptat. *Non dormientibus provenit regnum Calorum, nec otio & desidia torpentibus beatitudo æternitatis repromittitur:* denuntiat S. Leo. Ceterum illa potius ratio ad rem præsentem tenenda; quia sicut in agro, nullus seminum fructus colligitur, nisi ipsa semina sub terræ gleba lateant. Semina quippe abscondita fructu non ferant; ita & cælum nisi per opera ab oculis hominum remota, comparatur. *Simile est regnum calorum thesauro abscondito.* Docet Philosophia: *Similia sunt, quorum qualitas una.* Desiderat quis ut ejus opera conformentur cælo, cælestemque induant naturam, abscondita esse debent. Diversa eorum qualitas, quorum unum abscondi, alterum peteret esse palam; abscondi utrumque debet; ut utrumque, eandem qualitatem habeat; tunc opera nostra erunt bona, tunc cælestibus similia, cum fuerint abscondita.

*Virtus sit
thesaurus
absconditus*

In hist. Venet. Petr. Iust. in celso Duce refertur, quod Celsus Venetiarum Dux monetæ cudi fecerit, in quarum una parte, cornu erat ducale, tanquam Principis Venetorum decus Capitis, supra illud autem sculptus erat crucifixus, cum hac per monetæ circulum ductâ inscriptione: *Non mihi, sed Christo.* Sub ejusmodi inscriptione singula opera nostra prodire debent, si integrum valorem & pretium retinere cupiunt.

S. Gregor. hom. 1. in Evangel. tali nos argumento ad vitandos hominum oculos dum rectè operamur, inclinare nititur. *In presenti, inquit vita, quasi in via sumus, quâ ad Patriam pergimus; maligni au-*

sem Spiritus iter nostrum, quasi quidam latrunculi obsident: depradari ergo desiderat, qui thesaurum publicè portat in via.

Lucæ 2. Mirum est quòd Christum Parentes in Templo sedentem invenerint in medio Doctorum, audientem & interrogantem eos. Cur Doctores interrogat, qui prae omnibus Sapiat? & quæ causa, quòd tam patienter auscultat ut adducat, qui nihil ignorat? nos instruere voluit non verbis inculcando, sed operibus informando, ut cum S. Ambro-

Ostentatio sio D. Thomas respondet, dicens: *Christus voluit ad speciem addiscere, fugienda. & auscultare, ut noverint homines, si quid virtutis & bonitatis possident, tacite abscondere, & non in conspectu omnium vanè ostentare. Quibus* subleribit Origenes id ipsum exponens: *Interrogabat, inquit, non ut addiceret, sed ut interrogans erudiret homines, ut se vana ostentatione non jactent.*

Exod: 4. De manu Moysi traditur mundam fuisse, quamdiu in sinu retineretur, sed eductam & aliorum oculis expositam lepra infecit. Manus opera nostra sunt, quæ tamdiu munda, quamdiu in sinu testæ continentur, insciantur lepræ, si proferantur in lucem.

Lucæ 7. Describuntur penitentis Magdalene digna adversione circumstantia: Ubi dicit Sacer textus: *Stans retro secus pedes Domini, lacrymis capit rigare pedes ejus.* Mirum est quòd refertur, & imprimis Stans & tamen secus pedes prostrata. Si stat? quomodo pedibus admoventur? vel si pedibus vicina Christi? quomodo stantem S. Evangelista proponit. Dilucidè eam difficultatem resolvit D. Chrisol: sermon: 1. talem formans universalem: *Stans: quia jam cadere non potest, qui ad pedes Christi meruit pervenire.* Sanctus verò Antoninus hunc locum considerans, humilitatem omnibus persuadere nititur, quæ licet nos inclinet, non tamen deprimit, sed elevat, ita dicens: *Stat & erigitur, qui se propter Christum inclinat.* Deinde neq; hoc sine mysterio: *Stans secus pedes,* cur non ad latus, non ad plenam donis Christi dexteram &c: Satisfacit & huic quæstio citatus D. Chrysol: dicens: *Ad pedes tendit semper citam veniam qui requirit.* Iam verò Euthymius hic: *stetit,* inquit

inquit, *ad extremas illius partes, tanquam extrema.* Illa scilicet quæ sunt in facie, humeris, manibus &c: facile incurrunt in oculos hominum, non longè ab oculis distant, quæ verò ad pedes sunt, nec facile ad oculos perveniunt, & longiùs distant ab illis. Proinde pænitentiam suam, quam gratam esse voluit Christo, procul eam ab oculis ablegare debuerat.

Tandem addidit: *Retro stans.* Cur non in oculis ac conspectu Salvatoris stetit? nonne citiùs respectum invenisset Christi? sed facilis ratio: Exemplo nempe suo declaravit, non ad oculum opera bona fieri debere, ut suam conservent dignitatem. Hinc S. Chrysol: *Venit satisfactura DEO, non homini placitura.*

Ioanna Austriaca Ducissa Tusciæ, ut omnem suam gloriam à Duce sponso suo acceptam ostenderet, in eumq, eandem referret, iussit exprimi gemmam radiis solaribus expositam cum lemmate: *Tu splendorem, tu decorem.* Ita pariter convenit ut & nos operibus nostris solam DEI laudem intendamus, sæpius ingeminando: *Non nobis Domine, non nobis, sed Nomini Tuo da gloriam.* Minus enim laudabile est, si alicui congruat, quòd olim Tacitus Mutiano exprobravit: *Omnium quæ dixerat, feceratq, arte quâdam ostentator.*

B. Iordanus de Saxonia serm: 94. de Epiph: inquit: Cur Infans DEUS, adorantes se Reges, nec unico solatus est verbo? & respondet: *Ne Divinitas ante tempus revelaretur, & ut vera humanitas haberetur, humanitatis velo, Divinitatem obducere voluit.* Velari scilicet & latere non renuit, quidquid summum, quidquid Divinum est.

Observant Doctores Ecclesiæ, tot à Salvatore nostro facta miracula, tot à mortuis resuscitados, à varijs liberatos morbis, nullum tamen ex illis admissum, qui sequeretur Dominum. Sic Luc: 7. dixit uni: *Vade in pace.* Ibidem Lazaro: *Solvite eum, & finite abire.* Ioan: 5. Surge, tolle grabatum tuum & vade. Cujus rationem assignat D. Chrysost. hom: 63. dicens: *Intuere quòd nullam gloriam expectat, non ducit eum (id est Lazarum) non jubet secum esse, ut rem non ostendet factis* *mirac.*

miraculo. Et subdit alter: ne suarum laudum præconem secum ad suam jactantiam circumferre videretur.

Concludat præclarum, omnium mentibus imprimendum Valerii Maximi effatum; *nihil, inquit ille, est, quòd magis minuat laudis præconiũ, quàm suos jactare successus.*

A N N O T A T I O 7ma.

SENTITE de DOMINO in BONITATE.

*De rebus
affectus
plerumq;
judicia for-
mat*

Cur Sapiens bonum sensum maximè commendat? quia scilicet à bonitate sensus ac judicij nostri totum dependet: Nam prout de rebus judicamus, ita iisdem afficimur; & sæpe judicia nostra ad inclinationem affectus, non ad rectæ rationis lumen efformantur. Plus quandoq; voluntatis propensio, quàm legum justiq; ratio in eudendis rerum statu sententiis laborat.

Frequentissimè sensus judiciaq; nostra induunt naturam vitri, quòd talia repræsentat objecta, quali imbuitur colore; & quamvis nitidissimas quandoq; experiamur rerum facies, si tamen per vitrum, rubro colore imbutum repræsententur, rubræ apparebunt. Hinc illud: *Quis quis amat ranam, ranam putat esse Dianam.*

Memorant historiæ de Hispano nobili, qui inter varia industriosa specula, unum præ cæteris mirandum efformaverit, quòd pro diversitate constitutionis æris, nunc speciem venustam ac vividam, nunc eandem horridam ac cadaverosam spectantium oculis proponeret. Ita homines pro diversitate affectionum suarum, diversissima de singulis rebus formant judicia, proferuntq; sensus.

Valerius lib. 4. c. 1. scribit: quòd Plato, cùm apud eum accusaretur Xenocrates discipulus, quòd de magistro suo, multa impiè locutus esset, dixit: *Hæc sibi improabilia videri.* Instanti verò delatori cur sibi

non.

non crederetur? adjecit Plato: *Incredibile est ut quem tantopere amo-
ab eo invicem non diligar.* Cum autem accusator juramento id fir-
maret; Plato reposuit: *Xenocrates nunquam illa dicturus fuisset, nisi
ea dici, sibi expedire judicasset.* Ita bonus de alio sensus efficax est in
suadendo, ita affectus in retinendo & propugnando semel concepto judi-
cio, est constans, ut omnes aliæ probationes nihil evincere valeant.

Exod: 32. Cum hebræi, erectâ in Divinitatis cultum vituli statuâ,
ejus adorationem festivis cantibus & plausibus prosequerentur: moy-
ses & Iosue descendentes de monte, resonantiumq; vocum audientes
strepitum, diversa de illis judicia, diversos formant sensus. Audivit
enim Iosue voces illas, & pugnantium clamores nominavit: *Ululatus,
inquit, pugne auditur incastris.* Audivit easdem moyses: & plauden-
tium cantica dixit: *Vocem cantantium ego audio.* Quid hoc? eadem
voces, ex eodem loco auditæ, tam diversum sonant? nempe Iosue vir
bellator erat, prout tot ejus heroica facinora declarant. Moyses vero
erat vir pacificus, mansuetus, ut num: 12 refertur: *Erat Moyses vir mi-
rissimus super omnes homines, qui morabantur in terra.* Unde quisq;
de auditis juxta suum genium efformavit judicium. Iosue bellator ad
sue inclinationis tribunal judicium evocavit, de Israelitarum vocibus;
quæ mitiori Moyse pacificum aliquid sonant; cantumq; non prælia repræ-
sentant.

Psal: 13. Iniquissima format insipiens edicta ac judicia: *Dixit in-
sapiens in corde suo, non est DEUS.* Quomodo tanta ejus mentem oc-
cupare poterat stultitia, ut DEUM non esse decerneret? Perpendamus *Errat affe-
exacte singula; tam iniqui tribunalis excutiamus decretum: Dixit insi- Etus in judi-
piens in corde suo. non mente sed corde judicavit.* non ratio recta, cia.
sed pravus animi affectus huic præerat judicio; appetitus corruptus, non
bene ordinata mens ejusmodi dixit sententiam. Dixit insipiens in cor-
de. Ita plerumq; hominum de rebus judicium, affectus non ratio gu-
bernat.

Talpam ait Aristoteles oculos habere, quamvis non videat: natura

organa visionis, ut in cæteris animantibus disposuit, unde oculorum concava in talpa reperiuntur, at humoris crassi copia efficit, ut membrana juxta illos accrescant, & omnino claudant. Male affectus homo similitudinem exprimit talpæ, oculos habet, sed humore nimio pravorum affectuum obscurantur, ne videat res, sicuti sunt, nec de illis judicium ferat, prout merentur, sed ut hi affectus eas representant.

Dicebat Abbas Cellensis lib. 9 Ep: 1. *Affectus tuus operi nomen imponit.* non sua dat rebus nomina pravis affectibus imbutus homo, sed prout inclinatur, & cuiq; afficitur, cudit titulos. Virtutem vocat hypocrisim. Insolentia vitia, recreationis adornat vocabulo. Veritatem somnium, Impudentiam urbanitatem appellat. non juxta rectæ rationis principia, quæ averfatur, sed juxta iniquos affectus, quibus indulget, suos profert sensus, format judicia. *Affectus tuus operi nomen imponit.*

Rectè asserunt Ioannes xxiii. Pontifex: *Nil tam alienum est à veritate, quam vulgi judicium: Nam quilibet vel affectione trahitur, vel ab apparenti colore movetur.*

Psalm: 4. Inquirat Vates regius: *Quis ostendit nobis bona?* & respondet: *Signatum est super nos lumen vultus tui Domine.* Nempe tunc solum bonos concipimus sensus, & recta formamus de rebus judicia, cum in illis proferendis lumen rationis affulget, & nullus obfuscet affectus. Unde seneca Epist: 71: ait: *Nulla res majoribus malis implicat, quam quod ad rumorem componimur, nec ad rationem, sed ad similitudinem vivimus.*

Apologus
depravati
judicii.

Potest id ipsum illustrari apologo illo, qui de leone, lupo & asino refertur. Olim leo cum lupo, longâ exercitati fame, inito secum consilio, asinum invadere decreverunt, ut tamen justè ac debitè rem agere viderentur, convenientes unà cum asino in eundem locum, iniecerant discursuum materiam de penitentia; promovendo variis rationibus optimum esse, si unumquodq; ex illis animalibus sua fateatur peccata, & penitentiam pro illis postulet sibi assignandam. Placuit omnibus ea sententia, proinde Princeps animalium leo, cepit sua enumerare deli-

delicta, dicens: scio me multas suffocasse feras, innumera absumpsisse animalia, fustulisse boves. Sed doleo de tanta rabie ac feritate mea. Conabor temperare in posterum iras, componere furorem, nunc rogo penitentiam: ubi hæc inaudit lupus; respondit: non est, unde tantis scrupulis angaris Princeps maxime. Regem te inter animalia, natura constituit, altum tibi super universa dominium. Licet Principi, quidquid libet. Subditos non Reges jura ligant. Quomodo superstes viveres in mundo, si te cæterorum animalium mortes non nutrent ad vitam. Hæc tali ferarum prædâ DEUS offenditur, qui in veteri lege multa pecora in sacrificium, sibi offerri jussit. Et certe quo alerentur tot animalium greges? si nullum illorum tolleretur de vita. Placuit hæc sententia leoni, pro qua habuit gratias lupo. Deinde lupo sua crimina recitare aggressus: Et ego non unum deglutivi animal, anseres, oves rapere, non numerare didici. Satur etiam, alias quandoque, invariis caulæ, occurrentes absumpsi lepores, absque ulla graviore necessitatis exigentiâ, vix non totos greges meæ voracitatis feci victimas. Auditis hæc Leo dixit: non recte quidem egisti, cum nullâ fame coactus plura occideres animalia, sed quod ingravescente fame, aliquando de gregibus subduxeris prædam, nullum delictum censeas: sic enim tum natura disposuit ventriculum, ut paucis contentari nequeat. Certum autem est, quod ea agendo quæ natura exigit, nemini vitio vertitur. Memineris tamen in posterum, ne frustra perdas oves, mactes anseres, dum tibi venter satur, interim pro penitentia osculeris terram. Egit lupo gratias pro discreta penitentia. Ordo tandem tangebatur asinum, ut sua confiteretur peccata. Sed nihil in se vitiosi reperiens dixit: nullam me crudelitatem exercuisse: scio, nullam prægustasse gallinam, Sanguini nullius inhiasse, læsisse nullum; unicum inquit mihi semel acciderat: Quando proprium vice quadam sequebar Dominum, adverti de lacero ejus calceum parum prodire straminis, quia verò fames urgebat, aliquantum attraxi de illo, & comedi. Leo fingens se non bene percepisse, quæ protulerat asinus; conversus ad lupo quærit: quid ejusmodi

fecit asinus? verum ipse asinus distinctius rem enarravit dicens: Princeps maxime, hoc me fecisse confiteor, & in hoc scrupulum patior, quod semel aliquid straminis de calceo Domini prospicientis attraxerim; longa equidem fames me coegerat. Hæc audiens Leo formare iudicium, cudere decreta, cum lupo caput, contra asinum. Quid tibi, inquit Leo, videtur? quantâ pro tam grandi delicto dignus sit pœnâ? Proprium aggredi Dominum: nefas vix à sæculis auditum. Contra suum nutritium dentes acuerere? scelus immane. Adjecit lupus: si ille prædo dicitur, qui viatores aggreditur, & à tergo dolose insidias parat, quid de asino censendum? qui adversus Dominum & Benefactorem suum, hæc moliri ausus, quibus eum supplantaret. Pedi insidiabatur sui Domini? ut eum subverteret. Quid si Dominus eo perterrefactus molimine, morbi causam contraxisset; quantorum malorum origo asinus fuisset? O magnum, nec levi pœna expiandum asini facinus! Addidit insuper Leo: Si stramen, pedis involucrum arrodere ausus, nec ipsi pedi pepercisset, imò & ipsum Dominum devorasset, si ipsi per naturam licuisset. Non est itaq; diutius in vita servandus, qui sui Domini vitæ adversari præsumpsit. nostra proinde fiat præda asinus. Vix diversa serie trahuntur ab animo hominum, sensus ac judicia, ubi pro tribunali non ratio, Divinæq; aut humanæ legis respectus, sed vitiatæ naturæ impetus, & depravatus, præsidet affectus.

Docet ars Perspectivæ, quod oculus à supposito digito, extra situm suum debitum dimotus, rem unicam ac indivisibilem, instar duarum apprehendat. Unde lemma: *Fallitur dum movetur.* Ita omnino oculus mentis ab affectionum motu circumventus, non in leves impellitur errores. Monet proinde gravi ac prudenti oratione Innocentius 4. in Concilio Lugdunensi, dicens: *Caveant Ecclesiastici Iudices, & prudenter attendant, ut in causarum processibus, nihil vendicet odium, vel favor usurpet, timor exulet, præmium aut expectatio præmii iustitiam non everrat; sed stateram gestent in manibus, lances appendant æquo libramine, ut in omnibus, quæ in causis agenda fuerint, præsertim in concipiendis sententiis & ferendis, præ oculis habeant solum DEUM.* ANN-

ANNOTATIONES

IN textum qui sequitur: *In simplicitate cordis querite illum.* Ubi plures haberi possunt annotationum ac reflexionum fontes, tum ex ipsa simplicitatis quidditate, tum ex combinatione unius cordis cum pluralitate querentium, tum ex aliis dictorum proprietatibus. Sit itaq;

A N N O T A T I O Ima.

IN SIMPLICITATE CORDIS QUÆRITE ILLUM.

Medium querendi DEUM efficacissimum censet & commendat sapiens, *in simplicitate cordis.* nempe hominis DEO intenti & sedulo ejus inquirentis faciem, simplicitatis ac sinceritatis amor, cor regere debet. Simplicitas & animi candor compendiosa est ad DEUM via; cor verò fraudibus ac dolo sita plenum, & à DEO & ab hominum consuetudine, quemq; remover & elongat.

Dux sunt hujus discursus partes. 1^a in commendationem simplicitatis & candoris animi. 2^a in vituperium dolo sita.

Q U A N T U M ad Imum

Eccl: 9. monet Spiritus S. per Prophetam: *Omni tempore, sint vestimenta tua candida.* Cur non manus? non facies? sed vestimenta candida requiruntur? fortassis juxta receptum proverbium: *Testis est vestis, qualis intrinsecus estis.* Voluit candorem animi intimare, non dissentiente D. Ambrosio, qui lib: 1. offic: c. 18. ait: *Habitus mentis, in corporis statu cernitur.*

Subscribit eidem sententiæ S. Isidorus, in Epist: ad Redemptum

Gz.

Archi

*Cor candi-
dum & à
fraudibus
alienum.
DEO con-
jungit ho-
mines.*

Archidiaconum, dicens: *In utroq; testamento candorem vestium maxime approbari, eo, quod in eo mentis sinceritas requiratur, quam constet inter ceteras virtutes DEO esse gratiosorem.*

Nemo felicius appropinquit DEO, quam ille cui concessum ad ipsius throni conspectum accedere. Expendamus verò quanam primi stipabunt thronum DEI; & edocebit nos D. Ioannes, qui Apocal: 7. dicit: *Stantes ante thronum, & in conspectu Agni, amicti stolis albis.* Nempe candor primum locum in cælo obtinuit.

*Sinceritas-
animi com-
mendatur*

Decreverat Christus Dominus cælestis gloriæ maiestatem ostendere Apostolis: quânam viâ id exhibeat? videamus: *Vestimenta ejus facta sunt alba sicut nix,* dicit sacer textus Matth: 17. Cujus rationem assignat S. Isidorus: *Quibus omnibus locis minimè fucati animi, sed puri, candidi, ac sinceri commendantur.*

Prohibuit olim DEUS ne populus Israeliticus panem comederet fermentatum. *Quicumq; comederit fermentatum, peribit anima illa de Israel.* Exod: 12. Quid obsecro DEO fuit cum fermento, ne illud in cibum adhiberi pateretur. Oleaster respondet: *Abhorui semper Dominus à mixturis.* Præcepit enim non arandum in asino & bove Deut: 22. non ferendam terram diverso semine Deut: 22. non gestandam vestem ex lano & lino. ne quid duplicitatis in sua reperiretur creatura. Voluit nos simplices esse, & in simplicitate cordis inquirere Dominum.

Isaïæ 38. Ezechias Rex, cum illi Isaïas Propheta diem mortis nuntiaverit; supplicem DEO porrexit libellum, spe certâ fretus de aliquot vitæ annis sibi prorogandis. Sed unde tam firma spes de inveniendâ in conspectu Domini gratia? *Ea inquit, obsecro Domine, memento quæso, quomodo ambulaverim coram te in veritate.* Nullum præstantius medium esse potest ad omnia, à DEO obtinenda, quam nullo fuco temerata veritas, ac cordis simplicitas. *In simplicitate cordis quæritur illud.*

Matth: 18. non sine mysterio Christus Dominus, ad dissolvendam quæstionem, quæ inter Apostolos orta est: *Quis putas major est in Regno.*

Regno Calorum? advocans parvulum statuit in medio eorum, cum adjecta comminatione: nisi efficiamini sicut parvulus iste, non intrabitis in Regnum calorum. Cur non senio præditum adhibuit discutiende inter Apostolos controversiæ? sed parvulum mediatorem in circulo Orbis Doctorum fecit: De majoratu nempe & honoribus agitabatur, causa, proinde parvulum statuit; non tam verbo, quam opere instruens; quod non anni, sed virtutes ad calculum ire debeant, ubi de honore disceptatur. Succensere quidam juvenili Alexandri ætati non dubitavit, sed illi, teste Curtio, congrue reponit: *Ego me metior non ætatis spatio, sed perennitatis.* Neq, enim derogare ætas cuiquam potest, cui Virtus suffragatur. miserum illum Regiorum statum, ubi sola canities candidatos facit. *Nihil rursus est; exclamat seneca, quam grandis natus senex, qui nullum aliud habet argumentum, quo se probet diu vixisse, quam ætatem.* Etiam teneræ ætatis, adstricta membris sublimior Juventæ mens, adulta parit consilia: Anno 1119. ut memorant annales, in Belgio parvulus puer evicit omnino apud Parentes, ut S. Francisci habitu indatus incederet; quo obtento, nunquam amplius calceamenti usus, nullas pecunias attrectare passus est, super nuda cubabat humo, zelose perorabat ad populum de inferni panis. cum aliqua minus decentia loqueretur Pater, monebat illum dicens: qui talia loquitur, cælo excludetur. Advertens Matrem ornatam in templo; ostendebat illi crucifixi effigiem nullo ornatu tectam. sic mirabilem vix capit vitam, cælo, in flore ætatis, maturuit: nam septennis mortuus, cum magno Communionis desiderio, ob annorum defectum, sibi denegatæ. Dicit de hoc Juvene poterat, quod S. Ambr: ser: 90: de S. Agnete: *Computabatur in annis infantia, sed erat senectus mentis immensa.*

Advocans parvulum statuit eum in medio. Quid est quod parvulus inter grandævos, nec nomine, nec staturâ assurgat? In medio quippe digniorum, quam ipse fuit, crescere non valuit. Quidam alto de Sanguine natus, inter Ecclesiasticos non postremus Prælatus, plus generi, quam morum probitati præfidens, postquam sibi innotuisset, quod suus

Constantinus

*Virtus non
ætas adre-
gimen pro-
moveret.*

*Præstantior
sublimi ge-
nere virtus*

Confanguineus Petri cathedram conscendisset, cum spe & desiderio galeri cardinalitii, expedit ad novum Pontificem, proprium Oratorem, qui inter donaria ferret argenteam lancem, aurea cerasa, viridi depicta colore continentem; ad latus, sol expressus virebatur, uvis viridibus inscriptione adjecta: *Expectant à sole ruborem.* Hæc Pontifex grato tantisper acceptans animo, postea tamen intelligens, quid ejusmodi munere peteretur, remittens eidem oblatum sibi donarium, jussit inter Solem & uvas virides, eminentem depingi a borem, umbram in cerasa projicientem; cum lemmate: *Umbra rubere negat, quæ venit ab altis.* Designans non deesse digniores, qui merentur ejusmodi promotionem.

Statuit eum in medio eorum, nisi efficiamini &c. Mirum est non parvulus ad incrementa majoribus paria, invitatur; sed Apostoli ad pueritiam redire urgentur: *Nisi efficiamini sicut parvuli.* Fortassis ex eo stabat parvulus in medio, æquali ab omnibus distans spatio, non magis ad unum, quam ad alterum propensus; quod non dum protunc inter Apostolos servabatur, ut ergo illos redargueret Christus, parvulum sequendum proponit; quasi diceret: de majoritate jurgia excitatis, discite magnarum esse mentium, pari pendere cunctos lance, & individuas cunctis exhibere benevolentias. Hinc Virg: lib. 10. *Æneid. Rex Jupiter omnibus idem.*

Aliam tamen hujus facti affert rationem S. Maximus dicens: *Unde intelligimus quòd humilitate pervenitur ad Regnum, simplicitate penetratur ad cælum.* Docere nos scilicet Magister omnium voluit nullam esse compendiosiore viam penetrandi ad DEUM, quàm sit simplicitas cordis. Addit robur eidem sententiæ D. Hilarius comment; in matth: ubi ait: *Non nisi reverbos in naturam puerorum intrare Regnum cælorum Dominus docet: id est per simplicitatem puerilem vitia Corporum, nostrorum, animarq; revocanda:* Et infra: *Revertendum igitur est ad simplicitatem infantium; hi enim proximo velle malum nesciunt; curam opum negligunt, non oderunt, non mentiuntur, dictis credunt.* Putant aliqui istum puerum, qui est constitutus in medio, fuisse nathanaelem,

de

*Æquanimi-
tas ad
omnes*

de quo postea Christus: *Ecce verus Israelita in quo dolus non est.* si ita est? non miremur urgeri Apostolos ut efficiantur sicut hic parvulus: Intrare enim in Regnum caelorum nequit, quem caelo dolosus excludit animus.

QUANTUM ad idum.

Sed jam ad alteram propositi discursus partem procedamus, quòd scilicet dolositas animi, nos à DEO & hominibus alienos facit & elonget

Possunt ejusmodi homines comparari cum mercatoribus, qui colubinas exuvias vendunt, verba fundunt nitidissima, sed quibus nihil subest pectoris, juxta illud marc: 7. *Populus hic, labius me honorat, cor autem eorum, longè est à me.*

Dolositas & conforrio DEI & hominum removere.

Possunt dolosi conferri cum ciconiis, sublimè quidem volantibus, sed rostro serpentem ferentibus. Item Apiculæ, quæ mel ostendat, sed non procul abest aculeus. P. Drexel. c. 25. in Phaet: assimilat dolosos Crabronibus: Crabro scilicet dum infidet flori, silet, dum avolat, in amænum murmurat. Sic hypocrita quamdiu mel affunditur, tacet, vel mulcet, cum procul est à flore, barbaro fremitu tumultuatur.

Dolosi sunt ad instar Venatorum, qui fistulâ dulciter canunt, ut volucrem decipiant, ac deplument. Similes sunt histrioni qui omnem vultum induit, & nullam partem seriò agit.

Præcis erant pugiones sic dolose tecti, ut nulla superesset suspicio latentis ferri, atq; hos vocabant dolones; de quo maro innuit, dicens: *Pila manu, servosq; gerunt in bella dolones.* Similes illis sunt dolosi homines, quorum genius est attestante D: Greg: lib. 20. c. 16. *cor machinationibus tegere, sensum verbis velare, quæ falsa sunt, vera ostendere, quæ vera sunt, falsa demonstrare.* Et quid inter ejusmodi mortales Divini? quid humani inveniri potest? Omnem isti humanitatem exuunt, quæ totum dolositati cor dedicant. Et certè cui mirum esse debet, quòd dolositas à DEO, & hominum convictu, elonget, reddatq; odiosus, cum contrarias leges humano convictui sequantur, quas P. Drexel: c. 26. in Phaet: refert. Ima illorum lex: nihil cuiquam credas, quantumvis

*Prava do-
losi leges*

in speciem amico. 2. nullum tibi ex animo amicum existimes, neque tu sis ulli. 3. Esto tamen comis & blandus singulis, perinde quasi neminem non ames. 4. Officiorum illorum, esto largissimus, quæ nihil habent impendii: saluta blandè, complectere peramanter, honoris & amoris titulos repete, lauda assatim, pollicearis largiter. 5. nullum aperte lædas, à tergo quantum potes. 6. Adulari ad annuissim scias. 7. Decipere alium civile & urbanum censeto. 8. Tibi ab omnibus tanquam hostibus caveto. 9. memoriâ sic excellito, ut injurias filici, pulveri benefacta inscribas, ista verbis, illa pugnīs rependito. O depravatos, sub tam iniquis legibus, mores! O animum hīcce telis instructum extra humani generis convictum, relegandum.

Nec desunt exempla. In Græcia Dercyllidas vafer homo, Sisyphi nomen habens, cum Cleomene Spartano, septem dierum inducias est pactus; tertiâ tamen nocte iuvasit Cleomenis castra, in quibus peremit & abduxit plurimos. Insimulatus perfidiæ, eludebat flagitium dicens: nullam se dum concluderentur induciâ, noctium fecisse mentionem, solos dies in pactum venisse. Sed ob hanc fraudem Argos ei redire non permissum, quæ ignominia ad insaniam hominem redegit. Ita animi dolositas, non solum ab hominum consortio, sed etiam rationis usu, pollente hominum mente, dividit & elongat.

Galeacius Dux Mediolanensium cum audisset causidicum vasto ingenio lites producere, accitum ad se affatur: Debeo, inquit, pistori centum aureos, defendesne me jure, ne solvam? annuit ille. Sed Galeacius fraudis confessum, verbis prius increpitum, laqueo publico necari iussit.

Scribit Livius dec. 1. lib. 5. quod cum Camillus Falerios Tusciæ urbem obsideret, ubi mos erat eundem habere Magistrum puerorum, & Comitem. Hic lusu variis ultra mœnia processit cum pueris, & ad Camillum perduxit, fraudulentum eidem aperiens Consilium, quod scilicet cum his pueris facile in Romanorum potestatem sit ventura Civitas, quorum Parentes urbis sunt moderatores. At Camillus

repo-

reposit: *Non ad tui similem populum, nec Imperatorem, scelestus ipse, cum scelesto munere venisti. Arma habemus non adversus eam aetatem, cui, etiam captis Urbibus parcitur, sed adversus armatos. Eos tu, quantum in te fuit, novo scelere vicisti; ego Romanis artibus: virtute, opere, armis vincam.* Virgas deinde pueris porrigi fecit, quibus vinctum proditorem verberantes in Urbem agerent.

Machab: 6. nota est historia de Eleazaro uno ex primoribus scribarum, qui ab amicis inducebatur, ut saltem simularet, quod carnes vetitas lege, ad imperium Regis manducaret; quibus respondit ille: *Præmitti se potius velle in infernum; non enim ætati nostræ dignum est fingere.* Expendamus dicta, scrutemur heroicum Eleazari animum. Præmitti dicit in infernum malo, quàm fingere, quasi innueret: longè quidem distantia infernus separat à DEO, sed fictio, simplicitatisq; expers animus, maiora facit divortia. Infernus penas continet, simulatio causat. Fortitudine prorsus hic opus est. Cadere quidem sub ferro possum: à vero & recto flecti non possum. non me minæ Regis, non tormenta terrent, quæ finiuntur. Terrent æterna, quæ fraudulenta succendit simulatio. Obsequendum Regi svadetis Amici? obsequar, si illi possum & DEO, at cum illum in locum redactus sum, ut alterutri renuntiare necessum sit: renuntiabo Regi, ut obsequar DEO. *Non enim ætati nostræ dignum est fingere.*

Sophon: 1. Gravis est illa comminatio Divina: *Visitabo, inquit, super omnes, qui induti sunt veste peregrina.* Quid sibi vult & quos petat ejusmodi comminatio? Audiamus D. Hieronymum hujus loci interpretem. Illos hic dicit designari, *qui simplici virtutum habitu non contenti, multiplices externarum gentium ritus imitantur; qui à fidei simplicitate, in multipliciter perfidia degenerant, & in uno corpore plures gestare animos, in uno ore plures Personas agere, in uno homine plures mentiri homines videntur.* Neq; procul abest ab hac interpretatione Rupertus, qui per vestem peregrinam intelligit hypocrisis, quam qui sibi induit, unus esse desinit, multiplex constituitur.

Procul itaq; ab eorum animo exulet dolositas, qui nec ab hominum consortio elongari, nec à Divina exterminari gratia desiderant.

A N N O T A T I O 1da.

IN SIMPLICITATE CORDIS QUÆRIE ILLUM.

Illa, quæ sunt simplicia, juxta Philosophiam, non subjacent mutationi. Feliciter itaq; inquirat, facileq; consequitur DEUM, quisquis eum corde constanti, animo mutationi non subjacente investigat. Constantia animi, & mutari nescia mens, facilem ad DEUM inveniendum aperit viam. In utraq; fortuna constans esse debet, qui DEUM, ejusq; inquirat gratiam.

*Constans
animus in
omni fortuna
alea.*

Quibus sincerus adest DEUM inquirendi animus, debent assimilari Topazio, de quo S. Ioannes Chrysost. apud Anasilium nicens q: 48. dicit: tritus in medico mortario, colorem quidem non amittit, sed fundit succum lacteum, implet autem multos crateres, & neq; pondere minuitur, neq; circumferentiâ. Unde nec de magnitudine ejus quidquam decedit, nec de gravitate. Talem oportet esse DEI servum, qui licet contundatur, simplex sit, non scintillas ab ira provocet, non de perturbato corde sanguinem fundat, sed eandem semper, & vultus serenitatem, & animi tranquillitatem retineat. Absit ab eodem, ut histrionum morem agat, de quibus D. Hieron. in Epist. 18. ad Marcellam: *In theatralibus scenis unus atq; idem histrio, nunc Herculem robustus ostendit, nunc mollis in Venerem frangitur, nunc tremulus in Cybelem.* Potius sequatur quisq; ea, ad quæ hortatur D. Ephrem tract. de spir. dicens: *Quemadmodum uncus a qua licet semper verberetur, non tamen dat tergum, neq; concavitate formam in se recipit, sed eandem semper manet, sibiq; similis, sic qui verum se vult gerere Christi-*

anum, annus & idem maneat oportet, fortiter quaecunq; obvenientia perferens.

Psalm: 33. canit David: *Benedicam Dominum in omni tempore.*
S. Casarius hom: 19. quatit: *Quis est qui benedicit. DEUM in omni tempore?* & respondet: *quem non felicitas corrumpit, nec adversitas terret.*

Incredibile pene dictu est, quam multa fuerint in templo salomonis, vasa aurea, argentea, & aerea prout ex 3. Reg: 7. constat, cur itaq; in tanta multitudine valorum, ne unum quidem vitreum reperiatu? potest quidem ratio afferri, ex eo id factum esse, quod vitrum cum facile frangatur, sit symbolum inconstantia, quam DEUS vult e suo Templo exulare. Potior tamen videtur causa, quia vitrum, quam expertus est proprii coloris, tam facile refert alienos: quibuscunq; enim liquoribus imbuitur, statim concolor efficitur. Procul igitur voluit DEUS a suo abesse obsequio omnes, qui non servant unam rationem vivendi, sed in diversa studia feruntur, & nunc hos, nunc illos mores imitantur.

*Inconstan-
tia reproba-
tur.*

Psalm: 1. *Beatus vir qui non abiit in consilio impiorum.* Ex hebre: legitur: *in consilium inquietorum.* Quid est? illene solus beatitudinem meretur? ille ad visionem DEI, in qua consistit beatitudo, perveniet? qui non est ingressus viam inquietorum? Ergo inquietorum via a caelo & DEO aberrare facit? ita est. Longè, a caelo & DEO errat, qui in inquietorum semita progredi statuit. Expendamus quid sit inquietus? ille nempe, qui ad levem etiam auræ motum, mutari consuevit; qui nunquam idem, semper cernitur alius, nunc blandus, nunc turbulentus, jam tristis, jam hilaris. Hinc D. Greg: in illu locum Iob 1. ubi describitur, quod diabolus stare loco nesciat, terram circuit & perambulat, ita scribit: *Satan. inquit, laborans terram circuit, quia quietus in cali culmine stare contempsit.*

*Inquieti a
calo aber-
rant.*

S. Ambrosius Epist: 1: ad Iustum hortatur hominem, ut unus idemq; esse contendat, qui unius DEI Imago est, dicens: *Et tu ad similitudinem*

Domini, unus esto, atq; idem. Non hodie sobrius, cras ebrius, hodie pacificus, crastina die litigiosus, hodie frugi, crastina die incontiens: mutatur enim unusquisq; morum varietate, & fit alter, in quo non agnoscitur quod fuit, & incipit esse quod non fuit: juxta illud: Homo cum in honore esset, non intellexit, comparatus est jumentis insipientibus.

Inde potissimum gloriatur David, quod nulla ejus animum mutasset fortuna; ita enim ab urbe profugus, ac in deserto inculto peregrinus DEUM alloquitur: *In terra deserta, inviâ, & in aquosa, sic in Sancto apparui tibi.* Psal: 62. In quem locum Euthymius ait: *Sensus est, quod tunc in tabernaculo, & nunc in deserto, aequalem erga DEUM, affectionem & benevolentiam conservavit, quasi non mutaretur cum fortuna: sed illa suas vices alternante, David suam in virtute constantiam retine- ret, & in decursu temporis, statum eternitatis conservaret.* Hinc Procopius in cap: 3. Isaia: *Fortem animum neq; unquam contrahit vituperatio, neq; facit insolentem laudatio.*

In radicibus montis illius, qui littori maritimo correspondet, ubi Timanus submersus est, cernuntur fontes, quorum aquæ cælo sereno, se subducunt, & abscondunt, cælo verò nubilo, tanta copia scaturiunt, ut per omnes circumquaq; locos diffundantur. Absit tanta vicissitudo ab animis DEO deditis. Nunquam hos in vitia disfluere decet, sed sive in prosperis, sive in adversis constantes esse debent.

A N N O T A T I O gia

IN SIMPLICITATE CORDIS QUÆRITE ILLUM,

EX Sanctorum Patrum & Sacrae Theologiæ sensu; simplicia sunt illa, quæ sicut unionem, ita pariter divisionem excludunt: nequit pati divisionem quod simplex est. Commendatur itaq; ut DEUS in simplicitate cordis quaratur: Tanta nimirum majestas ac magnificentia
DEI

DEI nostri est, ut nullum cordis consortium admittat. Frustra intra illius pectoris domicilium quæritur DEUS, quod nec soli ipsi, nec uni patet. Quisquis desiderat intra sui cordis penetralia reperire DEUM, quamvis parvulum ac in cunis Bethleemiticis vagientem, integrum DEO cor offerre tenetur. Illius animo parvulus licet in carne DEUS, concludi nequit, quem sibi plures vendicant, nec unus in illo DEUS, sed multi hospitantur. Angustum VERBO quamvis abbreviato pectus est, quod multi inter se se partiuntur. Excluditur illo hospitio DEUS, patiturq; angustias, ubi alii diversantur.

*Non parti-
tur DEUS
consortem
in eodem
corde.*

Aptissimam hujus veritatis similitudinem affert Dionys: Cassius lib: 2. de agricul: c: 4. dicens: si duo sarmenta in uno scrobe sinantur, radices ipsæ coarctantur, & illa sufficiens alimentum non acquirunt, quemadmodum duo infantes neq; ali possunt ab una nutrice. At si scrobs unus, duo non capit sarmenta neq; una duos facis lactare infantes mulier potest; quomodo anima una servire queat rebus tam diversis & adversis, quam sunt DEUS, & mundus? voluptas carnis & deliciae Spiritus? Fieri non potest ut eodem tempore, unam DEO, alteram mundo mamillâ præbeas. DEUS enim & mundus in cor unum convenire nequeunt.

Recte Pœta quamvis de mundanis Principibus: *Omnis potestas impatiens consortis*: quidni Divina Potestas patiatur eundem.

Inquiritur à multis: cur inter immunda animalia reponeretur gallus gallinaaceus, ut offerri in Sacrificium non potuerit? Ioannes à Geminiano lib: 4: c. 52. dicit hoc habere gallum, quod unum oculum inferius deprimat, alterum in aëra dirigat. In aliis animalibus ita sibi fibris quibusdam oculi junguntur, ut videndo, in unam partem semper ambo colliment, solus gallus oculo uno terram; cælum altero simul respicit. non valet itaq; ad Sacrificium Divinum. Haud DEO placent, qui amorem illius, cum terrenis affectibus confundunt; terram simul & cælum eodem respectu petunt. Quisquis DEO frui desiderat, Spiritu celestis sponsæ animari debet, ad quam Cant: 4. sponsus ait: *Vulnerasti*

*Gallus ad
immunda
animalia
revocatur.*

cor meum in uno oculorum tuorum. Cur in uno tantum? quia alterum non habuit, quo res creatas intueretur, ut D. Greg: nisi: Orat: 3 in Cant: *Qui ad solam illam DEI naturam visus acumen dirigit; is in ceteris omnibus cecus est, ad quæ multorum oculi respiciunt.* Item S: Bern: Epist: 158. *Qui DEO simplici adheret oculo, factus est & ipse simplex, aut certè jam non alter est oculus, sed unus cum eo;* Apostolo teste: *quoniam qui adheret DEO unus Spiritus est cum eo:* 1. Cor 6.

Lucæ 2. narratur de infante IESU: *Non erat ei locus in diversorio.*

Investigemus causam, quare in diversorio defuit Christo locus?

Christus *ima* fortassis ideo: quia diversorium, solum propter hospites, quo **non habet** *tunt* aliò transitori, & non semper mansuri. Haud ibi DEO homini **locum in diversorio** congruus reperitur locus, ubi hospitem duntaxat agere cogitur. Displicet numini ejusmodi Domicilium, nec suo pede ea dignatur limina, quibus recipitur, ut vix Salutatus expediat. *Domum tuam decet Sanctitudo Domine, in longitudinem dierum.* Clamat Regius Psaltes. Psal: 92. Glossa ordinaria in prædictum locum Evangelii dicit: *Diversorium est domus inter muros, duas januas habens;* quasi intimare vellet: non posse illam animam, hospitem habere DEUM, in cuius domicilio duplex ostium, quorum altero venientem ad se Dominum admittat; altero eundem citiùs expediat. Plures habere fores anima non debet; una illi satis junua, quâ adventantem suscipiat DEUM, nunquam suo dimittendum hospitio.

2da ratio esse potest: quia diversorium à divertendo dicitur, ad quod à suscepto & directo itinere divertunt homines. Ejusmodi deflexiones, flexuositates averfatur DEUS, ad eos non nisi se recipit, qui rectò sunt corde.

3tia ratio: quia in diversoriis, frequenter jurgia, dissensiones, clamores audiuntur. In domo jurgii & clamoribus plenâ, non est locus Infanti DEO. In pace nimirum locus ejus. *Cum quietum silentium continerent omnia, & nox in suo cursu, medium iter haberet, omnipotens sermo tuus de celo à regalibus sedibus venit.* Sap: 10:

4ta Ratio: quia in diversorio nunquam locus mundus conservatur, sed semper novis hospitibus advenientibus, novæ sordes advehuntur, DEUs autem amat munditiam: illi cordi adhæret, quod puritate eminet: Beati mundo corde: quoniam ipsi DEUm videbunt. Verum, licet prædictæ rationes bonæ videantur: cur Christus in diversorio non repererit locum. Cæterum quia stabulo etiam convenire possunt, in quo natus est, alia causa subesse debet, cur ibi defuerit locus Infanti DEO. Nempe ad diversorium omnibus liber accessus, locum quisq; habere potest. Omne genus hominum, imò & brutorum in diversorio hospitantur; proinde Christo locus deest. Exesse Infans DEUs cogitur, quo omnes recipiuntur. Qui hominem DEUm in sua anima hospitem habere exoptat, illum coronati Prophetæ animum induat oportet, qui dicebat: *Quid mihi est in celo, & à te quid volui super terram, præter Te DEUs cordis mei.* Unde S. Laurent: Iustin: *Delicata consolatio Divina, est, nec datur admittentibus aliena.* Et Hugo Cardinalis inquirat rationem: *Cur ipse, qui nos creavit, non alium constituit, sed ipse reparator corruptæ naturæ esse voluit?* Et respondet: *ne amorē divideres inter Creatorem & Redemptorem, idem factus est tibi Creator & Redemptor.* Inter alias Constitutiones cōmunis est lex Cap: *Ubi pupilli:* ne mulier, quæ convolvavit ad secundas nuptias; prioris matrimonii filios sub sua retineat tutelâ: aut alteri marito renunciare debet; aut Tutelâ munus, simulq; maternæ curæ viscera deponere cogitur. Cùm secundus maritus domum subintrat, filii sub alterius Tutoris tecta transferuntur. Ita infans DEUs nequit consortem pati.

Lucæ 8. Quid est? quod grana illa seminum, quæ Paterfamilias seminaverat, omnia orta sunt, quamvis non omnia incrementum acceperint; unicum tantum ex illis ne quidem ortum est in terra. Cecidit unum inter spinas, & ortum est, licet postea spinis suffocaretur. Cecidit aliud supra petram & quamvis aruerit successu temporis, nihilominus ortum est: *Natum aruit.* Tertium supra bonam terram, & fecit fructum. Illud verò quod cecidit secus viam; non est penitus ortum.

Semen est Verbum Intermisſis aliis reflexionibus, huic loco congruam deduco. Ille Paterfamilias, non alium designat, niſi Patrem aeternum. Semen autem, exponente ipſo Chriſto: Verbum eſt. Cecidit die nativitatis ſuæ ſupra petram, utpote reclinatum in præſepio VERBUM abbreviatum, licet brevi aruit, vel potiùs abiit in Ægyptum. Secus viam autem, in diverſorio, neq; nati voluit: nempe citiùs hoc Verbum conculcatur ſecus viam, quàm nascitur. Cujus cor tanquam ſecus viam, quo omnibus acceſſus non præcluditur: ibi Verbum Divinum non nascitur. Non obvium cuiq; pectus eſſe debet, quòd Infantem DEUM ſuo ſinu complecti exoptat.

Pſal: 18. Pſaltes de DEO canit: *In ſole poſuit tabernaculum ſuum.* Cur non alibi? ut ſcilicet diſcamus, eam cordis noſtri ſerenitatem requiri ad parandum in illo, Chriſto hoſpitiũ, quæ ſolis lucem æmuletur. Nulla in eo macula, nullæ tenebræ recondantur, neceſſum eſt. Sed ipſe potiùs infans DEUS, ſol eſt, qui d: MARIE utero, tanquam ſol de mari exoritur, juxta illud canentis Eccleſiæ: *Beata es MARIA, ex te enim, ortus eſt ſol Juſtitie.* Hæc verò eſt proprietas ſolis, quòd non priùs exoritur, antequam ſtellæ extinguantur, Luna recedat, pellantur cætera Aſtra, quaſi ſol inſimul cum hiſce planetis conjungi non poſſet. Facile luna cum tenebris noctium componetur, nec ſtellas à conſortio lucis excludet. Ipſe ſol nullum conſortem patitur, ex quo etiam ſolis nomen derivavit, quaſi ſolus lucere exigens. Sol Juſtitie Chriſtus, ut in alicujus oriatur animo, ejuſq; mentem colluſtret; procul alii abeſſe debent planetæ, erratica ſidera procul, procul fatui ignes: Inconſtantie ſymbolum luna, ſimul cum ſole ſtare nequit. Singularis apud quemq; DEUS eſſe deſiderat.

Scribit Curtius quod Darius advertens fortunam belli favere Alexandro; miſerit ad eum legatos, ſuam per eos exponens voluntatem, quæ decrevit, ſui Regni conſortem facere Alexandrum, ſed hic repoſuit: *Nec calum duos ſoles, nec Regnum duos patitur Reges.*

Levitiçi 10. de nadab & Abihu filiis Aaron habetur, quòd illos offe-

tentes Domino ignem alienum, erumpens de altari ignis devoraverit: *Egressusq; ignis à Domino, devoravit eos.* Cornel: à lapidē ait: *Ex hoc altari ignis sacer, non ferens consortium ignis alieni, profiliit, eumq; cum offerentibus absorbit.* In cordis humani altari, præter sui amoris ignem, *Cor humanum altare* non patitur DEUS alterum; juxta illud: *Diliges Dominum DEUM tuum ex toto corde tuo.* Hinc Richardus Victorinus lib: 4. de contempl: c: 15. *Amor singularis consortem non recipit, socium non admittit.*

Psal: 18. describitur Salyator noster sub forma sponsi, dicente propheta: *Et ipse tanquam sponsus procedens.* Nec mirum, fecit enim Rex nuptias filio suo, cum Divinum Verbum naturæ humanæ conjungeretur. Quisquis itaq; suæ animæ Sponsum Christum ad sui cordis intima pertrahere desiderat, illi totum cor suum offerre tenetur. *Delectus mihi & ego illi,* tertius interveniens ne nominetur.

A N N O T A T I O 4ta.

IN SIMPLICITATE CORDIS QUÆRITE ILLUM.

Vidimus simplicitatem in negatione divisionis, seu in unitate indivisibili consistere; quomodo ergo ista combinari poterunt; ut plures ad quærendum incitentur, & tamen unum pluribus cor commendetur? *querite illum in simplicitate cordis.* Si plures erunt, qui DEUM inquirent; quomodo simplex ac unum cor habebunt? vel si indivisibile cor animabit pectus: quâ ratione plures animati numerabuntur? *Consensus animorum* Sed mirari definamus, & exequi, quæ suadet sapiens contendamus. *juvat ad* Hoc est efficacissimum DEI inveniendi medium, si à pluribus in unitate cordis, & indivisibili animorum consensu requiratur. Personæ scilicet inveniendū *DEUM,* ceter distinguantur, non animi in quærendo DEO.

Carbonibus ignitis in unum collectis quidam addidit lemma: *Extinguimur si distinguimur.* Non aliter & nos in amore DEI persevera-

bimus, quàm uniti charitatis vinculo, tandiu in servitio DEI ferventes quamdiu invicem uniti.

Fluvius si in plures alveos dividatur, facilè à quovis calcatur, & exsiccatur, antequam ad mare deveniat; ita & studium nostrum in quærendo DEO languescet, nisi concordii omnium animo foveatur.

Et certè, si sanitas maximè dependet à concordia humorum & qualitatum; Sanitas enim juxta Philosophos consistit in quâdam dispositione, quæ ex humido & sicco; frigido & calido, vel naturæ, vel artis beneficio aptè composito constat; quodsi tantillum naturæ demas, vel artis, dispositionem illam turbas; ipsam sanitatem evertis, ut Maximus Tyrius diss. 10. censet. Ita & salus æterna, in concordii animorum compositione persistit, hanc qui turbat, vitam subruit æternam.

Aristides quando cum Themistocle adversario suo expediretur ad legationem obeundam, dixit: *Visne, inquit, o Themistocles? ut in his montibus, inimicitias paulisper deponamus, recepturi eas, cum redierimus.* Offendens, nihil boni ab iis posse perfici, inter quos deest consensus animorum.

Sanctus Hieronymus in c. 1. Aggæi, excutit questionem: cur DEUS, impertiendo aliis creaturis benedictionem in prima mundi fabrica, 2da diei non benedixit, neq; illius opera laudavit, ut constat ex Gen. c. 1. & respondet: *Quia non poterat secundus dies, qui numerum facit, qui ab unione dividit, DEI sententiâ comprobari.* Non eluctabitur ad amplexum DEI, nec ejus merebitur benedictionem, qui divisiones non averlat.

*Cur sine
sacculo &
pecuniâ
mittuntur
Apostoli.*

Matth. 10. Mirum est; quod Dominus expediendo Apostolos ad reducendas ad DEUM gentes, rigorosum simulq; mysteriosum eis præceptum dedit: *Nolite portare aurum, neq; pecuniam in zonis vestris.* Ejus imam rationem affert Paschasius Ratbert in hunc locum scribens: *Ne forte viderentur Apostoli magis lucri gratiâ prædicare, quàm salutis humane, omnia subtrahit quæ possent esse scandala.* 2da ratio habetur ex D. Ambr; lib; de Ioseph. c. 13. *Ob id misit discipulos suos sine sacculo*

sacculo, sine virga, sine pecunia, ut instrumenta discordiarum, & incentiva litis eriperet. Ubi palam est ineptos illos esse ad prædicandum DEUM ad deducendas ad eum gentes, ad inveniendum sibi, aliisq; Conditorem cæli, & terræ, qui intra suum gremium, dissidiorum patiuntur pericula.

Alexander ab Alexandria lib. 4. c. 15. narrat: quod Pardani moneta duos gallos concertantes impresserint: *In nummis sculpsere Pardani duos gallos inter se pugnantes, volentes significare omnium discordiarum radicem esse pecuniam.* Christus itaq; congruos prædicationi facturus Apostolos, negavit eis pecuniam, ut conservaret unionem. Vel hoc ipso nostræ instructioni documentum relinquens: Nullum efficacius DEI inveniendi, ejusq; gentibus manifestandi medium, quàm concurs plurium animus.

Matth. 17. Ut cælestem gloriam manifestaret discipulis Salvator adhuc in terris manens, assumpsit: *Petrum & Iacobum & Ioannem fratrem ejus, & duxit illos in montem excelsum.* Vix ineffabilibus ex illa visione deliciis frui incipiunt, Petrusq; suum exponit desiderium: *Faciamus hic tria tabernacula.* Eo ipso tempore nubes descendens, circumfusos cælesti claritate Apostolos, insperatâ obfuscât caligine, insignemq; illius gloriæ splendorem eorum subducit oculis. *Adhuc eo loquente, ecce nubes lucida obumbravit eas.* Ex quo facile quisq; inferre potest, quod iste sermo Petri de tribus tabernaculis, privationem illius visionis deliciosæ, quâ plures fruebantur, causâsse videatur. Unde etiam à S. Evangelista, ejus locutio redarguitur: *Non enim sciebat quid diceret.* Ex his.

Ima oritur reflexio, quam cautè utendum sit sermone; cùm unicvum Petri dictum, tantorum bonorum videatur inducere privationem. Cur quæso lingua, Psal. 51. novacula acutæ comparetur? *Lingua tua, sicut novacula acuta.* Potest quidem multiplex reddi ratio. Tum quia sicut novacula, tunc quando videtur hominem lambere, exornare, sæpissimè cruento secat vulnere; ita & lingua eò acutiùs vulnerat; quò magis blanditur & mulcet. Tum quia sicut novacula facillè quidem abradit

capillitium, denudat cutem, sed nescit in suum locum abrasa reducere; ita & lingua faciliè plurius abrasit famam, denudat defectus, vix tamen gnara modi, quo reparet læsa. Potissimum tamen ex ea ratione, quia sicut novacula, dum non sentimus, capillos scindit, & à suo separat capite, ita & lingua, cum minime sentimus, multis & magnis nos privat bonis. Non sensit Petrus, & brevi sermone amisit, quam adamavit cælestem gloriam.

*Ob unius
delictam,
in omnes
panda.*

2da Reflexio: Unus Petrus loquitur, unus nesciebat quid diceret, & omnes pariter Apostoli cælestibus privantur deliciis; ita sæpe fit, ut unius delicto, in omnes poena prodegetur, uno peccante omnes puniuntur. Inquiret S. Ambrosius lib. 4. in Luc. cap. 5. Cur in mari motus magnus oriretur? *Motus magnus factus est, ita ut navicula operiretur fluctibus.* Et respondet: totam tanti motus causam fuisse unum Iudam proditorem, dicens: *Hæc est causa periculi.* Erat ibi Simon Petrus, sed erat pariter & proditor Iudas; quamvis illius fides fundaret naviculam, huius tamen eam perfidia conturbabat. Tranquillitas est, ubi solus Petrus navigat, tempestas ubi Iudas adjungitur. Licet esset Petrus firmus suis meritis, perturbatur tamen criminibus proditoris. Unius delicto, cunctorum merita quatuntur; caveamus igitur perfidum, caveamus proditorem, ne per unum plurimi fluctuemus. Hucusq. S. D. Et certè sufficit si navis, unâ parte patiatur rimas: ut tota pereat. Sufficit si in uno ædium angulo scintilla ignescat, ut rotius ædificii erumpat incendium. Pars non nisi pedum statuae Nabuchodonosoris, fictilis erat, illâ tamen corruptâ, tota in favillam abiit moles. Gen. 1. Creans Dominus pisces maris, benedixit eis dicens. *Crescite & multiplicamini & replere aquas maris.* Iam verò productis animalibus, non tribuit eis benedictionem. Quæ ratio? Anastasius Sinaita hanc assignat, dicens; *Privata sunt benedictione, quia in eis erat serpens, Eve hostis, & contrarius, & futurus erat obnoxius executioni.* Ita propter unum, privantur omnes benedictione. Matth. 2. Cur stella disparuit, cum Magi Civitatem Hierusalem ingrederentur?

Cur

cur illios non duxit ad Herodis palatium? Vix verò inde abierunt, & ecce stella quam videram in oriente, antecedeat eos, usq; dum veniens staret supra, ubi erat puer. S. Ambros: respondet: *Stella ab his videtur, ubi Herodes est, non videtur, ubi Christus est, rursus videtur, & viam monstrat.* Ita unus impietate, multi cælesti privantur lumine.

Iosue 7. Unus Achan deliquit, furtivè aliqua ex spoliis furripiendo, & totus Israel punitur; proinde Iosue lapidandum eum decernens dixit: *quia turbasti nos, exturbet te Dominus in die hac.* Antiquitus in Græcia ea consuetudo servabatur, ut si aliqua Civitas ad infelicem deveniret statum, & aliquā premeretur calamitate, aut hostium incursione, belloq; exagitaretur, vel fames, pestis, incendiumq; eam devastaret; rigorosa inquisitio instituebatur de singulorum Civium moribus, si autem aliquis convictus sceleratæ vitæ reperiretur; trahebatur in vinculis; existimantesq; Incolæ, illius hominis crimina tantarum causam fuisse penarum, quæ unius delicto, in omnes prorogabantur, ligatus in mare vel stagnum projiciebatur ac mergebatur, adjectâ communi omnium voce: *sis pro nobis perisema, sis pro nobis piaculum, sis loto nostra.*

3ia Reflexio. Petrus mansiones ædificare intendit, de quiete & fruitione cælestis gloriæ cogitat; labores verò & merita non pramissit, ut itaq; doceretur: nulli cælum absq; ejus merito dandum: privatur, quod diutius frui voluerat. Audiamus Angelicum Doctorem in hunc locum dicentem: *Falleris graviter, falleris o Pastor Ecclesiæ! prius condendum est evangelium, prius humanum genus cruoris effusione redimendum est, prius te alius cinget, & ducet quò tu non vis, quàm hoc gaudio potiaris. Itane sine certamine victor, sine victoria triumphator evades? ut cælesti quid rerum ordinem pervertis? quid meritis præmia præponis? Tandem omiſſis aliis reflexionibus. Origenes ad propositum nostrum rectè tangit difficultatem. In monte Thabor omnes illæ Personæ simul aderant, mutuo aspectu & communi latitiâ conjunctæ, nec loco separata, nec ab ulu felicitatis divisa. Petrus autem tribus tabernaculis eos*

sejunt.

*Diviso pri-
gloria.*

sejungere in tres partes voluit; idcirco quia malè argumentabatur à conjunctis ad divisa: *Tibi unum, Moysi unum, & Elia unum.* Nubes lucida obumbravit eos, omniq; privavit caelestis gloriæ solatio. Unde sic Origenes in cap: y. Matth: ait: *Promittit se facere tria tabernacula, unum privatim IESU, alterum Moysi, aliud Elia, quasi non eos capiente tabernaculo, in quo omnes simul consistere deberent; forsitan & in hoc malitiosè operabatur diabolus per eum, qui nesciebat quid loquebatur, nolens esse simul IESUM, Moysen & Eliam, sed separare eos ab invicem trium tabernaculorum obtentu, quod fieri non poterat.* Quamdiu ergo Apostoli erant simul conjuncti, tamdiu caelesti gloriâ, ejusq; deliciis perfruebantur; inductâ verò mentione divisionis, omnia disparuerunt; ut hinc pateat, nullam esse securiorem viam ad inquirendam & obtinendam caelestem Beatitudinem, vultusq; Divini fruitionem, quàm animorum concordiam.

Gen: i. Cur DEUS productas à se creaturas separatim videndo, illas bonas tantùm nominavit? Produxit lucem: fiat lux, & vidit DEUS, quòd esset bona. Item aquas, plantas &c: & de singulis testatur Sacer textus, vidisse DEUM, quòd esset bonum. In fine autem sextæ dici videns omnia simul opera creata, illaq; celebrans, non solum ea bona, sed valde bona judicavit: *Vidit DEUS cuncta, quæ fecerat, & erant valde bona.* Num illis aliquid bonitatis accessit; ultimâ illâ die? minime.

Unio laudabilis.

Sed quia creaturas DEUS antea seorsim vidit ac divisim, unam, ab altera distinctam, ideoq; solum bonas simpliciter appellavit. Sexto verò die, siquidem omnes simul Divinis sunt objectæ oculis; proinde valde bonas pronuntiat. Demus Aurem Hipponensi Præsuli Augustino, qui lib: de bon: vid: c. 6. ait: *Ubi omnia nominata sunt, additum est valde bona, meliora sunt simul omnia, quàm qualibet singula.* Et concludit S. Hieron. in regul: Monach: ad Paul. & Eust: *Omne secundum Philosophos, tantum habet bonitatis, quantum habet unitatis, propterea in exordio mundi, vidit DEUS cuncta, quæ fecerat, & erant valde bona.* O Sanctam unitatem! O Beatam concordiam! Addit S.

Tho.

8. Thomas à villa nova: *Quid jucundius quam concordia? quid molestius, quam discordia?* Hinc Severus Imperator morti proximus inde potissimum non gloriabatur, quod concordiam in imperio stabilivisset, dicens: *Rempublicam accepi ubiq; turbatam, pacatam etiam Britannia relinquo.*

Plutarchus in præcept. polit. refert: quod Leo Bizantius Athenas Ablegatus ivit, pacis ineundæ consilia cum Civibus promoturus. Hic staturæ exiguæ, cum senatum peroraturus intraret, omnes conspecto tam puillo homine, solvuntur in risum. Quid, ait Leo, meæ staturæ exilitatem ridetis? Quid faceretis? si uxor mea longè minor in vestrum prodiret conspectum, quæ vertice, vix mea tangit genua: scitote autem, quod concordies unica sedes, at discordes nec tota domus capit, unumq; ex nobis extre necessum est. Ex ea relatione didicere Cives, quam utilis sit concordia, noxia vero discordia, & reconciliati sunt. Idem & nos faciamus, oportet, si una domo cælesti concludi exoptamus. *In simplicitate, sine divisione cordis querite illum.*

*discordia
suis adibus
pellit*

Unde D. Anselmus lib. de similit. c. 63. ut nos ad servandam interris animaret unionem, sub tali similitudine cælestium Incolarum nobis proponit collectas in unum voluntates; dicens: *sicut oculus unus verti non potest, quod non vertatur & alius, sed in eandem partem semper voluntur; sic Societas illa Iustorum, nihil poterit velle diversum, sed eandem semper voluntatem habebit.*

Ioan: 17 Progressurus ad passionem Salvator noster, advertamus quid ardenti oratione imploret à Patre æterno? *Pater Sancte serva eos in nomine tuo, quos dedisti mihi:* Ut autem sub Divina protectione semper conservemur, expendamus quod medium ad id consequendum assignet? Ut scilicet simus unum sicut ipse Filius æternus est unum cum Patre: *Non pro eis autem rogo tantum, sed & pro eis, qui credituri sunt per verbum eorum in me.* Ut omnes unum sint, sicut tu Pater in me, & ego in te, ut & ipsi in nobis unum sint. Quid est? quod Christus non petat talem unitatem, prout est inter corpus & animam, prout est inter naturam humanam & Personam VERBI, sed dicit: *ut sint unum.*

Unio, ani-
morum
absq; dis-
sensione.

sicut & nos. S. Cyrill: Ierosol: lib: II. c. 20. ait: *Rogo Pater ut sint unius voluntatis, sicut & nos sumus.* Magna quidem est unio Corporis cum anima, sed quia diversa sentiunt corpus & anima juxta illud Rom: 7. *Vidi aliam legem in membris meis, repugnantem legi mentis meae;* ideo non talem rogat Christus, sed quæ nullius dissensionis capax videatur: ut sint unius moris in domo. Hinc jam non miror quòd Divinissimus Spiritus, non in pluralitate cordium, sed in linguis dispersis descenderit in Apostolos. Quamvis enim plures linguæ ad prædicandum diversis gentibus Evangelium fuerint necessariae, unum tamen omnium cor esse debuerat.

Congregati
Apostoli me-
ventur vi-
dere Chri-
stum.

Ioan: 20. Videamus tandem quandonam Apostoli meruerint post resurrectionem, videre Christum, ejusq; conspectu frui. En refert Evangelista: *Cum serò esset die illo, & fores essent clausæ, ubi erant discipuli congregati, tunc venit IESUS, & stetit in medio eorum.* Non dispersis in diversa discipulis, sed ubi congregati erant, ac in unum collecti, apparuit Christus; ut palam esset, illos Divinum mereri conspectum, à quibus in unitate cordis, & indivisibili animorum consensu requiritur. Concludat hanc annotationem D. Chrysost: effatum: *Ubi concordia, inquit, non est, nec oratio exauditur, nec oblatio suscipitur, quia nec ibi DEUS est, ubi discordia dominatur.*

A N N O T A T I O sta.

IN SIMPLICITATE CORDIS QUÆRITE ILLUM.

Singulari-
tas impedit
in querenda
DEO.

Com mendat Sapiens unitatem cordis, ita tamen ut pluralitatem non excludat, quasi dicens: simplex quidem animus, & cordis sensus adsit, singularitas tamen haud locum inter vos inveniat. Uno quidem corde, sed omnes communi quærite illum.

Singularitates
procul

procul absint. Nempe informare nos voluit, quòd sicut ad inquirendum DEUM maxime juvet unanimitas, ita impediat singularitas. Non rectà ad DEUM progreditur vià, qui communem vitam fugiens, singularis esse desiderat.

Apud Lacedemones, ut refert Pausan. in Lacon: in maximo odio habebantur res inusitatæ, adversantesq; introductæ à longa annorum serie in Rempubicam consuetudini. Ubi inter alias leges, & hæc numerabatur, ne cythara pluribus quàm septem fidibus instructa induceretur in Regnum, emendaq; proponeretur. Cum autem Timotheus Milesius præclatus Cythareda, quatuor chordas supra præscriptum lege numerum addiderit, & contra antiquam consuetudinem concentum Musicæ mutaverit; plurimum totam Rempubicam offensam invenit, quæ illius cytharam in patibulo suspendendam, illum verò ipsum civitate pellendum decrevit. Ita ingratus est, tum cytharæ, tum morum concentus, qui à communi omnium discrepat lege.

*novitates
puniantur.*

Ioan: 13. Quid est? quòd Magister omnium Christus lavans pedes Apostolorum, cum accessisset ad Petrum, ille verò stupore demissionis Divinæ abreptus, suiq; humiliatione incitatus: renuisset sibi lavari pedes: *Non lavabis mihi pedes in æternum.* Non solum Petrum ita humilem non laudat, sed etiam minatur eidem pænas, à suiq; confortio excludendum denuntiat: *si non laveris te, non habebis partem meam.* Variæ hujus afferri possunt rationes, deduci; reflexiones.

*Cur Petrus
reprehendi-
tur, quod si-
bi pedes la-
vari non
patiatur?*

Ima: quia lotio illa præcedebat usum Eucharistiæ, ad quam Petrus non lotus accedere voluit. Arguebat itaq; illum Salvator, ut nobis innotesceret: prius nos esse lavandos, antequam ad hunc Angelorum cibum accederemus. Nullam is habet partem cum DEO, qui non emundato corde, tremendæ huic mensæ accumbit. Ad lavaerum prius penitentia accedere emundandus debet; qui salubrem sibi Eucharisticum cibum esse contendit. Matth 14. Magno Christi desiderio flagrans Petrus exclamat; *Domine si tu es, jube me ad te venire super aquas.* Quare Petrus non aliam viam eligit ad Christum, sed solum per aquas.

*Ad Eucharis-
tiam mun-
do corde ac-
cedendum.*

Nemo scilicet securior gratiæ, ad Christum accedit, quàm per salutariis aquæ emundationem. Vix aliquantùm Petrus processit, mergi cæpit in aquis, invocans auxilium Christi: *Domine saluum me fac.* Cur quæso permisit Dominus, ut prius aquæ immergeretur Petrus, antequàm ad illius amplexum pervenisset? Audiamus D. Chrysostr.: qui hanc ejus permissionis rationem assignat: *Ut lavaret aqua, quod trina fordidaverat negatio.* Emundari prius macula negationis debuerat, antequàm Petrus ad Christum accessisset. Lucæ 21. Interrogant Apostoli: Ubinam Pascha vellet parari? respondet Christus: quò inferetur amphora aquæ. Addit Venerab. Beda: *Ubi infertur amphora aquæ ad lavandas labes.* Lucæ 17. Unus ex leprosis ut vidit quia mundatus est, regressus est ad IESUM; non prius regressus, quàm ubi vidit, quia mundatus est. Concludit hanc reflexionem D. August.: *Quàm remerarium, quàmque nefarium est, cruentis manibus intemerata Virginis tractare filium! cujus mens non raperetur in excessum? ubi mundi pretium, mittitur in sterquilinum: non enim minus est detestabile, in os pollutum, quàm in lutum mittere DEI Filium.*

2da ratio ac reflexio: quia tunc Petrus magis suo, quàm Divino videbatur regi consilio: suam potiùs, quàm Christi sequebatur voluntatem. Ad partem DEI se spectare, ne cogitet, cujus voluntas non conformatur Divinæ, Hinc D. Bern: serm: 3: de resurr: ait: *Quid odit aut punit DEUS; præter propriam Voluntatem? cesset Voluntas propria, & infernus non erit; in quem enim ille ignis deserviet, nisi in propriam Voluntatem?* Intermissis tamen aliis rationibus, hanc interim præcipuam esse puto: Venit Christus ad Andream, & lavit pedes ejus silentis, ac totum se voluntati Christi committentis; venit ad Ioannem & illum

Singulari- similiter tractabilem invenit; accessit: ad alios, nullusq; illorum con-
tas à Colle- tradidit Christo. Solus Petrus reclamare cæpit: *Non lavabis mibi pe-*
gio Christi, des in æternum. In quo quia singularis esse voluit, excludendum se
exclusionē de Christi collegio inauduit; *Non habebis partem mecum.* Tacebant:
meretur. alii, alii humiliter offerebant lavandos pedes. Unus Petrus contradixit,
 solus.

Solus Christum ad pedes admittendum negat; proinde tanquam singularitatis & exemptionis amans; à communitate removendus prædicatur; nisi singularitate contemptâ, communem vitæ normam sequeretur. Ita scilicet singularitates, exemptiones, remonent à DEI consortio; *Non habebis partem mecum.*

Matth: 26. Christus accumbens mensæ in illa ultima cæna, significavit Apostolis, quod illum unus de illis traditurus esset: *Amen dico vobis, quia unus vestrum, me traditurus est.* Perterriti & marore pleni Apostoli quis separatim, audito Christi sermone, inquirere capit: Quisnam illorum proditor designaretur? *Contristati valde ceperunt singuli dicere: Nunquid ego sum Domine?* Duo hîc potissimum digna consideratione. Imum est, quare singuli inquirent separatim, & non omnes simul? cujus facilis est ratio ad nostram materiam: quia scilicet Apostoli nunquam sibi persuadere poterant, ut quis communem inter eos vitam ducens, ejusmodi factum aggredi auderet. Ille reus esse convincitur, qui singularis esse voluit: Ceperunt singuli dicere: *Nunquid ego?* 2dum est dignum reflexione: modus scilicet inquirendi; nam Petrus dicit: *Nunquid ego Domine?* Ioannes supra pectus recumbens exclamat: *Nunquid ego sum Domine?* similiter ceteri eodem modo inquirent: *Nunquid ego Domine?* Solus Iudas diversâ ab aliis oratione usus: *Nunquid ego sum Rabbi.* En schismaticum! en proditorem! non utitur communi aliorum interrogatione, singularis esse optavit, & proditor factus est. Perdidit non invenit Christum, qui à communi Apostolorum sermone dissenfit.

Proditor Christi singularis esse voluit.

Suetonius narrat: quod Tiberius Cæsar, cum ageret contra monopolia in senatu, antequam hoc verbo inter Romanos inusitato: *Monopolium*, in sermone uteretur, assurrexit rogans potestatem eo utendi: *Monopolium nominaturus; prius veniam postulavit, quod sibi verbo peregrino utendum esset.* Ita & à verbo abstinendum est quod novitatem inducit, & communi adversatur usui.

Proverb: 17. Multum salomon invehitur contra eos, qui neglectis

consuetudinibus communitatis, quam singularitatem inducunt; tam-
 lemque in illos torquet comminationem: *Qui exaltat os suum,*
querit ruinam. Lyranus legit: *qui exaltat os suum;* hoc est, qui per-
 tinaciter suo adhæret sensui, alios vero ab alto erecti supercilii despi-
 cit, suum ostium exaltat, ut sublimiore progrediatur passu, nec com-
 muni contentus ostio, hic sibi ruinam parat. Cornelius à lapide hunc
 locum sacrae scripturae expendens refert se Romæ audisse ab eximio me-
 dicinae Doctore, quod viginti octo annis, per varia claustra infirmo-
 rum curam habenti, nullo alio morbo affecti plures obtigissent sibi pa-
 tientes pene incurabiles, quam morbo singularitatis, qui scilicet in Re-
 ligione, tam quoad victum, quam quoad amicum, tam in existimati-
 one aliorum, quam in aliis prerogativis ambierint esse singulares, quod
 quia ipsis denegabatur, ad communemque impellebantur vitam, maiore
 consumebantur. Unde talem aphorismum Doctor ille curandis huius-
 modi morbis adiecit: *Optima morborum omnium, tam privatorum,*
quam communium medicina est; humilitas, & singularitatis odium.
 Si autem ad conservandam Corporum Sanitatem fuga singularitatis
 tantum confert, multo plura præstat ad animæ curandos morbos, vi-
 taque; Sanctioris augmentum.

Ad Galatas 6. dignam notitiâ doctrinam proponit Gentium Doctor
 dicens: *Qui seminat in carne sua, de carne & metet corruptionem, qui autem*
seminat in Spiritu, de Spiritu metet vitam æternam. S. Hieron: expen-
 dens hæc verba, querit: *quare Apostolus dicens in carne, addidit in car-*
ne sua, jam verò dicens in Spiritu, non addit in Spiritu suo? Duplicis
 generis homines hic describit S. Paulus; alios communi animatos Spi-
 ritu, alios singularitati dedicatos. Qui sequitur suæ carnis sensum, &
 propriam inclinationem, hic seminat in carne sua, nec aliam sperare de-
 bet messem, nisi corruptionis, ruinæ ac perditionis: *de carne & metet*
corruptionem. Qui verò rectæ rationis consilio dirigitur, non proprio
 sed communi Spiritu animatur, communem aliis vitam amat, ille me-
 tet vitam æternam. Omnes turbationes evitabit, gratiam & DEI &
 homi-

hominum facile consequetur. Audite S. Hieronymum: *Qui seminat in Spiritu non dicitur in spiritu suo, sed simpliciter in spiritu, qui enim bona seminat, non in suo quidpiam, sed in Spiritu DEI seminat.*

Apud Locrenses ea consuetudo retinetur, ut quicumq; in senatum aliquid novi ac singularis vellet inducere, non aliter illi hoc ipsum per-
mittebatur proponendum, nisi collo funem imponeret, ut in casu, si
aliis ejusmodi novitas displiceret, ille strangularetur. Similis apud Si-
nas mos viget; Ubi constituti sunt Praefecti novitatum, quibus ex offi-
cio incumbit tales investigare novatores, punireq; severius.

Matth: 26. Progressurus ad Passionem Christus, praedixit Apostolis: *Omnes vos scandalum patiemini in ista nocte.* Cateri discipuli nihil ad haec responderunt, solus Petrus ab ea universali eximi voluit, dicens: *Et si omnes scandalizati fuerint in te, ego nunquam scandalizabor.* Videamus quem exitum ejusmodi exceptio & singularitas habuit: en non solum cum aliis relicto Domino fugit, sed etiam quod nullus Apostolorum fecit, ille ter Christum negavit.

Ioan: 21. memor Petrus quò illum abduxerat singularitas, omnibus viribus eam aversatur. Cum enim quaereret Christus ex illo; utrum eum plus diligeret, quàm omnes alii Apostoli. Videns Petrus quò tenderet interrogatio Domini, singularitatem scilicet amoris ab eo exquirens: Nihil directe ad quaestionem respondit, Sed solum dixit: *Domine tu scis quia amo te.* Verùm non procedit quaestio Petre, utrum tu Dominum ames? sed utrum ames plus quàm alii? dilectione majore & singulariore. Petrus tamen ad haec nihil reponit; quasi innuendo: Novi ego quid singularitas afferat; novi quantarum ruinarum sit origo: jam amplius singularis esse nolo: nemo audiet de ore meo, quòd DEUM amem plus quàm alii, quòd sanctior sim aliis, constantior & Christo addictior aliis. Sufficit mihi quòd amem Dominum; ille verò solus judicet, quàm intensione extensioneq; charitatis in illum ferar. Quòd ipsum Salvator noster approbasse videtur, cum secundo repetens, ac tertio suam interrogationem; nihil jam de excessu amoris innuens,

non

Petrus singularitate corrumpitur

Donis DEI nonnisi simpliciter inquirat. *Simon Ioannis diligis me? Simon Ioannis non intuis amas me?* Eo nos docens exemplo: Etiam si quispiam excellat inter alios, amore DEI, Sanctitate, sublimitate ingenii, talentorum raritate: ita tamen se gerere debet, tanquam minimus ex communitate esset. Non inde captare ostentationem, non iactantiam quarere, non cristas erigere, non ceteros alto despiciere supercilio debet. Bene Ecclesiastes monet; *Noli esse justus multum.* Eccl: 7. hoc est: *noli venditare iustitiam, divinis donis insolescere.*

Christiano sane sensu Ethnicus licet Philosophus omnes instruit dicendo: *Intus omnia dissimilia sint, frons nostra cum populo conveniat.* Ea cuiusq. sit cura, ut ejus vita non vulgaris habeatur in occulto; sed singularis non prodeat in publicum. Nam singularitas, etiam in prosequenda Probitatis semita, elationis artificium est, non virtutis meritum. Matth: 4. *Ductus est, IESUS a Spiritu in desertum, ut tentaretur a diabolo: & cum jejunasset quadraginta diebus & quadraginta noctibus &c:* Scimus Moysen & Eliam totidem dies & noctes jejunasse; cur quæso Christus productione ad plures dies, jejunii, superare antiquos illos hebrææ Sanctitatis Procures noluit? Audiamus D. Chrysostomum hō: 13. in Matth: differentem: *Prius Moyses & Elias, in hanc, jejunii longitudinem pervenire potuerunt. Nec tamen ultra progreditur Christus, ne scilicet rei admiranda excessus:* ob singularitatem pariat admirationem. Eligit non excedere, & si poterat jejunium Moysis & Eliæ, ne singularitatis notam incurreret.

Lucæ 1. Ubi inaudiisset sacerrima Virgo Angelicam Salutationem, cepit turbari: *Turbata est in sermone ejus, & cogitabat, qualis esset ista salutatio.* Quæ causa perturbationis in MARIA? Opportunè adducit ea n Andreas Hierosolymitanus, dicens: *Turbata est in sermone ejus, quasi diceret: Num sola ego, inter mulieres novum naturæ modum inducam?* nimirum timet MARIA, ne si Virgo & Mater sit, sit etiam Virgo singularis.

Sed jam concludat D. Bern: *Singularitas, novitas, est Mater temeritatis, soror superstitionis, filia levitatis.*

ANNO.

A N N O T A T I O 6ta.

IN SIMPLICITATE CORDIS QUÆRITE ILLUM

Quid est quodd Sapiens modum nonnisi inquirendi DEUM proponat? quomodo autem teneri, ac retineri debeat & possit? nec insinuat. Ergone semper quæretur DEUS? nunquam verò invenietur? nunquam tenebitur? Expendamus quid de hac re sentiat Magnus Augustinus, qui lib. 15. de Trinit. c. 2. sic differit: *Si quasi inveni potest, cur dictum est: quærite ejus faciem semper. Psal. 104, an & invenitur quærendus est?* & paulo post respondet: *Quæritur inveniendus, & invenitur quærendus, tam magnum & incomprehensibile bonum est, quod & quæritur ut inveniat, & invenitur, ut quærat avariis.* Idē cenfer D. Bernardus serm. 84. in cant. *Existimo: quia nec cum inventus fuerit, cessabitur à quærendo: non extundit desiderium Sanctum, felix inventio, sed extendit.* Ex quibus talis potest deduci discursus: Illa ordinariè quærimus, quæ aut perire, aut non dum in manus & possessionem nostram pervenire. Quis verò inventa quærit? possessa investigat? cur itaq; ad quærendum semper DEUM etiam inventum excitamus? *in simplicitate cordis quærite illum.* Nimirum voluit nos monere sapiens: nunquam in hac vita posse satis inveniri DEUM, & quantumcunq; teneatur, ac inveniat a quopiam, semper tamen magis ac magis restat quærendus; hoc est quantumcunq; sit Sanctitas & perfectio hominis in hac vita, semper tamen superest, in quo se quisq; magis perficiat.

Genesis. 1. recensens Moyses opera creationis variis diebus peracta, finem cujusq; diei sic terminat: *Et factum est vespere & mane dies unus.* Hinc oritur difficultas inter Sanctos Patres: Undenam dies initium duxerit? utrum ab aurora, an ab umbra noctis? variè variis decidentibus. Hugo lib. 1. de sac. dicit: unum diem non habuisse auroram & mane, quod est terminus præcedentis noctis, sed fuisse statim claram

*Semper re-
stat quæ-
ritur DEUS.*

*Superest
semper in-
quo se
quisq; per-
ficiat.*

lucem, ideoq; illius diei prius fuisse vespere, posterius mane. Divus Hieronymus diem à nocte incepisse, & in altera nocte terminatum contendit in cap. 2. Iona. Stephanus Cantuariensis in hæc verba scribens dicit: Bene post vespere sequitur mane; quia vespere significat perfectionem operis, mane autem inchoationem. Demonstrare voluit, quòd i, qui in operibus gratiæ, ad vespere perfectionis pertigit ad mane redire tenetur, hoc est, ac si nihil processisset in virtutum stadio, aggressio earum illi repetenda est. Idem D. Leo sentit: *Quantumlibet*, inquit, *quisq; iustificatus sit, habet tamen, dum in hac vita est, quò probator & perfectior esse possit.*

Matth. 18. Volens Christus Dominus Apostolos informare quomodo regnum calorum obtinerent: pusione exili advocato, statuit eum in medio eorum dicens: *Nisi efficiamini sicut parvuli, non intrabitis in regnum calorum.* Unicum hic expendo: Cur potius non alium provectæ atatis ieniculum proposuit Salvator Apostolis in exemplum? sed pusionem. nempe homines qui ad atatem provectam ac senilem pervenerunt, haud amplius crescunt. Infantes autem & pueri continua sumunt augmenta. Christus ergo discipulos instruere voluit, quòd i, qui in via Spirituali quotidie novos gradus perfectionis acquirendo non creciscit, gloria cælesti indignus est. Ita viri Apostolici progredi debent in via Virtutis, ut quantumcunq; Sancti fuerint, semper illis restet, in quo se magis perficiant. In hunc sensum Tertull. lib. 4. in Marcion. collimare videtur dicens: *Ecce Christus diligit parvulos, tales docens esse debere, qui semper majores esse velint.*

Cant. 2. Cælestis Sponsus invitat Sponsam: *Surge, propera; Amica mea; Columba mea; formosa mea, & veni.* S. Bernardus in hunc locum scribit: *Cui dicitur veni, nondum pervenerat: sed quomodo nondum pervenerat; quæ sponso tam formosa erat? Venire scripturam. Authori nihil aliud est, quam augescere Virtutibus, & quò plus quis progreditur, in curriculo Sanctitatis, eò major fit ad anima pulchritudinem accessio.*

Matth: 5. miram à nobis Christus exigit perfectionem, præcipiens omnibus: *Estote perfecti, sicut & Pater vester celestis perfectus est.* Quis unquam hominum perfectionem DEI æquabit? Unde Paichasius admirandus inquit: Quomodo mortalis nostrum quispiam tam perfectus poterit esse, sicut DEUS Pater perfectus est? Et certe cum perfectio Divina sit infinita, nostræ verò operationes ad infinitudinem eluctari nequeunt; quomodo possibile est ut eam attingamus virtutum ac meritum perfectionem, quæ Divinæ assimilari valeat. Ut tamen aliquantum præsens difficultas facilitetur, revocemus in memoriam ex Philosophiâ, quidnam sit infinitum? Infinitum est illud cuius partes accipientibus, semper restant aliæ & aliæ accipiendæ. Christus itaq; dicens: *Estote perfecti sicut & Pater vester celestis perfectus est:* docuit semper esse in perfectione crescendo, quod enim major attingitur perfectio, eodem maiorem acquirendam superesse insinuat.

*Augmen-
ta perfecti-
onis majo-
ra semper.*

Psalm: 91. Cur Iustus comparatur Palmæ? *Iustus ut palma florebit.* Possunt plures reddi rationes. Tum quia idem Iusto servit, quod palmæ adscribitur: *In I nata resurgit.* Tum quia sicut palma, Iustus sub onere non frangitur, sed crevit. Tum quia secundum Hugonem Victorinum. *Iusti concessio tanquam palma, plus finiendo peragit, quàm inchoando proponit.* Illa tamen ratio sufficiet, quam S. Geminianus scripsit, affert; dicens hanc palmæ proprietatem esse, quod *eò fructuosior sit, quod annosior.* Ita servus DEI, nunquam cessare debet à fructuum Spiritualium augmentis.

S. Matthæus c. 17. referens Petri verba: *Bonum nos hic esse,* notam illi appingit: *Nesciebat quid diceret.* quare? audiamus Theophylactum: *Non est dicendum cum Petro, bonum est nos hic esse, oportet semper proficere, & non permanere in uno gradu Virtutis, sed ad majora transire.*



SECUNDVS VERSVS.

PRIMI CAPITIS SAPIENTIAE

QUONIAM INVENITUR AB HIS, QUI NON TENIANT
ILLUM: APPARET AUTEM EIS, QUI FIDEM HABENT
IN ILLUM.

EXPOSITIO SS: PATRVM.

S^{ss} **Q**^{ss} **U**^{ss}oniam invenitur ab his, qui non tenent illum. S. Hieronymus lib: 2. in cap. 8. Zachar: legit: *Appropinquat Dominus his, qui non tenent eum*: Arabicus vero: *Invenitur ab his qui non contristant eum*. Ita idem à Castro apud Cornelium à lapide, dicit rationem hinc reddi ejus, quod dictum est: Dominum simplici corde & sincero animo querendum, ac maxime fideliter, credendo absq; dubitatione ullâ, quod possit sciri, veliq; largiri, quod postulatur. Nam qui accedunt ad eum diffidentes, potius exploraturi ejus Potentiam, Sapientiam & bonitatem, quod de ea dubitent, vel non habeant illam compertam, hi tenent DEUM, & non solum non inveniunt, quod querunt, sed tanquam DEO contumeliosi longius repellentur.

Apparet autem eis, qui fidem habent in illum: S. Hieronymus loco citato habet: *Ostendit faciem suam, qui non sunt increduli*. Vatablus legit. *His, qui non diffidunt ipsi, exhibet se*. Syrus. *Revelatur illis, qui credunt in illum*. Arabicus: *qui illum mendacem non efficiunt*. A Castro ceniet idem esse: sentire de Domino in bonitate, & simplici corde

corde querere illum, quod non tentare, ac fidem habere in illum. Sed Cornelius à lapide, rectè notat idem esse in ampliori acceptione: quòd eundem finem, quem ista omnia spectant, non tamen in acceptione propriâ & rigorosâ.

RESOLVTIO.

OCCURRENTIUM DIFFICULTATUM.

Prima hic difficultatem pariunt, quæ resolvi petunt. Et imprimis ex occasione illius verbi: *qui non tentant illum.* oritur quæstio multiplex. Imo quid sit tentatio? 2do, Undenam proveniant tentationes? 3tio an tentatio sit peccatum? 4to Utrum appetenda sit tentatio propter fructus, quos parit ejus victoria? 5to Cur DEUS permittat & velit nos tentari? 6to tandem quomodo DEUS tentatur & tentari possit? Deinde ex altero textu: *Apparet illi, qui fidem habent in illum.* potest oriri dubium. Imo, quomodo hic locus iacra scripturæ, non pugnet cum illo, ubi describitur Christus apparere Thomæ, quamvis incredulus fuerit. 2do Qui sunt dicendi finem habere in DEUM? 3tio quot modis DEUS apparet querentibus se?

Q U A N T U M ad primum.

Quid Tentatio?

Tentare genericè dictum nihil aliud est, quàm experiri, seu experimentum sumere de aliquo. Sic magister dicitur tentare discipulum, ut experimentumumat, ejus disciplinæ ac artis, quam profitetur. Hinc apud

Quid tenta-
tio?

apud Aristotelem Syllogismus tentativus est ille, quo aliquis exponat Scientiam alterius, vel secretum, quod ignorabat. In quo sensu Matth: 16. dicitur: *Pharisei & Saducei acceperunt ad IESUM tentantes, & signum de calo petentes.* A Theologis definitur Tentatio proprie talis, quod sit Inclinatorio Voluntatis creata ad violationem alicujus præcepti, ortum ex propositione alicujus objecti boni vel mali sensibilis, tum ab interna corruptione concupiscentiæ, ejusq; rebellionem.

Q U A N T U M ad 2dum.

Unde proveniant Tentationes?

Unde tenta-
tio?

Certum esse videtur imprimis, quod possit provenire tentatio hominis ab ipso DEO, juxta illud Deut: 13. *Tentat vos Dominus DEUS vester ut palam faciat, utrum diligatis eum, an non?* Sed hæc minùs proprie dicitur tentatio. Certum videtur 2do. tentationes potissimum provenire à demone: ut cõstat tum ex eo Act: 5 *Cur tentavit Satan as cor tuum,* tum ex eo Matth: 4. *Tunc IESUS ductus est in desertum à Spiritu, ut tentaretur à diabolo.* Ubi S. Hilar: ait: *In Sanctificationis maxime diaboli tentamenta grassantur: quia victoria ei est magis exoptata de Sanctis.* Et S. Ioan: Chryost: in cap: 4. Matth: *Diabolus quantum ad se, nunquam cessaret tentans, nec enim habet aliud actum, non manducat, non bibit, non dormit, nisi ut tentet, ut fallat, ut subvertat. Hic est cibus illius, hic honor, hoc est gaudium.* 3tio dicitur etiam tentari à mudo quatenus in homine cupiditas excitatur alicujus rei earum, quæ sunt in hoc mundo, prout sunt bona fortuna, honores, divitiæ, gloria, bona corporis &c: 4to provenit tentatio à carne juxta illud Iacobi 1. *Unusquisq; verò tentatur à concupiscentia sua abstractus & illecebratus.* Et ad Galat: 5. *Circo concupiscit adversus Spiritum, Spiritus autem adversus carnem,* Ubi nomine carnis non istud corpus sensibile secundum se, sed anima habens facultates organo sensus affixas, intelligenda est. Proinde tentatio carnis, seu animæ corporeis facultatibus alligata nihil aliud est, nisi quædam vis irascendi & concupiscendi inordinata, contra aut præter Imperium rationis. Inter tentationes istas dicitur

discrimen sumendum est non ex objecto materiali quia tentationes tam à DEO, quàm à dæmone provenientes possunt convenire in materia; potissimum itaq; discriminandæ sunt ex duplici capite. imò ex fine ac intentione: quia DEUS semper tentat ad bonum; ut scilicet ejus, qui tentatur virtus innotescat, vel ut ipse tentatus eruditatur, & in sui cognitione perficiatur. Dæmonis verò mala mens est, & malus animus, quia semper ad peccatum sollicitat. 2do ex eventu: quia ex DEI tentatione, semper sequitur bonus eventus, & non aliquod malum; juxta illud Iacobi 1. *Nemo cum tentatur, dicat, quoniam à DEO tentatur; DEUS enim intentator malorum est.*

Q U A N T U M ad 3tium.

An Tentatio sit peccatum hominis, qui tentatur?

Certum imprimis est tentationem procedere tam à dæmone aut aliquo adversario externo; non esse peccatum: quia cum tota illa exterius per solam suggestionem fiat, potest manere cor tranquillum & illæsum, nihil obstante suggestionem adversarii. Iam verò carnis & mundi tentatio, quæ fit per passiones etiam nobis invitis insurgentes, includitq; virium inferiorum rebellionem; excitat item desideria ac appetitiones illicitas, seu delectationem in homine, dicitur esse quoddam peccatum; non tamen tale, per quod homo constituatur reus, atq; inimicus coram DEO; non est enim in potestate hominis positum, ne unquam tentetur. Sed dicitur peccatum, id est defectus quidam naturæ, & rebellio virium inferiorum, contra rectam rationem. Si tamen accesserit consensus hominis cum plena advertentia, contrahetur peccatum.

Q U A N T U M ad 4tum.

An appetenda sit homini tentatio?

Etiamsi tentatio ut conjuncta victoria, posset appeti ratione victoriæ tamen magis congruum censeo, magisq; expedire ut quisq; potius fugiat, quàm optet & appetat tentationem. Cujus multiplex est ratio. imò quia non potest id prudenter appeti, quod magister noster Christus docuit nos deprecari in oratione Dominica, ubi dicitur: *Et ne nos indu-*

*An tenta-
tio sit pec-
catum?*

*An tenta-
tio optan-
da?*

indu-

inducas in tentationem. Item Matth. 6. & alibi: *Orate ut non intretis in tentationem.* 2do quia Apostolus docet fugiendas esse tentationes Ephes: 4. *Nolite locum dare diabolo.* Et 1. Cor: 7. *Iterum revertimini in id ipsum, ne tentet vos satanas propter incontinentiam vestram.* 3tio quia id quod demon vult, & cui semper intentus vigilat, debemus fugere. Atqui vult tentare nos, juxta illud Christi: *Eccce Satanas expetivit ut cribraret vos sicut triticum.* Ergo fugienda est tentatio. 4to quia tentatio quamvis possit esse utilis, siquidem tamen periculosa est, nec quidquam boni secundum se importet, sed solum ratione adjunctæ victoriæ, non potest appeti; quis enim prudenter vellet se exponere periculo? 5to quia tentatio demonis per se, seu in quantum est à tentatore, ad hominis tendit perniciem. Nec advertatur huic assertioni D. Iacobus ubi dicit: *Omne gaudium existimate fratres mei, cum in tentationes varias incideritis.* Tum quia hoc loco S. Iacobus non loquitur de tentationibus propriè dictis, quas sustinere, non est gaudere, sed magis sollicitum esse ac vigilantem, ut fortius illis resistatur. Tum quia hic per tentationes intelliguntur variæ tribulationes & adversitates, quarum victoria comparatur per patientiam, & de iis gaudium, est quedam victoria. Tum quia potius hoc sermone hortatur Sanctus ad sustinendas cum gaudio, ubi venerint, quod perfectio Christiana exigit; non verò ad petendas tentationes. Certe enim nec Apostoli se, sponte ingerebant in tentationes, sed eas si se obtulerint, patienter ferebant & ibant gaudentes à conspectu concilii.

Q U A N T U M ad 2tum

Cur peccatio per-
mittatur?

Cur DEUS permittat variis tentationibus nos probari?
Plurimæ hujus rationes esse possunt, & quidem multum conducen-
tes ad erigendum animum nostrum in occurrentibus tentationibus.

Ima Ratio est: quia frustra nobis data viderentur virtutes; Fidei, spei, Charitatis, Obedientiæ, Patientiæ &c: nisi per tentationes, earum eluceret exercitium. Sicut enim ensis ac alia arma nullo usu exercitata aruginem contrahunt, ita arma spiritualia, quæ Doctor Gentium ad
Ephes:

Ephes: 6. singulistribuit Christianis, desuetudine pugnandi absumerentur in nobis. Hinc S. Bern: Ierm: 27. in cant: ait: *Stelle in nocte lucent, in die latent, sic vera Virtus, que sepe in prosperis non apparet, eminet in adversis.* Item S. Ambr: Ierm: 14. in Psal: 118, ait: *Quid igitur fuit illa tentatio? nisi exercitium fidei, insigne patientie, eruditio gloriose Virtutis, confessio plena victoria.*

2da Ratio permittæ tentationis est, ut discamus artem præliandi. Sicut enim Scipio nasica Romanæ Iuventuti consulens, ne otio marcesceret, bellandiq; modum dedisceret, persuasit senatui non evertendam esse Carthaginem; ita Divina Sapientia nos inter tentationes vivere voluit, ut in eis vincendis exerceretur virtus hominis. Unde S. Paulus Hebr: 11. ait: (de servis DEI) *Fortes facti sunt in bello, castra verterunt exercituum, lapidati sunt, secti sunt, tentati sunt.*

3tia Ratio quia deesset frequens Orationis studium, & imploratio Divini auxilii, si nulla adesset pugna, nullum certamen, quo cogimur recurrere ad DEUM. Scribit manutius lib: 7. Apoph: Cum accipiter insectaretur passerem, ita ut eum unguibus jam pressurus esset, non inveniendò viam effugii aliam, in sinum Xenocratis delapsus, refugium quæsit, qui passerem protexit, & ne in prædam cederet, liberavit. *Multis passeribus meliores vos estis*, dicit Sapientia incarnata, ne itaq; præda fiamus avernalis insidiatoris, ad sinum Pietatis & Protectionis Divinæ confugere debemus. Narrat item Euseb: Nieremberg: in hist: nat: Plittacum hæc verba edocsum: *S: Thoma, ora pro nobis.* Postea à milvo abreptus, ubi de se actum esse videret, pro oportunitate periculi clamavit: *S. Thoma, ora pro nobis.* Res mira, unguibus ales dimisit prædam incolumem, & ipse raptor exanimis corruit; ita ardenti oratione hominum animæ, de ipsis dæmonum faucibus eripiuntur, ut S. Leo, testatur dicens: *Diabolus malitiâ nocendi avidus, dum irruit, ruit, dum capit, capitur.*

4ta ratio est ut homo in sui ac virium suarum notitiam deveniat;

M

Ita

Ita enim S. August: in Psal. 60. ratiocinatur: *Profectus noster per tentationem fit, nec ququam sibi innotescit, nisi tentatus.* Unde Plutarch; in Alexand: refert, quòd tunc primum Alexander Macedonum Rex, hominem se esse agnovit, cùm vulnus in corpore accepisset, coactus enim fateri: *Omnes me jurant lovís esse filium, sed vulnus hominem me esse clamat.*

Ratio 5ta, ut tadio hujus vitæ, multis periculis ac tentationibus exposita afficiamur; & ad Patriam cælestem aspiremus. Ita S. Greg: lib: 13. moral: c. 15. censet: *Pio DEI consilio agitur, ut hujus peregrinationis tempore, electorum vita turbetur: Via est vita presens, quâ ad Patriam tendimus, & idcirco hic occulto judicio, frequenti perturbatione conterimur, ne viam pro Patria diligamus.*

6ta ratio, ut firmius radicentur in animis nostris virtutes, præsertim verò humilitas. Hic est D. Hieron: sensus, qui tom: 9. Ep: 9. ait: *Christiane militiæ est, infelicitatibus feliciter àpliari, pressurus adolescere & pressuras pubescendo calcare.* Idem in S. Antonio Abbate comprobatur, qui videns sibi expositum totum mundum laqueis ac tentationibus plenum, interrogavit: quis hos laqueos evitabit? & responsum ei: *Humilis.*

7ma ratio quandoq; DEUS tentationes permittit in pœnam peccatorum, præsertim autem in pœnam superbiæ. Cui rationi robur addit P. Rodericij relatio, qui scribit quòd monachus quidam in bonis operibus multorum annorum, sibi complacendo, DEO permittente, graviter lapsus, & festivis damonum plausibus irrisus, qui eidem exprobrabant: *O monache! Monache, qui te ad calos usq; efferebas, jam ad usq; abyssu profundi prolapsus es.* Disce ergo hodie; qui se exultat humiliandum.

8va ratio, ut nos DEUS per tantationem emundet à vitiis. Unde Rupertus expendens verba oleæ 5. *Effundam quasi aquam, iram meam;* quarit cur aquæ ira comparetur? & respondet: *Sicut aqua visibilis, mundare solet sordes corporeas, ita illa captivitas mundavit populi peccata.* Et D. Chrysost: hom: in Psal: 125. ait: *Quemadmodum semina opus habent imbris, ita nos etiam lacrymis, & quemadmodum terra*

opus habet ut aretur & proscindatur, ita anima fidelis, pro ligone indiget tentationibus & afflictionibus, ne producat malas herbas, ut ejus molliatur durities, ne nimium efferatur & exiliat. Quod ipsum Clemens Alexandr. lib. 1. pedag. c. 8. sub tali similitudine proponit: *Silvescit vitis, & in labruscas degenerat, nisi putetur, exorbitat homo, nisi flagellatur.* Tandem, Petrus Blesensis Epist. 31. dicit: *Flagellò pulvis excutitur, quem ad deformitatem iniquitas congescit.*

9na ratio ut diligentiores & excitatores inveniamur in Divinis. Similes enim sumus illi pilæ, seu folli, cui additum lemma: *Concussus, surgo.* Nimirum hi folles verberibus volare discunt. Hinc S. Greg. lib. 29. moral. c. 15. ait: *Adversitas vite, dum asperitate sua Sanctos comprimit, valentiores reddit.* Caro mollibus, anima duris nutritur. Et: *mala quæ nos hinc premunt, ad DEUM ire compellunt.*

10ma ratio, ut DEUS nostram indolem experiatur. Sicut enim militia explorat militum robur, vires, animum, tolerantiam, fortitudinem, constantiam, quid quisq; vel pati possit, vel aggredi auit; ita humana vita, quæ juxta Iob. 7. *Militia est super terram,* experimentum sumit de quovis homine, quid agere vel sustinere valeat; proinde septuaginta legunt: *tentatio est vita hominis.* Sic Lacedæmones, liberos suos, quorum experiuntur indolem, publicè verberibus affligunt, ipsi Patres illos adhortantur, ut ictus flagellorum fortiter perferant, ac semianimes rogant, perseverent vulnera præbere vulneribus.

11mam rationem affert Isaias c. 28. dicens: *Vexatio dat intellectum.* Seu tribulatio ut vocant Ascetici, aperit oculos homini, ut discat sapere, juxta illud Ierem. 31. *Castigasti me Domine, & eruditus sum, quasi juvenculus indomitus.*

12ma est: ut DEI virtus per nostram patientiam & tentationum, victoriam elucescat. Scribit Cassianus Collat. 12. c. 13. quòd senex quidam singulari Sanctitate præditus, à multis infidelibus Alexandria, variis convitiis impetebatur, in quibus ille agni in quendam mansuetudinem & patientiam præferebat; minaq; cordis quiete, & oris modestia

tacuit, licet pugnis caderetur, exagitaretur verberibus: raptaretur &c. cum autem illi per improprium oggeretur: Ecquānam tandem miracula IESUS Christus patrasset? Repo uir: *Miracula quæ fecit, sunt hæc: quòd ego eas, quas mihi irrogatus injurias patienter fero, & majores ferre paratus, neuiquam vobis indigner & irascar? neve passione aliquā inordinatā commovear?*

Tandem ultima sit ratio, ut per tentationes boni à malis discernantur. Sicut enim ventus paleas de area pellit, triticum relinquendo; Ignis scoriam excoquit, aurum expoliendo; ita tentatio justos puriores reddit, malos consumendo. Audiamus D. August: qui in Psal: 54. scribens, dicit: *Ne putetis gratis esse malos in hoc mundo, & nihil boni de illis agere DEUM. Omnis malus, aut ideo vivit ut corrigatur, aut ideo vivit, ut per illum bonus exerceatur. Utinam verò qui nos modo exercent convertantur, & nobiscum exerceantur.* Item lib: 11. in Gen: c. 12, dicit de dæmone, quòd: *habeat cupiditatem nocendi; facultatem autem nonnisi quæ datur, vel ad subvertenda, ac perdenda vasa iræ; vel ad humilianda sive probanda vasa misericordie.*

Q U A N T U M ad 6tum.

Quomodo DEUS tentatur?

Cornelius à lapide triplicem modum affert, quo homines tentant DEUM. Imo tentatur, inquit, DEUS infidelitate hominum, quando cum DEO agunt; tanquam cum idolo lapideo, mortuo, & sensu ex-
 1. parte, externis duntaxat ritibus ac ceremonialiter eum colendo. 2do tentatur DEUS dum ei ab hominibus sive verbo, sive etiam operibus denegatur Scientia, Potentia ac Providentia circa res humanas, & injustitia scelerum q, Vindicta; hoc est quando ita ducitur vita ab hominibus, quasi nunquam DEUS esset spectator actionum cujusq, aut nunquam punire & vindicare sive posset, sive vellet scelera, quæ perpetrantur. 3tio tentatur DEUS præfidentia in proprio ingenio, viribus, opibus, aut aliis talentis à DEO acceptis; ita, ut homines in illis, & non in DEO suam fiduciam reponant. Ex qua Cornelii explicatione constat: idem esse

tenta-

tentare DEUM, atq; cerimonialiter tantum, & per exteriora nonnisi signa, non concordante cum illi animo, agere cum DEO. Item non credere suarum actionum spectatorem, Remuneratorem, vel Vindicem DEUM. Tandem plus sibi, quam DEO fidere.

Circa 2di textus difficultatem Imam, quomodonam combinari debeat hic locus Sacrae scripturae cum Evangelio? Varii sunt Authorum sensus: Aliqui enim, inter quos, est S. Gaudentius tract: de dedicat: contendit D. Thomam non fuisse incredulum, antequam illi Christus post suam resurrectionem apparuisset; quod autem à Christo culpetur ut incredulus, non tam ad Thomam, quam ad posteros referri debet. Alii verò censent Thomam partim fuisse credulum, partim incredulum; fuit credulus; quia credidit Christum fuisse Prophetam verum, ac virum Sanctum, promissumq; messiam; incredulus verò; quia non credidit eum resurrexisse. Christus ergo apparuit ei quasi credulo, ut reliquum incredulitatis ab eo abstergeret. Ceterum facile puto has scripturas conciliandas esse, cum hic non dicatur, quod hic tantum, qui fidem habent in illum, appareat, cum excludione aliorum infidelium. Sæpe enim apparet etiam illis, qui non credunt in eum; imò de fide est quod gratia DEI præveniat nostrum arbitrium, ita ut sine illa nihil, quod conducatur ad salutem, efficere queat; consequenter nec prius credere, quam DEUS per suam gratiam ei appareat.

Quantum ad 2dum, quinam dicendi habere fidem in DEUM? imprimis omnes illi, qui de eo orthodoxè sentiunt, amplectentes veram Catholicam Romanam Religionem. 2do, qui in eo spem ac fiduciam suam collocant. 3tio qui ejus mandatis fideliter obediunt, juxta illud Psalmi 77. *Ut ponant in DEO spem suam, & mandata ejus exquirant.*

Quantum ad 3tium, multipliciter solet apparere DEUS, imò in creaturis apparet, in quibus tanquam suis operibus relucet, juxta illud: *ce- li enarrant gloriam DEI.* Psalmi 18. 2do in Sacra scriptura, maxime cui ejus intelligentia communicatur. 3tio in sua Ecclesia, in qua do-

*Quis ha-
bet fidem
in DEUM?*

*Quomodo
apparet
DEUS?*

centur omnia, quæ ad DEUM, cultumq; DEI spectant. 4to apparet in oratione per illustrationes & pias affectiones &c: &c:

ANNOTATIONES.

DUOS textus prædictus versus complectitur, quorum unus est: *Quoniam invenitur ab his, qui non tentant eum.* Variæ ex hac Sententia possent duci Annotationes, quæ potissimum erui debent ex combinatione, ac explicatione tum verborum, tum rerum. Sit itaq;

A N N O T A T I O Ima.

QUONIAM INVENITUR Ab His, QUI NON TENTANT ILLUM.

PLURES quærent DEUM, sed non omnes inveniunt eum. Felix ille quærendi modus, quo ad ipsius Numinis possessionem deducimur. Quod itaq; medium? quæ ars inveniendi DEUM? quæ-
rere non tentare debet, non experimentum velle sumere, qui consequi DEUM in votis habet. Experientia in humanis notitiam & prudentiam addit, in Divinis, minuit non auget scientiam. Ille perfectius tenet DEUM, & plura de DEO novit, qui sagaci ingenio in perscrutandis Divinis, minus indulget. *Vis scire naturam DEI?* exclamat Augustinus, *hoc scito, quod nescias.* Eximium Sapientiæ genus est, in pericrutandis mysteriis Divinis, minus sapere. Circa DEUM qui multa nosse desiderat, bona voluntate, non ingenio certet, necessum est.

Attenuat oculi aciem, lædit visum, qui aperto oculo serenum spectare solem contendit, lacrymisq; suam prius eluere curiositatem debebit, quam pleno obtutu perceperit radiantis lumina solis.

Pro-

Proverb: 25. tali similitudine id exprimit Sapiens dicens: *Sicut qui mel multum comedit, non est ei bonum, sic qui scrutator est majestatis, opprimetur à gloria.* Hinc S. Aug: ad Frat: serm: 15. monens; nemens humana evolet ad discutienda Divina, à minori ad majus argumentatur, usus exemplo Philosophi Aristodeni, qui multis annis, in natura apìs investiganda frustra insudavit. *Quid igitur inquit, mirum, in scrutan- si Divinam naturam diu investigemus, nec unquam assequamur?* Et dis Divi- addit: *Nolite ergo fratres loqui sublimia, nolite sapere plus quam oportet caver- ret sapere. In die enim judicii non damnabuntur Christiani, quia natu- ram DEI scire non potuerunt, sed quia DEO obedire neglexerunt. Ideo scitote fratres quòd melius est piè confiteri ignorantiam, quàm temerè Scientiam venditare.* Et serm: 1. in fest SSmæ Trinitatis ait: *Nescio, & liberè me nescire profiteor. In hoc Christianus sum, qui unum DEUM in Trinitate profiteor.*

Scribit Tullius lib: 1. de natura Deorum, quòd Hiero Rex Syracusanus cum inquisisset à Simonide Philosopho: *quidnam aut qualis esset DEUS?* deliberationi dandum diem postulavit: Cum verò idem postridie ab eo quæreretur: biduum petiit, sed neq; his contentus, plures dies rogat, hæc miranti Hieroni, respondit: *Quanto diutius cogito, tantò mihi res videtur obscurior.* Unde Epictetus interrogatus: *quid est DEUS?* dixit: *Si cum omnino declararem, vel ego DEUS essem, vel ille DEUS non esset.*

Eunomius Episcopus hæreticus superbus jactabat se ita nosse DEUM, Sicut seipsum DEUS novit, quem ut confunderet S. Basilus ad formicam remisit, cujus scilicet naturam ignorabat. Epist: 168. *Dicat formicarum nobis naturam, qui eorum, quæ in natura sunt, scientiam cum fastu se prædicet assecutum.*

Psal: 8 Cur Vates coronatus contemplatione Divinorum abstractus, solum DEI nomen miratur exclamans: *Domine Dominus noster quàm admirabile est Nomen tuum in universa terra.* Si DEUM laudare voluerat, mirabilia potius opera ejus, quàm nomen in medium, profer-

renda erant, extollenda Omnipotentia, prædicanda Sapientia, adoranda immensa Majestas, encomiis cumulanda misericordia ac Libertas. Ille verò Nomen duntaxat Divinum admirabile prædicat.

Ima ratio potest esse, quia ejusmodi panegyri voluit nos instruere Psalter, quòd non tam illa nos ad laudandum DEUM, movere debeant, quàm in nostrum bonum & utilitatem operatur; sed causa laudandi DEI, ipse DEUS, ejusq. Nomen esse debet. Ita Christus instituit Apostolos suos dicens: *Euntes docete in Nomine Patris & Filii & Spiritus S.* In raptu quodam S. Mar. Magd. de Pazis exhibuit DEUS S. Ioannem Evangelistam, seq. in anima ejus singulariter oblectantem, eò quòd anima illa, omnia operata sit ex solo DEI amore, & ex eodem Animas ad suum Creatorem duxerit.

2da adversio: admirabile Nomen DEI prædicat Propheta in universa terra, minus enim esset ad laudandum DEUM, si ejus Nomen, in aliqua tantum Orbis parte celebraretur, sed cum universa terra consentiat in attollendo ejus Nomine, eximium est, nec inconveniens DEO, laudandi eum, genus. Intermittis tamen aliis reflexionibus, quid D. Chrysost. in eundem Psalm. scribens sentiat? audiamus: Ubi sunt, inquit, *qui DEI naturam curiosè pervestigant? si enim cum Nomen ejus dixisset, adeò admiratus est, ut obstupesceret: quomodo venia eis dabitur? qui se dicunt nosse DEI essentiam, cum Propbeta, nec quàm admirabile sit ejus Nomen cognoscere potuerit.* Et certè si Aristoteles curiosius motum Euripi investigare volens, in profundum ejus se precipitem dedit, submersusq. periit; quanta expectant pericula Divinam scrutari cupientes Majestatem.

Thales milesius mediâ nocte consistens in platea, erecto capite, oculis fixis, mente compositâ, Cælum serenum contemplabatur, ut curiositate ductus diceret planetarum dispositionem, numerumq. stellarum. Et dum observationi Constellationum diutius intenderet, aliquantùm procedens, in fossam incauto passu, non sine suo damno, cecidit. Hinc, ab eliberatore sui, edoctus, quantò melius ruinam suam prævideret

quàm

quàm sublimia indagaret, simulq; debitâ reprehensione admonitus: *Be-
ne apparet o Thales! te cerebrum aliò destinâsse: curiosius spectas ce-
lum, nec vides pericula, quæ tibi in terra imminet.*

Psalms: 17. Cur David referat de DEO: *Posuit tenebras latibulum Incompre-
hensibilem.* Utq; DEUS lucem habitat inaccessibilem ut Doctor Genti- *bensibilis*
um testatur 1. Timoth: 6. quare ergo tenebras inhabitare dicitur? quid *DEUS.*
lux cum tenebris? tenebræ cum luce, commune habent. S. Greg:
Nazian: solvit difficultatem dicens: *quamvis propter infinitam Enti-
tatem splendidissima lux sit, tamen ob ejus incomprehensibilitatem, tene-
bræ appellatur; & quamvis ejus domus, si magnificentia spectetur, augu-
stissimum sit palatium; tamen si ignorantia, quæ de illo habetur, atten-
datur, occultissimum ac penitissimum latibulum videtur.* Idem in Apo-
logetico dicit: *Quantum DEUS percipitur, tantundem se subducit: amā-
tesq; sui, ex eo quodd fugit, ac veluti jam comprehensus, se proripit, ad
superna illicit.*

Psalms: 115. Ubi prophetico illustratus lumine David, incomprehen-
sibilem DEI sublimitatem admirabundus considerare capit, statim su-
am humilitatem multò clariùs, quàm antea perspexit: *Credidi, inquit:
propter quod locutus sum, ego autem humiliatus sum nimis.*

In quem locum D. Chrylost: *Quisquis indicibilem DEI Maje-
statem oculo cordis contemplatur, & cognoscit DEUM, homine, tantò
sublimiorem, quantò calum formicâ sublimius: nihil mirum si obstupe-
scat intra se, & dicat: Ego humiliatus sum nimis. Unde & Abra-
ham in comparatione DEI, terram se esse & cinerem dicebat. Ex
quo deducitur utilissimam esse Scientiam, de DEO, scire id, quodd à
nobis DEUS sciri nequeat.*

Isaiæ 6. Vidit propheta ante DEUM seraphim stare & volare: D.
Cyprianus ait: *Inaccessibilem naturam, hinc & inde seraphim statu &
volatu circumeunt: statu immobilitatem eternitatis monstrantes: vola-
tu verò altitudinem ejus sic elevatam, ut quantumlibet ad cor altum, homo
ascendat, exaltetur DEUS, & comprehensionis importunitatem evadat.*

Exodi 2. Cum apparuerit DEUS moysi in flamma Ignis, de medio rubi, moyses abscondit faciem suam: non enim audebat aspicere contra DEUM. Ante moyses audacius progrediebatur ad videndum ardentem rubum: *Vadam & videbo visionem hanc magnam.* Cum verò didicisset DEUM ibi esse, abscondit caput & oculos; quasi innuens frustra hic perspicacia oculorum fatigatur, frustra erigitur caput, ubi DEUS cognoscendus occurrit: illa clarissima erit visio, nihil videre, illa cognitio ac Scientia subtilissima, & elevatissima, scire, me nihil scire. Idem spectandū proponitur in Angelis apud Isaiam, qui duabus alis velābāt caput & pedes, & duabz volabant, à pectore duntaxat suas aovebant alas, non pectus, sed Caput tegebant; ostendendo quòd DEUS captū creati Intellectus superet suā celsitudine, cæcutitq; omnis ratio in eo comprehendendo, nec ad ejus cognitionem evolare, sed submitti debet Intellectus. Nunquam mens humana tutius de DEO discurrit, quàm dum nihil sagacitati ingenii indulgendo, totum pectus intendit in amorem.

A N N O T A T I O 2da.

QUONIAM INVENITUR Ab His, QUI NON TENTANT EUM.

Monet Sapiens quānam ratione procedendum nobis cum DEO, Facile enim DEUS nobis occurrit, si eum sincerè quæserimus nullaq; impedimenta illi posuerimus. Modus noster cum DEO agendi, normam dat eidem, nobiscum procedendi. Et talem se DEUS exhibet homini, qualis fuerit homo erga DEUM.

Assimilat se DEUS hominibus erga se propensionem. Pulchrā id similitudine illustrat Agapitus Diaconus, dicens: Sicuti exquisita specula tales monstrant vultuum apparentias, qualia ipsa sunt archetypa; nitidas videlicet nitentium, tristes autem tristantium, eodem pacto iustum DEI iudicium, nostris actionibus assimilatur; qualia enim sunt.

sunt, quæ à nobis præstantur, talia ipse nobis par pari referens exhibet.

Sanctus verò Greg: Niss: hom: 3. in cant: rem tali similitudine exponit: Idem unguentum si fuerit appositum scarabæo & columbæ, non idem efficit in utrisq; sed columba per bonum unguenti halitum fit robustior, interit autem scarabæus. Quod ipsum rectè accommodat D. August: ad homines, dicens: remansit cum voce corvina, qui non habuit gemitum columbinum. Et Sanctus Senetio de Infante DEO canit: *Ecce postus est hic in ruinam, & in resurrectionem multorum in israel.* Luc: 2. Et certè eodem solis calore, docet experientia lignum & ceram albescere, vultus verò hominum nigro deformari colore.

Scribit Galenus proprietatem esse olei, ut commixtum cum aliis ingredientibus medicinalibus, ejusdem cum illis fiat qualitat. Hoc ingrediens medicinalibus, ejusdem cum illis fiat qualitat. Hoc idem S. Aug: serm: ad Frat: in Erem. ait: *Dominus ab amore peccantium refrigerat, quia per peccatum, in homine refrigeratus est amor Charitatis, cum calido calet DEUS, cum frigido friget.* *Qualem? Homo scilicet DEO, tale homini præbet*

Parrhasius inter alia miranda, illud etiam monumentum reliquit posteritati, quo Genium sic expressit in tabula, ut variis spectatoribus varius appareret; ridens, flens, blandus, torvus, mitis, ferox, puer, senex, prout hinc vel illinc, obliquis vel directis oculorum radiis conspiceretur. Ita DEUS prout quisq; accedit ad illum, & quali eum intuetur oculo, talem se ejus objicit conspectui.

Legitur in Prato Florido de homine divite, qui pauperibus inhūanum se, & durum præbebat, adeo ut cum elemosynam peterent, aures ipse obturaret. Moritur tandem, & cū ejus corpus effrretur sepeliendum, Religiosiq; in choro canerent: *Requiem æternam dona ei Domine* Christus cruci affixus, ad ejus erectus feretrum, decussis manibus occlusit aures, ne exaudiret fūas pro eo preces, qui similiter medicantibus fecerat. *Qui obturat aures suas à clamore pauperum, & ipse clamabit & non exaudietur.*

Maximilianus 2^{us} Imperator ut ostenderet subditis, quem cum illis servaturus erat in regimine modum, curavit in symbolo depingi aquilam, pede uno fulmen tenentem, altero auream coronam, cum lemma-
te: *In oportunitate utrumq;* quasi vellet innuere, si bene mecum & convenienter se gesserint subditi; aureas offeram coronas. Si male? præstō erit fulmen. similiter & DEI cum homine agendi modus describi potest, aut enim fulmina in nos torquemus, aut coronas capiti paramus. Reddet enim DEUS cuiq; secundum opera ejus.

Math: 8. Leprosus supplex adoratur Christum & orat: *Domine, si vis? potes me mundare.* Vix tam compendiosam terminavit orationem; Salvator protensa manu tetigit eum & dixit: *Volo, mundare.* Cur Dominus tantā celeritate, in hoc leproso emundando vius, cum aliās consuevisset in aliis curandis moram interponere; vel eos, ad iaccedotes remittendo, vel varias cerimonias adhibendo, antequam sanitas illis restitueretur. Quis ignorat quantis suspiriis constitit surdi & muti curatio? quanta Christus fecit ut lumine oculorum donaretur cæcus à nativitate? quomodo infremuit, & in lacrymas solutus est, cum Lazarum suscitaret, hic autem sine ulla cunctatione, expeditissime lepram mundavit.

Ima Ratio afferri potest: quia hic leprosus totum se DEI Hominis Voluntati commisit. dicens: *si vis? potes me mundare.* Christus itaq; sine mora mundavit eum, ostendens nullam planiorem, breviorēq; viam esse ad cuiusq; emundationem, quā sit plenissima in DEI beneplacitum, ejusq; in omnibus, voluntatem resignatio. Sicut enim telix structura est, quæ ad perpendiculū facta, felix imago ad exemplar & Archetypum formata, ita felicissimus est qui per omnia. Cōformatur primæ regulæ morū Unde S. Leo serm: 7. de Pass. in illa Christi verba: *Non mea Volūtas, sed tua,* sic ait: Hæc vox capitis, salus est totius corporis, hæc vox omnes fideles instruxit, omnes Confessores accendit, omnes Martyres coronavit. Nam quis mundi odia? quis temptationum turbines? quis posset persecutorum superare terrores? nisi Christus in omniū natiens,

Cur Christi
stus celer
in emun-
dando le-
proso?

Patri diceret: Fiat Voluntas tua. Discant igitur hanc vocem,
omnes Ecclesie filii, magno pretio redempti, gratis iustificati.

2da Ratio sumi potest ex ipso objecto orationis leprosi, quia scilicet desiderio puritatis inflam natus petiit, non divitias, non hominum gratias, sed munditiam. *si vis? potes me mundare.* Ut ergo Christus declararet quantum ei ardeat puritatis desiderium, quantum placeat munditia, exnunc leprosi annuit postulatis. Nihil enim DEO gratius, nihil amabilius munditiâ ac puritate animæ. Psal. 44. Regius Vates prophetico abreptus Spiritu, mentis oculo vestem sponiæ Christi, Ecclesiæ intuetur, ac illius prænuntiat pulchritudinem, dicens: *In vestitu deaurato circumdata varietate.* Quando autem caelestes Spiritus oculos in eam intendunt Cant: 8. jam non advertunt ejusmodi varietatem: *Quæ est ista? quæ ascendit de deserto deliciis affluens.* Septuaginta legunt: *quæ est ista, quæ ascendit dealbata.* Ergone alia ornamenta, & colorum varietas defuere caelesti sponiæ? minimè. Ad erant & alia decora, Angeli tamen omnibus aliis ornamentis prætulere candorem, decusq; puritatis admirabundi extollunt: *Quæ est ista, quæ ascendit dealbata?* Accendebatur purpureus in sponiæ vultu pudor, pallebant ieiunia, florebat spes, radiabat fides, sed hæc omnia, in conspectu cælitum, herbam candori porrexere. Deliciosi ornatus, pretiosa monilia, ad Puritatis splendorem, de suo pretio & valore deijci videbantur. *Quæ est ista?* inquirunt caelestes Spiritus: non deaurata, non purpuram induta, sed *dealbata.* Tantum scilicet calo, tantum DEO placet animi candor. Proinde etiam licet Christus fidem laudavit Petri, plus tamen omnibus adamavit Virginitatem in Ioanne. Et ille in sinu Christi, ille supra pectus requievit, illum suo admovit cordi Salvator, quem Virginitatis flos commendat at.

Aliam tamen Origenes Dom. 3. post Epiph in biblioth. hō. tom. 1. assignat causam: ut nimirum cognoscamus quam iuste atq; exactè nostris actionibus DEUS respondere, quam pares rependere vices soleat. Qui tam magnificè honoravit Dominum, meritò ille sine cunctatione curatur qui

*Puritas
Christo
placet.*

qui promptus credit, subito sanatur. DEUS enim iustam servat vicissitudinem, & qualia sunt cuiusq; obsequia, talia beneficia reponit. Unde sic loquentem inducit Dominum. *Magnificè credis, magnificè & mundaris, plenissimè confiteris, plenissime laudificaris, non dubitasti credere, non dubito sanare, non distulisti confessionem, non differam te munda-*

Osee 12. Per os Prophetæ dicit Dominus: *Locutus sum super Prophetas, & ego Visionem multiplicavi, & in manu Prophetarum assimilatus sum:* Difficultatem huius loci sacre scripturæ sic D. Chrysostomus hom: 32. in Genes: exponit, aptè ad præsentis annotationis propositum dicens: *Ego visiones multiplicavi, hoc est unicuiq; apparui pro sua dignitate.* Illos nempe Prophetas DEUS maioribus beneficiis cumulabat, quorum erat impensius studium famulandi DEO, & iis plura Sapientiæ suæ arcana aperiebat, qui pluribus illum officiis sibi demerebantur; impensiorq; observantiæ major semper gratia & visionum copia respondebat: *Unicuiq; apparui pro sua dignitate.*

S. Ambrosius instituit quæstionem cur Christus Ioan: 20. apparens post suam resurrectionem Magdalene ploranti, quæ nesciebat quia IESUS est, existimans illum hortulanum esse, non illam ut discipulam, non ut sui amantem Magdalenam alloquitur, sed ut rudem mulierem compellat. *mulier quid ploras?* & respondet S. Doctor; *quando non credidit, mulier est, quando converti incipit, Maria vocatur;* quasi diceret: non recognovit illa Christum ut Dominum, sed ut extraneum, neq; Christus illam Magdalenam nominat, sed mulieris extraneæ vocabulo indigitat; illa Christum sub hortulani specie sibi proponit, illam Christus plebeio mulieris nomine designat.

Idem D. Ambrosius alteram similem instituit quæstionem: cur Christus Dominus Luc: 23. Latroni petenti ut sui memor caeleste occupet Regnum, sine dilatione promittit Paradisum: *Hodie mecum eris in paradiso.* sicq; resolvit propositam difficultatem, dicens: *Pulcherrimum datur attendende conversionis exemplum, cuiò ignoscit DEUS, quia cū ille*

ille convertitur. Talem scilicet Christus se latroni præbuit, qualem Christo, se se latro exhibuit. Promptus hic erat ad conversionem, & Redemptor velox ad miserationem.

Vivero noster refert, quod Santareti in Hispania, sacra hostia videntur da populo exponatur, in qua diversis diversimodè Christus se spectandum obijcit: aliis in Cruce expansis ulnis, sine mensura Misericordiæ visendus occurrit, ab aliis in specie elegantis Iuvénis aut Pueruli conspicitur; alios sub vultu Iudicis formidandus terret, alios suæ resurrectionis gloriâ solatur; aliis demum sanguineus quandoq; ac rubicundus corpore, quandoq; in cunis totus candidus apparet. Ita pro varietate accedentium ad sui conspectum, variam sui proponit Imaginem.

*Sub varia
specie va-
riis Chri-
stus appa-
ruit.*

Concludat corvus æfopicus, hic, cum lethali morbo urgeretur, matrem affidentem nonebat, ne ploraret, sed potius suam sanitatem, precibus commendaret Diis. Cui illa: *O mi fili! quem Deorum tibi propitium fore confidis? cum nullus sit, è cujus arâ, victime partem, non sis furatus.* Quasi innueret: prout tu cum diis egisti, tales experieris. Figmentum quidem Pôetarum hæc relatio est, cæterum bene veritatem illam illustrat, quod modus noster cum DEO agendi, normam dat eidem, nobiscum procedendi.

A N N O T A T I O 3tia,

QUONIAM INVENITUR Ab His, QUI NON TENTANT EUM.

Habemus suprà D. Hieron: versionē *Appropinquat Dominus his, qui non tentant eum.* Non multa sollicitudine inquiri debet DEUS, ipse solus appropinquat homini, ipse se ingerit, nec aversatur quenquam, nisi per obstacula sibi accessum, denegantem. Unde palam est, quòd quiq; suæ fortunæ scaber sit, non DEO, sed sibi quisq; debet imputare ruinam.

*Quisq; sibi
imputet
ruinam.*

Et.

Hujus veritatis similitudo potest imprimis peti à scintilla, quæ refiliens ab igne, citò extinguitur, cui additum lemma: *divisa perit*. Ita qui se dividit à DEO, ejusq; amore, perit, sibiq; ruinam parat.

Potest item sumi illustratio à fera, extra sylvas prædam inquirente, laqueisq; irretitâ, cui adscriptum: *Captor dum prodeò*. Item à pisce subsiliente in aquis, suoq; impetu, extra aquas in arenam cadente ac moriente.

Marius tyrannorum 7mus, avo Gallieni Cæsaris, uno die factus Imperator, altero visus imperare, 3tio die occisus per militem illo ipso gladio, quem antea fecerat marius, cùm macharopeus esset, eum itaq; confodiens dixit: *Hic est gladius, quem ipse fecisti*. nempe non alius sed ipse sibi hanc paravit ruinam.

Tarpeia Romana Virgo Capitolium Tarpeii Patris, suæ commissum custodiæ, proditura Sabinis, in mercedem petiit, quidquid sinistris brachiis gestarent milites [armillas intelligens, quas illi aureas gemmeasq; ferebant] annuerunt ejus postulationi; potitiq; arce, Virginem armillarum & scutorum congestu obruerunt & enecârunt. sic sua illam habendi aviditas perdidit.

Carolus Sigonius refert apologum de columbis, quæ tædiose, ferentes bellum cum milvo, accipitrem sibi in Regem elgerunt. ejusq; se se potestati subjecerunt. Accipiter evectus ad regimen, columbas deplumare cepit, ac suæ mensæ prædam facere; serò doliuere columbae, quòd liberè sibi ruinam paraverint. Quem apologum, tali carmine expressit dictus Author.

Accipitrem, milvi pulsorum bella, columbe

Accipiunt Regem. Rex magis hoste nocet.

Incipiunt de Rege queri, quia sanius esset,

Milvi bella pati, quàm sine Marte mori.

Sic quandoq; homines gravia putant præcepta DEI, & jugum Christi; sed postquam peccati vinculis se illigant, tunc primùm dolere incipiunt, suamq; inculcare insaniam lugubri voce: *nos insensati &c.*

Pre-

Proverb. 1. quid est quod DEUS misericordissimus, qui non vult mortem peccatoris, prædicat se explosurum risu, quoddam genus intereuntium, dicens: *Ego in interitu vestro ridebo, & subsannabo.* Patientur aliquando plena miserationis, & Bonitatis DEI viscera, ut non solum super miseriam intereuntium, non moveatur DEUS, sed etiam insultare pereuntibus videatur? magnum hic mysterium latere debet, quod ut evolvetur, exponendum est, cur DEUS ridebit? quando interibunt aliqui. *In interitu vestro ridebo.* Plures ad ejus quasi resolutionem possunt congeri rationes. Quarum.

Ima est, ut discamus, non semper hilarem DEI faciem, præfagam esse gaudiorum nostrorum, sæpe magis timendus est DEUS cum ridet, quam cum irasci videatur. Imò signum est interitus nostri, quando DEUS hilarem, serenamq; faciem nobis ostendit, cum nos exasperatum iræ DEI vultum mereamur. Miseram sortem floris illius, qui sereno solis radio uritur, ubi rore aut imbribus rigandus esset. Infelix bos, qui iugo, laboribusq; solvitur, ut enutriatur & pinguescat, ad macellum. Beatior, quia de suo vigore & purpura securior, sub spinis rosa, quam molli tractata manu. Luc. 5. Mirum quod Petrus ubi cepisset magnam piscium multitudinem, expediat à se Christum! *Exi a me Domine, quia homo peccator sum.* Si præsentem Christo tantam piscium copiam trahit Petrus, cur Christum exulare jubet? Ergo ne abundantia rerum, cum Christo componi nequit? Ergo, ubi affluunt omnia, DEUS subsistere non valebit? Ita sæpe fit, ut anima eo magis destituatur DEO, quod pluribus de manu ejus, cumuletur beneficiis. Tota nocte laborabas Petre, & nihil cepisti, vix illuxit cum Christo dies, & tanta tibi piscium venit copia. Liberalem experiris dexteram DEI hominis, neq; tamen unâ pateris eum stare navi? Sed expendamus quid causæ afferat Petrus? *quia, inquit, homo peccator sum.* Vidit præsentem Christum, vidit cum ejus præsentia, omnium copiam, sed se tantâ indignum judicavit; proinde ad genua prociidens dixit: *Exi a me Domine, quia homo peccator sum.* Te quidem magnificentem

Misericordia DEI commendat peccatori.

agnosco, sed me peccatorem confiteor. Quare aut liberalis esse in peccatorem desine, aut de navi exire velis. Timeo enim beneficia, dum panas mereor, blandum vultum vereor, & effugere contendo, cum iram tuam & minas, mea provocent peccata. *Exi ame Domine quia homo peccator sum.* Confirmat hanc cogitationem D. Hier. Epist. 33. ad Castrut. *Magna ira est, quando peccatoribus non irascitur DEUS.*

Ioan: 6. Ubi saturati sunt omnes ex quinque panibus, jubet Dominus, ut Apostoli colligant fragmenta: *Colligite fragmenta ne pereant.* In quem locum scribens D. Chrysost: dicit: *aquali numero Apostolorum, duodecem cophinos collegerunt.* Minime quidem illud mirandum, quod Salvator noster, ita fragmenta illa multiplicaverit, ut Petro, Ioanni, Andree, aliisque strenuis in Christi vinea operariis Apostolis, suum exdiviserit cophinum fragmentorum, sed quod etiam Iudas parem cum aliis liberalitatem ac munificentiam Domini experiat, non possum non mirari. Itane filius irae ac perditionis, cum Electis DEI, æqualem accipiet portionem? ita perfidus ille apostatarum antesignanus Iudas, in eandem cum aliis Christi Affectis sortem vocabitur? Indignum esse videtur, ut ei alimenta provideat Dominus, cui tota vivendi ratio, ipse etiam Christi insidari vitæ. Fame confici debuerat, qui vel ipsum pacis osculum, proditiois signum facturus erat, ipsasque virtutes, suæ ministras nequitia formaturus. Verum nemo ejusmodi sortem invidet Iudæ, monet prædictus aurei oris Doctor, dicens: *Erat autem & hoc, non parum ad condemnationem Iudæ, qui cophinum portabat.* Quasi hic Sanctus insinueret: merebatur iram potius, quam Christi respectum Iudas, panis non pane dignus. Christus tamen liberalem se, illi exhibet: *Sed erat hoc ad condemnationem Iudæ.* Erat signum interitus æquanimem experiri Christum, cum alienum à se videre debuisset seductor.

Hinc S. Nilus increpat illos, qui applaudunt felicitati iniquorum potiusque lacrymas suadet & compassionem peccatori faciendam interprospe-

prospera versanti, dicens: *Luge peccatorem felicem.* Id ipsum Origenes hom: 8. in Exod: pluribus exaggerat: *Hoc est terribile, hoc est extremum, cum jam non corripiamur pro peccatis, cum jam non corrigimur delinquentes.*

Isaiæ 26. *Misereamur impii, dicit Dominus, & non discet iustitiam.* In quem locum S. Bern: serm: 42. in Cant: ait: *Misericordiam hanc ego nolo, super omnem iram miserationis ista, sepiens mihi vitam iustitiae. Volo irascaris mihi Pater Misericordiarum, sed illa ira, quâ corrigis devium, non extrudis de via.*

Psalm: 9. *Exacerbavit Dominum peccator, secundum multitudinem iræ suæ non queret.* S. Aug: in eum locum: *Multum irascitur Dominus, dum non exquirat, dum quasi obliviscitur, & non attendit peccata.* Et ultra: *Nemo gratuletur homini, cuius peccatis deest ultor, adest laudator. Major hæc ira Domini est.*

Psalm: 44. *Specie tua & pulchritudine tua, intende, prospere procede & regna, accingere gladio, super femur tuum.* Lyranus querit: *quid est gladius ille? est species ipsa & pulchritudo.* Apoc: 1. Videns S. Ioannes similem filio hominis, cuius caput & capilli tanquam nix, oculi tanquam flamma, habentem in dextera sua stellas septem, cecidit ad pedes ejus tanquam mortuus, & audiit, habeo claves mortis & inferni: neque clavis est ad interitum, facies Domini serena, & nobis blandiens, ubi aversam & fulminantem meremur.

Ratio ac reflexio 2da; quia scilicet indigni sunt commiseratione, ubi plures pereunt. Minus est, si cadat unus, veniam meretur, qui solus peccat; verum ubi plures in malum conveniunt, ubi suus cuiq; non sufficit interitus, subsannationem DEI, non miserationem sperent. Obsequium quisq; præstare contendit ægro, si solus infirmetur; ubi plures jacent, nemo propius accedere, nemo infirmos juvare ac solari audet, quisq; sibi metuit; contagioso ne succumbant morbo, universi aversantur. Si unum pomum putrescat, flocci penditur, sed si copia pomorum putredine inficiatur, omnia extra testam domus ejiciuntur. Ita

*Indigni commiserari-
one ubi plu-
res pereunt.*

DEUS nulla commiseratione dignos iudicat, qui plures cadunt. *Et interitu vestro ridebo.*

Matth. 13. Advententes servi zizania electo tritici grano admista, dolentes referunt Domino: *Domine nonne bonum semen seminasti in agro tuo? unde ergo habet zizania?* & respondet illis: *Inimicus homo hoc fecit.* Quem locum expendens Ioannes Cluniacensis, sic differit: *Inimicum vocat diabolum, quia non solum sibi suus inimicus, sed omni homini curat esset inimicus. Nam si sibi soli adversaretur, fortè à DEO [et si esset inimicus] hoc nomine non appellaretur, ut intelligat peccator: quia quando sibi ipse est peccator, & non aliis, apud DEUM, quasi non esset peccator reputa i videri.* S. Bonav: in stim: amor: par: 3. c. 19. tom: 2. inquit: Cur illa Oratione directa ad Beatissimam: *Ad te clamamus exules filii Eue, ad te suspiramus gementes & flentes &c.* non dicimur potius filii Adæ? & respondet: *Ad te clamamus exules filii Eue, non enim nobis sufficiunt: mala nostra, sed sicut Eva Adam, sic nos alios maculamus ad malum.* Proinde filii gementes & flentes dicimur, ut innotescat cuiq;: miseros illos & sine omni miseratione in valle lacrymarum relictos, quibus suus in perniciem non sufficit progressus. Invehitur contra ejusmodi corruptores. D. Epiphanius ad B. Hieron: To: 3. Biblioth. vet: PP. *Audis ad occidentem quorundam hominum naufragia pervenisse, qui non contenti perditione sua, volunt plures habere mortis participes, ne in comitati ad inferos abeant.* Et addit niss: *Va illis propter atrocitatem tormentorum, quibus excruciantur.* O ex 1. Dominus DEUS dicit: *Non addam ultra miseri domui Israel, sed oblivione obliviscar eorum, & domui Iuda miserebor, & salvabo eos.* Quid obsecro causæ est, quòd Divina misericordia profusa in Regnum Iuda? at verò à Regno Israel avertatur? Optime Rupertus ratiocinatur: *Si queris rationem cur Dominus non Israeli sed domui Iuda misereretur? Sciendum tibi est, magnam in Regibus Israel & Regibus Iuda distantiam fuisse peccati. Regum quippe Iuda nonnulli iusti fuerunt. At verò de Regibus Israel, nullus extitit, qui faceret, quod rectum*

rectum esset, nullus qui recederet à peccatis Hieroboam. Planè indigni misericordiâ, qui ut peccarent, omnes conspirârunt in unum.

Ratio 3^{ta} Erudire nos scilicet Dominus voluerat: hilarem illum vivere, aliis etiam pereuntibus, ejus vita à pereuntium exemplo longè aberat. Confirmat id Psalter dicens. *Beatus vir qui non abiit in consilio impiorum, & in via peccatorum non stetit.* Psal. 1.

Letus, qui

Ratio 4^{ta}, quia Interitus pereuntium non ex DEO, sed ex ipsis *nulligrinæ* pereuntibus proveniebat. *Ridebo, inquit, in interitu vestro,* hoc est, *causa fuit.* non me sed vobis ipsis eum causantibus. Nempe maximis ille affluit solatiis, inter medias etiam aliorum ruinas, qui ut alii ruerent Author non erat. Ex ipsius naturæ dispositione; hujus veritatis evidens argumentum occurrit: Illas enim duntaxat aves suavius canentes audimus, quæ feminibus contentæ, alienum haud sitiunt Sanguinem; quæ aliena vescuntur carne, aliorumq. viventium reficiuntur morte, tristius nonnisi crocitare didicerunt. Cygnus etiam dum moritur, canit; Accipiter, Milvus ac Corvus, etiam inter epulas, vix aliquid triste sonant. Describentes Evangelistæ, Christi ad mortem progressum, imprimis inducunt eum sic orantem ad Patrem: *Pater ecce non perdidisti quenquam ex eis, quos dedisti mihi.* Deinde subdunt, quòd cantato hymno exierit cum discipulis. Exemplo suo docens, letos illos & canentes mortis etiam subire pericula, qui nullius ruinæ causam dederunt. Ludovicus Cortusius, Iure consultus Patavinus, Sanctissime suum administrans officium, nulliq. unquam nocens per suæ vitæ tempus, interdixit testamento lacrymas, aliasq. à suo funere lamentationes abesse præcepit, solos aulados, Citharædos, & omnis generis musicos adhibendos præscripsit, qui unâ cum candidato clero foneris pompam partim præirent numero quinquaginta; partim sequerentur, deputando singulis dimidium aureum in vim laboris. Et ita sepultus est in Templo S. Sophiæ Patavii, an. 1418. Nullusq. admissus ad funeralia celebranda, qui nigro vestitu incederet.

Ratio 5^{ta}. Ridet DEUS, miseri intereunt peccatores. Nihil equidem

magis interimit malevolos, nihil citius prosteroit invidos homines; quàm hilaris Innocentium in omni fortunæ alea vultus. Inexpugnabile contra perverſas mentes ſcutum, efficaciffimum telum eſt, quo ſeipſos con-
Hilaritas ficiant invidi, collecta ex adverſis hilaritas, & pacatus inter aliorum
Innocentis turbulentias animus. Refert Seneca Ep: 103. quòd Anacharſides ſcy-
fulmen im- tha interrogatus, quid hominibus maxime infeſtum eſſet? reſpondit:
pro videtur. *Ipsi ſibi ipſis.* Unde Venuſinus Vates cæni: *Invidus alterius macre-*
ſcit rebus opimis. Invidiâ ſculi non invenère tyranni, tormentum majus.
 Similis eſt invidus milvis, quos cadaveribus paſci, & pretioſis unguen-
 tis emori dicit D. Greg: Niſi in Moys: Vita. Imago Invidi, baſi-
 liſcus eſt, qui Solino teſte ſerpens exitiaſſimus, in funera terrarum
 natus, ſolo aſpectu auras inſicit, plantas urit, animalia perimit, ipſa
 ſaxa diſſolvit, ſi autem ſeipſum intueatur, halitu in ſe reflexo perit, &
 ſuis necatur ſpiculis, ita invidus, qui venenatos ignes in inſontes ejacu-
 latur, ſuo ſe ferit gladio, ſuis configitur ſagittis, ut veteres illi exprimunt
 jambi: *Parum alteri, multum ſibi invidus nocet. Arugo ferrum,*
invidia perimit invidum.

Hinc S. Aug: tom: 10. ſerm: 83. de temp: *Sicut arugo ferrum,*
ita invidia illam ipſam animam, in qua eſt, interimit & conſumit.
 Exod: 34. Mirum eſt, quòd DEUS mittens de monte ſinai Ducem ſui
 populi moysen ad Iſraelitas, jam idololatriâ contaminatos, ſplendore
 magno illius vultum exornaverit, ita ut videntes Aaron & filii Iſrael,
 timerent propè accedere. Cur potiùs non fulminibus armavit faciem
 ejus contra inſenſatos? ſed tanto ſplendore decoravit? Ipſa nimirum
 juſti hilaritas, ipſe faciei ſplendor, fulmen eſt & telum contra malevo-
 los. Examinemus qualis moyses apparuerit perverſis Iſraelitis: Dicit lacer
 textus: *Videntes cornutam Moysi faciem, timuerunt propè accedere.*
 Moyses illuminatus, perverſis apparet corruptus. Omnes ſereno vultu
 in ſuos affectus trahere conatur, & ipſi timore conſcutiuntur univerſi.
 Ipſos quippe alienæ ſerenitatis radios in ſpicula convertunt invidi, qui-
 bus ſe ſe confodiant.

Ratio ultima: Ridet DEUS, non irā exasperat vultum, cūm pereant peccatores, ut ostendat quòd sibi ipsis imputare ruīnam, non DEO debeant. Potuisset fortassis peccator, querelarum causam aliquam adversus DEUM prætere, si aliquando torvum, & à se averiū vultum ejus prospiceret; sed cum ipso etiam suo in interitu, blandum experiatur, nulli alteri, nisi sibi succensere debet, quòd intereat, *In interitu vestro ridebo*; quasi diceret: quidquid paternarum blanditiarum in vultu meo aspiciatis, meæ Bonitatis est. *Ego ridebo*. Sed vestrum est, quidquid perniciem & æternam paravit ruīnam: *In interitu vestro*. Ut serenum vultum præferam ego, mea facit misericordia; ut pereatis vos, vestra industriā stabit. Eleganter in eandem propositæ cogitationis sententiam, SS. Patrum dicta conveniunt. Ex quibus primus S. Aug. lib: de nat. & Grat: c. 26. sic ait: *DEUS non deserit, si non deseratur, ut pie semper justeq; vivatur*. Et rursus ferm: 88. de temp: *Hoc fideliter & firmiter credat dilectio vestra; quia nunquā DEUS prius deserit hominē, nisi prius ab hōine deseratur; cūm enim semel & secundo & tertio unusquisq; gravia peccata commiserit, expectat tamen illum DEUS: cūm verò in peccatis suis caperit permanere, de multitudine peccatorū nascitur desperatio, ex desperatione obduratio gēeratur*. Et D. Fulgent: lib: I. de duplici prædest: c. 13. *Iuste deseritur à DEO, qui deserit DEUM; & quia homo deserens DEUM peccat, deserens peccatorem DEUS, justitiam servat*. Accedit Concil. Tridenti autoritas, ses. 6. c. II. *DEUS suā gratiā semel justificatos non deserit, nisi ab eis prius deseratur*. Legitur in historiis quòd Anastasio Imperatori licentiosius viventi, homo quidam apparuerit dormienti, librum & calamus in manu tenens, ac eidem dicens: *Ob peccata tua deleo quatuordecē annos vitæ tuæ*. Fortassis ut ei, omnibusq; aliis doctrinam relinqueret: Qui peccata multiplicat, vitam minuit. Unde S. Greg: *Plerumq; perverse menti, ipsa sua culpa sit pena*. Et S. Aug: in Psal: 7. *Fratres mei ita credite, ita certi estote, ita si est in vobis excellentior prudentia*

*Ruina sua
quāq; sibi
auctor.*

ratio

ratio, videte atq; perspicite: nemo malus, quin, prius sibi ipse noceat.

Psalms: 7. De Peccatore refert Prophetas: *Incidit in foveam, quam fecit.* Ex quo facile quisq; inferre potest, non alienæ maius, sed propriæ cuiusq; opus esse, quod præceptis ruat. Hinc D. Aug: in Psalms. scribens, ait: *Punit DEUS peccatores, sed cum punit, non malum suum eis infert, sed malis eorum, eos castigat.* Nos, quæ nobis infiguntur tela elaboramus, nos manum DEI illa contorquentem moveamus; nostri est operis industria, quod patimur.

I. Reg: 18. Decantatum legitur certamen Davidis cum immanis stature Gigante Goliath. Insultabat corporis proceritate superbus Gigas populo DEI, & magis fastuosæ mentis tumore, quam corporis mole elatus, insolenter illi imparem bellis animum exprobrabat. Audiebant Israelitæ suum opprobrium, nec illud vindicare audebant. Interim excitavit Spiritus Domini Davidem, annis adulescentem, sed animi robore adultissimum, qui populi sui causam suscipiens prodit ad certamen; nec infelici passus; Vix enim fundâ vibravit lapidem, carnem illam molem, uno ictu ad terram prostravit, & suo Gigantis gladio, caput ejus amputavit. Unde oritur difficultas resolvenda: duo concurrebant ad ruinam Goliath: lapis scilicet directus in frontem à Davide, & gladius ipsius Gigantis. Cur tamen non lapis victoriam incipiens, mortem ultimato intulit, sed gladio exequenda mors est commissa? Lapis deposuit in terra Gigantem; gladius eum capite & vitâ privavit, Posset quidem illa dari ratio: quia illud victoriæ genus gloriosius est, ubi uno vincente, alii non excluduntur à triumpho; ubi quis simul de hoste, simul de proprio triumphat fastu. Satis fuerat lapidi, dignum morte caput indicasse, satis viam parasse ad victoriam, gladium quoq; participem gloriæ & triumphi esse voluit, eumq; ad consumandum opus admisit. Caterum magis altera arridet ratio ex discursu quem affert D. Ambr: serm: 88. Ep: mediol: deducta: *Legimus in scripturis, inquit ille, lapidis vocabulo, Christum singulariter designa-*

designari, sicut ait Propheta: lapidem quem reprobaverunt edificantes, hic factus est in caput anguli. Igitur cum lapide Goliath percutitur, Christi virtute prostermitur. Ex quo discursu taliter prædicta difficultas acuitur & resolvitur. Si Goliath peccator est, lapis peccatorem interficiat, Christi virtute mors illi inferatur. Nequaquam, suo ipsius gladio perimendus est Gigas, non lapide Christum adumbrante, ut ex hoc pateat: Peccatores, suis ipsorum armis, non DEI jaculis perire. Gemit molis pondere oppressus impius, sed pondere quod ipse sibi coacervavit. Moritur impius, sed morte, non tam à DEO immissa, quam à te quaesita. Ipse tulit ferrum in aciem quo periret.

Sed jam concludat hanc annotationem fatalis cujusdam vitæ epilogus, quem describit P. Major Soc. IESU Theol. In Anglia vir religiosus, veste, non moribus, sapius rabido dente, aliorum famam lacere solitus, hic in extremis constitutus invitabatur adstantium persuasionibus ad Sanctam de æternitate cogitationem, suiq; ad melius obeundam mortem, dispositionem; sed post multa monita, Misericordiâq; DEI exaggerationem à circumstantibus factam, respondit moribundus, productam de ore percutiens linguam digito: *Hæc lingua pessima me damnavit.* Dixit ista, & lingua subito intumuit, ita ut in fauces retrahi nequiebat. Non DEO itaq; sed sibi quisq; debet imputare ruinam.

ANNOTATIONES.

IN textum qui sequitur: *Apparet autem eis, qui fidem habent in illum.* Fontes autem Annotationum possunt esse. Imo, ex combinatione apparitionis præquirentis fidem, quod scilicet DEUS tunc primum, & hos duntaxat ad sui conspectum admittendos promittat, qui fidem in illum habent. 2do, quod DEUS ad sui apparitionem

fidem omnino habendam præscribat, nec ejus desiderio contentus.

A N N O T A T I O Ima,

APPARET AUTEM EIS, QUI FIDEM HABENT in ILLUM.

*Fides vilis,
que mira-
cula exigit.*

NON Prius Dominus apparitionem suam promittit, quàm fides in eum habeatur. Apparitio nempe modus agendi cum homine extraordinarius & miraculosis est, proinde renuit Dominus prodigioso uti medio, ut homo ad amplectendam excitetur fides. Nimirum vilis illa, minusq; æstimanda fides hominis est, quæ sola expectat miracula, nec aliter, nisi magno prodigiorum pretio paratur ac impetratur.

ioan: 4. Mirum est quod mansuetissimus semper Salvator noster accedentem ad se Regulum asperiore vultu recipit & alloquitur, nec ab eo invitatus descendere in domum ejus dignatus est: hanc illi exprobrationem adjiciens: *Nisi signa & prodigia videritis, non creditis.* Volebat scilicet in uno Regulo, nos omnes instruere. Exiguam illius esse fidem, qui solis adducitur miraculis ut credat. Is verè fidelis censendus est, qui nulla expectans miraculorum testimonia, quibus trahatur, ipse suum ducit captivum intellectum in fidei obsequium. Inde ad longam posteritatis memoriam erudito Scriptorum calamo proponi meruit, multis cumulatus encomiis Ludovicus Galliarum Rex, quod ad suam fidem, non requireret miracula. Cum enim anno 1256. in Gallia intra regale sacellum celebraretur missæ sacrificium absente Rege, & post consecrationem visibiliter appareret Christus sub specie parvuli elegantis, invitabatur Rex, ad intolitum spectaculum, sed ille respondit: *Eant illi, qui de vera Christi præsentia, sub Orbe Eucharistico fidem non habent, ego quotidie oculis fidei ibidem illum spectro.*

ioan: 20. Confitetur Thomas Christum esse DEUM, & dum resurgentis gloriosa palpat vulnera, totâ vocis contentione clamat

Domi-

Dominus meus & DEUS meus, neque tamen laudem meretur, illi soli inter Beatos referuntur, qui non viderunt & crediderunt. Unde S. August: super Ioan: inquit; Quid est fides? nisi credere quod non vides: Unde & quomodo capitur Trinitas? rectè o homo! interrogas: ideo bene creditur, quia citò non capitur; nam si citò caperetur, non esset opus ut crederetur, quia videretur. Et S. Bern: serm: 67. ait: Transgreditur fides rationis fines, humana nature usum, experientie terminos. Vix itaq; ille fidelis censendus est, qui ut credat, experimenta querit.

A N N O T A T I O 2da.

APPARET AUTEM EIS, QUI FIDEM HABENT in ILLUM.

Fides antecederet habenda est, ut subsequatur Divina apparitio. Fides nempe bonorum omnium radix, fundamentum perfectionis, beatitudinis iunua est.

Accommodè ad hujus veritatis illustrationem D. Augustinus fidem nobis sub radicis similitudine proponit, serm: super Ioan: dicens: *Quidquid est in arbore pulchritudinis vel decoris ex radice procedit: sic quidquid meriti, quidquid beatitudinis anima susceptura est, ex fidei fundamento procedit.* Et serm: de verbis Domini ad lit: *Nullæ majores divitiæ, nulli thesauri, nulli honores, nulla hujus mundi major est substantia, quàm est fides catholica, quæ peccatores homines Salvat, cæcos illuminat, infirmos curat, fideles justificat, penitentes reparat, justos augmentat, Martyres coronat, Virgines & viduas & conjugales casto pudore conservat, clericos ordinat, sacerdotes consecrat, inheredite æterna cum sanctis Angelis collocat.*

Psalms: 44. Non priùs cælestis sponsus suum vultum spectandum offert, non priùs sponsam, ad videndam faciem suam invitat, antequam fidei suæ præmiserit meritum. *Audi, inquit, filia, & tuum primum*

Fides bonorum omnium fundamentum.

vide. prius, inclina aurem tuam, antequam ad visionem DEI at-
tollas oculum. In quem locum D: Chrylost: scribens dicit: Audi,
hoc est crede. Dos sponsa in auditu erat. Quid est in auditu? in
fide non in fruitione.

Matth: 9. Quis illi mulieri fluxum sanguinis patienti, optatam de-
 dit salutem? en Veritas: ipsa Christus testatur: *Fides tua te salvam*
fecit. Hinc rectè D. Aug: term: de fide ad Petrum. *Hoc est hu-*
mana salutis initium, sine hac nemo ad filiorum DEI numerum potest
pertingere. vel pervenire: sine hac omnis labor hominis vacuus est.

A N N O T A T I O 3tia.

APPARET AUTEM EIS, QUI FIDEM HABENT in ILLUM.

Fides ante-
cedit visi-
onem DEI. **P**ramittenda est fides visioni DEI; quia scilicet meritum antee-
 dere debet, ut sequatur præmium. Haud ille præmiandum se-
 speret claro vultus Divini lumine, qui per obscuræ fidei semitamam
 progredi neglexerit.

Quis sub serenæ æstatis intervallum, copiosam speret messem in hor-
 rea se devecturum; nisi prius electa seminum grana, in obscuro glebæ
 sinu diutius nutrienda, terris mandaverit. Hac similitudine D: Gre-
 gorius utitur, dum lib: 17. Epist: 47. ad Præcones fidei ait: *Crescunt*
quotidie per lingua vestra. vomerem, grana caelestia, atq; in horreis mul-
tiplicantur supernis. Et certè si ipsius naturæ dispositione nullus in
 lucem educitur fatus, antequam inter uteri detineatur latebras; etiam
 nobis non aliter speranda lux caelestis gloriæ, nisi inter obscuras veræ fidei
 imagines versantibus, juxta Doctoris Gentium effatum: *Videmus*
nunc per speculum in enigmate: tunc autem facie ad faciem.

Genes: 25. Prius luctari inter umbras noctium, cum Angelo, Jacob
 Patriarcha debuerat, antequam Israelis nomen, hoc est videntis DE-
 UM accepisset. *Vana est sine obsequiis expectatio mercedis; præsumit*
ille.

ille, non sperat, qui sibi absque meritorum suffragio, caelestem gloriam pollicetur.

Genes: 27. Isaac in confinio mortis positus, antequam supremam benedictionem primogenito impertirét filio, prius sibi obsequium ab eo præstari cupit: *Tolle arma tua, pharetram & arcum & egredere foras, cumq; venatu aliquid apprehenderis, fac mihi inde pulmentum, ut comedam, & benedicat tibi anima mea, antequam moriar.*

Inquit Nicol: Lyranus, cur prius hæc facere jubeat filium Patrem, antequam benedicat? & respondet: *Quia filius recipiens benedictionem, debebat Patri facere obsequium, & servire in mensa.* Neq; Divinam speret quisquam benedictionem, nisi præmiserit debita DEO obsequia.

A N N O T A T I O 4ta.

APPARET AUTEM EIS, QUI FIDEM HABENT in ILLUM.

Cur non aliter appariturum cuiquam Dominum declarat Sapiens, nisi in eum fides habeatur? Parum nempe est, ad visionis beatæ possessionem obtinendam, solo virtutis ferri desiderio, sola fidei augeri proposita. Ille dignus efficitur, cui se se videndum præbeat DEUS, qui in exercitio Virtutum desudat, & non solis fatigatur desideriis. *Fides sine operibus mortua.* Tenere fidem in fructu, & non solum in desiderio flore fovere debet, qui in conspectum Domini venire contendit. Haud ille gloriosum numinis vultum sibi polliceatur, quem sola angunt vota & nulla virtutum fideiq; recreat possessio. Quid profuit ad felicitatem consequendam Tantalus (si commentis Pœtarum damus fidem) jejuna semper labia & otiosos dentes à fugacibus referre pomis? Quid ad beatitudinem conduxit, hiantes & aridas continuò, inter undarum profluvia exercere fauces.

Luc: 8. Non levi difficultatem ille locus Evangelii adfert, ubi

Supremus Magister ait: *Exiit qui seminat, seminare.* Si enim divini seminis salutaria grana quis seminat, quomodo adhuc exit seminare? Eadem videtur esse hæc locutio, atq; si quispiam diceret: *Ego scribo, exeo ut scribam.* Ioannes Cluniacensis tali expositione solvit difficultatem: *Qui seminat desiderio, exiit opere seminare, ut nostra salutis viam doceret.* Non satis est scire necessaria ad salutem, velleg; ea facere, nisi admoveatur insuper operi manus. Parum valent, nec multum lucrantur apud DEUM sola desideria, quibus nunquam adiungitur executio. Quis enim coronabit victoriæ lauru, solis votis ac desideriiis bella gerentem? Quis artificis ædificandi voluntatem pretio æstimabit? si nullæ unquam assurgent ædes. Flos arborum sine fructu, nulla feret solatia.

Psalm: 118. Coronatus Vates canit: *Lucerna pedibus meis, verbum tuum; & lumen semitis meis.* S. Ephrem expendens hæc verba sic Psalmistam alloquitur: *Quid ais Propheta? lucerna non oculis lucet? nunquid pedes oculos habent? quo igitur pacto, omissis oculis, visum pedibus attribuis?* & sibi respondet: *Nam pedes animæ sunt intellectuales oculi.* Hoc ipso innuens, quod tunc anima feliciter progrediatur, quando lux oculatorum, ad pedes transit. Parum enim prodest, multa perspicacibus longè videre oculis, nisi ad eadem velocibus contendas pedibus. Cupienti æternam vitam non sufficit cognoscere viam, quâ eundum est, nisi simul itineri accingat pedes.

Lucæ 1. Sanctus Parens Zacharias duo sui filii officia exponit illis verbis: *Illuminare his, qui in tenebris & in umbra mortis sedent, ad dirigendos pedes in viam pacis.* Imum fuit: *illuminare his, qui in tenebris errorum, & umbra mortis, cæci captiviq; jacebant.* Alterum *dirigere pedes, illorum in viam pacis.*

Theophilactus quarit: num igitur sufficit solum illuxisse obtenebratis? minime. Sed etiam opus est, ut dirigantur pedes nostri in viam pacis. Lumen enim, quo aliquis illuminatur, ut cognoscat viam rectam, haud deducit ad visionem DEI, nisi simul dirigat ipsius illuminati pedes in viam pacis.

TERTIVS VERSVS

PRIMI CAPITIS SAPIENTIAE.

PERVERSÆ COGITATIONES SEPARANT à DEO; PROBATA AUTEM VIRTUS CORRIPIT INSIPIENTES.

EXPOSITIO SS: PATRVM.

SSSS
PERVERSÆ Cogitationes separant à DEO. ex græco apud
 SS Corneliū à lapide legitur: *Discursus tortuosi, perplexi, flo-*
 SS *xuſi, obliqui verſuti &c. separant à DEO.* Arabicus ha-
 SSS bet: *Cogitationes difficiles & perverse separant à DEO.*
 Syrus dicit: *elongant à DEO.* S. Chryſt: hom: o. ad Popul. sic
 eundem ſenſum exponit: *Peccata nos a DEO separant.* Ut inde
 colligatur non per omnes cogitationes hominem ſeparari à DEO, ſed
 ſolū per illas pravas, quibus Voluntas vel expreſſe, vel tacite acquie-
 ſcit. Cantacuzenus explicat: *Curioſa quaſtiones deviant à DEO.*

Probata autem Virtus corripit inſipientes. Variæ ſunt hujus loci
 Authorum expoſitiones. Aliqui enim, ut Lyranus, Dionys. ſumendo
 hic virtutem, pro honeſtate & probitate, talem ſenſum volunt eſſe præ-
 dicti textus: Virtus hanc habet vim in eo, qui illā præditus eſt, ut
 eum faciat aptum ad corripiendos inſipientes. Holcot verò & Hugo
 intelligunt fidem, quæ à mente aufert inſipientiam, Alii cum Bonav-

Vata-

Vatablo, Clario, Olorio, accipiunt virtutem pro Potentia Iudicum ac Gubernatorum. Alii tandem cum Cornelio à lapide intelligunt Potentiam DEI, ita ut ille textus hunc sententiam reddat: Virtus id est Potentia DEI, per multos suos actus & effectus probata corripit & castigat insipientes. Arabicus loco hujus *probata virtus*, habet: *exquisita virtus*. Syrus autem loco istius *corripit insipientes*, legit: *redarguit contemnentes*.

RESOLVTIO.

OCCURRENTIUM DIFFICULTATUM.



NON pauca, nec inutiles ex praesenti versu possent oriri quaestiones ac difficultates resolvendae. Et imprimis omissa quaestione quanam cogitationum sit sedes? an cor hominis? ut Aristoteles & Stoici volunt, cum illisq; Tertullianus ac D Hieronymus, faventibus sibi nonnihil sacris paginis; an verò caput? ex medicorum communiori sententia. Ex 1mo textu haec examinanda veniunt. inum est. Unde proveniant cogitationes pravae? 2dum quomodo illis occurrendum. 3tium an qualibet cogitatio prava separet à DEO? & quid sit separari à DEO? Ex 2do textu resolvendum est quid Virtus? & utrum omnis probata? 2do quibus modis probeatur.

QUAN-

QUANTUM ad unum.

Undenam proveniant cogitationes pravæ?

Certum est ex multis capitibus illas provenire. imò ex Corporis humorumq; temperamento, ac constitutione hominis. Sæpe enim cogitationum mobilitas ac instabilitas provenit ex ignea hominis indole, ex Sanguineâ verò & humidâ, provenit earundem levitas, & dissolutio.

2dò ex mala consuetudine, quâ imaginandi vim, sine lege vagari ab infantia permittimus, quæ huic nocivæ libertati assveta vix frenum admittit.

3tò Oriuntur cogitationes pravæ ex neglecta sensuum custodiâ, ut S. Ambros: de fuga sæculi notavit, ubi dicit: *Respexit oculus & sensum mentis avertit, audivit auris, & intentionem inflexit, exhalavit odor, & cogitationem impedivit.*

4tus fons earum in affectibus animi parùm castigatis consistit; cum enim unus ex illis, in nobis vehementius exsurgit, quocunq; feratur, eò secum animam rapit. Ratio inquit Seneca, *tamdiu potens est, quamdiu deducta est ab affectibus; commota semel, ei servit à quo impellitur.*

5to proveniunt ejusmodi cogitationes ex suggestionibus dæmonis, qui ad perturbandos ac decipiendos homines, cogitationum præsertim ministerio utitur. Hinc visus est aliquando tempore sacrificii, capiti puellæ, quæ ad choreas agitandas invitata fuerat, insistere, & saltatoriis instrumentis ludere. Ostensus item est S. Brigitte à B. Virgine carbones operoso flatu accendere, quo emblemate docebatur, in ejus pectore dæmonis artibus ardentiorē erga filios amorem excitari, ut eam à suscipiendis pro DEI gloriâ peregrinationibus averteret.

6tò proveniunt ex malo hominum exemplo, maloq; viventium consortio.

Origo cogitationis pravæ.

QUANTUM ad 2dum

*Modus oc-
currendi
pravis cogi-
tationibus.*

Quomodo pravis cogitationibus occurrendum?

Imus & universalissimus modus consistit in timore DEI & sedula circumspeditione hominis, suae salutis bonum procurantis: quemadmodum enim ordinate res in ea procedunt familiā, in qua Dominus, domi se continet, domesticorumq; moribus & actionibus sedulo invigilat; ita in eo corde omnia secundum legem fiunt, in quo timor DEI praesidet, & una cum accurata hominis providentiā, vigilias obit. Unde curare quisq; imprimis debet, ut memoria bonis cogitationibus occupetur, ab otiosis & vanis, ad utiles aeternasq; elevetur, & selectis sacrae scripturae sententiis nutriatur, instruatur, ac recreetur. Imaginativa item Potentia, utilibus representationibus mortis, iudicii, caelestis Patriae, suppliciorum aeternorum; detineatur, & ad varias Christi tam nascentis, quam concionantis, & praesertim patientis efformandas imagines compellatur; lingua & aures sub arctissima disciplina legibus coerceantur.

2dus occurrendi modus ejusmodi cogitationibus, est fervens Oratio ad DEUM; salutiferaq; Crucis expressio. De Orationis efficaciam adversus daemones, Christus ipse testatur Matth. 26. *Orate ut non intretis in tentationem.* De eadem B. Laurent. Iustin: lib: de Orat: c. 2. *Oratio est animae Sanctae subsidium, Angelorum solatium, diaboli supplicium.* Narrat de se ipso D. Hieronymus quod dies noctesq; integras, ad pedes IESU, cum gemitu orando, & pectus duro lapide tundendo, permansisset, ut tranquillitatem mentis, per suggestiones inimici perturbatam recuperaret; feliciterq; superabat ac propulsabat hostes.

Sanctus Damascenus in vita B. Iosaphat cap: 30. scribit: quod hic eximiae virtutis Adolescens, cum ingentibus exagitaretur tentationibus, confugiebat ad orationem & in has voces erumpebat: *Domine DEUS, tu solus potens & misericors, spes desperatorum & carentium adiutorio; recordare servi inutilis, ac propitius vultu me respice, nec in hostium manum incidere permitte. Non supergaudeam, qui oderunt me inimici, ne me iniquitatibus corrumpi sinas, aut corpus meum, quod tibi castum.*

castum exhibere promitto, dedecore afficere: Te enim concupisco, Te adoro Patrem & Filium & Spiritum Sanctum in secula Amen. Cùm dixisset: amen, statim affuit divina consolatio, cujus lumine omnium turpium cogitationum nebula evanuit.

De Crucis verò signo & armaturâ, S. Bernardus in meditationibus: Si pulsas te turpis cogitatio, si premit caro, si demon paravit insidiis, fuge ad signum Crucis Christi, & liberaberis.

Hoc remedium præscribit & D. Augustinus dicens: cùm me pulsas aliqua turpis cogitatio, recurro ad vulnera Domini mei IESU Christi, & ad viscera misericordiæ ejus, nec alihi efficacius remedium reperio.

Sicut lepores & animalia à venatoribus agitata, ad sua recurrunt latibula; ita tu contra retia insidiantis sathanae, tutum habes refugium ad Salvatoris vulnera. Petra refugium herinacis. Inquit Psaltes.

3^{ti}us modus stat in fuga otii tum interiùs, tum exteriùs. Otium enim juxta D. Bernardum: malum omnium est receptaculum: Unde S. Hieron: arbitratur, quòd tantum quisq; se dæmoni subtrahat, quantum otio demit.

4^{tu}s modus consistit in frequenti & accurato Sacramenti Pœnitentiæ ac Eucharistiæ usu. Nam per pœnitentiam purgatur anima, & inducitur odium ac horror peccati. Per usum verò Eucharistiæ acquiritur robur ad vincendas tentationes, juxta illud Psal. 22. parasti in conspectu meo mensam, adversus eos, qui tribulant me.

5^{tu}s est, Memoria DEI præsentis, cujus oblivionem pro causa peccatorum assignat divinus Psaltes, dum ait: Psal. 9. non est DEUS in conspectu ejus; inquinatae sunt viæ illius, in omni tempore. Multum DEO, sibiq; defuisse existimabat B. MARIA Victoria, si vel unius horæ quartâ parte, cogitationem DEI præsentis non renovasset, quam aliò divertendo, nonnisi fumos & ventos hauriret. Unde senior Tobias proponens filio suo monita salutis, dixit ei: omnibus diebus vitæ tuæ, in mente habeto DEUM, & sic fiet, ut nunquam consentias peccato. Et certè, sicut solis præsentia dissipat tenebras, ita cogitatio præ-

sentia DEI dissipat omnem peccati umbram & caliginem, juxta illud: *si ambulavero in medio umbræ mortis, non timebo mala, quoniam tu mecum es.* Miles qui in præsentia Ducis præliatur, non facile animum despondet. Et in militia Spirituali, feliciter quisq; contra hostes animæ dimicabit, si Ducem suum DEUM præsentem considerabit, & in ejus auxilio confidet.

Refert Dorotheus Abbas, se cuidam discipulo suo, noviter vitam monasticam amplectenti, hoc præceptum dedisse: *nunquam cordi tuo DEUS excidat, semper cogita præsentem, & te coram illo stare.* Sedulo id observavit, & ex juvene dissoluto, ad perfectionis & eximiæ Sanctitatis gradum, quinquennii spatio, eluctatus est.

Q U A N T U M ad 3^{ium}

An quævis cogitatio prava separet à DEO?

Certum est imprimis omnia peccata de corde & cogitatione procedere, prout ipse Dominus Matth: 12. loquitur: nam prius homo cogitatione rem voluntati proponit, prius consentit & constituit internè, postea ad opus & executionem descendit. Propterea Christus Dominus appellat cor hominis, thesaurum boni & mali, dicens: *Bonus homo de bono thesauro profert bona: & malus homo, de malo thesauro profert mala:* Matth: 12. Certum item esse debet quod non omnis cogitatio prava sit peccatum, consequenter non omnis separet à DEO. Cum enim nihil separet à DEO, nisi peccatum, & non omnis cogitatio prava est peccatum, non omnis cogitatio prava, sed sola peccaminosa separamus à DEO. Sciendum porro est, quod cogitatio quamvis pessima, dum illam vel animæ hostis, nobis immittit, vel illam sensus, aut aliæ causæ ingerunt, si illâ non delectamur, nec illi consentimus, nullum peccatum faciat, quin imò resistentia & conflictus cum eadem, ejusq; prompta rejectio atq; victoria, meritum apud DEUM conciliet. Delectatio verò aliqua, circa malam cogitationem, sine consensu in actum peccaminosum, longiorq; ejus in corde, voluntaria, ac cum reflexione deliberata retentio efficit peccatum majus vel minus. Sed accedente de-

libe-

liberato & pleno consensu in peccatum mortale, quamvis executio non sequatur, jam in corde ipso est peccatum mortale. Hac de re talem doctrinam S. Iacobus in sua 1. Epist. reliquit: *Unusquisq; tentatur à concupiscentia sua abstractus & illectus.* Et hic est primus gradus, in quo peccatum non est, cum malæ concupiscentiæ resistimus; vocaturq; suggestio. Alterum gradum addit: *Concupiscentia cum conceperit, parit peccatum.* Hoc est, cum illa concupiscentia admissa fuerit ad cor, tanquam malum semen, delectatio verò, non plenè cum integrâ deliberatione accesserit sine consensu perfectio; peccatum est. Sed non tale, quod mortem adferat; veniale enim tantum est. Hic 2dus gradus dicitur delectatio. Postquam autem ad 3tium gradum ascenderit, integerq; & deliberatus consensus ad peccandum fuerit, tum temporis teste S. Iacobo: *Peccatum cum consummatum fuerit, mortem generat.* Ubi non loquitur de opere, sed de ipso in corde consensu, & hic 3tius gradus appellatur consensus. Ex quo colligitur imò de hâc esse, non solum opus externum, sed etiam internam cogitationem cum pleno in aliquid grave consensu, esse peccatum mortiferum, ut etiam constat ex Matth. cap: 5. Colligitur idò separari à DEO, nihil aliud esse, quàm privari vitâ animæ, consistente in gratia sanctificante, exuiq; filiationis Divinæ prærogativâ & jus hæreditatis ad cælum, perdere per peccatum mortale.

Circa 2di textus difficultates sciendum imò Nomen Virtutis diversimodè posse accipi. Aliquando enim accipitur pro Angelis, ad quos pertinet miracula facere: in quo sensu canit Ecclesia: *cæli colorumq; virtutes, sociâ exultatione concelebrant.* Aliquando usurpatur pro quacumq; rei perfectione ad efficiendum aliquid, sive hæc perfectio se habeat per modum Potentiæ, sive per modum habitus, sive per modum actus, sive per modum dispositionis aut conditionis. In quo sensu Psal. 32. dicitur: *Verbo Domini cæli firmati sunt, & Spiritu oris ejus, omnis virtus eorum.* Interdum sumitur pro effectu & operatione aliqujus perfectionis, præsertim excellentis. Sic Isai. 2. habetur: *Ficus*

Quid virtus?

Et vinea dederunt Virtutem suam. Sumitur deniq; pro habitu bono operativo. In quo sensu accipitur virtus propositi textus, juxta aliquorum Interpretum doctrinam. Derivatur autem nomen Virtutis juxta aliquos à Viro, quasi virum tueatur & deceat; juxta alios à vi, quòd Virtuofus sibi vim faciat, aut quòd virtus ad magna vim conferat. Sancti Patres Virtutem describunt per analogiam ad lucem; & oppositum ei vitium per analogiam ad tenebras. Sic Nyssen: ait: sicut lux est vera qualitas habens essentiam & existentiam, tenebræ verò sunt solum lucis privatio; ita & virtus solidam habet subsistentiam, vitia verò virtutis tantum sunt privatio. Et Olympiod. dicit: sicut lux fugat tenebras, & tenebræ lucem, sic pellit virtus vitium, atq; vice versa vitium virtutem. Tandem, ut alios omittam, Cornel: à lap: hanc affert analogiam: Lux dirigit omnes hominis gressus, & actiones; tenebræ verò utrumq; impediunt, sic virtus dirigit omnes hominis operationes, quas vitium perturbat & pervertit.

*Non omnis
Virtus probata.*

Sciendum 2do. Non omnem Virtutem esse probatam: magno enim & longo labore opus est, ut virtus solida & probata comparetur. Propria quemq; docere potest experientia, quàm strenuè sit laborandum, quanto tempore expectandum, quæ superanda difficultates, sufferendaq; molestia, antequam perfecta humilitas, sui contemptus, vera castimonia, mansuetudo, patientia, odium avaritiæ &c: in animum inducatur; antequam & alias virtutes, ad quas à natura exiguam fanè scintillam habet homo, amare condiscat.

*Quibus
modis
probat
Virtus?*

Sciendum 3tio quòd Virtutis probatio consistat imprimis in serie actuum suorum, frequentia; exercitio, juxta il ud Christi Matth: 2. *Arbor bona bonos fructus facit.* Deinde probatur potissimum Virtus per adversa. Hinc S. Gregor: 21. moral: c. 18. ait: *Eccè inter adversa validius fidei robur emicuit: ecce concisa est integritas carnis, sed patefacta sunt ossa virtutum.* Et Pial: 65. *Probasti nos DEUS, igne nos examinasti, sicut examinatur argentum.* Inde Ovidius lib: 4. Trist: eleg: 3.

*Materiamq; tuis tristem virtutibus imple.
 Ardua per præcept, gloria vadit iter.
 Hæc tunc quis nosset, felix si Troja fuisset?
 Publica Virtutis, per mala, facta via est.*

ANNOTATIONES.

VARIÆ in imo propositi versus textu reperiuntur circumstan-
 tiæ eruendarum moralium doctrinarum, & imprimis quòd
 perversa cogitatio hominem pervertat, non homo cogitationem
 rectificet.

2do, quòd cogitatio accipiat nomen perversæ ex, eo quia separata
 DEO.

3tio quòd ista cogitatio, quæ hominis partus est, in hominem agat
 &c.

A N N O T A T I O Ima.

PERVERSÆ COGITATIONES SEPARANT à DEO.

Intelligamus, quæ sacer textus proponit. Venit cogitatio perversa ad
 hominem conjunctum cum DEO; & quòd mirandum est, non ho-
 mo perversam cogitationem ad bonum direxit finem, sed perversa co-
 gitatio à summo Bono avertit hominem; ita nempe citius à malo bonus
 pervertitur, quam malus à bono rectificetur.

Optimè hanc veritatem tali similitudine deducit Aristoteles scilicet:
 7. probl. 1. dicens: *Ab ægitudinibus quibusdam, egrotant appropin-*
quante

Citius boni *a malis pervertuntur* *quā mali a rō putrescentia* *boni meliorantur.* *quantē sanī, nullus autem ex hoc, quōd sanis appropinquat, curatur.* Congruē malis accommodari potest, quōd carboni alios nigredine inficienti additū legimus: *si tangit, tingit.* Poma quavis sanissima contrahunt putredinem in commercio putridorum, nunquam ve-

Hinc D. Bernard: lib. 4. ad Eugen: tali exhortatione deterret eundem a prava Societate: *Veniamus, inquit, ad collaterales tuos; sibi boni sunt, sibi potissimum sunt; si mali? eqz, plus tibi; ne te dixeris sanum dolentem latera, hoc est, ne te dixeris bonum; malis innitentem. Nec curā tibi tua bonitas obsessa malis, non magis quam sanitas vicinos ferpente.* Item S. Heron: in Epist: de vitando suspecto contubernio, hac comparatione dictam veritatem illustrat: *Quis unquam juxta viperam, securos somnos capit, quē & si non percutiat, certē sollicitat.*

Levitici 13. Mirabilis in veteri lege præscribitur habitus, quem leprosus sanari cupiens adhibere debuit: *Habebit, inquit textus, vestimenta dissuta, caput nudum; os veste contextum, contaminatum ac sordidum se clamabit.* Ubi singula pene verba, mysteriosi aliquid præsferunt. Prætermiſſis tamen aliis, illud hic consideremus, cur leprosus, qui fuit imago peccatoris, os veste obturare? cur seipsum contaminatum ac sordidum proclamare tenebatur? Affram rationem Procopii, meamq; adversionem adjungam. sic itaq; dicit ille: *Ne loquendo odor horrendus diffundatur, nec docere alios præsumat; ne dicatur ei: Qui prædicat non furandum, furatur.* quali hic S. Doctor insinuare vellet: facilius esse ut suā graveolentiā peccator alios inficiat, quā ille sanetur; proinde tegendum illi os fuerat, ne diffunderetur lues ac infectio in alios. Cur autem clamare se sordidum lege coge-batur? potest ima esse ratio: quia præsentissima scelerum medicina in ore peccatoris, si illud aperuerit ad sua peccata confitenda, clauſerit ad excutienda.

Ioannis II. Suscitaturus Christus Dominus Lazarum, magnā voce clama-

clamavit: *Lazare veni foras.* S. Greg: hom: 26. in Evang: mysticè hunc locum interpretatur: *Lazaro nequaquam dicitur: Revivisce, sed veni foras.* Omnis quippe peccator, dum culpam suam intra conscientiam abscondit, introrsum latet, in suis penetrabilibus occultatur, sed mortuus venit foras, cum peccator nequitias suas sponte confitetur. Lazaro ergo dicitur: *Veni foras, ac si aperte cuilibet mortuo in culpa diceretur.* Cur reatum tuum, intra conscientiam abscondis? foras jam per confessionem egredere, quia apud te interus per negationem lates. Venit itaq; foras mortuus, id est culpam confiteatur peccator.

S. Ambros: lib: 4. in Luc: cap: 5. examinans cur in ore piscis drachma repertum sit? dicit: *Drachma non otiosè in ore piscis inventum est.* Ex ore enim tuo justificaberis: Etenim pretium nostræ immortalitatis est, nostra confessio.

S. Birgitta videns animam sui mariti in purgatorio; quæsit: *O felix anima! quid tibi præcipuè profuit ad salutem?* respondit: Confessio mea, quam textis feriis facere coniveveram, cum firmo emendationis proposito. Ita medicinam suis peccatis parat, quisquis ad confitenda peccata os aperit.

Potior tamen altera videtur, petita à simili: sicut enim peste infecti homines tenentur monere appropinquantés sibi, ut caveant suum confortium, ne associati inficiantur; ita etiam in veteri lege clamare se contaminatos & sordidos debuerant leprosi, ut alios à sui commercio arcerent; hac ipsa lege volens Deus cautos nos reddere, docereq; quòd peritæpe facilius id eveniat, ut bonus à malo corrumpatur, ac depravetur, quàm malus per bonum melioretur. In quem sensum optime *Societas prava vitanda.* D. Greg. Nazian: ait: *Facilius est vitium contrahere, quàm virtutem impetire, quemadmodum etiam facilius est morbo alieno infici, quàm sanitatem largiri.*

Matth: 18. Quid est quòd Christus Dominus manum aut pedem scandalizantem, non curare & sanare, sed abscindere & projicere imperet, dicens: *si manus tua, vel pes tuus scandalizat te, abscinde eum,*

Et projice abs te. In quem locum scribens S. Chrysost. hom. 60. dicit: non hæc de membris dicta sunt, sed de amicis ac necessariis, quos quasi membra, nobis conjunctos ducimus: nihil enim ita perniciosum ac pestiferum est, ut consuetudo pravorum hominum & conversatio. Ubi satis evidenter ostenditur veritas præsentis annotationis. Vidit enim Christus majus periculum esse ex mora conjunctionis boni cum malo, quam spem correctionis mali per bonum, proinde huic magis consulendum censuerat, quam illius sanandi curam committendam. Recte D. Chrysost. in Plal. 4. *Neg, fere ita pungunt ut hominum improbitas, illa enim venenum aperte præferunt, hi autem insensibiliter & absq. ullo strepitu virus quotidie immittunt.*

Danielis 2. *Statua magna, & statua sublimis stabat, abscessus est lapis de monte sine manibus, & percussit statuam in pedibus, contrita sunt pariter omnia.* Quæ occasio tantæ ruinæ? non alia, nisi conjunctio & arcta colligatio aurei capitis, argentei pectoris cum fictilibus pedibus; si enim hiæce tanquam instabilibus & luteis non adhæsisset caput, non adhæsisset humeri, nunquam ad ejusmodi inclinarentur ruinam. Percussa pedum pars fictilis misere ruit, ruit & tanta plurium metallorum collectio, non juverunt æstimandæ manus, cadentes pedes, non consuluit aureum caput, ne fictiles attererentur plantæ, in ruinam verò omnia trahuntur præcipitis lapsu pedis, ut eodem juncta involverentur casu, sepelirentur in cinere. Hinc S. Chrysost. super Matth. scribens; salutarem proponit doctrinam, omnes volens reddere cautos; ubi dicit. *Rerum naturâ sic est constitutum, ut quoties bonus malo conjungitur, non ex bono malus melioretur, sed ex malo bonus contaminetur.*

A N N O T A T I O 2da.

PERVERSÆ COGITATIONES SEPARANT à DEO

Ignium animadversione proponit sapiens. Vix cogitatio unitura per gratiam Deo, hominem separare incipit à Deo; vix cœlestem dissolvere conjunctionem, perversæ nomen accipit, *Perversæ cogitationis*

gitationes separant à Deo. Nempe perversitatis notam haud effugere potest, quisquis Schismatum, divisionum, separationum author est.

Perversi hominis est de visiones facere.

Actor: 10. Valedicens Doctor Gentium Ephesanis, prædicit illis quòd post suam discessionem exurgent aliqui tales, qui Ecclesiæ unionem scissionibus turbabunt, pro sua quisq; parte collecturus populi divisionem. Audiamus quomodo ejusmodi homines describantur? quo titulo nominentur? *Ego scio*, inquit D. Paulus, *quoniam intrabunt post discessionem meam, lupi rapaces, in vos, non parcentes gregi.* Et ex vobis ipsis exurgent viri loquentes perversa, ut abducant discipulos post se. imum est quòd in hac prædictione, considerationem meretur: quia scilicet S. Doctor vocat tales homines, *lupos rapaces non parcentes gregi.* Quæ ratio? plures quidem afferri possent. Tum quia indignus ille bono nomine, qui non cum una aliqua ove rixatur, sed toti non parcit gregi, universam infestat Rempublicam, perturbat civitatem, dividit communitatem. Tum quia cum lupis ad sylvas relegandus est, qui ut suam rabiem expleat, adversus totum collectarum ovium agmenses acuit. Potissimum tamen ex eo: quia illi omnes totius humanitatis exuunt animos, alienamq; induunt naturam, & quodammodo in alios pervertuntur, qui collectum gregem dispergunt, juxta illud Joan: 10. *Lupus rapit & dispergit oves.* 2dum expendendum occurrit: quòd Gentium Doctor sumat argumentum perversi sermonis, ex hoc quia abducant post se discipulos: *Viri loquentes perversa, ut abducant discipulos post se.* Nempe ubi multi sunt viri, quorum singuli volunt post se abducere, suiq; non Christi, ac virtutum sequaces facere, communitatis unionem dissolvi necessum est, consequenter autem ejusmodi divisionum authores, haud perversitatis notam effugere poterunt. Unde S. Bernard: serm: 29 super cantica exclamat: *Vae homini illi, per quem unitatis vinculum jucundum turbatur, judicium profectò portabit, quicumq; est ille.*

A N N O T A T I O 3tia

PERVERSÆ COGITATIONES SEPARANT à DEO.

Cogitationem homo producit, & perversa cogitatio hominem abducit à Deo, ut oriatur in mente vitalis imago, facit homo, ne homo aninetur Deo, efficit cogitatio: ita nimirum, hisce quæ paramus, perimus telis: Non aliunde proveniunt, sed in nobis ipsis nascuntur mala, quæ nos perimant. Frustra alienæ industriæ, suorum quisquam malorum, causas attribuit, ipsius hominis ingenio, hoc malum stetit, quo premitur.

Quisq. suorum causa malorum.

Intra se vermem nutriunt pomâ, à quo consumantur. Suis tineas alunt foliis volumina, per quas corrumpantur. Intra vilcera suscipiuntur toxica, quibus hominis tabescant membra.

Propria manus mala parat.

I. Reg: 5. Optimè dicta veritas illustratur ex pœna idoli Dagon: *Invenērunt Dagon jacentem super faciem suam in terra, coram arca Domini, caput autem Dagon & duæ palmæ manuum ejus abscissæ, erant super limen.* Cætera intermitto, unicum ad dilquisitionem assumo: cur super limen, caput manuumq. palmæ abscissæ? Si ex altari detrusus Dagon, cur manus eius cum capite, usq. ad ostium projiciuntur? & in ipso ponuntur limine? Mirabitur fortassis non nemo idolum illud, ante Arcam Domini, confractum jacere, authoremq. tam luctuosi casus, majori sollicitudine investigare conabitur; sed in ipso limine advertens caput & manus abscissas, facile subinferet, has ipsas manus eam sibi elaborasse stragem, ipsius idoli erectum caput, hoc malum cogitavit, quod effecere propriæ manus. Vides dispersa confracti idoli membra, ne erres, alteri adscribendo cladem, hisce manibus attribue, quidquid mali spectas. Non aliâ viâ, quam per manus in limine expostas hæc venit ruina, Eximiè in hanc sententiam discurrit massiliensis Ecclesiæ Presbyter Gennadius in catal: virorum illustr: dicens:

Nos

Nos adversum nos, omnia facimus. Nihil est in nobis, crudelius nobis, nos etiam Deo nolente cruciamus nos. Et certe in idolo ita punito, peccatoris designatur supplicium, illius ruina, peccatoris adumbrat ruinam: manus ergo Dagon in portæ aditu ponuntur, ut in primo ingressu cuiq; pateat, per has, totum illud malum irrepsisse, quod spectandum proponitur. Rectè id symbolo videtur expressum, in quo perdix suâ pennâ in cerebro conixa refertur, cum inscriptione: *Heu pator, plumis, vulnera facta meis.*

Scribit Drexel: Trifurcigitt: de cultu corporum lib. 3. c. 3. quod apud Ægyptiacam mulierem, viâ cum filiolo ejus, crocodili educaretur catula, qui ibidem pro DEO habetur & colitur, hic dum adhuc infirmis esset viribus, cicur colludebat puero, sed aucto corpore, ingenium detexit, puerumq; cum quo in eadem domo nutriebatur, miserè dilaniavit. Quid peto molles animæ, nimium proprio indulgentes corpori, aliud curant & educant? nisi crocodilum, qui suos nutritios, omnibus oppugnet membris ac prosterнат. Ita in sinu proprio capitalem nutrimus hostem, & intra nos lethum est Androgeo. Optime ad rem nostram Seneca Epist. 82. aliudit: *Malitia ipsa, maximam partem veneni sui bibit.* Non aliena manus nobis venena miscet, ipse nobis paramus toxica, quibus pereamus.

Esaie 44. mirâ utitur metaphorâ Dominus in explicandis hominum peccatis, ubi sub nubium & nebulae appellatione iniquitates hominis exprimit dicens: *Delevi ut nubem iniquitates tuas, & quasi Peccata nebulam peccata tua.* Quam similitudinem habent peccata cum nubibus & nebula? plurimæ quidem cogitari possent. Immo, quia sicut nebulae cœnubes & nebulae eripiunt nostris oculis solem, ita & peccata eripiunt homini Solem Justitiæ, privant gratiâ & lumen rectæ rationis obfuscant. 2do, Quia sicut nubes ex minimis humoribus condensantur & coacervantur, ita plurimæ iniquitates ab exiguis defectibus ad prægrandem ascendunt molem: à levibus enim facîle datur progressus ad mortalia. 3tio, quia sicut à nubiloso cœlo tempestates, ful-

gura, tonitrua ac fulmina procedunt, ita ab iniquitate in corde hominis concepta, omnis perturbatio mentis generatur. 4ta, tandem rei presentis confirmativa similitudo peccatorum cum nubibus ac nebulis esse potest: quia ex una parte nubes ac nebulae sunt quoddam irarum caelestium receptaculum; ex iis enim fulmina in terrae sinum contorquentur, fulgura erumpunt, inundationes aquarum defluunt; ex altera parte, si origo nubis spectetur, formatur ex vaporibus, quos terra exhalat. Sicut itaque ex vaporibus ex terra sublatis, & in nubem condensatis, descendunt irae caelestes, terroremque terris incutunt, ita ex peccatis hominum formantur, quae illos ipsos a quibus prodeunt, opprimant calamitates. Ipsius hominis peccatis Divinae vindictae ignis accenditur, & in dies pabulum suppeditatur, ut Gennadius supra citatus subdit: *Nos caelestis irae ignem accendimus, & excitamus incendia, quibus ardeamus, ut ad nos dici illud Propheticum, possit. Ecce vos omnes accendistis ignem, accincti flammis, ambulate in lumine ignis vestri, in flammis, quas succendistis* Isai 50.

Aliam Origenes lib: 2. Periarch: c. 11. subnectit huius veritatis similitudinem, dicens: *Arbitror quod sicut in corpore esca abundantia, & qualitas & quantitas cibi febres generant & febres diversi modi ac temporis, secundum eam mensuram, quam intemperies collectam materiam suggererit, ac fomitem febrium: quae materiae qualitas ex diversa intemperie congregata, causa vel acerbioris morbi, vel prolixioris existit; ita anima cum multitudinem malorum operum, & abundantiam in se congregaverit peccatorum, competenti tempore, omnis illa malorum congregatio effervesceat, atque supplicium inflammatur ad penas. Quasi diceret, non aliunde in nos descendunt, sed intra gignuntur, quae nos perimant mala, quisque propriis manibus haec sibi parat, quibus premittitur aduersis.*



A N N O T A T I O 4ta

PERVERSÆ COGITATIONES SEPARANT à DEO

Quid est, quòd sapiens perversas & non potius pervertentes appel-
let cogitationes. quæ separant à Deo? si homo per cogitationes
à Deo avertitur, ac separatur, homo perversus efficitur, & co-
gitatio pervertens, seu causa pervertionis est, cur itaq; cogitatio, quæ
ad pervertendum hominem ordinabatur, etiam ipsa perversa reperitur?
nempe sibi quisq; nocet, & se ipsum sibi vertit, qui aliis nocere, eosq;
subvertere conatur, quæ aliis capiendis paravit quispiam, hisce rebus *Sibi plus*
capitur ipse, juxta illud Eccl: 18. *Qui foveam fodit, incidit in eam, nocet qui*
& qui statuit lapidem proximo, offendet in eo, & qui laqueum aliis po-
nit, peribit in illo. *aliis nocere cupit.*

Aprè ejusmodi homines ad aliena destinatos mala Basilisco confer-
re possumus; serpens ille est in Africa, pedali magnitudine, albam ma-
culam in capite, velut coronam præferens, unde latinis regulus dici-
tur, tantæ virulentia, ut solo aspectu, vel sibilo, auras inficiat, plan-
tas urat, ita tamen ut eodem obtutu ac halitu quo alios necat, se ipsum
interimat; dum sibi virus insitum afflat: nam teste Causino in sym-
bolis lib: 9. symb: 19. si se intueatur in speculo, repercussio in se halitu,
propriis telis enecatur. Luculentum malitiosi hominis emblemata, qui
suo se gladio configit, quem in alienum parabat jugulum, suis se
laqueis induit, quibus alios irretire corabatur. Unde S. Bernardus
quendam ex malevolis, hisce affatur verbis Epist: 7. *O quis quis es,*
qui saluti invidens alienæ, parcas vitæ tuæ, si enim ubi invidia, ibi
mors, profectò non potes simul invidere, & vivere.

Rectè Roterodamus comparat eisdem Api, quæ lædens alios, amit-
tit aculeum, jamq; nec nocere potest cuiquam exarmata, nec sibi ad
mellificium, vitamq; longiorem prodesse.

Vel

Vel certè fragili vitro comparandi sunt, inter lapides projecto, quod in eo, quo petiit saxum, frangitur ictu. Sunt ad instar aranearum, quæ capiendis muscis dolosa contextunt retia, in quibus tamen, eviscerantur & ipsæ. Aptissimas quoq; sancti Patres afferunt similitudines, eandem rem elucidantes. Et imprimis Sanctus Hipponenſis Præſul Auguſtinus, tali utitur argumentatione. *Tanquam si quispiam, inquit, veneni calicem præparet alicui, & oblitus bibat, & tanquam si foveam quisquam fodiat, in quam quisq; inimicus in tenebris incidat, & ille oblitus quod foderat, ambulans eâ viâ, prius illuc cadat: Ita credite, ita certi estote, videte, prospicite, quia nemo malus, qui non sibi prius noceat. Sic enim esse putate malitiam, quomodo ignem: Incendere vis aliquid aliud, illud quod admoves prius ardet: nisi ardeat, non incendit; facula est quam apponis? prior ardet, ut aliquid possit incendere. Malitia autè procedit ex te, & quem prius vastat, nisi te? Quò profundit rimum, ledit: ubi radicem habet non ledit? Equidem dico, quòd malitia tua, ut alteri noceat, fieri potest, ut autè tibi non noceat, fieri non potest.* In Psal 34.

Deinde S. Chryſoſt. hom: 1. ad hebr: talem adhibet comparationem. *sicut aqua, siue salſa sit, siue potabilis, & vasa replet haurientium, & suum fontem, ex quo manat, nequaquam vacuum remanere permittit, sic & nequitia, unde processerit, illum procreatorem primitus consumit.*

Tandem S. Athanasius de Passio-ne Domini, hac similitudine rem illustrat: *Quemadmodum si quis serpentem apprehendat manu, dumq; conatur in alterum projicere, prorsus ipse mordeatur: aut si quis ignem manu tenens, dum vult hostem ledere, non intelligat, quòd ipse prorsus exurit: sic malitia militat adversus eos, qui ipsâ utuntur, magisq; ledit eos, à quibus habetur, quàm eos, in quos intenditur.*

Plurima tum ex sacris paginis, tum ex historiarum voluminibus, peti possunt exempla, quæ propositam veritatem comprobent. Et imprimis (si fidem damus Tragicis) Diomedes Rex Thraciæ, suis equis hospites suos apponebat laniandos, demum & ipse laniatui, ab Hercule datus est illis ipsis convivis.

Plini-

Plinius item libro 34, nat. hist. c. 8. narrat, quod Perillus novum crudelitatis inventum, taurum æneum artificiosissimè extruxerit, munitus humanos pollicitus, sed ad hunc ipsum, cui suis manibus vehementes flammæ subdiderat, primus ipse subiit, & ex illo lento igne, male tostus immugiit. Unde canit Ovidius de art. *Quæ aliis paravit ipse, subit tormē*

Phalaris tauro violenti membra Perilli

Torruit; infelix imbuit auctor opus.

Anno 1084. Henricus III. Imperator cum Romæ degeret, in Aventinum montem se receperat, ut sibi & Deo vacaret impensius, ad Beatæ Virginis ædem sapius itare solitus, interim de infima plebe homo nefarius, ipsa oportunitate loci invitatus, necem Imperatori moliebatur, ingensq; saxum in transeuntis caput devolvere cogitabat, sed dum occasionem avidè captat, dum saxum parat, adducit, movetq; impar tanto ponderi, ipse cum saxo præceps devolvitur & occumbit, effecitq; ut de se pronunciaretur illud Eccl. 17. *Qui volvit lapidem, revertetur ad eum.* Et Psal. 7. *Convertetur dolor eius, in caput ejus, & in verticem ipsius, iniquitas ejus descendet.*

Baronius de Stilicone ad annum 398. 403. 48. & de Eutropio ad annum 399. inter alia plura refert, quod juribus immunitatis ecclesiasticæ adversarentur; quorum primus quendam ex militibus Cresconium, Mediolani ad templum, Salutis causâ, se recipientem, per vim avulsit, nec quicquam obstitente D. Ambrosio. Alter instigator Arcadio fuerat sanctionis conscribendæ, quâ Ecclesiis, jus asyli adinebatur. Sed brevi uterq; cogeatur legem pati, quam ipsi in alios tulere, rediitq; in utriusq; caput poena talionis. Nam Stilico perduellionis inceptor, cum suis Ravennam elapsus, intempesta nocte in Basilicam, asyli gratiâ confugit. Inde per milites non sine dolo extractus, & capite plexus, haud sanè dignus violare auius est. Eutropius quoq; fallorum licet Deorum cultor, nihil prius in suæ vitæ periculo habuit, quam ut ad Christianorum templum, perfugii causâ se reciperet, sed primus in se

legem Sacrilegam experiri coactus, quam apud Arcadium evicerat; sub altari quidem se abdidit, sed capitale supplicium non effugit, suo exemplo declarans, quòd illi, qui aliis nocere volunt, sibi plus nocu-
menti afferant, malumq; aliis paratum, suo ipsi capite luant.

Puteanus hist. Ital: scribit de Rohmunda Alboini Longobardorum Regis Conforte, quæ eadem machinata marito, venenum miscuit, obtulitq; è balneis egresso. Sensit ille confestim, poculo necdum epoto pestem membris receptam; proinde recusantem licet, coegit conjugem ut reliquum ebiberet, hiansit ipsa stricti pugionis timore inclinata poculum à se dilutum, & unà cum marito extincta est, ut rectè dixerit Seneca: *Malitia ipsa maximam partem veneni sui bibit.* Sed jam ad Sacrae paginae progrediamur testimonia. Estheris annales referunt Esther 7. Amanum Principem, Regis Assueri Dinastam, Mardochæo viro integerrimo patibulum quinquaginta cubitos altum erexisse. Jam pæna in miserum constituta erat; jam de vita Mardochæi actum videbatur, cui nihil restabat, nisi ut collum laqueo indueret. Collacrymabantur amici, dolenti animo iniquam Mardochæi ferentes sortem, exultabat Aman alieno exitio felicem se futurum putans. sed ô rerum vicissitudinem! non Mardochæus, sed ipse suspensus est Aman in eodem patibulo, quod paraverat Mardochæo, ut verè Ecclesiastes prænu-
tiaverit: *qui laqueum alii ponit, peribit in illo.*

Danielis 6. Stimulati invidiâ adversus Danielelem Satrapæ Medi, subdolis eum, falsisq; accusationibus evertere conabantur, & Dario Regi exolum reddere. Nec sufficiebat innocentem famâ exui, nisi vita simul eidem adimeretur; proinde Leonibus in prædam exponendum decreverunt; Ut verò obsequentiores teras ad sua vota haberent, dierum aliquot fame, acuebant leonum dentes; expeditius in propositi Danielis corpore atterendos. Verùm suo ipsi servierunt exitio: securâ enim inter rabidas etiam belluas, mansit Innocentia, & alteri intentatam subiit Satraparum malitia penam; ubi insons Propheta de lacu sanus educitur; impiissimi verò, acculatores cum ex mandato Principis, eandem
viam.

viam ad Leones ire cogerentur, non rediēre ampliūs, hisce ipsis contriti dentibus, quos livor eorum, armaverat in Danielis membra. Ita de illis sacer textus loquitur: *Viri illi, qui acsaverunt, in lacum leonum missi sunt ipsi, & uxores eorum, & non pervenerunt usq; ad pavimentum, donec arriperent eos, leones, & ossa eorum comminuerunt.*

Danielis 13. Nequissimi duo vetuli, alienæ pudicitie Subseffores, illis ipsis obruti sunt lapidibus, quos ad castissimæ Susannæ necē præparaverant. Facit huc quoddam Florimundus Remundus lib: 7. de origin: hæres: e: 17. recenset de Perrino à Calvinī schola, homine factioso, qui ex ara Sacrum lapidem in quo Christi Corpus offerri consueverat, in infamem supplicii locum, ubi rei plectebantur, transferri curavit, ut deinceps maleficorum sanguine respergeretur. Sed miser, ipse, prima victimā ad hoc altare cecidit. Proditionis enim infimulatus, super ipsum lapidem, quem aliorum sanguini excipiendo supposuerat, capite plexus occubuit, suoq; confirmavit exemplo, quod sapiens prædixerat: *Qui transfert lapides, affligetur in eis.*

Matth: 28. Proponit Christus parabolam de quodam decem millium talentorum debitore, hic ubi delatus ad Dominum, vocaretur in examen, nec unde tantum redderet debitum, inveniret; procidendo ad genua Domini, rogare cepit. *Patientiam habe in me, & omnia reddā tibi.* Advertens Dominus submissionem servi, misertus est illius, totumq; debitum dimisit ei. Servus autem magnam sui Domini benevolentiam expertus, haud ad eandem per conservi preces flectitur, sed obvium sibi premit, severiusq; centum asses exigit, quos concesserat eidem, nec implorantem dilationis spatium, audire dignatur, carcerem tantum & extrema quæq; minatur, nisi ad ultimum assen, exiguum satis debitum persolveret. Devenit tam inhumana actio in notitiam Domini, qui iustā succensus irā, tradi tortoribus ingratum servum curavit, teneriq; tamdiu angusto ergastulo imperavit, donec & ipse dimissum alias sibi, integrum non redderet debitum. Ex qua narratione talis quæstio erui potest: quænam causa fuit tam subitæ mutationis in prædicto

prædicto Domino? Non pridem ad unicam submissam venerationem, insolubile plane debitum, benevolentissimè suo servo dimisit, brevi verò interjecto tempore, iratus tradidit eum tortoribus; & quem paulò antè gratiosissimè supplicem accepit, nunc vinculis ac tormentis aggravari jubet? Ima hujus ratio peti potest, ex ipsis verbis Evangelii, ubi dicitur alios conservos venisse, & narrasse Domino; unde iratus Dominus tradidit eum tortoribus. Quamdiu alii servi non apparuerunt ante Dominum, quamdiu suas narrationes texere non audebat; tamdiu Dominus benevolentissimus, tamdiu facile placabilis; vix venerunt, narraverunt, statim implacabiliter iratus est. Ita sapissimè evenire solet, ut malevolorum lingua per iniquas susurraciones, etiam optimos quosq; depravet. Attendere itaq; deberent Domini, ne nimis credulam aurem præbeant invidentiæ & delationi famulorum, qui livoris plerumq; astu abrepti, variis criminationibus, insimulationibusque falsis, suos conservos exosos heris, reddere attentant. Verùm hi Evangelici servi & vera narrarunt, & intentione rectâ inhumanum agendi modum detulerunt; proinde alia ratio tantæ indignationis Domini, peti potest ex eo, quòd scilicet conservus conservum persecutus fuerit. Minus fuisset, si alienum sic oppressisset, sed quia ejusdem Regis famulum, cujus & ipse fuerat, insectabatur & suffocabat, hoc irritavit Dominum, hoc bilem movit, istud implacabilem meruit iram. Nihil enim intolerabilius, nihil magis alienum à rectæ rationis legibus, quàm quòd se persequantur, qui commune vitæ institutum sequuntur. Hinc etiam D. Hieronymus maxime illo ex capite contra Joannem Patriarcham Hierosolimitanum invehitur, quòd cum ipse ex monacho ad eam dignitatem assumptus fuisset, aliis tamen monachis varia exilia & exilia comparabat, de quo Epist. 62. sic queritur: *Monachus (pro dolor) monachis & minatur, & imperat exilium, & hoc monachus Apostolicam sathedram habere se jactans.* Caterùm intermissis aliis rationibus, non aliam hic, nisi malevolorum recludi scenam intelligo, qui iidem adstringuntur vinculis, quæ ad alios vinciendo præpararunt, in eundem introda.

introducuntur carcerem, quem aliis apertum esse contendebant. Tunc primum Dominus iratus, tradere tortoribus servum legitur, cum hic suum suffocaret conservum, carceremq; & vincula eidem imponenda curaret, ut palam esset, sibi quemq; hac ipsa nocere arte, quâ in aliorum utitur malum. Nimirum servus ille, non est misertus conservi sui, tenens suffocabat eum, postulantis perces surdâ excepit aure, misit eum in carcerem donec redderet; hanc ipse miseram subiit sortem: *Ira-
tus Dominus eius, tradidit eum tortoribus, quoadusq; redderet univer-
sum debitum.* Nunquam ô miser! tantas devenisses in angustias, nisi te tua precipitasset malitia.

Theophilus Raynaudus in Prato spirituali § 82. refert, quod Dolæ apud Sequanos cum sæva pestis grassaretur, rusticus lue contractâ, ab hero domo suâ exactus, cum hæc, illacq; aliquamdiu incertus oberrasset, adextremum præ lassitudine, projecit se subter unam arborem, tantillum quietis capturus. Ibi cum jaceret, profiliens è vicina sepe anguis, involat in panum, seu ulcus, luis pestilentis, quod rusticus collo nudo, tetri ac diri puris plenum præferebat, exsugitq; penitus abditam saniem. Discusso ad eum suctum sopore rusticus, non absq; horrore assurgit, miratus se sanum, ac peste prorsus liberum: serpentem verò ob hausti veneni virus emorientem. En malevolorum Genium, qui hoc ipso ictu ac vulnere, quo alios conficere cogitant, seipsos interimunt. Unde S. Chrysostr. serm; 152. ejusmodi hominem, ita describit: *Impi-
eratis auctor, pietatis prædo, hostis naturæ, inimicus innocentie, malus
omnibus, pessimus sibi.*

A N N O T A T I O sta
PERVERSÆ COGITATIONES SEPARANT à DEO

Quis crederet tenui etiam mentis imagine hominem ab optimo abstrahi Deo? quid cogitatione brevius? quæ unico perit momento, quid illà magis exiguum? à supremo tamen separat Bonæ

PARVA MA- Ita nempe exigua plerumq;, & quæ nobis parva videntur, ingentium
gnorū origo sunt origo malorum.
malorum.

Frustra rerum æstimationem ex mole petimus; frustra ea parvi habentur, quæ parva videntur. Vipera parva est, sed quia ingens virus habet, non parum timetur. Quid tenui pilo vilis, & tamen hic eum lacte haustus, Fabii vitæ rupit filum. Mustella Aristidem mordit, & intra brevè temporis spatium extinxit. Anacreontem Pòetam, & [si fides Luciano] Sophoclem, etiam uvæ acinus suffocavit. Luciam Marci Aurelli filiam, acūs punctiuncula occidit. Rectè S. Chrysost. *Neg, leve dicendum est, quod hominem contemnendo occidit.*

Ex modicis
ingens rui-
na.

Olaus lib. 2. c. 13. apud Majolum refert, quòd in Regione Svezia in summo montium Dostriniorum vertice, avicula prætervolans commoverit paululum nivis, quæ particella deorsum sensim descendens, & in pilæ formam sese revolvens, semper aucta, in tantam excreverit amplitudinem, rotata usque ad radicem montis; ut suâ maximâ mole oppida involverit, ac everterit. Ita plane evenire consuevit in præcipiti hominum lapsu, qui ab exigua mali origine, ad extremam descendunt ruinam; ut meritò monuerit sapiens: *Qui spernit modica paulatim decideret.* Multorum sæpe Dei servorum miramur lapsus, plurimum inante charitate ferventium, desolatæ remissioni indolemus; deploramus non unius viri, pridem spiritualis erubescendam secularitatem subitamq; in pejus mutationem. Quænam verò huius transformationis, & tam luctuosæ ruinæ-causa? non ingens illa; exigua plerumq; & minutissima quæq; in tantum valent impellere malum. Hinc verissimè S. Dorotheus dixit: *Rectè agere, & peccare, à minimis ortum habet, & ad magna vel bona vel mala paulatim perducunt.*

Pulcherrimâ id ipsum similitudine declarat D. Chrysost. in Epist. ad Galat. c. 1. dicens: *Quemadmodum in corporibus, quæ vulnera neglexerunt, febres gignunt & putrefactiones, ac mortem deniq; itidem & in animis, qui pusilla dissimulant, majora invitant.* Et certè semina herbarum minutissima sunt, grandis tamen inde frutex subcrefcit, ut S. Gregor Nanz. carm. 3. ad Virg. insinuat: Quis

Quisquis vel tenuem radicem criminis in se,
 Excipit: innumeros nam parvo tempore ramos
 Hinc, atq; hinc obscura solet diffundere radix.

Non minus eximiâ utitur similitudine D. Hieron: lib: 3. comment^{us}
 in Ep: ad Galat: c. 5, eandem rem explicans: *Scintilla res parva est, &
 pene dum cernitur, non videtur, sed si somitem comprehenderit, mania,
 urbes, latissimos saltus, regionesq; consumit.* Unde Epist: 22. ad Eustoch:
 de serv: Virg: monet: *Dum parvus est hostis interfice; ne xizania suc-
 crescant, elidantur in semine.* Audi, inquit: Psalmistam dicentem Psal:
 136. *Beatus qui tenebit & allidet parvulos suos ad petram.* Ille lauda-
 tur, ille predicatur beatus, qui ut ceperit cogitare sordida, statim inter-
 ficat cogitata petra, autem erat Christus.

Cant. 2. hortatur cælestis sponsus: *Capite vobis vulpes parvulas,
 quæ demoliuntur vineas.* S. Bernard: in Cant: serm: 64. *Vulpes tenta-
 tiones sunt: ideo parvule, ut nascentia vitia, in ipso ortu vigilanter
 observans, illicò comprehendas, ne crescentia plùs noceant, & difficilius
 capiantur.* Vel hoc ipso mellifluus Doctor innuens, non contemnen-
 da esse, quæ parva creduntur; etiam ab exiguo maximum venit ma-
 lum.

Quidam ingenioso symbolo eam rem adumbrans, aves captas, &
 oculis orbaras, caveis inclusas, spectantium obtutibus proposuit, brevî
 lemmate adjecto: *Tam grave servitium, quam levis escapari.*

Danielis 2. Statua sublimis stabat, & lapis percutiens eam in pe-
 dibus, in pulverem redegit, de quo sic Abulensis: *A vicino monte pe-
 riculum non horruit, & uni lapidi ferendo par non fuit.* Ita per-
 sape quos ingentia non frangunt, pusilla devastant, bene proinde D.
 Ephrem: tom: 2: in doct: de perfect: mon: docet: *Res nullius momē-
 ti, sape magnorum malorum cause efficiuntur, & ex parva negligē-
 tia, ingentia atq; incurabilia sunt vulnera,*

Plutarchus scribit de Lisimacho Thraciæ Rege quòd siti pressus,
 cum se obsidentibus hostibus pro exiguo aquæ haustu simul cum Re-
 gno

gno tradidisset, exclamavit: *Deos immortales! quæ hæc mea infelicitas, qui me vendidi, totumq; Regnum meum, tantillo corporis oblectamento. Utinam non plures, animarum suarum, Regniq; celestis jacturam lugeant, propter modica mundi hujus oblectamenta. Infelicem ejusmodi hominum sortem deplorat D. Basilius, in principio Proverb. dicens: Tristissimum spectaculum, post vigilias, post afflictiones, post contentas preces, post uberes lacrymas, post viginti aut triginta fors annorum continentiam, ob animi supinam negligentiam omnibus expoliari. Et quidem id infelix tum vidi, tum audiui, & illacrimatus illacrimor, cogitans quemadmodum tot opes virtutum, à tot annis congestæ, uno temporis momento, diaboli perièrè fraude.*

ANNOTATIONES

IN textum qui sequitur: *Probata virtus corripit insipientes.* variæ possunt afferri annotationes, 1^{mo} ex eo quòd non flagellum, non lingua, sed virtus dicatur corripere insipientes. 2^{do} quòd non quævis virtus, sed sola, quæ fuerit probata & exquiritur serviat ad correptionem insipientium. 3^{tiò} quòd virtus solos insipientes corripiat &c.

A N N O T A T I O 1^{ma}.

PROBATA VIRTUS CORRIPIT INSIPIENTES.

AD aliorum correptionem, verbis plerumq; utimur, linguam adhibemus, ora solvimus. Sapiens autem soli virtuti munus corripienti attribuit: *Probata virtus corripit insipientes.* Nimirum plus tacitæ virtutis exempla, quàm docti verba eloqui ad aliorum corre-

correctionem proficiunt. Optime ille docet, qui bene agit, efficacissime instruit, qui non tam linguā, quā operibus facienda sua-
det. Sicut non verba, non sonus, sed corporis motus umbram figuræ membrorum persimilem efficit, ita non lingua, sed opera & laudabilia exempla ad formandos insipientium animos, efficacissima sunt. *Exemplum bonum, efficax ad docendum.*
Hinc Cassiodorus lib. II. var. c. 8. docet: *Non potest auctoritatem habere sermo, qui non iuvatur exemplo, dum iniquum sit, bona præcipere, & talia non fecisse.*

Eidem sententiæ S. Dorotheus subscribit, serm. 17. quendam monens: *Verbo & opere, quæ agenda sunt, illos instrue & doce, magis tamen opere & exemplo: quoniam exempla multò sunt efficaciora, & opera longè magis movent, quā verba.*

Nec Pacatus in Panegyri Theodosii, encomiorum ac laudis senioris Theodosii ampliorem, sumit materiam aliunde, quā ex eo maxime, extollens illum, quod Theodosius non minacibus edictis, sed suæ mensæ parsimoniā luxuriem conviviorum represserit, adjiciens. *Sic est enim, sic est, exasperat homines imperata correctio; blandissime iubetur exemplo.* Et jam mirari desino, quod Sapientissimus DEUS, ad sublimēs functiones Jeremiam elegerit: *Prophetam in Gentibus dedi te.* Ier. I. eumq; Gentium, Regum, ac Principum Doctorem constituerit, licet Ieremias, efficacissimis rationibus, hanc provinciam excusare voluerit, balbum se, & prope mutum ac elinguem profitendo: *A, a, a. Domine DEVS, ecce nescio loqui.* Minus quippe officit, si cū Prophetarum ac Doctorum deficiant verba, modo laudabilia non defint opera; minus si quis sermonis elegantiam excolere nesciat, dummodo facta virum probent. Convenienter ad præsentem materiam S. Cyprianus de dupl. mart. ait: *Habent opera linguam suam, habent facundiam suam, etiam tacente lingua.*

Matth. 5. Quid est? quod Christus Dominus Apostolos suos constituens mundi Doctores, & ad Gentes cum Evangelio expediens, hac illos præmonitione instructos esse voluit, dicens: *Sic luceat lux vestra*

*Plus valēt
opera ad
persuasiōē
quā sermo.*

sra coram hominibus, ut videant opera vestra bona. Non requirit ab eis, ut longiore alloquio, productiore sermone fatigent aures hominum, multiplicatisq; monitis, ad amplectendam inclinent veritatem. Non elaborata ad excitandos mortalium animos verba, sed luminosam commendat Apostolis virtutem. *Sic luceat lux vestra coram hominibus, ut videant opera vestra. Nihil enim, ut S. Ephrē:* rom. : 3. trac. de vita spir. c. 3. 7. ait: *Æquē animum hominis ducit ad salutem, junioresq; ad laborandum incendit, atq; si Doctorem re ipse, & exemplo ad virtutem, cohortatorem invenerint.* Jam verò Auctor imperfecti commentarii in Matth. hom. 10. hunc ipsum locum Evangelii explicans dicit: *Sic illuminate, docete, non ut verba vestra tantummodo audiant homines; sed ut opera vestra bona videant, ut quos illuminaveritis per verbum, quasi lux, condatis per exempla operum vestrorum, quasi sales.* Quoniam qui docet, & facit quod docet, verè ille docet; qui autem non facit quod docet, non alium docet, sed se ipsum condemnat. Et melius est facere & non docere, quàm docere & non facere; quoniam qui facit, etsi tacuerit, aliquos corrigit exemplo suo: qui autem docet & non facit, non solum neminem corrigit, sed adhuc multos scandalizat.

Joannes Abbas cūm proximus esset mortī, & accurrentes ad illum claustrī seniores peterent aliquod supremum sibi relinqui monitum; id unum aternā memoriā dignum, ad omnium iustruccionem protulit: *Nunquam alium docui, quod ipse prius opere non explēvi.* Quasi vellet innuere, nullum prastantius docendi genus esse, quàm ubi operosa virtus fungitur magisterio. Unde D. Augustinus lib. 4. de doctr. Christi: c. 27. ait: *Quantūcūq; granditae dictionis, majus pondus habet vita docentis.*

Theodoricus Rex coram Senātu Romano laudans Cassiodorum dicit: *Vixit tantā continentia, ut equitatem & instrueret monitis, & doceret exemplis, facilis enim recti persuasor est innocens Judex.*

Eximie hanc prolequitur sententiam D. Chrylost. hom. 12. in

cap:

cap: 3. Philip: ubi explanans ea verba Pauli: *Sicut habetis formam nostram*, dicit: de Apostolis: *Quod litera referebant, illud re ipsa, omnibus conspicuum faciebant.* Ea demum est optima doctrina; ita discipulus induci ac persuaderi poterit. Opus est admonitione & inductione, quæ sit ex ipsis operibus: Ipsa quippe, & Doctorem venerabile facit, & discipulum obsequentem.

Luc: 18. Dum Christus Dominus prædiceret discipulis imminentem passionem suam: *Ecce ascendimus Ierosolymam, & consumabuntur omnia, quæ scripta sunt per Prophetas de Filio hominis. Tradetur enim gentibus, & illudetur &c.* Addit Evangelista: *Et ipsi nihil horum intellexerunt.* Ut ergo Christus Doctrinam suam faceret illis perceptibiliorem, ad opera se convertit, inquirens ex cæco adducto: *quid tibi vis faciam?* & juxta desiderium cæci, eundem illuminavit: in quem locum S. Greg: scribens hom. 2. ait: *Ante eorum oculos, cæcus lumen recipit, ut qui celestis mysterii verba non caperent, eos ad fidem celestia facta solidarent.* Ut vel inde constet nullam efficaciorum ad persuadendum doctrinam esse, quam quæ operibus comprobatur.

Optima similitudine id ipsum declarat D. Greg: Nazianz: Orat in plagam grandinis: *Præstantior quidem, inquit, meo judicio existimanda est pulchritudo illa, quæ oculis cernitur, quam quæ sermonis penicillo depingitur; & sapientia quæ operibus indicatur, quam quæ verbis splendet.* Intellectus enim, addit ille, bonus omnibus facientibus eum Psal. 110. non item predicantibus. Quibus satis ostendit elaborata verba non esse tam efficacia, ad animum recte instruendum, quam opera.

Isaïæ 49. *Posuit os meum quasi gladium acutum, & posuit me sicut sagittam electam*, vel ut legitur in hebræo, limatam ac tersam. Ubi D. Cyrillus Alex: per gladium qui est in ore, verba doctrinæ, per sagittam vero electam ac tersam, quæ est in manu, exempla vitæ intelligenda putat. Conferamus itaq; gladium & sagittam inter se; quò sa-

gitta magis penetrat, & ad longius spatium pertingit, quam gladius, eo exempla altius & efficacius animis imprimuntur, quam verba.

Actor: 9. Eligens Dominus Paulum ut esset Doctor Gentium, loquitur de illo ad Ananiam: *Vade quoniam vas electionis est mihi iste, ut portet nomen meum, coram gentibus, & Regibus & filiis Israel.* Ob quam rationem, cum Paulus eligeretur. Prædicator veritatis, vas dicitur DEI Nomen includens, & portans? cur non buccina, aut aliud simile nuncupatur? qui Evangelium universo orbi annuntiaturus designatur, sed cum experte vocis vase confertur? Plus nimirum tacite virtutis exempla, quam docti verba eloqui, ad aliorum instructionem proficiunt. Unde D. Chrysost. hom. 3. in c. 11. Cor. ait: *Hæc est ratio, cui contradici non potest, quæ fit per facta.*

Esdra 9. Audivit Esdras innumera populi peccata, nec tamen legitur eos corripuisse, sed flevisse. *Cumq; audissem, inquit textus, sermonem istum, sedi pallium meum, & tunicam, & evelli capillos capitis mei, & barbam, & sedi mærens.* Ubi Glossa ordi nota. inquit, *quantum exempla doctorum juvent;* nihil scribitur Esdras locutus esse, sed tantum audito scelere, lacrymasse, & turbam ad se. fidelium, non vociferando, sed lacrymando traxisse.

A N N O T A T I O 2da

PROBATA VIRTUS CORRIPIT INSIPIENTES.

*Ad munus
corrigendi
alios sola
virtus pro-
movere de-
bet.*

Plures corripiendi potestatem usurpare sibi in alios, non ignoravit sapiens; omnes tamen ab ejus muneris exercitio excludendos putavit; soli probatæ virtuti, jus magisterii, officiumq; correctionis deferendum judicans. *Probatæ virtus corripit insipientes.* Virtute enim pollere debet, qui munus instruendi alios suscipit. Mirus consilium jus corrigendi, ac redarguendi alios, ille mortalium sibi vendicat, cui non suffragatur virtus. Hic ad exhortandos alios secure procedit, quem probitas, & morum comitatur honestas.

Præ-

Præclaris ad præsens argumentum promovendum utitur similitudinibus D. Gregorius, qui imprimis libr. 3. pastor. c. 16. Adhortatores aliorum, æmulari vult gallum, qui se ipsum præparat, & alis verberans excitat, antequam alios voce feriat; ubi sic ait: *Gallus iste cum jam edere cantum parat, alas prius excutit, & se ipsum feriens vigilantiores reddit.* Item 2. part. pastoral. c. 2. dicit: *Neceſſe eſt ut munda ſit manus, quæ diluere aliarum ſordes curat.* Quemadmodum enim gallus ut alios elevata excitet voce ad vigilandum, ac de ſomno ſurgendum, ipſe ſuarum alarum ſtrepitu excitatus vigilat; & manum, quæ ad eluendas aliorum maculas adhibetur, mundam eſſe convenit; ita illos, qui inſtruendi vel redarguendi cæteros munus ſubeunt, præſtanti virtute inſtructos & a peccatorum labe immunes neceſſum eſt. Unde mell ſuius Doctor D. Bernardus opportune monet Epist. 102. *memento etiam voci tuæ, dare vocem virtutis.* *Quid illud inquis? ut opera tua verbis concinant, imò verba operibus: ut cures videlicet, prius facere quam docere.*

Aliorum inſtructor non debet eſſe tanquam puteus, qui puram aquam aliis exhibet, & ſordes ſibi ſemper retinet. Nec illum decet conformari fabricatoribus Arca Noe, cum quibus perſugium ab aquis diluvii conſtruat, ipſe ſuorum ſcelerum fluctibus merſus.

Ethnici ipſi lumine fidei deſtituti, vivendi ſanctitatem ad docendum requirerant: ex quibus Plautus: *monendus*, inquit, *ne moneat. Sit ſanctus* quali diceret, qui indiges aliena monitione, ut corrigaris, alios ne qui velit eſſe moneas, ut corrigantur. Idem in truculento ait: *Sine virtute argue ſe Doctor.* *rum Civem, mihi habeam pro præſica.* Nam ut præſica, quia ſine interno doloris ſenſu, externos ploratus effundebant; non fletum, ſed riſum in auditoribus excitabant; ita & qui de virtute, ſine virtute eloquantur, aures audientium feriunt, & nulla eorum animis inferunt ſemina pietatis.

Magiſter profundioris eloquentiæ Fabius Quinſtilianus, Oratorem virtutibus deſtitutum vocat: *ſigillum raſum ac terſum, nulliſq; notulis*

inscriptum. Nam ut hoc, quantiscunq; viribus cœræ imprimatur, nullam figuram exprimit; ita & ille quantiscunq; clamoribus, circum aures intonet, nunquam in animos illabetur.

Apud Lacedæmonios ut D. Isidorus Pelusiota refert: qui sermones actionum umbras esse non immerito definierunt, ei qui turpiter vixisset, ne probam quidem sententiam pronuntiare licebat. Unde idem: lib. 3. epist. 232. ait. *Qui sermonem de Deo excitaturus est, hunc vitâ ac morum virtutibus, elucere oportet.*

Psal. 49. Peccatori dixit Deus, ut regius testatur vates: *Quare tu enarras iustitias meas, & assumis testamentum meum, per os tuum?* quasi nihil ipsi Deo videretur indignius, quàm ad divina verba prædicanda illum accedere, quem pessimi mores infamant. Hinc citatus ab iniquo D. Isidorus Pelusiota lib. 3. Epist. 39. *Impurum, inquit, ac sceleratum hominem, nego, non modo de fidei doctrina, sed etiam de ulla re alia, os aperire debere, quò ad per sinceram pœnitentiam animi maculas absterferit.*

Origenes (ut refert D. Epiphanius lib. 2. contra hæreses, hæresi 44.) cùm accessisset ad explicandum hunc ipsum locum: *Quare tu enarras iustitias &c.* eo præfecto subito subleuit, & saborta lætymarum vi miserabiliter gemere cepit, omnibus simul cum ipso plorantibus, adeò ut nihil ulterius præ dolore fari potuerit; quia recordatus fuerat, se Alexandriæ paulo ante, tyrannorum minis perterritum, pauca thuris grana simulacris obtulisse, atq; hac recordatione perterritus, nihil ad aliorum instructionem proferre ausus est, inconvenientissimum censens ejusmodi hominem, munus docendi, ac alios reprehendendi assumere, quem propria reum accusat, conscientia.

Et B. Petrus Damiani huic sententiæ insistit dicens: *Exerce, quod prædicas: non vita discorde à lingua; non opera videantur à sermone discreta; commendet inedia, jejunia prædicantem.* Turpe est Doctori, cùm culpa redarguit ipsum.

Psal. 50. Precatur David: *Libera me de sanguinibus Deus Deus salutaris meæ: & exultabû lingua mea iustitiam tuam.* Prius se suis cul-

pis expurgandum orat David, antequam accederet ad alios expurgandos, & iustitiam Dei prædicandam.

Matth: 5. Evangelicam doctrinam traditurus Christus Dominus: *ascendit in montem*. Imperfectus hom: 9. assignat rationem dicens: *ut ostēdat nobis, quoniam in altitudine spiritualium virtutum consistere debet, qui docet iustitiam Dei*. Quod ipsum confirmat: *Qui docet, verborū suorū sit ipse exemplum, ut magis opere doceat, quam sermone*. Qui autem ambulat per convales vitæ terrenæ, & loquitur altos sermones, non aliter instruit, sed se ipsum castigat: *Nemo enim potest in valle stare & de monte loqui: Si in terra est animus tuus, ut quid de calo loqueris? Si autem de calo loqueris, in calo consiste*. Iaiæ 40, instituens Dñus Prædicatorem ac Doctorem aliorum, præscribit illi, quæ in tali munere exercendo illum adhibere oporteat, dicens: *Super montem excelsum ascende tu, qui evangelizas sion. Exalta in fortitudine vocem tuam, qui evangelizas Ieruzalem*. Prius iubetur montem ascendere, quàm vocem exaltare, ut prius ad bene vivendum, quàm ad bene prædicandum admoneatur. Sicut D. Greg: 2, p. Past. c. 3. advertit, ubi ait: *Ut qui celesti prædicatione utitur, ima jam terrenorum deserens, in rerum culmine stare videatur, tantog, facilius subditos ad meliora pertrahat, quantò per vitæ meritum, de supernis clamat*.

Cant: 3, dicitur: *En lectulum Salomonis sexaginta fortes ambiunt, ex fortissimis Israel, omnes tenentes gladios, & ad bella doctissimi*. Ad quæ verba opportunè hæc adjungit Gregorius magnus libro 29. moral: c. 2. *Non dicitur omnes habentes sed tenentes gladios, quia videlicet verbum Dei non est mirabile solum scire, sed facere: habet quippe, sed non tenet gladium, qui Divinum quidem eloquium novit, sed secundum illud vivere negligit, & doctus esse ad bella jam non valet, qui spiritualem, quem habet gladium, minimè exercet, in seipsum scilicet stringendo*. Unde subdit Salomon: *Vniuscujusq, ensis super femur suum*. At qualis hic pugnandi, sive tractandi gladii modus, cum in proprium femur distringitur; Respondet venerab. Gilbertus: *Ut se ipsum*
prime

primò corripiat, custodiatq; semetipsum Sicut Apostolus 2 Timoth: 2. *Præco Eoã* graviter ministros verbi Dei alloquitur: *Sollicitè autem cura te ipsum gelicus vitã probabilem exhibere Deo, operarium inconfusibilem, rectè tractantem sermoni con verbum veritatis.* Id est: *satage, & diligenter stude te ipsum probum formet.* *& probatum exhibere Deo, & Verbum Dei, quòd prædicas, per exemplum & vitæ conversationem confirma.* Nihil enim indignius Præcone evangelico, qui tamen pulcherrinè dicat, turpissimè tamen vivit; qui optima cum Achitophèle dat consilia, ipse sibi consulere nescius.

Ezech: 10. DEUS olim Ezechieli Propheta præcepit: *Imple manus tuas prunis ignis, quæ sunt inter Cherubin, & effunde super civitatem.* Interpretes sacrae scripturæ, in sensu morali ea verba accipientes, ajunt prunas ardentes super civitatem effundere, est verbum DEI Civitati annuntiare; nec frustra dictum: *Imple manus tuas prunis,* per manus enim operatio intelligitur, ut sensus sit: priusquam dicis, facito quòd dicis. Unde Hugo Card: in loc: cit: *Qui prius in Sanctorum exemplis prunas ignis sumpserit, id est ardorem Charitatis conceperit, vel opera charitatis compleverit, talis potest postea ignem effundere super civitatem, id est ardentè prædicare ad plebem, & eam accendere ad amorem; qui enim non ardet, non accendit,* ait S. Bernardus.

Apocal: 19. Describit S. Ioannes novum à cælo præconem, an ad alios instruendos, redarguendosve missum Doctorem, dicens: *Vidi unum Angelum stantem in sole, & clamavit voce magna.* Singula verba mysteriosi aliquid præferunt. Et imprimis: *Vidi,* inquit: *Angelum.* Non alios decet valido sermone cæterorum vitia objurgare, nisi quos Angelica commendat vita, juxta illud Isaïæ 41. *Ite Angeli veloces ad gentem expectantem, & conculcatam.* Deinde inquit: *Vidi Angelum stantem.* Non est enim cadentis. (Si Plutarcho credimus) alium erigere. Tandem dicit: *Vidi Angelum stantem in sole & clamavit voce magna.* Non in terra, non in cæno stetit, qui ad aliorum instructionem locuturus prodiiit; sed in sole: Nam teste Apostolo ad Rom: 10. virorum Apostolicorum speciosi pedes Evangelizantium pacem, evangelizantium bonam

Prius

Prius ipse stetit in sole, antequam audiendus ab aliis, clamaret voce magnâ: nec ex alio suggesto clamare ausus novus ille Prædicator, nisi è sole. Non habet enim potestatem vocis ad aliorum correptionem proferendæ, nisi cujus *vestigium lux Dei est* Eccl: 50. vel ut Vatablus legit: *qui vestigium ponit in luce Domini*. Splendidiora sole illius vestigia esse convenit, eminentiores supra solem gressus, cui munus alios exhortandi incumbit. Sed jam præsentem annotationem concludat D. Ambrosius, qui serm: 20. in Psal: 118. ait. *Iudices ille de alterius errore, qui non habet, quod in se ipso condemnet.*

A N N O T A T I O 3tia.

PROBATA VIRTUS CORRIPIT INSIPIENTES.

Diffimulandum aliquis putaret insipientibus: Nescit tamen diffimulare virtus. Nempe probata virtutis indicium est, non palpare scelera, nec blandiri peccantibus, sed objurgare cujuscunq; sint scelera obvitia. Homicidas illos, non medicos, meritò quisq; dixerit, qui palpare non secant membrum, quod contagioso infectum cernunt ulcere: *diffimulare* edò enim crudeliùs interficiunt, quò magis blandiuntur. Simili exemplo D. Basilii ad convincendam Heli ignaviam utitur, cùm dicit: *Illi* [id est medici] *quodcunq; tandem membrum insanabili morbo correptum invenerint, ne vitium latius proserpat, neve ex contagio se diffundente, contiguas partes corrumpat, illud secando, urendove, tollere funditus soliti sunt.* Hic plane virtutis agendi modus est, ut quidquid vitiosi alicubi repererit, non parcat sed corripiat.

Aliam S. Gregorius adhibet similitudinem lib: 1. Pastor: curæ, c. 1. admon: 26. ubi ait: *Si indigentibus proximis abscondimus pecunias, eorum mortem optamus, ita si peccantibus fratribus subtrahimus correptionem:* Unde D. Chrysost: hom: 3. in Ep: 1. ad Cor: ait: *Magnè sanè & laudabile est, misereri pauperum, sed magis si errantem ab errore*

rore revocaveris. Et hom: 1. ad populum dicit: *Si quempiam, Deum blasphemantem audieris, accede, increpa, & si verbera infligere oporteat, non recuses, ipsius faciem atque percutere os illius, & percussione manum sanctifica.* Plinius in suo Panegy: ad Trajan: querulatur raros esse, in hac corruptissimi seculi tempestate, qui respectibus

Rari qui re non decipiantur vitiis; multorum castiganda, non dissimulent, dicens: Spectibus non vidimus curias elingues, in quibus dicere quod velis, periculosum: quod abducantur nolis, miserum est.

Bene Ecclesiastes cap: 7. monet quendam, arcendo eum à Judicis subellio, si dissimulatione licentiam peccandi dare voluerit: *Noli inquit, quarere fieri iudex, nisi valeas virtute irrumperere in iniquitates, ne forte extimescas faciem potentis, & ponas scandalum in equitate.*

Arcendi à tua. Rectè Epitaphus olos veritatis defensores, ad consilium adhibendos, eorumque duntaxat, consilia exequenda suadet: *Approbatore.* Inquit, eos qui bene consulere cupiunt, non etiam eos, qui ubique adulari student.

Exodi 32. Laudat Moyses Levitas à cæde suorum redeuntes: *Consecratis manus vestras hodie Domino, unusquisque in filio & in fratre suo, ut detur vobis benedictio.* Ubi subjungit S. Petrus Damian: lib: 1. Epist: 6. *Planè sicut benedictione digni sunt, qui culpas corrigunt; ita nihilominus maledictioni obnoxii sunt, qui peccatoribus blandiuntur.* Hanc corripiendi libertatem nullo respectu deterrendam Ammianus tanquam miraculum celebrat in Theodoro lib: 29. *Solus pene omnium erat, cuius linguam non effrenem, sed despicientem qua loqueretur, nullus claudebat periculi metus.*

Petrus Blefensis epist: 51. adhortatur Episcopum Sarisberiensem, in subditis, præsertim verò nepotibus corripiendis negligentem, ne illos deliciis foveat, eorumque vitia palpet; addens quod eiusmodi indulgentia: *Exinanitio sit virtutum, & subversio honestatis.*

Levit 19. congruam cuilibet mortalium præscribit Dominus legem, dicens: *Non oderis fratrem tuum in corde tuo, sed publice argue eum,*

ne habeas super illo peccatum: quasi diceret, parum est si cui displiceat fratris peccatum; arguere, non tacito odio prosequi debet peccatorem qui alieni nolit esse particeps delicti. Unde S. August. lib. 16. de verbis Domini ait: *Vides fratrem tuum perire, & negligis peiores tacendo, quam ille conviciando.*

Benevolam commodemus aurem exhortanti nos mellifluo Doctori D. Bernardo, ne quisquam nostrum præsumat dissimulare peccata, palpare vitia, serm. de Ioan. Bapt. omnes alloquens: *Ferveat in nobis zelus ille Charissimi, ferveat amor iustitiæ, odium iniquitatis; nemo vitia palpet, peccata dissimulet nemo.*

Inde ad posteros transmittendæ gloriæ suæ argumentum sumit David. *Vitia non vid, quod cum delinquentibus vivere pacificè non valuerit; Psalmo 110. palpanda de te ipso prædicans: Detrahentem secreto proximo suo, hunc persequerbar.* Ut inde cuiq; palam sit, non dissimulandi rationem, sed delinquentium correptionem virtuti favere, & ad propriam cuiusq; plurimum conferre, laudem. Et certè parva ibi virtutis cura, ubi adversantia probitati non rejiciuntur tela, ut bene notavit D. Anselmus: *Vbi non est correptio, ibi est corruptio.*

Multum ab ejusmodi dissimulatione vitiorum, exemplo Heli deterere omnes nititur S. Chrysost. hom. 9. in 1. Tim. 3. ubi ait: *Heli propter filios periit, illos quippe cum acrius coercere debuisset, verbis tantum lenibus monuit. Quo circa dum illis molestus esse severâ increpatione recusat, & illos & seipsum unâ perdidit.*

Admirandâ relatione, eandem protequitur sententiam S. Ambrosius, qui factâ expositione lucuosi casûs, Antiochiæ cuidam civi evenientis. Hic solo cane comitatus, domo egressus à latrone ex insidiis confoditur; & omnibus exutum sauciumq; cadaver relinquitur destitutum; solus canis totam noctem ei adhæsit, viciniam omnem immani ejulatu & latratu infestans. Dumq; orto sole inter alios ad cadaver accurrentes homines, advertit appropiantem homicidam, horrendo latratu; & repetito in eum impetu ac morsu, ulciscitur sui Domini necem; totiq;

57

VERSUS 311.

tiq; adstantium coronæ reum prodit. Hoc exemplum referens 3. Fra-
fui, ad eos convertit sermonem, qui DEI dissimulant injurias, & pesti-
ferâ patientiâ foveant, dum tolerant vitia, exclamans: *Mirabile factum,*
quid nos dignum nostro referimus Creatori, cujus cibo vescimur, & dis-
simulamus injurias lib. 6. exam: c: 6.

*A veritate
dicedâ nec
terroribus
abstrahi se
sinar Pra-
dicator.*

Nec vanis unquam mortalium terroribus cedendum est, sed virilis
animus in coarguendis sceleribus retinendus. Quantum hic Deo pla-
ceat, vel ex illo constare potest exemplo, quod P. Petrus Pennequin
Soc. Jesu, de praxi amoris Sancti part: 3. c. 27. adducit: Declama-
verat aliquando unus ex Patribus Capucinis, contra pauperum oppres-
siones, sed declamantem Gubernator oppiduli in Italia, qui milites il-
lic in præsidio habebat, ferre non potuit, minatusq; est, nisi revoca-
ret, quæ dixerat, barbam se illi evulsurum, eumq; in finem, sequenti
die, militibus cinctus concioni adfuit. Hic statim in principio ser-
monis, ad effigiem Christi de cruce pendens, ore voceq; conversus,
ita illum alloquitur: *Tu Salvator meus & Redemptor, cum mihi con-*
tonandi onus imposuisti, jussisti simul ut constanter & intrepide veri-
tates tuas annuntiarem: sed ecce volunt, ut infami retractatione ve-
ritati nubes offundam. Ostende Deus meus quid velis, & ego tibi con-
tinuo, minis omnibus ac ipsa morte contemptis, obsequar: & ecce rem
suspendam: crucifixus cum strepitu & fragore: faciem in oppositum
avertit, tam infamem retractationem à se ferri non posse hoc prodi-
gio contestans; quod sicut Ducem cum militibus consternavit, ita
cononatori ad vitiorum constantem insectationem animos addidit.
Sed jam liceat cum S. P. Damiano concludere, qui cap: 25. Gomorrhia-
ni, generose protestatur dicens: *Malò cum Joseph, qui accusavit fra-*
tres apud Patrem crimine pessimo, in cisternam innocens projici, quam
cum Heli, qui filiorum mala vidit, & tacuit, divini furoris ultione mul-
trari. Cum enim per os Prophetæ, divina vox terribiliter comminetur,
dicens: *Si videris fratrem tuum inique agentem, & non corripueris e-*
um, sanguinem ejus de manu tua requiram. Quis ego sum, qui in
sacro

sacro ordine videam tam pestilens facinus inolescere, & velut homicida aliena anima, servatâ censurâ silentii, divina distributionis audeam ratiocinium expectare? & illius reatus fieri incipiam debitor, cuius nequaquam auctor extiteram?

A N N O T A T I O 4ta

PROBATA VIRTUS CORRIPIT INSIPIENTES.

Probata quidem virtutis indicium est, corripere insipientiam, non dissimulare vitia, cæterum & ipsa correptio, ut laudem mereatur, & fructum afferat, non aliunde, nili à virtute procedere de. *Modus est.* bet. Hinc D. Gregorius monet: *Ex compassione non passione, procedat ripiendi sit correptio.* Non sapiunt gustui, nec sanitati proiunt, delicatissima e- à virtute- tiam fercula, quæ de venenato proferuntur vase. Ab hostili porrecta præscriptus manu poma, nauseam non appetitum movent. Vel ut ex antiquis non à passio exercitatissimus in istis, vir aiebat: *Diab lus diabolum non expellit, nec ne corru- su cum impatientia tua, alterius impatientia medeberis.* pius.

S. Gregorius lib. 3. Pastor. c. 3. Corréptionem comparat medico ad sanandum vulnus accersito, qui ferrum medicinale abcondit sub veste, quod educum subito figit in vulnere, ut secantem gladium sentiat æger, antequam cernat, ne si cerneret, secari recuset. Conguè etiam conferri potest cum deciduis imbris, qui eò gratius influent, & fructuosius rigant terram, quò lentius & tenuiore guttâ descendunt nubibus.

Plato cum à mancipio pœnas repetendas ob culpam gravem censeret, atq; animo se commotum persentisceret, amicum rogavit, ut vicariam sibi operam præstaret; quia irasor inquit. hoc ipso declarans ab animo, virtutem, non iram inspirante commendabilem prodire correptionem.

Luca 16. Epulo ille sepultus in inferno, nullius commiseratione dignus

*Caveatur
furor in cor
ripiēdis vi-
tiis.*

gnus, qui vivens inter homines, omnem humanitatem exuerat, ne cum Lazaro in extrema egestate constituto, faceret misericordiam, inter orci flammās exalluans, horrendā inclamat voce, Abrahami implorans subfidium: *Pater Abraham, miserere mei, & mitte Lazarum, ut intingat extremum digiti sui in aquam, ut refrigeret linguam meam quia crucior in hac flamma.* Quis non expectaret non tam responsa, quā fulmina contra orci alumnum, ab Abrahamo proditura? mitius tamen quam merebatur dives, Abrahamum cum illo agentem, non sine admiratione auscultate: *Fili inquit, recordare, quia recepisti bona in vita tua.* Cur duriore vocabulo, non compellat immitem? cur acerbiorē responso non rejicit omnis mansuetudinis expertem divitem? Demus aurem D. Chrysologo, qui serm. 123. sic loquentem, suiq; sermonis rationes proferentem Abrahamum inducit: *Voco filium, ut intelligas, iudicii esse quod pateris, non furoris: Voco filium, ut in mea patientia maneat, in te tua maneat pena.* Talem semper impiorum decet esse correptionem, quæ virtuti non vitio suam debeat originem, ut S. Gregorius lib. 26. moral. c. 36. instruit dicens: *Prius intra semetipsum zeli sui impetum, tranquillâ & iustate componat, ne si ad animadvertenda vitia, abrupto furore trahimur, peccatum corrigendo, peccemus.*

Prudentissimè P. Gaspar Barzæus Zelandus, vir à virtutibus & prodigiis in India notus, cum Olissipone ante ingressum in Societatem, famulum ageret, suum herum ejusmodi correptionem edocuit: cū enim quādam die ab hero præcipiti irâ correpto, injuste fuste exceptus fuisset, patientissimus sustinuit & tacuit; sed paulò post ubi ira deferbuisset, ad herum jam sui compotem, cum baculo in manu rediit, quem illi obtulit dicens; nunc si culpa id posceret, verberaret, modo aliàs non iram, sed rationem ad consilium in similibus eventibus advocaret.]

Præclare S. Isidorus lib. 3. de summo bono cap. 92. hac de re differit, dicens: *Qui delinquentem superbo vel odioso animo corrigit, non e-*
men-

mendat, sed percutit. Quidquid enim protervus vel indignans animus protulerit, oburgantis furor est, non dilectio corrigentis.

A N N O T A T I O sta.

PROBATA VIRTUS CORRIPIT INSIPIENTES

Communis Theologorum sensus est, quod virtus, cum versetur inter duo extrema, non declinet ad alterutrum; sed in medio consistat: Talis debet esse & correptio, quæ attemperata virtuti medium teneat, nec deflectat sive ad nimium rigorem, sive ad indulgentiam. *Temperata sit correptio*

Citharædum suæ testudini componendæ & chordarum explorationi intentum æmulari debet, quisquis correptionem virtuti accommodare voluerit; huic enim adjecit Virgilius 6. Æneid: *ulterius ne tendere moderationem scilicet pervadere volens.* Eandem similitudinem enucleatius S. Greg; in Job: c. 30. proponit, dicens: *Chorda in cithara, si minus tenditur, non sonat; si amplius raucum sonat, aut etiā dissipatur.* Ita profectò & correptio, si fuerit nimis blanda & indulgens, fovet non corrigit vitia; si nimis aspera & cruda, vulnerat non sanat animum delinquentis. Unde idem S. Doctor lib: 20. moral: c. 2. all: 3 ait: *Sæpe subjectos frangimus, dum plus justo vigorem justitiæ tenemus; qui profectò vigor, iam justitia non erit, si se sub justo moderamine non custodit.* *Nec nimis intendatur*

Concinnè Pœta Euripides huic veritati alludit: *Si vela tendas nimium, navis mergitur, sed si relaxes, rursus vebitur tutius.* Odie Deus nimis vehementes imperus, odere Crues: gratior est moderatio. *Nec indulgenter remittatur.*

S. Gregorius 20. moral: cap. 3. hanc moderationem disciplinæ explicat per Virgæ & mannæ in tabernaculo asservatæ symbolum: *Virgâ enim, inquit S. Doctor; percutimur, & baculo sustentamur.* Si ergo est distinctio virgæ: quæ feriat, sit & consolatio baculi, quæ sustentet; sit itaq; amor sed non emolliens, sit rigor sed non exasperans: sit

zelus

zelus non immoderate sapiens, sit pietas, sed non plus, quam expectare parcens.

Lucæ 10. habetur exemplum prædictæ moderationis in samaritano, qui proximi sui alligavit vulnera infundens oleum & vinum. In quem locum scribens D. Greg: dicit: *Ut per vinum mordeatur vulnera, per oleum foveantur, necesse quippe est, ut quisquis sanandis vulneribus præstet, in vino morsum doloris adhibeat, in oleo molliem pigritatis: quatenus per vinum mudentur purrida, per oleum foveantur sananda. Miscenda ergo est lenitas cum severitate, faciendum quoddam temperamentum ex utroq; ut neq; multâ asperitate exulcerentur subditi, neq; nimîâ benignitate solvantur.*

Possit quis non incongruam quæstionem movere: cur Spiritus Sanctus sub duplici forma ac specie, nempe sub columbinâ & ignea, se mundo manifestaverit? ut legitur Matth; 3. & Act: 2. Certè non sine mysterio id factum esse videtur. S. Greg: 5. p. Past: admon: 17. talem hujus rationem assignat: *quia omnes, inquit, quos implet & columba simplicitate mansuetos & igne zeli arduos exhibet. Talemq; ex suo discursu conclusionem infert: Nequaquam ergo Sancto Spiritu plenus est, qui aut in tranquillitate mansuetudinis, fervorem emulationis deserit, aut rursus in emulationis ardore, virtutem mansuetudinis amittit.*

I. Regum 17. David pugnaturus cum Gigante: *misit quinque lapides in peram pastorem, vel ut Glossa dicit in mulierem, seu vas lactis, in quo oves mulgebantur. Cujus rationem affert Franciscus de Mandoca: voluit, inquit, significare quod oporteat ut telum justitiæ, lacte misericordie litum ac perfusum intorqueretur.*

Qui dextrè reprehendit, inquit Auctor Catenæ Græcorum Patrum, sanat, qui verò pro cervicis suæ duritie conviciatur, non tam sanat, quam irritat, & propter ruborem, quem temerè ingerit, quas objurgat impudentes reddit. Unde correptione utendum est, ut pharmaco, quod plus nocet, quam prodest, si nec in tempore, nec in loco suo adhibeatur.

Non

Non sine mysterio 3. Reg. 7. iussit Salomō ut inter cetera Templi ornamenta, leones pariter ac boves sculperentur. V. Beda ad eum locum: *Sanctorum, inquit, mentes habent cum leonibus boves, quando inventionem correctionis, cum spiritu mansuetudinis exhibent.* Ut itaq; correptio, virtutis viā progrediatur, neq; nimia emolliri indulgentiā, neq; immoderato debet abripi disciplinæ vigore: Jugum enim Christi debet quidem esse jugum, sed illud suave; & onus, sed leve. Audiamus S. Gregorium, qui lib. 19. moral. c. 12. all. 16. talem moderate correctionis præcribit modum, dicens: *Regat discipline vigor mansuetudinem, & mansuetudo ornet vigorem, & sic alterum commendetur ex altero, ut nec vigor sit rigidus, nec mansuetudo dissoluta.*

Plurimum ex hoc loco Annotationum possunt esse semina. Imo ex eo, quod correptio fiat ordinariè per flagellum, vel afflictivam obijurgationem: ita persæpe malis ac insipientibus nihil acerbius, nihil gravius ac intolerabilius virtute bonorum. Virtus honestarum mentium, flagellum est mali hominis. Ut rectè Plinius lib. 1. Epist. notavit, dicens: *Multum severitatis, vitæ sanctitas summa, par comitas.* 2do ex eo, quod ad correctionem insipientium, probata virtus destinetur: Nempe minor virtus requireretur, si ad unum insipientem correptio ordinaretur. sed exquisita ac probata esse debet, ubi plures corripiendi, plures instruendi occurrunt. 3tio solos insipientes virtus corripit; ejus correptio non se extendit ad sapientes. Vera nimirum sapientia & probata virtus semper secum conveniunt, nec virtus sapientia, nec sapientia adversatur probitati &c. &c.



QVARTVS VERSVS

PRIMI CAPITIS SAPIENTIAE

*QUONIAM IN MALEVOLAM ANIMAM, NON INTROIBIT
SAPIENTIA, NEC HABITABIT IN CORPORE
SUBDITO PECCALIS.*

EXPOSITIO SANCTORVM PATRVN.

I*n malevolam animam non introibit Sapiencia.* Variè hunc locum explicant Patres. Imprimis enim Pagninus locò *malevolam*, legit *malivolam*, id est mala machinantem, dolos & fraudes versantem. Deinde S. Hieron: legit: *Malitiosam*. Syrus: *malis involutam*. Arabicus: *In malevola animæ artificium, seu machinationem, nullo modo introibit sapientia.* S. Bernardus: *In malignam animam*. Vatablus & Guarinus: *In animam contradicentem vero, & invidiam*. Jansen: *In animam malitiosam, & maleficam, quæq; mala, arte callidâ nectit*. Lyran: Dionys: & Hugo: *In animam complacentem sibi in malitia*. Clarius: *In animam, quæ omni studio & arte studet malo.*

Per sapientiam autem S. Cyrillus Alexand: lib: 1. in Joan: c. 4. Item D. Chrysost: tom: 2. in matth: 8. Et D. Basil: Epist: 141. intelligunt cognitionem mysteriorum, dicuntq; malignam animam esse cuiusvis hæretici, hypocritæ ac infidelis. Alii per sapientiam intelligunt dulcedinem divinæ contemplationis, quam non degustant animæ malevolæ, sed bonæ & puræ. Reliqui Authores censent per sapientiam hoc loco denotari, non scientiam aliquam speculativam, sed practicam, consistentem in virtutum exercitio, in amore ac timore Dei.

Nec

Nec habitabit in corpore subdito peccatis. ex græco legitur: in corpore oppignorato, ac velut ære peccati obarato, & obstricto. Hugo Card. dicit: in corpore, id est in homine, qui subjacet peccatis carnalibus: Talis enim homo, corpus dicitur non spiritus. Hinc 1. Cor: 2. habetur: Animalis homo, non percipit ea, quæ Spiritus Dei sunt, id est non perfecte capit: quia nec effectu tenet, nec opere implet. Syrus vertit in corpore reo & condemnato. Per peccata autem, quibus dicitur subditum esse corpus; alii intelligunt peccata carnalia: libido enim obæcat mentem, & mille errorum tenebras menti offundit. Alii accipiunt peccata injustitiæ, fraudum &c: A castro intelligit peccatum diffidentia, quâ quis diffidit Deo. Cornelius à lapide vult intelligi quælibet peccata mortalia, & per corpus hominem; corpus enim hominis est, tam culpæ, quam pænæ officina.

RESOLVTIO

OCCVRRRENTIVM DIFFICVLTATVM.

§§§N prædicto versu, aliquot veniunt resolvendæ quæstiones. 1ma
 §§ est quidnam per malevolam animam intelligatur? 2da cur in
 §§ malevolam animam dicatur non introitura Sapiencia? 3tia
 §§ Quomodo, potest stare quodd sapiencia non introibit in male-
 §§ volam animam? cum experientia doceat, non deesse plurimos
 depravatæ vitæ, flagitiisq; infames homines, qui aliàs insigni
 scientiâ, ac sapienciâ videantur pollere. 4ta Cur sapiens præter ma-
 levolam animam, etiam corpus attingit? dicitq; quodd sapiencia in il-
 lo peccatis subdito non habitabit? 5ta quare corpus vocetur sub-
 ditum peccatis?

QUANTUM AD PRIMAM QUESTIONEM

Quidnam intelligatur per animam malevolam?



Quid ani-
ma male-
vola?

Constare quidem poterat ex allata Patrum expositione, ceterum plenius adhuc innotescere potest imprimis ex definitione malevolentiae, quam affert Cicero lib. 4. Tullius: quaest. dicens: *Malevolentiam esse voluptatem ex malo alterius, sine suo emolumento.* Deinde Hugo Card. censet per malevolam animam, debere intelligi eam, quae semper parata est contradicere veritati, cui dicitur Ecclesiastici 4. *Non contradicas verbo veritatis ullo modo.* Vel etiam juxta eundem, malevola anima dicitur *anima invida*, quam refugit Sapientia. Unde sap: 6. legitur. *Ponam in lucem scientiam illius, neq; cum invidia tabescente iter habebō, quoniam talis homo, non erit particeps sapientia.* Putarem tamen non improbabilius per animam malevolam posse intelligi quamlibet animam, non ex fragilitate aut vehementi tentatione, sed ex mera malitia peccantem, & in peccato perseverantem: Hinc Christianus Poeta Jacob: Billius in Anathol: Sacr. canit:

Quis mihi sit dignus sapientis nomine quæris?

Accipe: cui virtus jam sapit, ille sapit.

Quæris item, dici, quis possit jure malignus?

Scilicet is, vitii cui sapor ipse sapit.

QUANTUM ad 2^{dam} QUESTIONEM

Cur in malevolam animam dicatur non introitura Sapientia?

Cur male-
volū aver-
setur sapiē-
tia.

Ratio est. Imò quia sicut lux cum tenebris, æstas cum hyeme, dies cum nocte convenire nequeunt, ita & sapientia vera, cum anima malevola: Vera enim sapientia Divino innixa timori, recedit à malo, juxta illud Job 28. *Ecce timor Domini, ipsa est sapientia; & recedere à malo intelligentia.* Jam verò anima malevola,

est

est malis involuta. 2do quia sicut vagina proportionem & mensuram habere debet, ad gladium quem vellit; nec gladius rectus intrat in vaginam flexuosam ac distortam; ita & sapientia, quæ deducitur à sapio, quod est recte sentio, in animam malevolam & à recto deflectentem non introibit. Talis enim anima est improporcionata sapientiæ. Tū quia sapientia est ipsa veritas ut S. Augst: libro de lib: arb: docet, dicens: *Non aliam putes esse sapientiam, nisi veritatem, in qua tenetur, & cernitur summum Bonum.* Malitia verò quā malevola anima afficitur, juxta S. Ambros. in Hexamer: *est mentis atq; animi depravatio, à tramite veritatis devia.* Tum quia malevola anima respuit timorem Domini, qui secundum Psal: 110. est *initium sapientiæ.* Tum quia Sapientia vera requirit bonam voluntatem animæ: ejus enim primum alphabetum est, vitæ probitas, ut cenlet S. Greg: Nazian: orat: 16. dicens: *Prima sapientia est, vita proba & honesta.* Porro malevola anima, depravatam habet voluntatem.

QUANTUM ad 3tiam DIFFICULTATEM.

Quomodo subsistere potest quod sapientia non introibit in malevolam animam, cum per experientiam constet plures flagitiosos homines, non exigua eruditione instructos, & sapientiā pollentes reperiri?

VT recte hæc difficultas exponatur sciendum est, duplicem in sacris literis distingui Sapientiam: unam celestem, alteram terrestrem, *Quandoq; mali sunt* unam divinam, alteram diabolicam, unam spirituales, alteram *sapientes.* secularem. Unam S. Jacobus cap: 3 vocavit pudicam, pacificam, *Sed sapien-* modestam, suadibilem, bonis consentientem, plenam misericordiā & *tia terrenā* fructibus bonis; alteram terrenam, animale &c. de qua etiam sapiens *non celesti,* innuit: *Est sapientia, quæ abundat in malo.* Doctor Gentium ad Rom: 8. illam dividit in sapientiam carnis, & spiritus, dicens: *Prudentia* carnis mors est, *prudentia autem spiritus, vita & pax, quoniam sapi-* entia carnis inimica est Deo; *legi enim Dei non est subjecta.* Unde S.

Isidorus Pelusiota lib: 1. Epist: 96. monet: *Si tu verus sapientie amator esse cupis, veram sapientiam ama, quæ non sermonem duntaxat, sed etiam vitam exornat, ac veram religionem docet: Nam ea quam nunc profiteris, & nunc radícula est.* In idem recidit sapientie divilio, quæ apud S. Greg: lib: 10. moral: c. 16. in cap. 12. Job legitur, ubi ait: *Hujus mundi sapientia est, cor machinationibus tegere, sensum verbis velare &c.* At contra sapientia iustorum est, nihil per ostensionem fingere, sensum verbis aperire, vera ut sunt diligere, falsa devitare &c. Alii universalius sapientiam partiuntur, dicendo aliam esse theoreticam & puræ speculationis, quâ Deum cognoscimus & contemplamur; aliam practicam & piæ affectionis, quâ ad Deum colendum & observandum dirigimur & docemur. Utriusq; mentionem facit Apostolus ad Rom: 1. dicens: *Cum cognovissent Deum, non sicut Deum glorificaverunt, vel ut Chaldaeus vertit: Non fuerunt cognoscen-tes ad timendum ante Dominum.* Homo itaq; flagitiosus ac anima malevola potest obtinere sapientiam terrenam; animalem, sapientiam carnis, ac sapientiam in pura speculatione consistentem; non tamen sapientiam æternam, cælestem & practicam ut S. Greg: in moralibus concludit, dicens: *Ad veram sapientiam pervenire non possunt, qui falsæ suæ sapientie fiduciâ desipiunt.* De ejusmodi sapientibus Christus Matth: 12. ait: *Confiteor tibi Pater Domine celi & terre, quia abscondisti hæc a sapientibus, & prudentibus, & revelasti ea parvulis.*

QUANTUM ad 4tam DIFFICULTATEM.

Cur Sapiens præter malevolam animam etiam Corpus attingit?

Cur dicitur
sapientia e-
tiam corpus
attingere?

Puto imprimis voluisse illum per hoc innuere, non solum animam hominis dici & esse habitaculum Sapientie increatæ ac Spiritus Sancti, sed etiam corpus, juxta illud: 1. Cor: 6. *An nescitis, quoniam membra vestra templum sunt Spiritus Sancti, qui in vobis est.* Deinde voluit Sapiens duo genera peccatorum exprimere; nempe peccata

ata Spiritualia, & Corporalia. Corporalia duo, gulam scilicet & luxuriam, Spiritualia quinque; Inanem gloriam, invidiam, iram, acediam & avaritiam. Hæc duo genera peccatorum, tam Sapientiam creatam seu Virtutem, quam Sapientiam increatam, seu Deum qui habitat in nobis per gratiam, excludunt, nec sinunt habitare in nobis.

QUANTUM ad ULTIMUM

EX eo imprimis dicitur subditum peccatis corpus, seu homo: quia sicut servus & alienæ potestati subiectus non sui juris sed alieni esse debet; ita & homo peccatis subditus, tanquam captivus tenetur ac in alia & alia flagitia agitur & impellitur; perinde ut navis fracto gubernaculo, illuc ducitur, quo tempestas protrulerit, sic & homo auxilio gratiæ divinæ perditio per peccatum, non quod vult ipse, sed quod diabolus imperat, agit & operatur. Quod ipsum pulchrâ similitudine pueri, qui aviculam filo ligatam retinet, & huc illuc, avolare sinit, sed mox filo retrahit, declarat S. Anselmus lib: de similitud: c. 189. 2do quia sicut subditus non potest se vi suâ, ab obligatione subjectionis expedire; ita peccator ab isto iugo, quo se sciens & volens induit, ab hac inquam diabolicâ potestate, cui se ultro tradidit, nullâ suâ naturali vi aut virtute, sed solâ gratiâ Dei eximi potest. Unde S. Paulus 2. ad Timoth: 2. dehortatur omnes ab hac turpissimâ servitute; dicens: *Respiciant à diaboli laqueis, à quo captivi tenentur ad ipsius voluntatem.* 3tio quia sicut subditus laboribus fatigatur, ita & peccator lassatur in via iniquitatis. Hinc author operis imperfecti in Matth. hom. 28. ait: *Putas quod peccatores istius mundi non laborant? verè majores labores, & sollicitudines habent, quam servi Dei.* Et S. Ambrosius lib: de Naboth: c. 6. duriores servientem dicit peccati esse, quam hominis: quia servus hominis, aliquando à labore feriat: peccati servus nunquam à labore requiescit, ubi ait: *Qui servit peccato, semper in laqueis, semper in vinculis est; nunquam liber à compedibus, quia semper in criminibus.*

*Cur corpus
subditum,
peccatis di-
citur.*

bus. Quam misera servitus, servire peccatis? Natura ipsius nescit mania, nec somni ipsius novit vices, aut cibi fungitur suavitate. 4to
quia sicut servus hominis ad abjecta & vilia compellitur ministeria; ita servus peccati ad pravas trahitur actiones humanâ libertate indignas. Quâ ratione D. Hieronymus epist. ad Demetriadem, hortatur virginem nobilissimam, ut præclari generis dignitatem, & decus ad animum transferre velit: *Illâ, inquit, clarus, ille sublimis, ille sit nobilis, ille tunc integrè nobilitatem suam servare se putet, si dedignatur servire vitis, ab eisq. superari: à quo enim quis superatur, huius & servus est.* 2. Petr. c. 2. *Quid enim hac servitute animi indignius, quidve turpius? quàm cum in eo, aut dominatur odium, aut regnat invidia? quàm cum eum aut avaritia possidet, aut captum ira tenet, vel certè cætera sibi vitia vendicant. Non est quòd sibi aliquis de nobilitate generis blandiatur, si ex nobiliori parte sit famulus. Multò est indignius mente servire, quàm corpore.* Huculq. S. Doctor.

ANNOTATIONES

DUO in prædicto versu textus separatim examinandi reperiuntur. Primus est: *In malevolam animam non introibit sapientia.* Ubi hæ occurrunt circumstantiæ, variarum reflexionum semina. Imò quòd sapientia dicatur non solum non permanens, non habitura, sed ne quidem introitura in malevolam animam. 2do quòd sapientia potissimum avertetur malam animæ voluntatem.

A N N O T A T I O Ima

IN MALEVOLAM ANIMAM NON INTROIBIT SAPIENTIA

Gloriosum quis, nec à sapientiæ legibus alienum putaret, minime devitare malos, & in medio prave nationis suam probare virtutem. Quid enim? arduum est inter improbos, probitatem servare? In arduis tentanda virtus. Socors miles est, quem aspera terrent. Fortis Athleta, nulla formidat pericula. Verùm huic tam resolutæ ratiocinationi subscribere detrectat sapientia, quæ longè, ipsa *Vere sapientis est malitia;* haud vera subintrabit sapientia. *In malevolam animam non lorũ cavere introibit sapientia.* Ut inde clarum cuiq; appareat, verè sapientis esse consortia.

Sicut enim piscis Torpedo dictus, diffusâ per virgam piscatoriam venenolâ quâdam qualitate, piscatoris manum inficit; sic, ait Plinius, sumuntur à conversatione mores; & ut quædam intactis corporibus, vitia transiliunt, sic animus perversus proximo suo mala tradit. Quisquis itaq; sapere didicit, & suorum integritati morum consulere desiderat; procul à contagioso malorum consortio declinet; ut Alexander ab Alexandro, ad Christianos directâ oratione, monet dicens: *Par est, ut nos qui Christiani sumus [dicere debuerat, qui Incarnatæ Sapientiæ fovemur sinu] omnes, qui contra Christum loquuntur, animosq; sunt ab eo alienato, tanquam Dei hostes & corruptores devitemus.*

Optimâ ad eam rem declarandam, utitur similitudine S. Cyprianus, cum de singularitate Cleri dicit: *Nunquam securus cum thesauro luto tenetur inclusus; nec intra eandem caveam, habitans cum lupo tutus est agnus;* quasi diceret: quemadmodum aberraret à sapienti consilio, qui latroni crederet thesaurum, & agnum cum lupo conjungeret; ita minùs providè, prudenterq; agit, qui se depravatis associ-

at mentibus. Unde interrogatus Aristippus, quid omnium observatu foret difficillimum? respondit: *Virum probum, inter improbos probitatem servare.*

Proposita est nonnullis subtilioribus ingenijs ventilanda quaestio:

Quid man- Quid nam magis ad sapientiae leges accederet? salutiq; animae homi-
gis ad salu- nis conducere? solitariamne, & ab omni hominum congressu abso-
te anime lutam ducere vitam? an verò hominum interesse multitudinē. Utraq;
conducatur? pars suos defensores invenit. In partem solitudinis Aristippus tulit
sententiam, dicens: *Solitudinem querat, qui vult cum innocentibus*

An solitudo? vivere. Eidem subscripsit sententiae doctissimus Patrarcha, ejusmodi
effatum posteritati relinquens: *Vita procul dubio singulari, non tan-*
tum tranquillior, sed & altior est, ac felicior. Etiam D. Hieronymi
calamum in sua traxit encomia solitudo, qui Epist. 4. ad Rusticum
monachum, haec in ejus laudes expressit: *Mihi oppidum carcer est,*
solitudo paradisus. Non minus eleganter in illius laudem excurrit D.
Petrus Damianus opuscul. 11. c. 19. ubi sic de laudibus vitae eremi-
ticae ait: *Solitaria vita, celestis doctrinae schola est, ac Divinarum*
artium disciplina: Illic enim Deus est totum, quod discitur: via, qua
tenditur, per quam ad summa veritatis notitiam pervenitur.

E contra in prajudicium solitudinis Seneca ivit dicens: *Omnia*
nobis mala solitudo suadet. Cui etiam sapiens minus favere videtur,
Eccl. c. 4. ubi ait: *Ve soli, quia si ceciderit, non habet sublevantem.*
Et infra: *Melius est duos esse simul, quam unum, habent enim emo-*
lumentum societatis, ut si unus ceciderit, ab altero fulciatur.

An conuer-
satio huma-
na?

Alii tandem mediam secuti viam dixerunt: Conversationem hu-
manam bonam esse, sed cum piis & bonis; malam cum malis & im-
piis. Unde S. Isidorus lib. 1. soliloq. ait: *Sicut bona multa habet*
communis vita Sanctorum, sic plura mala societas adfert malorum. Et
gentilis licet Philosophus Theognides probe monet:

Te conjunge bonis, ab his bona plurima disces.

Cum pravis vivens, tu quoque pravis eris.

Ex qua sapientium concertatione & discursu concludere licet: maxime sapientis esse, non minus depravatæ vitæ hominum, quam peste infectorum, devitare consuetudinem. Etiam desertum, profundamq; pete solitudinem, si non cum aliis tibi vivendum restat, nisi cum malis.

Clarè, ut puto, illa ipsa veritas tali argumento evincitur: Sapientius est cavere ac evitare peccandi, pereundi; pericula, quam spe victoriæ, inter illa versari. Atqui consortia malorum, sunt peccandi ac pereundi pericula. Ergo sapientius est vitare malorum consortia, quam spe victoriæ inter illos versari.

Illud semper limatiori sapientiæ conformius, quod quemq; suæ integritatis securiorem reddit, ad certioraq; præ incertis eligenda disponit. Quis enim prudens certam suæ substantiæ portionem, dubiæ committet aleæ, ut ditior evadat? quis eam quam pressis tenet manibus fortunam, dimittet? ut opulentiozem, quæ sperari duntaxat jubetur, obtineat. Quis pace contemptâ ad prælia provocabit, solâ spe victoriæ tumidus? *Lubrica spes*, exclamat D. Cyprianus, *quæ inter* *Pericula vitanda* *fomenta peccati, salvare se posse sperat; incerta victoria inter hostilia arma pugnare, & impossibilis liberatio est, flammis circumdari & non ardere.* Tribuere etiâ tantum suis viribus, ut victoriam sibi quis in periculo constitutus polliceatur, præsumptionis nota est, non fortitudinis gloria, ut aptè D. Augustinus advertit, dicens: *Infelix & nimium periculosa præsumptio; multi dum se putabant vincere victi sunt.* Et concludit tali epiphonemate: *Hoc est vivere sub ruina.* Et certè quis sanctior Davide? quis sapientior Salomone? Samsone fortior? hi tamen omnes eadè lapsi sunt, ut notat D. Hieron: in reg: monach: cap: de cast: Melius est suæ imbecillitati diffidendo stare, quam nimium fidendo, miserabiliter cadere, ut idem D. Hieronymus lib: contra vigils: eximie in hanc rem discurrit: *Fateor, inquit, imbecillitatem meam, nolo spe pugnare victoriæ, ne perdam aliquando victoriam. In qui pugnare, superari potes & vincere. Ego cum fugero, non vincam in eo quod fugio, & ideo fugio ne vincam.* Idem

Idem Argumentum prosequitur D. Cyprianus lib. de fing. Cleric: *In hac parte, expedit plus bene timere, quam male fidere, utilis est infirmum se quis cognoscat, quam fortis qui videri velit, infirmus emergat.*

Refert D. Augustinus lib: 6. conf: c. 6. de Alipio, qui licet reluctans ac vehementer resistens; suæ tamen constantiæ plus æquò prædens, & animositati tribuens, abiit cum amicis in amphiteatrum crudelium & funestorum ludorum. Pollicebatur sibi indubitam in hoc certamine victoriam; dicens ad eos: corpus quidem meum trahitis, animum tamen & oculos in illa spectacula non deducetis. *Sed heu! victus occubuit:* inquit Augustinus: *Gladiatorii spectaculi biatu incredibili, & incredibiliter abreptus est.* Audite prosequentem Augustinum: *Ille etiam clausis foribus oculorum interdixit animo, ne in tanta mala procederet, atq; utinam clamat insulatus Doctor, & aures obturasset.* Ecce oculos, quos pia mens ocluserat auditus referavit, miserumq; deiecit. *Nam quodam pugne casu, cum clamor ingens totius populi cum pulsasset, curiositate victus, & quasi paratus, quid quid esset, etiam visu contemnere, & vincere, aperuit oculos, & percussus est graviore vulnere in anima, quam ille in corpore, ceciditq; miserabilius, quam ille, quo cadente, factus est clamor.* Et infra: *Et non erat jam ille qui venerat, sed unus de turba ad quam venerat.* Hucusq; S. Doctor. Malo rutilus extra pericula vivere, quam velle in periculis stabilis videri, potissimum cum S. Leo moneat: *Nemo est tantâ firmitate suffultus, ut de sua stabilitate, debeat esse securus.*

Audiamus quid sapiens Prov: 28. iuadeat, & quem mortaliū, suo suffragio, apotheosi donet: *Beatus, inquit homo qui semper est pauidus, qui verò mentis est duræ, corruet in malum.* Neq; ignominiosum quis censeat, fugere, ubi peccandi occurrit periculum. *Gloriosa hæc, dicit S. Ambrosius, fuga est, fugere à facie peccati.* Introducta fuerat olim consuetudo, in ipsis Urbium portis celebrandi iudicia, prout in pluribus Sacræ Scripturæ locis legimus, nominatim autem Genes: 34. Deut: 17. & 22. Ruth: 4. &c. Cujus rei varias afferunt

rationes SS. Patres: D. Gregorius lib: II. moral: c. 15. hanc adducit: *Ut urbem, in qua concorditer oportet vivere, discordes minimè intrarent.* quasi diceret, prælusas esse omni periculo, etiam portas civitatis debere, si Clives securi esse volunt. Alteram S. Hieronymus in cap: 5. Amos tradit: *In porta, inquit, iudicia fuisse legimus, ne agricola ad causam veniens, frequentia civitatis & novo terreretur aspectu.* Convenientem tamen ad præsens, addit rationem Franciscus de Mendoca in lib: I. Reg: cap: II. annot: 20. dicens: *Ne probitas illa & innocentia, & candor rusticanus, inter urbanas fraudes, dolos ac flagitia, aliquod peccandi periculum incurreret, à quo ut facilius eriperetur, etiam à primo Civitatis ingressu arcebat: ut ad ipsam Themidis libram examinata emineat veritas: æquissimum ac sapientissimum esse, procul ab omni exesse periculo.* Hanc profectò paucis sed nervosis verbis attingit Sapiens, Proverb: 6. *Numquid potest homo abscondere ignem in sinu, ut vestimenta illius non ardeant? aut ambulare super prunas, ut non comburantur plantæ ejus?* Sit itaq; firmum ac certum, quod sapientius sit evitare peccandi pereundiq; pericula, quàm spe victoriæ, inter illa versari.

Atqui consortia malorum sunt peccandi ac pereundi pericula.

Pronum enim est iter à virtute ad vitium, à probitate ad malitiam, à Deo ad diabolum, ubi non desunt malorum exempla. Qui stat in lubrico, etiam nemine impellente, facile labitur: Nam Seneca teste Epist: 97. *Non pronum tantum est iter ad vitia, sed præcept.* Quodsi accedant, qui impressione facta ad casum impellunt, quomodo a calu te servabis? quomodo non experieris illud Davidis Psal: 117. *Impulsus eversus sum ut caderem.* Juvenis ille Luc. 19. adhæsit uni Civium Regionis, & misit illum in villam suam, ut palceret porcos. Advertendum est, imprimis adhæsit, & postea ad vile ac indecens obsequium missus; nunquam huc descendisset, nisi malo Domino adhæsisset: *Quid non facit cupiditas ad sensum præcept* [inquit S. Chrysost: ad hunc locum Serm: 7.] *liberum mutat in servum, ut serviret canoso*

*Consortia
malorum
periculosa.*

pecori, qui pietati sancta parere contempsit. quasi diceret à bonorum societate recessit, malorum consortio adhæsit, quidni malus effectus in præceptis abiisset. Rectè monet Salomon Proverb: 8. *Cum audace ne eas in via, ne fortè gravet mala sua in te.* ne scilicet pessimos suos affectus, in te exoneret, suis te sceleribus involvat.

Quis quis perditorum hominum consortium cum pestifera luce contulerit, haud aberrabit. *Nihil enim ait S. Chrysost: hom: 60. ita perniciosum ac pestiferum ut consuetudo pravorum hominum & conversatio.* Divus Hieronymus lib: contra Vigil: depravatæ vitæ homines, cum serpentibus comparavit dicens: *Nulla securitas est vicino serpente dormire, potest fieri ut me non mordeat, tamen potest fieri, ut me aliquando mordeat.* Illos ego fermentum dixerim, de quo Gentium Doctor 1. Cor: 5. *Nescitis quia modicum fermentum, totam massam corrumpit.*

Possunt etiam pravi socii & congerrones, non incongruè assimilatione Latronibus conferri, nisi deteriores latronibus inveniantur; hi enim sæviunt in corpus, illi in animam, quam innocentia suâ spoliata, aternæ mortis victimam faciunt. Audiuntur non rarò consequentium voces, qui per abrupta vitiorum, à via recti & honesti abducti, suorum malorum & ruinæ seriem, à pravo trahentes consortio, gemit se incidisse in latrones animæ, non secus ac Jerichuntinum illum viatorem, à quibus spoliati veste innocentia, & plagis impositis semivivi relictis, prorsus infirmi ac debiles facti sunt ad resurgendum à calu, faciendumq; bonum, & declinandum à malo.

Et certe si poma etiam ab uno putrido contacta, putrescere necessarium est. Si una avis capta, & decepta, innumeras alias in exitium deducit; Si, ut Iuven. Sat: 2. canit: *Grex totus in agris, unius scabie cadit & porrigine porci, uvæq;, conspectâ livorem ducit ab uva.* quidni pericula pereundi metuas? qui in plurium societate malorum veriarur, potissimum cum, ut D. Greg. Nazian: orat: 20. ait, *facilius fit vitium contrahere, quam virtutem impetire, quemadmodum etiam facilius est morbo*

morbo alieno infici, quam sanitatem largiri. Hinc D. Ambr. in cap: 22. Luc. quæstionem movet: *Ubi negavit JESUM Petrus? & respondet: in prætério Iudæorum, in societate impiorum.* Refert Neander Sturnum cicurem hæc verba ab Hero edoctum esse: *Cave à malo consortio.* Hic evolans postea è cavea, devenit ad sui consimiles, cum quibus volitans per avia, tandem unà cum sociis incidit in castes; dumq; ab aucupe unus post alium necaretur, sturnus in ultimo discrimine occinere coepit, quod olim didicerat: *Cave à malo consortia.* quo audito, vitam ei donavit; salutari documento posteris relicto, summis periculis exponi, qui se pravis commiscant.

Congruam huic loco Paschasius scribens in Matth: cap: 26. reflexionem ingerit, ubi dicit: *Considerandum est ubi neget Petrus? non in monte, in quo fuit cum Domino; non in templo, non in Domo sua, sed in Prætório Iudæorum. Ibi ergo negat, ubi veritas non est, ubi Christus ligatus est.* Nemo itaq; tutus inter iniquos versari potest: nam ut ait D. Bernardus: *Non est humana infirmitatis, sed virtutis divina, bonum & impium simul commorari.*

*Ergo sapientius est vitare malorum consortia, quam spe
victorie inter illos versari.*

Quis enim sapientem dixerit, qui pretiosos uniones, à vili cæno, aurum à luto, electum granum à paleis, virtutem à vitio separare negligit. Nihil commune bonis, cum improbis esse debet. Unde Regius vates Psa: 146. gloriatur: *Cum hominibus operantibus iniquitatem, & non communicabo cum electis eorum.*

Genesi 50. Jacob: Patriarcha vicinus morti, prophetico spiritu transmigrationem Israelitici populi è terra Ægypti, tandem aliquando futuram prænuntiatus, filios suos ac posteros juramento devinxit, ut exituri de Ægypto ossa sua secum efferrent, dicens: *DEUS visitabit vos, asportate ossa mea vobiscum de loco isto.* Quæ causa fuit tantæ curæ de ossibus propriis in Jacobo? aptam rationem reddit Oleaster in hunc locum scribens: *Ecce, ait, quam mala sit conjunctio ma-*

*Sapientius
est malorum
consortia vi-
tare, quam
victoria sibi
polliceri.*

lortio

lorum, ut non solum vivi, sed etiam defuncti, nolint cum iis commisceri. Hethæi nimirum & Ægyptii erant scelerati & idololatræ, ab his Patriarcha, etiam ossa sua ad piorum sepulchra transportari curavit; quibus consideratis citatus Doctor, quasi a minori ad majus conficit argumentum: Si mortui etiam arida ossa, terræ sceleribus inquinatæ, haud commiscenda censent; quanto sapientius quisq; de viventibus sibi consulat; dum à consortio pravorum recedet longius.

Quid est quod Christus Dominus affirmet suam gloriam tunc primum apparuisse, cum de gremio Apostolici Collegii exisset Judas; *Nunc*, inquit, *clarificatus est filius hominis* Ioan: 13. Quandiu aderat perfidus proditor, tamdiu in consortio tanti sceleris, quasi densis nubibus, radii solis Iustitiæ impediabantur, ne claritatem afferrent; ad egressum illius, congruo sibi, splendore illustratur; *Cum ergo exisset Iudas, dixit Iesus: nunc clarificatus est filius hominis.* Apposite ad hunc sensum D. Augustinus in Psal. 9. scribens, alludit: *Exit Iudas & clarificatus est IESUS, exit filius perditionis. & clarificatus est filius hominis: exeunte immundo, omnes mundi permanserunt.* Dicite mortales quantis spatiis ab impiorum congressu, vos avelli oporteat, cum & ipse filius Dei, ad præsentiam infamis proditoris multum suæ claritati defuisse arbitretur. Verissimè dixit Epictetus: *Qui cum contaminatis versatur, contaminatus evadet.* Et Ovidius cecinit: *Dum spectant oculi læsi, læduntur & ipsi. multaq; corporibus transitione nocet*

Concludat hanc annotationem exemplum, quod legitur in Præto spirit: c. 40. de viro Sancto, Abbate Cosma. Hic spultus juxta sepulchrum cujusdam Episcopi hæretici, pluribus noctibus auditus est clamare: *Noli me tangere hæretice, noli mihi appropinquare inimice Ecclesie Sanctæ Dei*, ut significaret viventibus, quantum abhorrerè deberent à consortio malorum.

A N N O T A T I O 2da.

IN MALEVOLAM ANIMAM, NON INTROIBIT SAPIENTIA.

AD interiora sui domicilii admittit anima malevolentiam, vel prout alii volunt invidiam, recessit ab anima Sapientia. Unā nimirum statione congregi nequeunt invida mens & Sapientia. Nihil magis recte adversatur rationi, magis nemo omni destituitur sapientiā, quā malevola, seu invida anima.

Bene Socrates Invidiam *ulcus Animæ* appellavit: nam sicut exulceratum ulcus cum venusto non cohaeret vultu; ita invidia nunquā *malevoli maxime de* veræ conjungitur Sapientiæ.

Rectè S. Cyprianus orat: de liv: eam vocat *calamitatem sine re-* *stituuntur sapientiā.* *medio;* æq; enim invido deest domi consilium, ad calamitosæ fortis pro-

pellenda tela, atq; ei, qui toto rationis usu destituitur.
D. Chrysostomus hom: 34, in Ioan: dicit eam: *Ignem extingui-* *bilem.* Et congruè. Sicut enim per incendium, omnis decor ædificiorum absumitur, & vehementior flamma expellit, quos domus collegerat habitatores; ita invidi animus universam rationabilis mentis decoquit gloriam, & boni consilii matrem, exulare facit Sapientiam.

Genes: 26. Cū Isaac in terra Palestinorum habitaret, & benedecente DEO magnarum opum factus esset Possessor, multumq; familiæ, ovium ac armentorum haberet, dicit sacer textus: *Invidebant ergo ei Palestini, & omnes puteos quos foderant servi Patris sui Abraham, obruerunt Palestini, opplentes eos humo.* Expendamus, ridendamne potius? an multis eluendam lacrymis? invidorum actionem: obruunt opplentes humo, omnes puteos: nonne & illi de iisdem bibebant? si omnes obstruitis Palestini aquarum fontes? ergo nullus vestris etiam usibus serviturus relinquitur. Quid agitis? adimere undas familiæ Isaac cogitatis? & vos ipsi unde propriis jumentis adaquandis, & propriæ siti relevandæ haurietis aquas? ne aliis fluant fontes sollicitè laboratis

boratis, ne vos ipsi destituamini aquarum suppetiis, nihil advertitis. Non curant, ait Lypomanus, cui noceant, modo invidia satisfaciant. O cæca & sine mente invidorum consilia! quæ alieno intenta malo, sibi ipsis extrema accersunt exitia. Præclare D. Aug. serm. 83. de tempore, Invidum adumbravit, ubi dicit: *Voto, quo vult alteri nocere, se cruciat, quem sevissimis exagitarum stimulis, ab omni consilio, & mentis sobrietate deturbat invidia.* Et infra addit: *Sicut enim arugo ferarum, ita invidia ipsam animam, in qua est, interimit & consumit.* Et sicut ajunt viperas, dilacerato & disrupto illo ipso, materno utero, in quo conceptæ sunt, nasci, ita & invidiæ natura illam ipsam animam, à qua concepta est, & consumit & perdit. Alium ex hoc loco, licet ad eundem finem collimantem, format discursum D. Chrysostomus hom: 52. in Genes: dicens: *Aquas Iusto invident, & neq. Rex, qui in tanta potestate erat, invidiam continere potuit, sed dicit: abi à nobis, quia potentior nobis factus es tu, cujus gratiâ abigis justum? num in aliqua re tibi nocuit? num injuriam intulit? sed ita se habet invidia, nihil cum ratione operatur.* Non exquiras ab invidis rationem, nec sapientiam, nec consilium, qui desipere solum noverunt in omnibus. Eximiè suis coloribus depinxit invidiam D. Greg: Niss: in vita Moy-sis, ubi dicit: *Invidia malorum Princeps, mortis mater, prima peccati janua, vitiorum radix, doloris initium, calamitatis parens, mucro reconditus, nature morbus, telum amarum, flamma cordis.* Hanc qui habet, non suis malis, sed alienis bonis infelix est.

*Cur invidi
dicuntur par-
vuli.*

Dignum non levi consideratione Job cap. 5. protulit effatum, dicens: *Parvulum occidit invidia.* Ergone solos illa necat infantes? solos aggreditur, quos viribus simul ac rationis usu destitutos noverit? minimè. Scimus hoc perniciosum malum cujusq. statûs & ætatis hominibus infestum esse. Scimus in Regum penetralibus commorari Invidiam, residere in aulis Principum, militare in castris, vilia etiam subintrare Pauperum tuguria, nec à sanctioribus exulare catibus, ver-
sari in claustris, æq; Juvenum, Adultorum, atq; senum imperare ani-
mis.

mis. Cur itaq; Job solis eam attribuit parvulis? varix possunt afferri rationes; quarum.

Ima est ex sensu Interpretum, qui cum D. Thoma eundem locum exponendo; loco parvuli ponunt pusillanimum. Nam sicut planeta inferior superiorem obscurat & ecclipsat, non autem vice versa; ita & abjectæ mentis homuncio, dignioribus invidet, non tamen inverso ordine. Unde D. Greg. Niss. Invidos milvis comparavit, qui cadaveribus pasci, & pretiosis unguentis emori dicuntur. Vilis anima esse debet, quam aliena enecat excellentia. Inde Plinius maximam laudem deſumit Trajani, quod præfulgeret absq; aliorum obscuratione, sic illum alloquens: *Tu tamen major omnibus quidem eras, sed sine ullius diminutione.* Cato censorius, Phœnix Romanæ gentis, Prudens dictus, moribus & vitâ optimus, nihilominus tamen, neminem in urbe, odium & invidia Concivium tam dirè & frequenter exagitavit, atq; Catonem. Quadragesies sexies accusatus, & in jus vocatus, semper absolutus est. Generosa mens nullâ agitur invidiâ, abjectissimi ac pusilli animi est, invidere aliis. *Parvulum occidit invidia.* Audiamus D. Greg; lib. 7. moral. c. 37. hac de re differentem: *Parvulus est inquit: qui occiditur invidiâ, quia nisi ipse inferior existeret, de honore alterius non doleret; Parvulus est, qui livore occiditur, quia testimonium perhibet, quod eo minor sit, cujus invidiâ torquetur.*

Ratio 2da quia Invidi puantacunq; felicitate augeantur, minimum se habere putant, si alios æq; felices advertant; parvulos se existimant; si alios quoq; pari sorte crescere conspiciant. Hinc D. Bernardus de nimia fallacia præsentis vitæ agens, dicit: *Invidi desiderant soli esse docti, soli consulti, soli gratiosi, soli formosi, soli opulenti.* Sed errant in solitudine sua, juxta illud Psalm: *Erraverunt in solitudine in iniquo.* Et juxta Jobum c. 12. dicentem: *Ergo vos soli estis homines, & vobiscum morietur sapientia?*

Genes. 37. Narravit Ioseph fratribus somnium dicens: *Vidi per somnium stellas undecem adorare me.* & indignati sunt fratres; quæ

causa indignationis? cum illos cum collucentibus conferret stellis? non apprehenderunt fratres se stellas esse, lucem suam non vident, cum Ioseph eminere, & splendidior apparere cernatur.

Henricus Farnesius de virtut: Princ: lib: 1. Elog. 18. observat, cepas, luna crescente, extenuari ac decrefcere. Unde cepæ infra lunam figuratæ addita est inscriptio: *Te crescente decrefco.* Hominis invidi pectus tantundem se decrefcere putat, quantum aliorum prosperitati ac gloriæ accrescit. S. Cyprianus lib 2. de zelo & livore: *Qualis est animi tinea zelare in altero felicitatem, in malum proprium, aliena bona convertere, illustrium prosperitate torqueri, aliorum gloriam, facere suam pœnam &c.*

Homo invidus sub vespertilionis imaginē, non incongruē proponi potest, cui à solis conspectu profugo, quidam lemma adjecit: *Solis fulgore tabesco.* Invidus enim alterius gloriā & splendore plurimum offenditur. Verē ac rectē Seneca Epist: 51. ait: *Humanus oculus caligat in luce.*

Ratio 3tia quia sicut parvuli non sunt sui juris, nec se suis viribus, loco movere valent; ita & invidi sub indomitæ passionum ac dæmonis potestate vivunt, imò in dæmonis possessionem trans-eunt, ut D. Basilus magnus orat 1. tali argumentatione demonstrat: *Si Deus uti Ioannes inquit, Charitas est, & qui manet in Charitate in Deo manet, & Deus in eo; ipsa invidia dæmon sit oportet; ut igitur, qui charitatem habet, Deum ipsum in se manentem habet; ita qui invidiam fovet, dæmonem haud dubiè in se ipso nutrit, atq; alit.* Et D. Chrylost: hom: 41. in matth: hominem invidum, quovis dæmone deteriorem pronuntiat: *Pesiferum malum invidia, hominem in diaboli conditionem, & in dæmonem immanissimum convertit. Invidet satan sed hominibus, socio autem nemini. Tu verò homo cum sis, hominibus invides.* Et subiungit S. Doctor: *Invidus ipso diabolo magis diabolus est.* Fugiamus Itaq; monente Veronensi martyre D. Zenone, *invidiam, obstaculum regni celorum, viam gebennæ, pignus & primitias quasdam pænæ perpetuæ.*

Aliis

Aliis tamen intermissis, ultima sit ratio, quia licet invidia adultioris ætatis inveniat, & sibi subiciat homines, omnes tamen, quos inficit, ita infatuat, ut cunctos velut infantes, ac unius diei parvulos, æq; consilio, ac rationis adminiculo destitutos reddat. Verum neq; huic malitiæ gradui insistendum censet invidia, ut triyeneficæ Circes imitetur munus, adultos quosq; & senes transformando in parvulos, singulosq; ad infantium detrudendo ignorantiam; majora in suos audet, dum quos tetigerit, interficiat. *Parvulum occidit invidia.* Nimirum mortis insuper æmulatur iras. Nam sicut per mortem, integrum hominis corpus, deperdit sensum ac vigorem, vacuumq; intelligentiâ caput relinquitur; ita invidorum animi, velut occisorum cadavera, omni privantur aptitudine rectoris vitæ, nec ullus invidis, rationi conformis adest sensus, aut intra eorum totam actionum seriem, intelligentiæ motus. Referunt naturalistæ quod piscis aquila dictus, pariendo emoriatur, ex quo illi additur lemma: *Perit dum parit.* Id ipsum invidis accommodari potest, in quorum pectoribus dum concipitur ac gignitur invidia, perit Sapientia.

Multoties Rex Israelitici populi Saul, irritò conatu persecutus est Davidem, & quamvis certo præviderit eum à Deo destinatum, in sui Regni successorem ut legitur 1. Reg: c. 24. *Scio quod certissimè regnaturus sit.* tamen non destitit à prava inferendæ necis Davidi intentione. *Surrexit Saul & descendit in desertum Ziph, & cum eo tria millia virorum de electis Israel, ut quæreret David.* Quid agis Regum maxime? nosti certò regnaturum David, cur itaq; moliris eum occidere? Non unâ doctus es experienciâ à supremo rerum Moderatore, singulari eum protegi providentiâ, & in Regem servari; quo ergo consilio adversaris infallibili divinæ dispositioni? Palam est, quàm longe aberret invidia, ab omni consilio & Sapientia.

Matth. 2. didicerat ex scripturis Herodes Rex, natum Regem Judæorum, destinatum esse ex Deo ad Regnum, nihilominus tamen iratus

*Insanire
facit homi-
nes invidia*

occidit omnes pueros qui erant in Bethlehem. putans inter illos perdendum esse præordinatum ad regnum infantem. Quanta hæc Herodis stultitia! quem sciebat regnaturum ex Deo, cogitabat occidere inter alios. Sic insanire consueverunt invidi. Docto discursu eam rem prosequitur Imperfectus hom: 2. in matth: ubi ait: *Si credis Herodes verum esse, quod dictum est de puero; & de stella eius, quare sine causa insanis in pueros? Nunquid potes tu mutare sententiam Dei, aut perdere illum, quem Deus defendit? sed quid mirum, si Herodes homo iniquus putabat se posse mutare consilium Dei? Ipse sapientissimus Salomon, cum propter peccatum suum, audisset à Prophetis, Ieroboam Regē futurum, posuit persequi eum: putans posse illum perdere, quem Deus protegit. Et addit rationem huic loco servientem: quia zelus sapere nescit, & ira non potest habere consilium.* Ita est, cujus animo sese insinuavit Invidia, quamvis sapientissimus Salomon esset, illum desipere facit. Nihil unquam rationis, nihil scientiæ in invido suspiciet orbis.

Scribit P. F. Carolus Ulan Horn Ordinis Eremitarum conc: 17. quòd in Aula potentissimi Darii Regis, duo versarentur fideles ipsius Aulici, quibus in prompti servitii mercedem, desiderans gratiam ac liberalitatem suam exhibere, quodam tempore ambos ad se accersiri mandavit, à quibus sollicitè exquisivit, ut quisvis illorum proponeret, quodnam sibi impertiri cuperet beneficium; hac tamen adjuncta conditione, quod primo eligenti unum duntaxat, alteri duplum tribueret, vg: si primus mille aureos sibi numerandos optasset, alter duo millia recepisset. Cùmq; hi, intellectâ Regis mente, inter sese, diu fuissent altercati, quisnam prior suum aperiret desiderium, tandem unus in hæc verba prorupit: *Ego o Rex exoptulo ut mihi mox dexter eruatur oculus.* Obstupefactus Rex, petit, quæ eum invaderet dementia? Cui ipse: *Hoc summo mihi est solatio, ac gaudio, me coclitem tantum futurum, & adhuc potentem intueri inimicum meum, utroq; orbatum oculo.* O cecâ invidorū mentē? o exitiale venenū invidiâ! quæ mortales plures & prius mentis, quam corporis orbasti oculis: Non miror jam

D. Anselmi Sententiam, quâ pronuntiare ausus est, facilius longè salvandos esse, qui parum bonorum operum exercent, sua tamen aliis favent merita; quam qui eximiis suis actionibus, invidiam in proximos adjungunt; ita enim lib. de similitud. c. 4. loquitur: *Magis puto ejus salvationem sperandam, qui parum boni facit, & benefactis aliorum favet, quàm illius, qui multa, & invidet.*

A N N O T A T I O 3tia.

IN MALEVOLAM ANIMAM NON INTROIBIT SAPIENTIA.

Nullum malum ita nocivum, ac timendum est, quàm illud, cui curando deest scientia. Minus illa nocent mala, minus terrent, quibus evitandis sapientia præscribit remedium, illud extremum exitium est, cui solus absq; consilio, homo relinquitur. Expendamus quantum malum esse debeat invidia, cui nunquam associatur sapientia. Occupat animam invidia, intrare in eandem abnuit sapientia; ut in aperto sit: Nullum incurabilius, nullumq; magis desperatum inveniri malum, quàm sit invidia.

*Incurabile
malum in
vidia.*

Commodè illam Salomon *putredinem ossium* nominavit. quæ eò, quò profundius hæret, curatu difficilior. sicut enim lues ad intima ac medullas ossium penetrans, incurabilis videtur, ita & invidiæ malum.

Ætna Siciliæ mons, puamvis externa facie, nivibus, glaciæ, aliâq; hyemis inclementiâ obrutus, viscera tamen perenni incendio exastuantia habet. Hunc montem Philippus Picinellus lib. 2. c. 32. gentinam hominis invidi affirmat esse ideam, cui inscripsit: *Sua viscera vorat.* Et certè, ut ætna inextinguibili absumitur æstu, ita invidi animus insanabili torquetur malo. Eandem similitudinem D. Bernardus tetigit, ubi ait: *Invidia sensum comedit, pectus urit, mentem afficit, & quasi quedam pestis depascit, & cuncta bona, ardore pestifero devorat.*

Eleg.

Eleganter S. Chrysostomus hom: 45. ad Pop: comparat invidiam, cum verme, illam ipsam arborem, ex qua nascitur coniumente, dicens: *Sicut vermis de ligno nascens, ipsum prius absorbit; sic est invidia, illam prius, que se peperit, animam corrumpit.* Quod autem superest medium illi malo medendi, quod in suo ortu, omnia quæ infecerit, corrumpit? Nullum planè. Hinc Cicero 3. Tuscul: describit invidiam, quòd sit *agritudo ex alterius rebus secundis, & calamitas sine remedio odisse felicem.*

Cant: 8. *Dura sicut infernus æmulatio.* Cur potiùs non assimilatur morti, sed inferno? Nam mors solum corpus interficit, & quidem manente spe tandem aliquando affuturæ resurrectionis; parit animæ, infernus autem etiam in animam sævit, spiritum urit, incendit, cruciat, nullà vià hæc mala evadendi relictâ, ex inferno nulla redemptionis. Ita planè livor sævire consuevit in animos, quos sibi subjugarit.

Psal: 17. Exponuntur querelæ alicujus pressi doloribus: *Dolores inferni circumdederunt me.* S. Augustinus legit: *Dolores invidiæ circumdederunt me.* Nullum discrimen inter utroq; dolores inquirendum censet S. Doctor, tam hi quam illi incurabiles sunt. Ima Joan: c. 5. Rem non levis difficultatis feracem S. Apostolus & Evangelista proponit dicens: *Est peccatum ad mortem, non pro illo dico ut roget quis.* Unde variarum quæstionum occasionem sumpsit sancti Patres & Theologi. Imprimis enim examinatur ab illis, utrum detur aliquod peccatum tam enorme & tantæ malitiæ, quod precibus & lacrymis non possit elui? 2do inquiritur, utrum possint esse peccata in hac vita, tam multa & tam gravia, pro quibus Deus orari nequeat? 3tio quid nam intelligatur per peccatum ad mortem? Quantum ad inã difficultatem conveniunt omnes, nullum esse peccatum, quod precibus & lacrymis non eluatur. Hinc D. Cyrillus Hierosol: Catech: 2. alt: *Grave malum, peccatum, sed non incurabile: grave retinenti, leve expiabile autem per penitentiam abjicienti.* Et D. Arnoldus tract: de septem verbis

*Nullum est
peccatum
precibus ac
lacrymis
expiabile*

verbis Christi in Cruce: *Non inquit, arctatur numero, non clauditur fine, nullas omnino habet metas divina Clementia: sit, qui invocet, erit qui exaudiat: sit qui pœniteat; non deerit, qui indulgeat.* Tandem ut alios omittam. Tertull: lib: de pœnit: c. 4. dicit: *Omnibus delictis, seu carne, seu spiritu, seu facto, seu voluntate commissis, qui panam per judicium destinavit; idem veniam per pœnitentiam sponndit.* Quantum ad 2dam quætionem certissimum est apud Scholasticos, nulla esse Peccata in hac vita adeo multa, adeo gravia, adeo inveterata, pro quibus Deus orari nequeat & placari; deduciturq; ea veritas contra Novacianos, ex Patribus, Conciliis, & Sacris literis. Advertendum tamen ex Cajetano & Bellarmino, rarum esse sive justum, sive injustum, qui in gravioribus peccatis accedere audeat intercessor ad DEUM; quemadmodum in rebus humanis raro invenitur, qui in causa perduellionis, seu læsæ majestatis apud Principem intercedat. Quantum ad 3tiam difficultatem, quadruplex est Sanctorum Patrum opinio. 1ma est S. Ambrosii, per peccatum ad mortem, intelligentis quodvis peccatum mortale, asserens mortem, animæ, & addit protalibus peccatoribus non prohiberi orationem, sed solum exprimi in scripturis, non cujuslibet hominis orationem pro illis esse proficuum, nisi viorum sanctorum. 2do alii censent peccatum ad mortem, aut esse omne illud peccatum mortale, in quo quis finaliter decedit; pro quo jam orandum non est, cum peccator sit extra viam; aut esse peccatum, in quo quis usq; ad mortem, quantum in se est, sciens ac volens perseverat, & ita pertinaciter ac inflexibiliter eidem adhærescit, ut nullis correctionibus, admonitionibulq; sive humanis sive divinis resipiscat. Unde D. Chrysost: hom: 42. in matth: dicit: *Morbus ille maxime incurabilis est, cujus malitia in eo est, ut respuat medicinam, & medicum ipsum reputet inimicum.* 3tio putant aliqui, sub nomine peccati ad mortem, venire illa peccata enormia, à quibus rarissime convertuntur homines, ob moralem impotentiam pœnitendi, in quam habitu peccandi validius radicato, & negligentia rerum æternarum per-

*Quid per
peccatum
ad mortem
intelligen-
dum?*

*Peccatum
ad mortem
invidia.*

trahuntur; vocanturq; peccata ad mortem; quia solent adjunctam habere mortem aternam. 4to tandem conformiter ad nostrum propositum, V. Beda, tale peccatum ad mortem, quod aegre & raro ad sanationem perveniat, non quidem ex medici defectu, qui sanare omnia scit & potest, sed ex pravis dispositionibus ejusmodi animæ, dicit esse Invidiam. Huic Sententiæ videtur subscribere D. Augustinus lib: 1. de ferm: Dom: in monte; dicens: *Peccatum ergo fratres ad mortem puto esse, cum quisq; oppugnat fraternitatem & adversus ipsam gratiã, invidentiã facibus agitur. Illius peccati tanta labes est, ut deprecandi humilitatem subire non possit; etiamsi peccatum suum malã conscientiã & agnoscere & annuntiare cogatur. Quam mentis affectionem jam de damnatione illos habere credendum est. Et hoc est fortasse peccare in spiritum Sanctum, id est, per malitiã & invidiam, fraternam oppugnare charitatem, quod peccatum Dominus, neq; hic, neq; in futuro seculo remittendum dicit.* Ex quo infert D. Basilii magnus orat: de odio; invidiam esse propriè diabolicum peccatum: *Invidentiã revera est propria diaboli affectio.* Et sicut peccatum dæmonis insanabile est, ita & invidorum est peccatum ad mortem, malum, quo nullum incurabilius.

Refert Baronius tom: 5. Annal. an: 412. quod Theophilactus Alexandriæ Pontifex æmulatione non laudabili ferebatur in D. Chrysostomum, adeo-ut nec in Templo eum nominari passus sit. Sed vindicem sui habuit potentissimum Chrysostomus Deum: Nam Theophilactus in fatali lectulo acerbè cum morte luctatus, emori non potuit, quamdiu Imago D. Chrysostomi non afferretur, hanc religiosè veneratus tranquille obiit. Ita invidos ipsa mors horrere, aut in longioribus doloribus; quibus æternæ præludant morti, relinquere videtur.

Si autem rationem quis ulteriorem requisierit, cur invidia sit malum præ cæteris peccatis magis insanabile? eam à D. Chrysostomo accipiat; quia scilicet invidia non oritur, nisi ex mera malignitate, cum

cum cætera peccata, aliquam habeant annexam vel delectationem, vel excusationem. Ita enim hom: 44. ad pop: Antioch: differit: *Omni venia caret istud invidia peccatum: Nam fornicator quidem concupiscentiam prætereundum potest, fur paupertatem, homicida furorem; frigiditas quidem & irrationabiles, habent tamen quas præterendant excusationes. Tu verò quam dices causam rogo? nullam penitus, nisi tantum intensam nequitiam. Si enim inimicos diligere jubemur, quam penam luemus, si etiam diligentes oderimus.*

Sic malitiæ tenax, & in proposito obstinatum vitium invidia est, ut nulla ipsi medela valeat applicari, prout Zeno Veronens: asserit: *Nec enim medicum languoris sui assumere, nec remedium aliquid invenire potest invidus. Bene Alanus dixit: Invidia erronea est cecitatis abysus, humane mentis infernus.*

A N N O T A T I O 4ta

IN MALEVOLAM ANIMAM NON INTROIBIT SAPIENTIA.

Profana mundi Schola, inter alia sui magisterii perversa, & rectæ Christi doctrinæ opposita dogmata; illud etiam Alumnis suis, exequendum persuadere conatur, ut qui vis malum pro malo reddere, vim vi repellere discat, eò gloriosior futurus, quò fortius suum representet adversarium. Sed vera Sapientia contrariam huiusce proponit doctrinam; novum & gloriosius vincendi genus adinveniens, non resistendo sed cedendo malevolis. Videns enim malevolentiam animæ, non cum illa congreditur, non ejus obsistit malevolentia, potius ab ea longè recedendum censet, documentum relinquens: Verè Sapientis esse, malevolum vincere non repugnando, & tela telis opponendo, sed benevolè cedendo, ac ejus malitiam declinando.

*Sapientis est
malitiā al-
terius vin-
cere, eam
declinando*

Apertissime Salomon Prov: 18. dixit: *labia stulti miscent se rixis,*

Aaz

os ejus

*Iurgia vin-
ci silentiū.*
os ejus iurgia provocat. Cantante gallo gallinaceo, vel unico, can-
 tant omnes, fatuus si incidat in hominem contentioſum, ambo cla-
 mare incipiunt. Sapientis eſt devitare iurgiorum occaſionem. Unde
 S. Valerianus hom. 12. *Plena inquit, victoria eſt ad clamantem tacere,*
& non reſpondere provocanti.

Pericles Athenienſium Dux potentiſſimus à vili homine laceſſi-
 tus injuriis, quamvis illi non deeſſet vindicandi potestas & modus,
 eas tamen nihili faciens, ſolo naturæ lumine ductus, ſuis famulis, teſte
 Plutarcho dixit: *Ite & hunc familiariſſimum meum in domum redu-*
cite. Ob quam generoſitatem ab univerſa Republica, nomine Ro-
 ni Principis inſignitu; nec immeritò ait Themistocles: *quia apud virum*
bonum, citò moritur iracundia, ſi magnanimus fueris, nunquam judicabis
tibi injuriam fieri.

Senec: lib: de clemen: *Magni animi proprium eſt, placidum eſſe,*
tranquillumq; offeſas & injurias remittere, muliebres enim eſt litigare,
& moram ſuæ iræ gerere.

Pſal: 37. Inde gloriatur Propheta, quod omnia adverſantium con-
 vitia tacendo ſuperaverit, dicens: *Ego autem tanquam ſurdus non au-*
diebam, & ſicut mutus non aperiens os ſuum.

*Remedium
avertedarū
vicij.*
 Apud Virum prudentem, quædam ex fæminis querelas ſuas de-
 poſuit, quod ejus maritus ebrius, veniens rixas magnas excitet, illamq;
 percutiat, huic ille ſubjecit: accipe remedium, ſer tecum iſtam aquā,
 & dum maritus redibit, tuo in ore retine, quouſq; ad ſomnum ſeſe
 vir non compoſuerit, quantarum virium hæc aqua: res ipſa loquetur.
 dicto audiens fuit mulier, quare plus rogavit iſtiſque aquæ, Sed repo-
 ſuit vir, quovis ex fonte illam pete, quod enim liquori tribuiſti, hoc
 taciturnitati adſcribendum; optimè ſuperabis maritum, ſi non litigan-
 do, ſed ſilendo, ejus declinaveris iracundiā. Quidquid linguam li-
 gat, præſtantis pharmaci loco haberi poteſt. Hinc Prov. 17. legitur:
Qui dimittit aquam, caput eſt iurgiorum. Et S. Greg: lib: 5. moral:
 c. 11. his congruè: *Aqua dimittitur, cum lingua fluxus effunditur.* E-
 cho

cho silvarum tamdiu clamoribus respondet, quamdiu clamatur, vis illam tacere, tu tace prius.

De S. Paula Romana D. Hieronymus refert: cum obtrestantis linguæ verba audiret, continuò animum ad Deum, tanquam ad veritatis & patientiæ aylum transferebat, & silentio obfirmabat, nec ullam apud homines causæ suæ defensionem, aut patrocinium quæsit. Et addit S. Doctor miseros illos esse, qui ab aliis lacerati, in verba malè digesta prorumpunt, nec sequuntur illud Davidis exemplum dicentis: *Cum his, qui oderunt pacem, eram pacificus; cum loquebar illis impugnabant me gratis.*

S. Gregorius Nazian: monet nos, ne tanquam veritate subnixi, verbis & disputationibus superiores conemur evadere, melius est vinci, quam malè vincere. Addit B. Egidius *melius esse silendo victos apparere coram hominibus, & hoc modo victoriæ coronam in Dei judicio reportare.*

Lumen illud Eremitæ, & in virtutum palæstra exercitatissimus Pimenius. quadam vice interrogatus: quonam pacto quis executioni mandare posset illa Christi verba: *Majorem charitatem nemo habet, quam ut animam suam ponat pro amicis suis?* Respondit: *Si quis contumeliâ aut verbo injurioso appetitus, cum innocentiam suam, verbum verbo reponendo, tueri potest, nihilominus tacet, vimq; sibi facit, ne verbo contristet fratrem, ille verè pro amico animam ponit.*

Ælianus lib. 12. de variis hist: & Plut: in vitam Phocionis, referunt, quòd Phocion militarium Reipublicæ Atheniensis copiarum supremus Dux, jam innocenter ad mortem condemnatus, dum ei fatalis intoxicatus scyphus, exhaustiendus porrigeretur, num aliquid dictum filio vellet interrogatus? plus quam Christianè respondit: *Mando hoc ei, ut obliviscatur potus hujus, quem nunc ab Atheniensibus mihi propinatum innocens bibo.* Interim verò filium adventantem, ultimum dilecto Patri amplexum daturum, hoc sancto erudiit sermone: *Ego mi fili, te obnixè rogo, ne quid ob injuriam mihi nunc factam, Atheni-*

enſibus malè velis, qui inſontem condemnarunt. Imò etiam conquere-
renti illi, qui exitialem potum præparaverat, quod ſibi non eſſet ſatis-
factum, magnâ animi conſtantiâ & vultûs ſerenitate, ſubridens præ-
tium perſolvit. O vere ſapientem virum, qui malevolis, etiam vitam
prodigendo, cedere maluerat, quam contentioſo cum eis foro con-
gredi.

Non ſevia hujus Sapientiæ reliquit documenta Moyſes, qui pri-
us latro infamis, poſt in eremo virtuti comparandæ ſedulam dans o-
peram, cum ab Eremitis in publica ſynaxi probaretur, quantum
profeciſſet in virtutibus, & unus ex illis altâ voce dixiſſet: *Quomodo
Æthiopem iſtum in conſeſſa hoc noſtro patimur?* Et dato quaſi ſigno
illum expellendi, abire juſſus eſt, ſed continuo revocatus: rogatuſq;
quo animo contumeliâ illam accepiſſet, reſpondit ingenuè: *Turba-
tus ſum & non ſum locutus.* Nihil contra expellentes locutus eſt, ſed
ad ſe ipſum interiorem convertens ſermonem dixit: *bene faciunt iſti
homo nigerrime, quorſum tu in tam Sanctorum hominum conſortium,
remerè te ingeris?* Conformiter Seneca lib. 2. de ira, c. 34. ad Chri-
ſtiana Principia locutus eſt: *Cum pari contendere, anceps eſt, cum
inferiore ſordidum, cum ſuperiore furioſum.*

Ariſtippus affectus contumeliâ ſeceſſit, cum autem à perſecutore
infeſtaretur: *fugis improbe:* reſpondit, *fugio; nam tu poteſtatem habes
maledicendi, ego verò non audiendi*

S. Ambroſius lib. 1. off. c. 6. de David, cui conviciabatur ſemei,
ille vero non vindicabat, & tacebat, ait: *Non movebatur conviciis,
qui abundabat honorum operum conſcientiâ. Itaq; is qui citò injuriâ
moveretur, facit ſe dignum videri contumeliâ, dum vult, eâ indignus vi-
deri.* Et ideo quoq; canit Ovidius. *Quò quiſq; eſt major, magis eſt
placabilis iræ; & faciles motus, mens generoſa capit.*

I. Regum: 24. Iratus ac furens Saul contra Davidem, obſtinatè
eum perſequi non deſtitit, ita ut etiam vitâ ſpoliandum cenſuerit. Da-
vid autem cum poſſet eidem obſiſtere, imò etiam traditum ſibi in ma-

nus à Domino Saulum, occidere; non extendit manum suam in eum, sed iram Regis prudenter declinabat. Quo perspecto Saul summo stupore attonitus levavit vocem suam & flevit, dixitq; ad David, *Benevolens tu es quam ego; tu enim tribuisti mihi bona; ego autem reddidi tibi mala.* Quis aperuit oculos Saulo irā obsecato? quis malevolum instruxit, ut confiteretur David justiore, quam se? certe nulus alius, nisi sapientia Davidis non repugnantis, sed benevolē cedentis, ac devitantis malitiam Regis. Nunquam hæc didicisset Saul, si ei furioso David obstitisset. Audiamus D. Chrysost; in matth. c. 21. hom. 38. in simili differentem materiā: *Malum inquit, hominem tacendo, & locum dādo melius vincis, quā respondendo, quia malitia non instruitur sermonibus sed excitatur.* Consonat Damianus: *Magnum quidem & ultra hominem est, asperitatem verborum & verberum, non pati tantum, sed & non reddere. Illud verò majus est, & divinum quoddam sapit, benefacere iis, qui oderunt vos.*

Matth. 27. Ignominiosissimis compellationibus Salvator mundi toties lacebatur; nam imprimis homo vorax, & potator vini, publicanorum & peccatorum amicus dicebatur, ut legitur: matth. 11. Deinde in Beelzebub Principe dæmoniorum ejiciens dæmonia proclamabatur, prout habetur Luc. 11. cognominabatur item seductor &c. In morte autem agnoscitur esse Filius Dei. *Verē Filius Dei erat iste.* Ex quibus rogo signis in morte dignosci poterat Christus verus Dei esse Filius? siquidem præstantiora & evidentiora olim demonstrans divinitatis documenta, persuadere id malevolis non valebat. Blasphemabant nimirum illum Principes moventes capita, ille autem patientissimē sufferebat, non refellendo dicta, sed orando pro persecutoribus. *Pater ignosce illis.* Nihil enim attestante D. Chrysost. hom: de Dav: & Saule: *facit hominem ita Deo similem, sicut inimicis esse placibilem.* Hanc Christi orationem expendens D. Aug: serm: 2. de diversis. convertit sermonem ad Christianos dicens: *Hic jam attende magistrum tuum & Dominum, non in cathedris sedentem, sed in ligno pendente,*
circum-

circumspicis undiq; turbis inimicorum, & dicentem: Pater ignosce &c. Vide Magistrum, audi invitatores, numquid tum Dominus Christus pro rogantibus rogavit, & non potius pro insultantibus & interficientibus.

Socrates rogatus ab Alcibiade, cur Xantippam uxorem exosam, vafram, atq; molestam, domo non ejiceret? divine respondit: *Ut domi injuriis laceffitus, de foris illas discam perpeti.*

Actorum 6. multa in Stephanum probra jaciebant Pharisei, quibus audiendis vacabat Stephanus, non retorquendis. Quid inde fecutum est? *Et intuentes eum omnes, qui sedebant in concilio, viderunt faciem ejus, tanquam faciem Angeli.* Et versu 10. *Non poterant resistere sapientie, & spiritui qui loquebatur.* Angelo ille similis est, & Angelicâ resplendet claritate ac sapientiâ, qui inter calumnias tacere novit.

Exodi 34. Magno fulgore facies Moysis coruscavit, quæ causa tanti fulgoris? Sciebat nimirum perferre in faciem, non inferre, audire, non regerere contumelias. Hanc rationem reddit D. Ambros: lib. 2. de offici: c. 7. ubi dicit: *Quantas à populo illatas Moyses absorbebat contumelias? quam miti sermone post injurias appellabat? Quomodo consolabatur in laboribus, delinibat oraculis, fovebat operibus: merito estimatus est super homines, & ut vultui ejus non possent intendere.*

2. Reg. 16. Multis à temei non solum lapidibus impetitus, sed etiam injuriis laceratus David, patientissimus tacebat, contra tam multa Saxorum & convitiatorum jacula, solo se patientiæ ac silentii clypeo obarmabat. Quæ considerans D. Ambr: in Apolog: 1. de David. c. 6. exclamat. *O altitudo prudentiæ! o altitudo patientiæ! o devoranda contumeliæ grande inventum!* quasi diceret nullum Sapientiæ convenientius inimicos vincendi genus cogitari posse, quàm si quis illis non resistendo, cedat, benevoleq; declinet. Verùm concludat hanc Annotationem ad quemlibet hominem ordinata allocutio D. Chrysostomi, qui ad pop. Antioch. hom. 79. ait. *Es homo, ne venenum ex*

opinas

*Domas aspidum. Homo es fera ne fias, propterea tibi factum est ut
non ut mordeas, sed ut medearis.*

A N N O T A T I O sta.

IN MALEVOLAM ANIMAM NON INTROIBIT SAPIENTIA.

Quod oculus in corpore hominis, hoc Sapientia præstat in Anima. Philo enim hebræus Sapiētiā ac Scientiā, oculum auremq; animi dixit, sine qua, anima offusis ignorantie profundissimis fenebris, à formosissima sua specie, velut delapsa surdum saxum redditur. Cum itaq; malevolam animam deserat Sapiētia, suis ipsa privatur oculis, ita ut nulla, in quæ, propriæ voluntatis pondere præcipitatur, advertat pericula. Miseram illam quis non dixerit animam? *Pena ma-* quæ destituta Sapiētiæ oculo, nec sentit, nec intelligit, quæ suffert *maxima mali* la; perit ipsa, & se perire nescit. Hæc est pæna malevolorum, hæc *hominis er-* ultima peccatoris miseria, errare absq; intelligentia, totq; involvi malis, *rare absq;* nec habere unde melius liceat sapere. *intelligen-*

Ad hanc extremam redactus miseriam peccator aptè comparari *si quis* potest, cum homine peregrino sub caliginosæ noctis tempora ad præcipitia deducto, & inter abrupta montium constituto, qui ignarus sui calamitosi statûs, stare se putat, cum præceps ruat, ad terminum progressi meditatur, & nescit, quod neq; pedem movere valeat, nisi ad interitum.

Aresius, Cicadæ ad solum terræ virorem, caloremq; solis attendenti, & nulla futuræ penuriæ alimenta providenti adscripsit: *Providere nescit.* Homines malâ voluntate obcæcatos hæc imago spectat, qui sua fata inter quæ versantur, prævidere nesciunt.

Æsopus ut in illius vitâ refertur, missus à Xanto hero suo, cujusdam negotii conficiendi causâ, obvium habuit Urbis Prætozem, à quo

interrogatus quo iret? respondit: nescire se quo iret. Irritatus ejusmodi responso Prator, lictoribus eum ad carcerem deducendum commisit. Hic comprehensus clamare cœpit: Vides o Prator, quàm rectè responderim, nescire me quo irem, quippe qui non prævideram me Tibi in via occurrurum, & planè nesciveram me hodie ab his in carcerem compingendum. *Vado igitur quo nescivi.* Hoc contingit miserabiliter in peccatorum cano putrescenti, & pravis affectionibus involutæ animæ, quæ sub jugum vinculaq; teterrimi dæmonis trahitur, & ignorat quo eat.

*Deplorata
anima suâ
ruinam no-
lens intelli-
gere.*

Lucæ 19. Describitur flevisse JESUS super Civitatem, quæ occasio lacrymarum? non alia, nisi visio civitatis tuæ pericula non advertentis. Flevit JESUS super Civitatem, non flebat Civitas super se, imò ridebat. IESUS enim vidit Civitatem, ejusq; imminentem ruinam, ac ultimam desolationem. *Venient dies in te: & circumdabunt te inimici tui vallo, & coangustabunt te undiq; & ad terram prosternent te, & non relinquent in te lapidem super lapidem.* Hæc si vidisset Civitas, ipsa quoq; flevisset. *Si cognovisses & tu, & quidem in hac die tua, quæ ad pacem tibi, nunc autem abscondita sunt ab oculis tuis.* Flevit itaq; IESUS, quia vidit civitatem obcæcatam ad suæ ruinæ prævidenda pericula. Hanc causam lacrymarum Christi assignat D. Greg: hom: 39. in Evang: ubi ait: *Flevit igitur pius Repemptor ruinam perfidæ Civitatis, quam ipsa Civitas non agnoscebat sibi venturam.* Nihil enim miserabilius illa Civitate, illâ animâ, quæ sua mala non intelligit, inter quæ perit.

Luc. 18. quid est, quòd ille mendicus secus viam Hiericho sedens nihil aliud petat à Christo, nisi ut lumen recipiat? clamans: *Domine mi videam.* Nimirum infelix fuit, quia egestate urgebatur; infelix quia non in via, sed secus viam inveniebatur; infelicior quia sedebat; infelicissimus quia ad hæc omnia, cæcus erat. Proinde non petit opes, non desiderat vestem, non reductionem in viam efflagitat, sed rogat ut videat. Omni enim egestate, & rerum penuriâ intolerabilius est, de-

stitui

Autui oculis ac lumine potissimum mentis. Unde Tobias ait: *Quale gaudium mihi erit, qui in tenebris sedeo, & lumen celi non video.* *Maximè*
 c. 5. Audiamus D. Gregorium hom. 2. differentem: *Cæcus, à Domino malum cæ-*
non aurum, sed lucem querit, parvi pendens extra lucem aliquid qua-
rere. ut palam sit ex sensu S. Doctoris maximam esse partem felici- *citas ani-*
 tatis, lumine donari; ex quo à contrario inferendum est, inter uni- *ma.*
 versas hominis miseras & calamitates, maximam esse cæcitatem.

Exodi 10. Pluribus & quidem gravissimis plagis punivit DEUS
 Ægyptum; mirum tamen est quod sacer scriptor solam nonnisi panam,
 quæ per tenebras illata est, appellet horribilem, dicens: *Facta sunt te-*
nebræ horribiles in universa terra Ægypti. Nonne horribilis fuit pla-
 ga, cum omne pecus mortuum esset Ægypti? nonne terribilis pœna
 per immissionem muscarum, locustarum omnia devorantium, ac ra-
 narum omnia implentium? per tonitrua & grandinem, ac discurren-
 tia fulgura per terram? nihilominus tamen soli illi plagæ, attribuit
 Sacra Scripturæ textus, quod fuerit horribilis; quæ causa rogo? Nem-
 pe aliæ strages sensibiles erant Ægyptiis, & animam cruciabant & cor-
 pus; hæc fuit pœna plane insensibilis, quæ solam aciem oculorum
 obtundebat, proinde horribilis vocatur. Nulla enim pœna horribilior
 cogitari potest, quam quæ lucem eripit, ita ut ne sentiat quis, se pe-
 rire, dum maxime perit. Servire hic potest, quod D. Ambrosius in
 Apologia 1. de David cap. 9. innuit: *Bonæ mentis est, vulnus sentire*
peccati, Nam qui expertes doloris sunt, non sentiunt vulneris acerbita-
tem: quod est immedicabilis aegritudinis. Qui autem aliquo dolore
punguntur: sicut doloris sensu non carent, ita etiam non carent sanita-
ris profectu. Ubi enim doloris sensus, ibi etiam sensus est vitæ.

Olea, c. 7. Proponitur hæc miseria peccatoris in Ephraim, ubi
 dicitur: *Factus est Ephraim quasi columba seducta non habens cor.* Se-
 ptuaginta legunt: *Factus est Ephraim quasi columba inspiens & amens,*
non habens cor. Duo hic potissimum occurrunt Speciali considerati-
 one digna. Imum est, quare peccatoris in Ephraim adumbrati compa-
 ratio

ratio instituat^r cum columba seducta? 2^{do}, cur cum columba cor non
Cur pecca- habente? Quantum ad primum: plurimæ rationes ejus comparationis
et compa- assignari possunt. Imo quia sicut columba intra rupium hiatus ni-
secur cum dificare solet, ut innuitur Cant: 2. *Columba mea in foraminibus petrae,*
columba se- *in caverna macerie;* ita anima peccatoris intra sacratissima Christi
ducta, crucifixi vulnera se recipere debet, monente S. Augustino, qui lib: 4.
 contra Jul. c. 3. ait: *Beata vita præstari hominibus non potest, nisi in*
Christo, cujus morte mors vincitur, cujus vulneribus natura nostra sa-
natur. Idem; tali animæ accommodari potest, quod columbæ intra
 fissuras rupium nidificanti additur: *secura nidificat.* Nullibi enim
 securam ac veram quietem peccator certius reperiet, atq; in Crucifixi
 vulneribus, ut affirmat D. Bern: serm. 61. in Cant: *Et revera ubi tuta*
firmag, infirmis securitas & requies, nisi in vulneribus Salvatoris?
Tanto illic securius habito, quanto ille potentior ad salvandum. Fre-
mie mundus, premit corpus, diabolus insidiatur, non cado, firmatus e-
nim sum supra firmam Petram. 2^{do} quia sicut columba juxta D. Ber-
 nardum, Hugonem Cardinalem, & alios, gemitibus gaudet, non habet
 enim alium cantum, quàm gemitum. Ita congruū est, ut peccatrix
 anima instar columbæ, assiduos contriti pectoris gemitus ac suspiria
 eructare discat; exhortante ad id, S. Nilo, Paræn: 54. *Quæcunq; iniquè*
fecisti, omnia cum gemitibus recordare; oritur enim hinc anima con-
 tinua compunctio. 3^{tio} quia sicut columbæ dicuntur residere juxta
 fluentia in solitudine; sic & anima pœnitens, ut in solitudinem interi-
 orem descendat, ibiq; gemat, & fluentia lacrymarum adamet, neces-
 sariū est. 4^{to} Columba fune, quo tenebatur, abrupto, in libertatem
 asseritur, cui additum lemma: *Effracto libera vinclo.* Peccatores istud
 emblemata concernit; his enim post disrupta peccatorum vincula, &
 præcisam peccati occasionem, in libertatem filiorum Dei eluctandum
 est, ut cum Regio vate gloriari valeant: *Laqueus contritus est & nos*
liberati sumus Psal: 123. 5^{to} Columba aquis vicina assidere solet ut
 in iis accipitrem venientem ab umbra explorare possit, juxta illud
 Cant:

Cant: 5. *Sicut columba super rivos aquarum.* Huic P. Jacobus mase-
nius addidit Epigraphen: *Umbras cave.* Similiter peccator veram ad
Deum conversionem cogitans, vel ipsam peccati umbram sedulo evi-
tare tenetur. Hanc ipsam similitudinem adhibet Richardus Victorinus
cap. 37. in cant: quamvis in diversa materia, ubi dicit: *Solent colum-
be super rivos aquarum residere, ut umbram accipitris, in aquis vide-
ant, & ita super aquam se projicientes, ejus ungues evadant; ita boni
umbras demonum in scriptura vident, cum omnimodam deceptionem
eorum, ibi reperiunt.* 6to Ajunt columbas ægrotas lauri folia ad
nidum deferre, & tali via pristinam recuperare salutem, unde lemma
adjicitur: *Ut sanemur.* Laurus est insigne victoriæ; proinde etiam
peccator saucius telo iniquitatis, laurum deferre, hoc est victoriam
sui procurare debet, ut sanetur. 7mo tandem quod proposito nostro
maximè congruit: quia sicut columba quamvis privetur pullis, mini-
mè considerat, minimè dolet, nec suum malum advertere videtur; ita
& peccatores ad hanc cæcitatem deducuntur, ut non videant sua da-
mina, nec pensent pericula. Demus aurem D. Hieronymo doctè in
hanc Sententiam discurrenti: *Sola, inquit, Columba ablatis pullos non
dolet, non requirit: eundem in modum iniquus ut seducta columba
ablatam gratiam, ablatam eternam vitam, ablatum calum, animam,
Deum, non dolet, non requirit, quia non sentit.*

Quantum ad 2dum Optimè peccator comparatur cum columba
non habente cor. imo ex eo: quia juxta Gregorium lib: 2. c. 11. in
Lib: Reg: ait: *Reprobi corda sua non habent; quia ea diabolus possidet.*
Unde & de proditore dicitur, cum diabolus jam misisset in cor ut tra-
deret eum Iudas Simonis Iscariotes. Si enim Iudas cor suum, & non di-
abolus possideret, ipse potius in eo bonum quàm diabolus malum pone-
ret. Et paulo post addit: *Quotiescumq; graviter delinquimus, cor no-*
strum non habemus. Quare Ieremias Iudaico populo graviter delin-
quenti impropere ait: *Audi popule stulte qui non habes cor.* Jerem: 5.
2do ex eo; quia si stamus iudicio Carthusiani, cor sumitur non lo-

Cur cū co-
lumba non
habere cor?

lūm pro potentia appetitiva tam corporali quā spirituali. Sed etiam pro cognoscitiva corporali item, & spirituali. Peccator itaq; est tanquam columba sine corde, hoc est sine intelligentia, ut pereat & se perire nec sentiat nec sciat. Hinc etiam juxta versionem, confertur cum columba insipiente & amente. Quid illo miserabilius? quid infelicius cogitari potest? 3tio ex Aristotelis sententiā: Cor est Principium vitæ, & ultimum mori. Siquidem ergo peccator privatur corde, eo ipso destituitur vitæ Principio, unde vitam trahere ac sentire valeat. Hæc ultima peccatoris miseria, quod erret absq; intelligentia, sensum absq; sensu pereat.

Congruentissimā id ipsum similitudine adumbratur Job 4. ubi dicitur: *Consumetur velut a tinea*, S. Greg: magnus in hunc locum: *Tinea damnum facit, & sonitum non facit: ita iniquorum conscientie, quia damna sua considerare negligunt, integritatem & gratiam, quasi nescientes perdunt, & quasi a tinea consumuntur, quia sine sonitu morsum culpe tolerant, dum quanta detrimenta vitæ, gratiæ amissionem patiantur, ignorant.*

A N N O T A T I O 6ta

IN MALEVOLAM ANIMAM NON INTROIBIT SAPIENTIA.

Constat ex superius dictis per veram Sapientiam, intelligi à Sanctis Patribus virtutem. Errat itaq; illa anima, quæ eodem corde virtutem & vitia, Deum ac diabolum, intendit complecti. Implacabile quisq; sciat, inter virtutes ac vitia dissidium esse. Peccatum & Sapientia seu virtus, simul in eadem sede non commorantur. *In malevolam animam non introibit sapientia.* Pyramidi à perpendicularibus radiis solaribus illustrata, nec minimam ex ulla parte umbram. Ipargenti, inscripsit quispiam: *Umbra nescia.* Eadem virtutis prerogativa est, quæ omnem vitiorum umbram, presenti suo splendore pro-

re propulsat. Hinc Tullius in Tuscul. 3. *Sapiens animus nunquam est in vitio, nunquam turgescit, nunquam sapiens irascitur.*

Insula Ivica, nulla venenata animalia pati potest, cui lemma adjectum: *Nec minimo temeranda veneno.* Parem & virtus naturam refert, cui nullum cum vitiis consortium. Rectè ab Ethnicis peccatum negationi per simile dicitur, quæ adeo malignantis est naturæ, ut quidquid post se invenerit, destruat. Pereleganter à Cicerone in Paradoxis est dictum: Vitam iusti debere esse adinstar carminis, cui si vel syllaba desit, aut exeret, exsibilis.

Genes. 27. non sine mysterio factum est, ut duo illi fratres Jacob & Esau, paternæ benedictionis candidati, simul convenire non potuerint, sed uno recedente, alter intravit, ut sacer textus testatur: *Egresso Iacob foras, venit Esau.* In his fratribus, virtus & vitium adumbrata sunt, quæ nunquam inter se, bene conveniunt, nec in eadem sede commorantur. sed cujuscunq; animo peccatum sese insinuaverit, ab eodem virtutem excludi necessum est.

Lucæ 19. Ad ingressum Christi in Domum Zachæi publicani & peccatoris, omnia simul effugiunt vitia. Ecce, inquit, *dimidium bonorum meorum, Domine, do pauperibus; & si quid aliquem defraudavi, reddo quadruplum.* In quem locum scribens, S. Ambrosius ait: *Zachæus excipiendo Christum, exclusit avaritiam, relegavit perfidiam, renuntiavit fraudibus: aliter enim non ingreditur Christus, nisi ut vitia excludat, quia non cohabitavit erroribus.* Et paulò post introducit ipsum Zachæum loquentem: *Iam non sum Zachæus, non prædo, non fraudator. Reddo quæ sustuli; reddo quæ auferre consueveram. Iam dono pauperibus, quos antè nudabam: jam mea confero, qui aliena rapiebam. Egerunt crimina, postquam Christus intravit. Diffusa est omnium carnalium cecitas passionum, ubi æternæ vitæ lumen infusum est.*

Exod. 13. Cur tam numerosi Ethnici in terra promissionis occiduntur, ut electus Dei populus inducatur. Sic enim Deus ad Moysem loquitur: *Præcedet te Angelus meus, & introducet te ad Amorrhæum,*

& Herbaum, & Pherazeum, Chananaumq; & Hevaum, & Gebusaum,
 quos ego conteram. D. Chrysostomus citatus in Gloss: per enume-
 ratas Gentes, vitia, & per Israelitas, virtutes interpretatur, ubi addit:
Non enim possunt virtutes cum vitiis morari. Matthe: 9, Christus Do-
 minus dicit. *Neg; mittunt vinum novum in utres veteres: alioqui*
rumpuntur utres, & vinum effunditur. In quem locum D. August:
 ferm. 186. de temp: *Spiritualia: inquit, non capit carnalis. carnalitas*
detusa est: gratia novitas est. Et S. Bern: ferm. 3. de Ascens.
 Domini dicit. *Nec mittunt vinum novum, nisi in utres novos, ut am-*
bio conferduntur. Neg; enim spiritus & caro, ignis & tepiditas, in uno
 domicilio commorantur. Eandem David, virtutem inter ac vitium, di-
 scordiam expressit. Psal. 5. *Neg; habitabit juxta me malignus.*

I. Reg: 5. In eodem altari Dagon & Area Domini consistere unâ
 nequeunt, proinde illatâ Arcâ Domini & positâ in altari, toties de-
 jicitur Dagon, quoties restituitur aræ. *Rursusq; mane, die altera con-*
surgentes, invenerunt Dagon jacentem super faciem suam in terra, coram
Arca Domini, caput autem Dagon, & duæ palmæ manuum ejus abscisse
erant super limen. dicit sacer textus. Huic idolo ad præsentiam Di-
 vine Arce corruenti additur lemma: *Nec in una sede morantur.* Nul-
 la equidem virtutis & vitii, Dei & diaboli in eadem hominis ani-
 ma combinatio. Unde D. Hieron: ait: *Nec enim Arca Dei poterat esse*
in loco, ubi simulacra introducta fuerant. Afferunt naturalistæ hanc
 esse inditam à natura proprietatem, Unicorni, ut alia omnia animalia
 à suo nido depellat, & ab eorum consortio abhorrescat, hinc Præci-
 pius naturæ indagator Plinius dicit: *Nullum aliud animal ad nidum*
suum admittit. Simili modo virtus omnia vitia, ab ea, quam sibi
 vendicat animam, penitus expellit ac excludit.

De Alexandro magno refert Plutarchus quòd ipse Cervæ, præca-
 vens, ne in tela aut manus Venatorum incideret, imponi curaverit
 auream torquem, cum hisce impressis verbis: *Noli me tangere, quia*
Cæsaris sum. Hoc votum, hic animus cujusvis Christiani hominis
 esse

esse deberet, ut impellente ad vitia animarum hoſte, exclamet: *Noli me tangere, quia virtutis ac Domini Virtutum, ego ſum.*

Joan. 2. Ingreſſus olim Chriſtus Ieroſolymam, invenit in templo vendentes boves, & oves, & columbas, & nummularios ſedentes. Et cū feciſſet quaſi flagellum de funiculis, omnes ejecit de templo. Quænam ratio, quòd manſuetiſſimus aliàs Dominus, tam acriter inſiſtit his hominibus de templo ejiciendis? Ima poteſt eſſe ex verbis ipſius Chriſti dicentis: *Domus mea, domus orationis vocabitur.* Ita nimirum diſplicet Chriſto irreverentia templi, ut qui multa alia delicta benigne diſſimulare ac condonare conſueverit, aut ſaltem aliis puniendi munus committere; hîc verò, ubi de Eccleſiæ diſhonore vindicando agitur, non in Apoſtolos eam curam rejicit, ſed ipſe in ſua perſona, flagellum facit, ultionem ſine miſericordia, de profanatoribus ſacri loci, ſumpturus; eo exemplo declarando quòd nihil magis divinam provocet juſtitiam, quam Domus Divinæ irreverentia. Nec immeritò: Eccleſia enim ut ait S. Chryſoſt. hom. 2. in Gen: *locus eſt Angelorum, locus Archangelorum, Regia Domus Dei, & calum ipſum.* Unde S. Paulus 1. cor. 3. monet. *Si quis violaverit templum Domini, diſperdet illum.* Idem rationem aſſert S. Iræneus, qui aſſerit ideo Chriſtum ſeveriùs egiſſe cum ejusmodi negotiatoribus, quia non rectâ intentione ingreſſi ſunt ſacras ædes; licet enim externis ſignis oſtentare viderentur pietatem; attamen [inquit prædictus Doctor] ad divinum cultum, atq; ſacrificium non attendebant, verùm proprio ſtudebant lucro; non erat iis cura de ſacrificiis, ſed de ſordida avaritia, proinde juſtâ promeruerunt à templo arceri vindictâ. 3tia ratio eſt, quam aptiſſimè ad rem præſentem, & breviffimè accommodavit D. Ambroſ. lib. 2. de Abel & Cain. cap. 4. *Chriſtus, inquit, de templo ejiciebat nummularios, quia ipſe volebat intrare.* Ac ſi non poſſet Templi Sanctificator, cum Templi profanatoribus in eodem templo convenire; ſed neceſſariò eſſent hî ejiciendi, ut ille ingrederetur.

Flavius Narva dictus totam cingens Lithuaniam, non ſolùm ve-

Cur de tē-
plo flagello
expelluntur
pendentes.

venenosos serpentes in sinum suum non admittit, sed etiam à suo illos districtu procul arcet. Sic Christus ac Virtus excludunt vitia.

Plurium aliarum Annotationum in eundem textum possunt esse semina. Imo Detrectat in animam introire Sapiencia, antequam ab anima exeat malitia. Sapiens enim est excludere de animo & confiteri culpas, insipientis autem fovere intra conscientiam & occultare. Hinc David Psal. 50. *Iniquitatem meam ego cognosco.* Eleganter D. Ambrosi. lib. 1. de interpellatione cap. 6. ait: *Lapsus suos Sapiens agnoscit, non agnoscit insipiens; lapsibus suis sapiens compungitur, insipiens delectatur. Iustus accusator est sui, insipiens assertor. Iustus praevenire vult accusatorem confessione peccati, injustus peccatum suum occultare desiderat.* Et lib. 3. in Luc: *Si iniquitatem,* inquit, *suam Dei amicus agnoscit, cur tu de confessione criminis erubescas, cum criminis commentum, non confessio sit pudori.* Joannis 11. Sulciturus Christus Lazarum magnà voce clamavit: *Lazare veni foras.* Inquirunt SS. Doctores cur Salvator Lazarum ad vitam revocaturus, non utitur potius hac allocutione: *Lazare dico tibi surge,* vel *revivisce;* sed *Lazare veni foras.* & dicunt Lazarum esse figuram per peccatum hominis demortui, qui tali viâ rediturus est ad vitam, si per confessionem eduxerit in lucem peccatum absconditum intra conscientiam. Audiamus D. Greg: hom 26. in Evang hunc locum, interpretantem: *Lazaro nequaquam dicitur revivisce: sed veni foras. Omnis quippe peccator, dum culpam suam intra conscientiam abscondit, introrsum latet, in suis penetratibus occultatur. Sed mortuus venit foras, cum peccator nequitias suas sponte confitetur. Lazaro ergo dicitur: veni foras, ac si aperte cuilibet mortuo in culpa diceretur: Cur reatum tuum intra conscientiam abscondis? foras jam per confessionem egredere; quia apud te interiùs per negationem lates. Venit itaq; foras mortuus, id est culpam confiteatur peccator.* Bene D. Cyprianus lib. 1. epist. 3. dixit. *Primus felicitatis gradus est non delinquere, secundus delicta cognoscere.*

2do Sapiencia non introibit in animam malevolam.

Hq.

Hominum usus obtinuit, alienas scrutari conscientias, ad ipsa interiora animæ penetrare. Sapientia autem non introibit: quia Sapientis est, se ipsum, non alios, propriæ reflexioni ac considerationi subicere, sibi introspicendo immorari, non aliis. 3tio Dolendum est quod exclusâ sapientiâ, malevolentia animam possideat, eiq; imperet. Facilius perîæpe mali, quam viri sapientes, hominum demerentur gratias, & ad possidendos animos aditum inveniunt. Rectè Seneca: *Rarò inquit, contingit felicem esse Sapientiam.* &c. &c.

ANNOTATIONES

IN textum qui sequitur: *Nec habitabit in corpore subdito peccatis.* Ex variis fontibus possunt deduci reflexiones. Imo ex eo cur in malevolam animam ne introitura quidem Sapientia prædicitur; in corpore autem subdito peccatis, solum non habitatura? 2do Cur Sapientia respuit habitationem in corpore subdito peccatis? 3tio non uni, sed pluribus peccatis corpus dicitur esse subditum. &c. &c.

A N N O T A T I O ima.

NEC HABITABIT IN CORPORE SUBDITO PECCATIS.

Quid est, quod Sapientia solam nonnisi habitationem in corpore subdito peccatis habere recuset? quæ ne primo quidem aditu malevolam dignabatur animam. Ergone plus hanc malis involutam averfatur, quam corpus subiectum culpis? Ita est. magis displicet Sapientiæ mala voluntas animæ, utpote principalioris in homine partis, quam delictum corporis, quod ejusdem regimini subesse

*Magnorum
ingens est
lapsus.*

deberet. Minus est si quis de æqualium aut subjectorum numero ex-
 xerret; ille gravissimus error est, qui principem involvit animum. Ma-
 gnorum ingens est lapsus. Magna censetur in oculo macula, quæ in
 reliquis membris modica reputatur. Sic spina oculo vel levissime in-
 fixa plus nocementi affert, quam si manui, vel pedi, altum inhæreat.
 Unde lemma eidem additur: *Auget præstantia labem.* Lapsus nimirum
 è Personæ gradu vel dignitate, plurimum incrementi accipit. Proinde
 S. Greg: hom: 17. in Luc. 16. utilem Viris spiritualibus ingerit reflec-
 tionem, dicens: *Nullum puto fratres Charissimi ab aliis majus præju-
 dicium, quam à sacerdotibus tolerat Deus, quando eos, quos aliorum
 correctioni preposuit, dare exempla pravitatis cernit.*

Nemo advertit si minora eclipsientur sidera, omnes excitantur
 ad spectaculum, ut solem in ecclipsi decumbentem avide circumspi-
 ciant, nulli q; in eo considerando parant studiis, teste Seneca qui
 lib: 7. nat: quæst. c. 1. ait: *Sol spectatorem, nisi cum deficit, non habet,
 nemo observat lunam nisi laborantem.* Prepterea etiam hac inscripti-
 one notatur: *Spektatur dum deficit.* Pulchrè hac similitudine ex-
 primuntur ii omnes, quos Deus tanquam luminaria magna ut præes-
 sent aliis, in ordine universi constituit. Illorum enim temper notabi-
 lis casus; errorq; sine gravi nota esse plerumq; nequit, ut bene adver-
 tit juvenalis.

*Vitium à ma-
 jori comis-
 sum nota-
 bilius red-
 ditur.*

Omne animi vitium tantò conspectius in se
 Crimen habet, quantò major, qui peccat habetur.
 Hic servire potest, illa, quam adhibet Virgilius, similitudo:
 Majoresq; cadunt altis de montibus umbra.

Sicut enim quò sublimior mons cernitur, eò majorem projicit
 umbram; ita quò eminentior Persona quæ peccat, eò gravior & lapsus.
 Tantò turpius est crimen, quantò conspectius in alto. Hoc Deus ex-
 probavit Salomoni Eccl: 47. *Dedisti maculam in gloria tua, & profa-
 nasti semen tuum.* Infamasti tantam gloriam tuam facillimè à libidi-
 nis & idololatriæ maculâ, eò nunc ignobilior, quò antea gloriosior.

D. Chrys-

D. Chrysoft. hom. 14. in matth. refert, quòd serpens, totum se ipsum tradit, nec minimum curat, si corpus inciditur; modo caput suum integrum fervet, Hinc eidem in gyrum convoluto, caput suum umice ac studiosè abscondenti, inscriptum est: *Tutus ni capite latus*. Id ipsum de Viris honoratis dixeris: Nam hi tanquam subditorum Capita, si à gravioribus culpis immunes vixerint? reliquum totum subjectorum corpus, salvum ac incolu ne constituyunt. Si cadant? plurimos suo casu trahunt, in ruinam. Eleganter id ipsum Carolus Rancatus vastæ arboris emblemate demonstrat, quæ turbinibus quassata, multas in ambitu suo confregit ac prostravit arbores, cui epigraphen e Catullo desumptum adjecit: *Cominus omnia frangit*. Porro magni celebresq; Viri sunt, adinstar præcellarum arborum, qui suis malis, ruinisq; multos prosternunt, ac in eandem præcipitant noxam.

Isaias cap. 14. attentè considerans pulchritudinem, splendorem, fortitudinem ac alia ornamenta naturæ Luciferi, simulq; expendens præcipientem illius lapsum, admirabundus clamabat: *Quomodo cecidisti de celo lucifer, qui mane oriebaris, corruiisti in terram qui vulnerabas gentes; qui dicebas in corde tuo: in celum conscendam, super astra Dei, exaltabo solium meum*. Diceret non nemo insultantis hunc affectum esse, sed pientissimus insultaretne Propheta, miserabiliter ad ultimam devoluto inferni calamitatem? adaugeretne seriâ exprobratione ruinam, & non potius convenienti prosequeretur compassione lacrymabilem afflictissimi statum? Caterum si advertamus hunc infelicem casum superbi satanz fuisse, haud mirabimur, etiam corda divino Spiritu agitata in ejusmodi calamitate exultasse; Superbus enim cadens insultationem, non compassionem meretur. Exodi 14. Rex Pharaon cum numerosissimo Exercitu suo populum Dei persequens, post longam cum aquis luctam in mari rubro, unâ cum suis copiis submersus est. Quanta hæc Ægyptiorum fuit elades! cum tot invicti Duces, absq; prælio, solius undæ impetu prostrati, tot juvenes in florida ætate turbulentissimo mari suffocati, tam copiosus exercitus rela-

beatium aquarum fluctibus involutus, uno pene momento interit. spectabant hebraei ad litus maris constituti, dolendam aegyptii populi stragem; videbant innumera mortuorum corpora impelli ad litus, & suis cernenda oculis proponi fædè distenta cadavera; neq; tamen lugubri spectaculo emolliebantur in lacrymas; non excitabantur ad suspiria & gemitum; sed potius lætis vocibus tam insperata aegyptiorum cladi alludebant, ut omnia ad hilaritatem compolitis hymnis & canticis personarent: *Tunc cecinit moyses & filii israel carmen hoc Domino, & dixerunt: Cantemus Domino.* Exodi 15. Quid est quod lugubri numerosa gentis fato, non ad lacrymas & commiserationem israelis excitarentur pectora; sed ad festiva tripudia. Nempe superborum erat calamitas. Examinemus quæ arrogantia ac præsumptio deduxit in aciem, tumidum Pharaonem. Non verebatur ille blasphemore, contra ipsum assurgere Deum: *Quis est Dominus ut audiam vocem ejus.* Exodi 5. Pollicebatur sibi victoriam dicens: *Persequar & comprehendam, dividam spolia, implebitur anima mea.* Proinde ejus clades non compassionem, sed insultationem merebatur.

Ceterum prædictus affectus convenientius videtur admirandi fuisse Prophetæ: *Quomodo cecidisti de celo lucifer?* Illa quæ stuporem ac admirationem movent, insolita esse consueverunt. Miratur ergo Isaias casum luciferi, ut ostendat non ordinarium illum lapsum at insuetum & gravissimum fuisse. Quod lucifer dignior ac perfectior habebatur, eò indignius aberravit, ut nec Propheta modum ac mensuram erroris exprimere posset. Mirari tantum, non eloqui grandem valebat errorem. *Quomodo cecidisti de celo lucifer?* Præclare Cælius secundus dixit: *Gravissimus in imperio morbus est, qui à capite procedit.*



A N N O T A T I O 2da.

NEC HABITABIT IN CORPORE SUBDITO PECCATIS.

NOvit subesse aliis, novit jugum pati Sapia, sed non peccato-
rum. Durissima nempe vitiorum servitus est, quam ferre nequit
Sapientis animus. Multum enim desipit ille, qui se peccatorum
subjicit dominio.

Quis plenè explicare poterit, quam misera sit peccatoris condi-
tio, quem velut mancipium vilissimum, catenis vinctum, trahunt in præceptis vitia; aut quod ignominiosius, nec ulli sapienti conveniens, capistro in os ejus, aut collum injecto, tanquam jumentum, omnem in partem, quò libet, trudent, agitant, impellunt. O quàm acerbum est hoc ludibrium Deo & Angelis ejus, quàm abjectissima servitus, quàm crudelis tyrannis! & tantò quidem ærumnosior, quòd peccator ipse suâ sponte, hæc sibi vincula, hoc fenum injiciat. *Iniquitates sue capiunt impium.* inquit Salomon Prov: 15. *& funibus peccatorum suorum constringitur.* *Stultitia peccatis sub-
jici.*

A tam insipienti consilio reducere conatur mortales divinus Plato libr: 9 de Repub: sic alloquens hominem: *Quoties peccas toties te velut catenâ revinctum, nequissimo, & spurcissimo Domino, pro mancipio tradis.* quasi diceret: quivis ratione præditus, meliorem inquitrit Dominum, cui serviat, quare insipientissimum illum esse, incomperto est, qui nequissimo, & insuper spurcissimo Domino se subjicit. Unde Cynicus ille Diogenes, ut refert Philo, cum adverteret quendam de servitute hominis liberatum, novâ felicitate exultare, gratulantesq; eam liberatam, amicos audiret: *Miratus est fatuum eorum judicium.* quasi crederent è servitute exiisse, qui pravis affectionibus non dum renuntiasset. Et addit Philo: *Servi & verberones sunt omnes, quotquot, non hominibus, quod levius est; sed rebus vilissimis, mero, aliisq; co-*
quorum

quorum ac cupidiorum curiositatibus, in gratiam ventris dant operam.

Genesis 9. Primus locus Sacrae Scripturae legitur, in quo servi nomen auditur, ubi Noe filio suo Cham maledixit; dicens: *Maledictus puer Chanaan, servus servorum erit fratribus suis.* Tria potissimum hic consideranda occurrunt. 1mo cur maledicitur ille, qui in servitute aliorum destinatur? 2do cur pueri nomine compelletur? 3tio cur non quomodocumq; servus, sed servus servorum denuntietur? Quantum ad primum S. Augustinus duplicem servitutis causam assignat, unam adversitatem, alteram iniquitatem, dicens: *Servum, hominem homini, vel iniquitas, vel adversitas dominari fecit. Iniquitas quidem sicut dictum est; maledictus Chanaan, erit servus fratribus suis; adversitas vero sicut accidit ipsi Ioseph.* Servitus itaq; ad quam damnatur Cham, ab iniquitate sumpsit exordium, proinde maledictioni subiacet, ut palam cuiq; sit servitutem, quam inducit peccatum, omni servitute duriores & intolerabiliorem esse. Nam sicut maledictorum, ad inferos damnatorum condicione, nulla deterior, nulla vilior & acerbior, ita nullum gravius iugum, quam quod homini imponit peccatum. Hinc etiam ex sensu D. Augustini solus peccator, jure servus dicitur: Sic enim lib: 19. de Civit: cap: 15. ait: *Conditio Servitutis jure intelligitur imposita peccatori. Proinde nusquam scripturarum legimus servum, antequam hoc vocabulo, Noe justus peccatum filii vindicaret. Nomen itaq; istud culpa meruit, non natura.*

Quantum ad 2dum pueri nomine illum denotat: *Maledictus puer.* Nam sicut pueri, aut rationis usu non dum praediti, aut maturo destituti judicio, plerumq; variis in actionibus desipiunt, & exerrant; ita plurimum desipit ille, qui se peccato subjugandum permittit. Tandem servus servorum denuntietur, ut vilitas ac indignitas hujus servitutis, maxima declaretur; quod enim viliores quis patitur sibi dominari, eo vilior ac contemptibilior esse convincitur; cum ergo Cham, non alicujus Domini, nec unius potestatis, sed servus servorum efficitur.

aitur, quis non videat ad quantam deturbetur ignominiam: Unus enim plurium tyrannidem & jugum sufferre cogitur. Recte peccator comparari potest eum illo rationis experte pullo asini, quem Dominus ad se adduci imperavit; eumq; Marci ii. narrat Evangelium, fuisse *ligatū ante januam, foris in bivio*, seu ut legit D. Ambrosius lib. 7. in Luc. *foris in transitu*. Ubi pluribus verbis significatur, satis apertus & pervius fuisse locus ille, in quo hic pullus ligabatur, non sine mysterio, ut declaretur peccati servus palam & in propatulo expositus, omnibus cupiditatibus ac libidinibus, tanquam pluribus Dominis coerendus. Sed jam deus aurem discursui D. Ambrosii, qui in Epist. ad Collos. cap: 4. sic ratiocinatur: *Apud Deum, inquit, hic servus habetur; qui peccaverit. Deniq; peccati causā, Chan servus audivit: Maledictus puer Chanaan: servus servorum erit fratribus suis. Cui sententia veteres assensere: ita ut definirent omnes prudentes esse liberos: stultos omnes esse servos: quia prudens abstinere à peccatis; stultus subijcit se peccato.* Non miremur ergo quod Sapientia recuset habitationem in corpore subdito peccatis.

A N N O T A T I O gia

NEC HABITABIT IN CORPORE SUBDITO PECCATIS.

Mirum esse videtur quod corpus, in quo manere recusat Sapientia, non uni, sed pluribus peccatis subditum esse perhibeatur? ceterum si consideratiùs proprietatem peccati expenderimus, haud mirabimur. Semper enim vitia, nisi primo in aditu excludantur, associata progredi consueverunt. Ubi vel unicum peccatum stationem fixit, statim plura irruunt, ut vix unquam solitarium incedere advertatur peccatum. Unde Tobias cap: 4. monet diligenter suum filium dicens: *Cave ne aliquando peccato consentias.* Noverat equidem pi-

Nūquā solitariū incedit peccatum.

Dd

entissimus

*Ratio cur
unum pec-
catum tra-
hit ad ali-
ud.*

entissimus Pater; lubricam esse viam ab uno peccato ad alia. Qui ne-
gligit lapsum suum, haud unico invenitur obnoxius peccato, sed licut
rupes ex alto præceps ruens, multos secum lapides & sordes trahit
deorsum; sic in ruina peccantis & negligentis, contingit plurima con-
necti crimina. Cujus ratio multiplex est. 1mo quia id divina Ju-
stitia exigit, ut qui ausus est Deum offendere, & in peccato hære-
re, meritò à Deo deseratur, & in aliud ruere pernititur. Audiamus D.
Gregorium in hanc sententiam perorantem. *Peccatum, inquit, si citi-
us penitendo non tergitur justo judicio Omnipotens Deus, obligatam pec-
catis mentem, etiam in alteram culpam permittit cadere; ut qui flen-
do & corrigendo noluit mundare, quod fecit, peccatum peccato incipiat
cumulare.* 2do id contingit ex magna fragilitate, quam contrahit
voluntas, amissa per peccatum gratia, Nam sicut recedente animâ, cor-
pus labitur, magisq; ac magis in horas & dies faterè ac corrumpi in-
cipit, ita pariter anima rationalis, vivificante se desituta gratia, ma-
joribus involvitur malis. Et sicut subtractis domus columnis, quibus
innititur, cadit fornix, fornicem superius conclave sequitur, ruente con-
clavi ruit tectum, unum trahit alterum; ita homo contractâ Gratia
sanctificantis columnâ; cui tota basis ædificii spiritualis incumbit, huc
illuc lapsando vacillat, corrumpit, & in ultimam devolvitur perniciem.
Accedit huic rationi robur à communi Theologorum sensu, qui do-
cent non posse hominem sine gratia, diutius omnia peccata mortalia
vitare. 3tio provenit etiam id, ex eo: quia sicut virtutes inter se, quan-
dam connexionem habent, juxta illud Psalmi 83. *Abunt de virtute
in virtutem;* ita & peccata nexu quodam colligantur, ut hic verè il-
lud usurpari possit. *Abyssus abyssum invocat,* dum peccator de pecca-
to in peccatum ruit, quòd statim à lapsu surgere non curavit. Hæc
ipla doctrina multis deducitur instantiis. Nam ut incipiamus à Prin-
cipe Apostolorum Petro; hic imprimis fuit sibi præfidens, & aliquan-
tùm arrogans; deinde, quo tempore precandus erat Deus, dormivit;
cùm quiescendum, pugnavit; cùm standum, fugit; cùm libere confi-
tendum

tendum, negavit, & juravit; hisce gradibus ab uno peccatoolvebatur ad aliud. Quid de Iſcariote dicendum, neq; ille statim ſcelertiſſimus exſtitit, ſed primò tenax æris & cupidus, poſtea avarus, ſucceſſu temporis murmurator, fur, obſtinatus, è diſcipulo Chriſti inimi-
cus, dominicæ cænæ impius conviva, Proditor Jeſu ac venditor, Dux
& antesignanus ſcariorum. Simile exemplum in Davide conſpici-
mus, qui primò otioſus, deinde curioſus ac immodestus, tandem li-
bidinoloſus, adulter & homicida. Pluribus aliis ſimilibus instantiis ple-
na eſt ſcriptura & hiſtoriæ. Pulchro emblemate idipſum depingitur
apud Ioannem Baptiſtam Mazzolenum, qui unius hominis vaſſritiem
demonſtraturus, curavit depingi niveum globum, per montis præci-
pitium devolutum, ubi ex ſociata nive, in amplam molem excrevit,
cui addidit epigraphen: *Cumulata cadendo*. Ita ſcilicet homo unius
peccati caſu, in plura devolvitur ſcelera.

Joan. 4. Fatigatus ex itinere Chriſtus, ſupra fontem ſedens, Sa-
maritanam mulierem de unico tantum incontinentiæ arguebat peccato,
quòd ſcilicet pluribus commiſceretur viris: *Quinq; viros habuiſti, &
nunc quem habes, non eſt tuus vir*. illa vero conſcientiæ ſtimulo tacta,
relinquens hydriam ad puteum, citato paſſu cucurrit in urbem, evocās
omnes ad omniſcium Prophetam, nuntianſq; illis dixit: *Venite videte
hominem, qui dixit mihi omnia quæcunq; feci*. Quid eſt? unum Sal-
vator mundi, exprobravit illi delictum, ſilentio preſſit cætera; mulier
tamen, omnia ſua prodiſſe in publicum peccata enuntiat; voluit nimi-
rum ſignificare, nunquam ſolitarium incedere peccatum. Quò vel u-
nicum procedit, plurima alia ſubſequuntur. Eandem difficultatem
movet D. Chryſoſtomus homil. de Samarit. ubi ait: *Unum tantum di-
xit ei ſcortationis peccatum Chriſtus, & illa relictâ hydriâ, cucurrit ad
urbem dicens: Venite & videte hominem qui dixit mihi omnia quæ-
cunq; feci*. quaſi mulier illa diceret: ſufficit vel unius me convictam
eſſe ſcleris, quiſq; facile inferre poteſt, non unius criminis me ream
eſſe. Peccato laſciviæ me contaminatam nuntiavit Chriſtus: O-

omnia ergo alia crimina mea palam fecit; Haud enim unum absq; committatu plurium scelerum, incedere conluevit peccatum.

Errores facundi.

Didacus Savedra volens demonstrare, quā sint facundi errores, lapidem depingi fecit, qui in aquam projectus, ex animis alios identidem innumeros circulos, intra undas effernat; cui additum lemma: *Ab uno multiplices.* Quod ipsum D. Greg. Nazian: pulchro carmine expressit.

Et lapidem, si quis tranquillas mittat in undas,

Egregios turbat latices, vitiatq; colorem.

Multipliesq; orbes, dum mē nascuntur in undā.

Cujus emblematis sensum, apte accommodat rei nostrae, Justus Lipsius. Centur: 1. Cap: 13. dicens: *Licentia una, janua & aditus ad omne scelus.* Et S. Chrylost. serm. de Absalon: eandem promouet sententiam, ubi ait: *Semper scelera, dum non referantur, crescunt, & in augmenta facinorum profilitur.* Accedit & S. Augustini auctoritas, qui lib: 8. conf: cap: 1. sic differit: *ex voluntate perversa, facta est libido, & dum servitur libidini, facta est consuetudo, & dum consuetudini non resistitur, facta est necessitas.* Huc referri potest quod Virgilius lib: 9. Aeneid: canit:

- - - Facilis descensus averni

Noctes atq; dies patet atri janua ditis

Sed revocare gradum, superatq; evadere ad auras

Hoc opus, hic labor est.

Cur peccata assimilantur funibus.

Proverbiorum 15. assimilat Sapiens peccata funibus, dicens: *Iniquitates suae capiunt impium, & funibus peccatorum suorum constringitur.* Quae rogo causa hujus comparisonis? Ex multis.

Ima potest esse: quia sicut fune alligatus movere se nequit, ita & peccato adstrictus nullum salutarem motum efficere valet; si quisdem juxta Theologorum doctrinam, nulla opera, quamvis aliā viderentur heroica, in statu peccati facta, conducunt ad salutem, nec profunt saltem immediate efficaciter ad vitam aeternam: mortua enim sunt.

2da ratio, quia sicut funis ex tenuibus grandescit filis; ita & *A minimis* graviora peccata, à levioribus intumescunt, juxta illud Eccl: 19. *ad maxima Qui modica spernit paulatim decidet.* Sicut enim per frequens stil-fit progressu licidium & madefactionem tignorum domus, disponuntur ades, ut fa-sus. de corruant, sic per levia peccata disponitur homo, ut tandem in præceps vitiorum abeat.

Henricus Farnesius Eburno, ut demonstraret, à principiis tenuissimis, res nonnunquam maximas enasci, crocodilum depinxit; ovis suis vicinum, cum inscriptione: *Maxima de minimis.* Nam animalis hujus ova asseritis paulò majora, tandem vastam belluæ molem, nullo crescendi termino continendam excludunt. Sic peccata à minimis initiis in summa exerceunt: unde S. Christi: hom: 87. in Mattha ait: *Quid enim est risus, aut quid unquam ex risu mali sequetur? Orta tamen ex immoderato risu paulisper scurrilitas, à scurrilitate surpiloquium, à surpiloquio operatio turpis profecta.*

Et concludit tali epiphonemate: *Sic à minimis ad maxima gradatim diabolus ducit, & inde ad desperationem detrudit.*

Optimè hæc ipsa veritas adumbrari potest in Samsonē, qui amissis criminibus deplorandam sui roboris, & vitæ subiit jacturam, fecitq; talis lemmatis occasionem: *Sic vires à minimis pendent.* Ita nimirum [ut S. Bernardus de ord: vit: & mort: instruit] *Minimis incipiunt, qui in maxima prolabuntur. Verissima est sententia: nemo repente fit summus.*

Referunt non pauci Authores, quod Aquila, minutissimo pulvere intra alas collecto, sese inter cervi cornua insinuet, ubi pulverem *Pulvis ex omnem in cervi oculos excutit, eundem tandem penitus ex acatū cecat oculum.* & rupe præcipitat, ac vitæ privat: inde ortum lemma: *Ex pulvere los. mortem.* Ad similem cæcitatem, sed gravius, quia æternum præcipitum deducunt plerumq; hominem, ea quæ sibi videntur minima; ut bene monet D. Cyprianus: erm: 2. de zelo & liv: *Dominus prudens nos esse jussit & cautâ sollicitudine vigilare præcipit, ne adversarius*

vigilans semper, & semper insidians, quando in pectus obrepit, de scintillis conflagrat incendia, & parvis maxima exaggeret, & dum remissis & incantis leniore aurâ, & flatu molliore blanditur, procellis ac turbibus excitatis, ruinas fidei & salutis ac vitæ naufragia moliat.

Plinius lib. 8. c. 5. de Elephante testatur: *Elephantes amnem transiuri, minimos præmittunt, ne majorum ingressu alterente abieum, crescat gurgitis altitudo.* Unde Lucarius, minoribus flumen ingressuris, inscriptionem adjecit: *Sequentur majores.* Simili quoque gradu, à levioribus noxis ad gravissima descenditur peccata, ut innuit Horatius lib. 1. Epist. 20.

Ludus enim genuit trepidum certamen & iram.

Ira truces inimicitias, & funebre bellum.

Expressius id ipsum D. Chrysost. ad Galat. 1, prolequitur, ubi ait: *Ob id majora scelera subierunt, quod minoribus debita correctio non adhiberetur.* Et: *In animis, qui pusilla dissimulant, majora invitant.*

Pulchrâ similitudine eandem rem enucleat D. Greg. Nazian. car. 3. ad Virgin. inducens Adami querelas, ob unius pomi esum, ad magnam mileriam & pænas destinati.

Exiguus cibus mihi mortem invexit acerbam

Nam scelus hoc, scelerum densissima turba secuta est.

Non aliter, quam cum perruptis manibus, urbem

Ingreditur miles, sequiturque exercitus omnis.

Narrant Historici quod ficus indica, tam admirabilis sit fecunditatis, ut ejus folium mediâ sui parte, in terram plantatum, non solum radices agat, sed etiam alia folia ex se producat, quæ folia non minus fecunda, iterum generant, donec longo semper ordine, alia ex aliis succrescentia ingentem ac in amplum diffusam arborem constituent. Huic Carducius subdidit Epigraphen: *Fronde parit sylvam.* Parem fecunditatem præferunt scelera; quæ à minimis incipiunt, ut in maxima grandescant.

Ciphra nullum valorem referre videtur, si se sola fuerit; adeo
ut pas-

ut passim ab omnibus cum nihilo confundatur; hæc tamen alteri cuiusvis lociata numero, non levem summam constituit, cui subscripsit quidam: *Enihilo plurima*. Eam experiuntur veritatem, qui nihili levia æstimantes peccata, ad summa pervenerunt; illaq; grandem & periculosam multiplicandi occasionem subministrarunt, quæ nihili æstimabantur. Monet itaq; universos D. Isidorus, de norma bene vivendi; ut qualvis noxas quantumvis minimas; summo conatu evitemus; dicens: Qui verba mala non reprimit, ad noxia citò transit: & qui minima non respuit, in maxima valde prorumpit; minor namq; culpa maiorem generat.

3tia ratio predictæ comparisonis peccatorum cum funibus, est quia sicut ad rumpendum grandiozem funem, homini vires naturales ac ordinariæ non sufficiunt; ita superat id naturalem potentiam hominis, ut exuat peccati vincula, quæ sibi voluntarie imposuerat. Hinc David Psal: 115. agit Deo gratias, quod eum ab ejusmodi vinculis liberaverit, dicens: *Dirupisti vincula mea, tibi sacrificabo hostiam laudis*. Per hoc innuens non alterius, nisi Divinæ potestatis esse, hos peccatorum dirumpere funes.

Ut autem alias omnem rationem, illa huic loco, maximè convenit, quam Venerabilis Beda, in hunc locum scribens affert, ubi dicit: *Impi funibus peccatorum suorum constringuntur, cum incessabili augmento suæ pravitatis intereunt. Qui enim funem facit, torquendo semper & involvendo, filis fila adauget*. Nempe hæc crimum est connexio atq; colligatio; ut unum peccatum trahat ad aliud. Sic gula trahit ad libidinem, libido ad factum &c. Et ut S. Ambrosius lib: 1. de Virgin. ait: *Non est sola ebrietas; primum ebrietatis malum, pudicitie periculum*; ibi sermo petulans, procax, jurgiosus, lascivus &c: ex quibus omnibus fit funis tam implexus & crassus, ut rudentibus nauticis æquari possit. Hi sunt illi rudentes, de quibus S. Petrus loquitur. 2. Ep. cap. 2. *Rudentibus inferni detractos in tartarum tradidit cruciandos*. Peccator enim sibi ipsi è propriis flagitiis funem necit, quod se detrahit ac devolvit in præceps.

Docent.

Docent Naturalistæ, Crocodilum, quamdiu vivit, crescere. unde sen-
tina: *Cum tempore crescit.* Certe vitia nullum incrementi sui termi-
num, aut menuram habent. Verissimè Seneca; *Ita quantumvis exi-
gua sint, in majus excedunt; nunquam perniciose servane modum &c.*

A N N O T A T I O 4ta.

NEC HABITABIT IN CORPORE SUBDITO PECCATIS.

*Servire Deo
venuēs, mul-
torum ser-
vituti subji-
citur.*

VNa Sapientia deserit corporis mansionem, seu hominem affecti-
onibus carnis illaqueatum, & plura peccata eundem sibi iugant.
Ita nimirum, qui uni sapientiæ, id est Deo ac Virtuti servire renu-
nit, necesse est ut pluribus vitiis, tanquam immanissimis tyrannis subji-
citur.

Appositè D. Ambrosius lib. 7. in Luc: exclamat: *Misera servi-
tus cui vagum jus est. Plures enim Dominos habet, qui unum non
habet.* Et in illud Psal: 118. *Tuus sum ego salvum me fac,* scribens
ait: *Satis rarus est, qui possit dicere: tuus sum. Non potest dicere se-
cularis: tuus sum. Plures enim Dominos habet. Venit libido, & dicit:
meus es, quia ea, quæ sunt corporis concupiscis. Venit avaritia, & di-
cit: meus es, quia argentum & aurum quod habes, serpitutis tuæ pre-
tium est. Venit luxuria, & dicit: meus es; quia unius diei convi-
vium, pretium tuæ vitæ est. Venit ambitio, & dicit: planè meus es,
nescis quòd ideo imperare aliis te feci, ut mihi ipse servires? nescis quòd
ideo, potestatem in te contuli, ut meæ te subjicerem potestati? veniunt
omnia vitia, singula dicunt: meus es, quem tanti competunt, quam-
vile mancipium es.*

Luc: 14. Homo quidam fecit cœnam magnam lautissimamq;
& opiparum præparavit convivium; Cum inter alios invitatos, Unus
ab expeditis ad id munus obeundum, servis, vocaretur ad cœnam, re-
spondit

Respondit: *Iuga boum emi quing.* & eo probare illa, habere me excusatum. Præsupponendum imprimis per hunc hominem, qui fecit cænam magnam, juxta sensum SS. Patrum, denotari Christum Dominum. Sic enim S. Greg: hom: 36. in Evang: loquitur: *Quis iste homo est? nisi ille, de quo per Prophetam dicitur: & homo est; & quis cognovit eum?* Expressius id ipsum D. August. proponit de verb: Domini term: 33. *Quis est iste homo, nisi mediator Dei & hominum, homo Christus Iesus.* Accedit & S. Bonaventura, qui in Luc: 14. assignans rationem cur Christus Dominus vocetur homo quidam? ait: *Nam Christus dicitur homo quidam, singulariter conceptus sine virili semine, natus sine Maris dolore.* Hoc supposito, expendamus accuratius circumstantias vocantis ac invitantis Christi, & excusantis se hominis. Ima Circumstantia ex parte Christi est, quod licet Christus sit Dominus omnium non imperiosè tamen trahendos ad se, sed benevolè invitandos judicaverit homines. Tum quia magnificentiùs sibi esse duxit, si liberè quisq; ad sua evolveret obsequia, quam si inviti traherentur. Poterat quidem Deus, Te cogere o homo! sed coactum ad sua obsequia servum, haud patitur admittendum ejus Magnificentiâ. Tum quia cum majore gloriâ, id futurum erat creaturæ, si liberè obsequia deferret Deo, ad quæ tenebatur ex natura. Tum quia voluit demonstrare salvator in plena libertate conservatum esse hominem, nihilq; per suas illustrationes ac vocationem libero hominis derogari arbitrio. Unde S. Augustinus lib: ad Marcellinum c. 34. dicit: *Misericordia Dei prævenit nos, consentire autem vocationi Dei, vel ab ea dissentire, propriæ voluntatis est.* Et S. Thomas quæst: 3. de Potentia, art: 7. ad 13. *Voluntas dicitur habere Dominium sui actûs, non per exclusionem Cause primæ, sed quia Causa primæ, non ita agit in voluntate, ut eam de necessitate ad unum determinet, sicut determinat naturam, & ideo determinatio actûs relinquitur in potestate rationis & voluntatis.* Tum quia amorem sui, benevolâ invitatione conciliare, ejusq; pretium intimare creaturæ, quàm severioribus edictis timorem incutere maluit. Efficacior enim

Dei serviti-
um libertas

enim ad parandos in subjectionem subditorum animos Principum benevolentia, quàm armata ad incutiendum pavorem majestas &c. 2da circumstantia est, quòd Christus non ad laborem, non ad vilia, abjectaq; munia, sed ad cenam magnam, non parvo comparatam pretio ac impensis, invitet. *Fecit cenam magnam. misit servum horà cane dicere invitatis.* Nam servire Christo quicq; libelle legibus, non est labor, nec vile obsequium, sed magni ad instar convivii. Unde Regius Vates Psal: 118. ait. *Portio mea Domine dixi, custodire legem tuam.* Et in alio loco. *Legem posuisti mihi, quàm dulcia faucibus meis eloquia tua, super mel ori meo.* Sub mundi, carnis, ac demonis potestate vivere, ingens jugum, atq; extremum exitium est, inter servos Christi numerari jube convivium, & plusquam regium est.

Quos Deus ad sua invitat obsequia, ad magnam cenam vocat, quam summa subsequitur quies. Propterea etiam David Psal. 115. maximè inde exultat & gloriatur. *O Domine quia ego servus tuus, ego servus tuus, & filius ancillæ tuæ.* Volens universos docere: nihil majus aut gloriosius esse, quam servire Deo. Ex parte autem excusantis hominis ima est circumstantia consideratione digna: *Emi,* inquit, *juga.* Christus benevolentissimè omnia offert homini, & oblata recusat gratiam acceptare homo; à mundo emi debent non levi pretio, quæ habere exoptat homo; & nullis parcitur sumptibus. Christus invitat amicabilissimè ad convivium, & contemnitur; durè imperat & jugum imponit mundus, & ottemperatur. O miseram mortalium sortem! o deplorandam cæcitatem! Recte D. Bernardus, bestiis ejusmodi hominem comparat, dicens: *Bestialior, bestiis comparatur, qui jura necessitatis eorum, propria ipse subeat voluntate.* 2da circum-

Grave jugum stantia maximè ad præsentem materiam serviens, est; ubi ait invitatur, qui *tus: Iuga boum enmi quinq;.* Ab unius Christi vocatione recessit, & sub plura juga collum misit. Uni servire recusavit, & multis subijcitur. Nonne commodius unum, & quidem suave, ferendum erat jugum, quàm quinq; & hæc boum gravissima & ignominiosa sustinere? sed

fed hæc est protervæ ac inconsultæ mentis pæna, ut quæ à suavissima lege Dei, eximi contendit, plurima & vix sufferenda admittat iuga; ut citatus mellifluus Doctor D. Bernardus ait: *Cum sine iugo esse non possint, quale hoc ipsum est? eligere potius quing., quam unum. quis enim potest servire quing. Dominis, nedum quing. prædonibus? &c.*

Appositè assimilari potest homo unius Dei ob quia deferens, e-
jusq; præceptorum jugum excutiens, fluvio suum alveum deferenti, &
in multos effluenti rivos; de quo canitur:

In plures quoties rivos deducitur amnis:

Fit minor, atq; unda deficiente perit.

Ita enim sub unius imperio detrectans vivere, sub plurium ty-
rannide emori cogitur.


Comparari item potest cum ovicula à suo Pastore in sylvas aber-
rante, quæ molestius ferens sui Pastoris custodiam, in prædam multo-
rum cedit luporum. Unde S. August. lib. de Pastor. c. 8. monet:
*Furantur lupi insidiantes, rapiunt leones frementes, cum oves non habeant
Pastori.* Eandem sententiam S. Petrus Chrysol. serm. 168. promovet,
ubi dicit: *Ovis vocem Pastoris oblita, dum lupinis ululatibus credit,
& caulas perdidit salutes, & tota lethalibus est sauciata vulneribus.*
Simile quid S. Joan Chrysost. tom. 6. serm. de Bapt. Chr. adducit, lo-
quens de Judæ prædatore: *Nisi se ipsum à Pastore segregasset, bellua præ-
da factus non esset.*

Plurium aliarum annotationum hi in super fontes esse poterunt.
Imo Sapiëntia non habitabit in corpore subdito peccatis. Haud e-
nim conveniens Sapiëntiæ domicilium est, quod obnoxium peccatis.
Nam sicut vitrum sordibus & luto infectum, minimè aptum reperitur
ad excipiendos solis radios; item turbida aqua, ad speciem vultus hu-
mani representandas; ita & homo ineptus est ad complectendam Sa-
piëntiam, qui vitiorum sæditate equallet. Vespertiloni subscripsit Ar-
changelus Conter: *Cecurrit lumine.* Ita pariter homo carni deditus,
ad negotia divina contemplanda, caelestiq; Sapiëntiam capiendam

nunquam eluctatur: ut S. Augustinus lib. 2. de lib. arb. cap. 18. ad Deum oratione directâ, innuit: *Qui se avertunt à lumine tuo, tanquam dorsum ad te ponentes, in carnali opere, velut in umbra sua desiguntur.* 2do Refugit Sapientia corpus peccatis subjectum Liberas nempe, nec ullis affectionibus implexas incolit mentes, servilem averſatur animum Sapientia. Illud ad amatores veræ Sapienciæ accommodari potest, quod D. Augustinus ad cultores libertatis ulurpavit, de vera Relig. c. 48. monens: *Quem delectat vera libertas, ab amore rerum mutabilium liber esse appetat.* Quicumq; desiderio fertur obtinendæ Sapienciæ, terreni carceris; & compedum sit impatiens. Succinum paleas attrahit, non alicujus violentiæ injuriâ, sed virtute tranquillâ & suavi, unde illi additum lemma: *Non vi, sed virtute.* Haud aliter Sapientia humanis mentibus sese insinuat; illas enim incolit, quas sibi virtus præparavit, longè eas averſatur, quæ vitiorum jugo tenentur.

Sed jam huic imæ parti, finem imponere placet, plura secuturis, ejusdem explicandi Capitis Partibus, si sic Superis Superioribusq; placebit, reservando.

Ad M. D. T. O. M. Gloriam. V. I. C.
Honorem. SSrumq; Tutelarium.
VENERATIONEM.





I N D E X

Rerum Notabiliorum

A

- Ab Animo ordinato omnis profectio pag. 30.
Abundare debet, qui sibi & aliis vult sufficere, p. 19.
Adriani præclarum dictum Præsidibus observandum, p. 26.
Adulatores arcendi à consilio p. 155.
Æquanimitas ad omnes. p. 56.
Affectus errat in judiciis. p. 49.
Affectus malè rebus imponit nomina. p. 50.
Affectus plerumq; de rebus format judicia. p. 47.
Agathon silentium discit. p. 43.
Agnus non sibi vellus portat. p. 16.
Alexander monet, ut suo nomini respondeant. p. 29.
Alexander vult inter Deos referri. p. 31.
Alexandri unum scelus omnia præclare gesta contaminavit. p. 18.
Alipius sibi prædens miserè cecidit. p. 173.
Anor efficax ad persuadendum. p. 10.
Anima malevola quid? p. 105.
Animæ malum maximum cæcitas. p. 94. & 196.
Animalia vocat Adam ex prævisione qualitatum. p. 28.
Animi index vultus. p. 26.

Animorum unio. p. 74.

Applausus Græcorum qualis in introductione Imperatoris? p. 24.

Apologus de Leone asino & lupo male judicantibus. p. 90.

Apologus de Corvo. p. 104.

Apostoli congregati merentur videre Christum. p. 74.

Apostoli sine lacculo & pecunia mittuntur cur? p. 68.

Aqua piscinæ Probaticæ, nonnisi turbida sanat agros. p. 27.

Arbores excusant Regnum cur? p. 27.

Argumentum Libri Sapientiæ p. 3.

Aristippus persecutorem vicit, silendo & cedendo p. 190.

Author Sapientiæ Libri secundarius incertus. p. 1.

Varia de illo Patrum Opiniones. p. 2.

Augmenta perfectionis Majora semper debent esse. p. 83.

Aures obturat Christø ad preces pro homine immiserico corde. p. 100.

B.

Benevolentia plus efficit quàm furor. p. 191.

Boni à Malis citiùs pervertuntur quàm mali à bonis meliorentur p. 119.

Bonitas latere, non apparere quærat. p. 44.

Bos ad dignitatem Cherubini evectus. p. 42.

Bucefalus excultus præter Alexandrū, aliū non admittit sessorej p. 26.

C.

Camillus detestatur dolos p. 58.

Candida vestimenta cur requiruntur. p. 33.

Cæcus esse mavult Democritus quam impudicus. p. 35.

Cæcitas animæ maximum malum. p. 196.

A Capite malum incipit. p. 15.

Cervæ imposita torques aurea ut servaretur à venatoribus. p. 199.

Charitas omnium virtutum radix. p. 10.

Charitas ordinata, à se incipit. p. 20.

Chri-

Christus Apostolis, non turbæ, fragmenta panis porrigit, Cur? p. 15.
Christus non habet locum in diversorio, cur? p. 64.
Christus in hostia variis variè apparet: 104.
Christus cur citò emundat leprosum. p. 101.
Cur flagello pellit de templo. p. 21.
Cicada exprimit peccatorem improvisum. p. 193.
Cogitatio est origo mali. p. 33. & 34.
Cogitatio prava quando est peccatum. p. 125. & 126.
Cogitationis prave origo. p. 122,
Quomodo ei occurrendum p. 123. & 124.
Collectæ in unum creaturæ laudantur. p. 72.
Columbæ accipitrem eligunt in Regem. p. 105.
Columbæ seductæ, comparatur peccator, & columbæ sine corde. p. 196.
Cælum merita obtinent non officia. p. 29. [& 1972
Confessio medicina peccatoris. p. 130 Confiteri culpas Sapientis est p. 20.
Consensus animorum juvat ad inveniendum Deum. p. 67.
Consortem Deus non patitur in uno corde, p. 63.
Consortia malorum periculosa. p. 174.
Constans animus in omni fortunæ alea. p. 60.
Conversatio mala vitanda. p. 117.
A Consilio arcendi adulatores. p. 155.
Conformitas cum voluntate Divina Deo placet. p. 101.
Cor candidum conjungit cum Deo homines. p. 53. totum sit Dei.
p. 65. est altare. p. 97.
Corpus cur dicitur subditum peccatis? p. 168.
Correptio sit temperata. p. 160.
Correptio non intendatur, nec remittatur. p. 160.
Correptio vitiorum sit sine furore. p. 159.
Corripiendi modus sit à virtute præscriptus, non à passione corruptus.
pag. 158.
Corruptio aliorum non meretur Dei misericordiam. p. 106.
Corruptio juvenum ab incauta lingua. p. 34.

De Corvo Apologus. p. 104.
Corvorum ova non excluduntur si pulvere adspargantur. p. 24
Cosmas Abbas mortuus non sustinet hæreticum in eodem sepulchro. p. 177.
Curiositas in scrutandis Divinis cavenda, p. 96.

D

David in omni fortuna immutabilis. p. 62.
Dæmon præsidibus maximè struit insidias. p. 14.
Delictum unius in omnes trahit panam. p. 70. & 71.
Democritus oculis se privat, ut à sædis cogitationibus liberetur. p. 35.
Dei præsentia efficax medium ad perfectionem. p. 125.
Dei notitia amore acquiritur non subtilitate ingenii. p. 95.
Deus consortem non patitur. p. 63.
Deus incomprehensibilis. p. 98.
Deus quomodo tentatur. p. 93.
Deus quid sit? interrogatus Epictetus ac Simonides, p. 96.
Deus semper restat quarendus. p. 81.
Deus se assimilât hominis erga se, propensionem. p. 99.
Deus talem se hominî præbet, qualem homo se Deo. p. 100.
Dies prima unde incepit. p. 82.
Discordia ædibus pellit. p. 73.
Dispositioni cuiusq; gratia commensuratur. p. 103.
Divisio privat cælesti gloria. p. 71.
Divisiones facere perversi capitis est. p. 132.
Dolositas quid? p. 11.
Dolositas à consortio Dei & hominum removet. p. 57.
Donis Dei non intumescendum. p. 80.

E

Eleazarus præmitti potius in infernum eligit quam fingere. p. 69.
Electi ad honores, aliis fructum ferre debent. p. 17. [212.
Errare absq; intelligentia maxima pæna: p. 193, Errores sæcundi. p.
Eucha-

Eucharistia mundo corde sumenda, p. 75.
 Eunomius hæreticus notitiam Dei jactat. p. 96.
 Exempla majorum instruunt posteros, & à malo revocant. p. 14.
 Exempla dolositatis damnata. p. 58.
 Exempla varia deducunt nihil posse esse occultum p. 37.
 Exemplo Reguli tota Domus creditur. p. 14.
 Exemplo Rudolphi milites excitantur ad ferendam. sitim. p. 14.
 Exemplo Sponsæ domesticæ trahuntur. p. 15.
 Exemplum bonum efficax ad docendum. p. 146. & 149.
 Exemplum Principum bonum, est salus subditorum. p. 12.
 Exemplum Patientiæ Phocion & Moyſes eremita. P. 189. & 190.

F

Factores Legis justificabuntur. p. 28.
 Felicitas peccatoris infelix. p. 108.
 Fermentatum cur Deus prohibet. p. 54.
 Fidei exercitium. pag. 12.
 Fidem quis habet in Deum. p. 94.
 Fides bonorum omnium fundamentum. p. 110.
 Fides antecedit visionem Dei. p. 117.
 Fides sine operibus mortua. p. 118.
 Fides vilis quæ miracula exigit. p. 115.
 Flagello vendentes de templo pelluntur. p. 201.
 Fontes pro diversitate calii mutantur. p. 62. Fluvius Narva venenosus serpentes non patitur. p. 202.
 Fuga peccati gloriosa. p. 171.
 Fumus ascendendo deficit. p. 27.
 Furor caveatur in vitis corripendis. p. 159.

G

Galba optimus ad imperandum nisi imperasset. p. 26.
 Galeacius Dux caudicem vasfrum necari jubet. p. 58.

Ff3

Gallos

Gallos monetæ Pardani imprimunt. p. 69.
Gallus gallinaceus rejicitur à sacrificio cur? p. 39.
Ad immunda animalia revocatur. p. 63.
Gladius non lapis in Anathema redditur à Davide cur? p. 40.
Gloria soli Deo ex operibus nostris. p. 218.

H

Hæretici negant Librum Sapientiæ esse canonicum. pag. 1.
Hilaritas innocentis fulmen impio videtur. III.
Honores mutant ac pervertunt mores. p. 26.
Honoratis vitia adjunguntur. p. 27.
Horologii sono proditur furtum, p. 38.
Hostia Sacra in Hispaniis varias formas induens. p. 104.

I

Jacob Patriarcha sua ossa efferri jubet ex ægypto, p. 176,
Imitatio Christi, via ad inveniendum Deum. p. II.
Immutabilitas. p. 62.
Inconstantia reprobatur p. 61.
Index animi vultus. p. 36.
Indignum ab iniquo divina prædicari. p. 151.
Intellectus captivari & submitti debet in cognoscendo Deo. p. 99.
Ab interioribus externa procedunt. p. 31. & 32.
Inquieti à cælo aberrant. p. 61.
Insula Ivica nulla patitur venenata animalia. p. 199.
Invidia malum incurabile. p. 183. Obstinatum in malo vitium. p. 187.
Invidia comparatur cum verme, cum inferno. p. 184. cum igne
p. 188. Cum cepa. 180. Cum vespertilione. p. 180. Cum
Ætna, cum putredine, p. 183. Invidia facit homines insanire
p. 181. facit eos absq; consilio. p. 189. Invidia ipsos invidos
consumit. p. III. Est peccatum ad mortem. p. 186. Invidi
cur dicuntur parvuli. p. 179. Invidi destituuntur sapientiâ
p.

p. 173. Sunt stulti. p. 182. diabolo peiores. p. 180. Viles p. 1191.
Judex debet esse æquanimis. p. 22.
Judicia de rebus ex affectu. p. 47.
Judicia diversa pro diversitate affectuum. p. 49.
Judicia in porta urbis absoluebantur, p. 174.
Judicii forma. p. 23. Judicii depravati Apologus. p. 60.
Judicis oculi debent esse clausi p. 21. Jugum peccati gravissimum;
p. 208.

Jurgia vincit silentium. p. 188.
Justificabuntur soli factores Legis. p. 29.
Justitia debet esse absq: respectu. P. 11.
Justitia est virtus ad alios. p. 16.
Justitia, non respectus examinet, causas p. 22.
Justitia sit misericordiæ conjuncta. p. 161.
Justitiam docens in culmine virtutis consistat. p. 152.
Ad tribunal justitia & æquitas, non respectus ac discretio personarum
presidere debet. p. 21.
In foro Justitiæ nihil dandum respectui, nihil sanguini.
Justitiæ varia acceptio apud Patres. p. 7. & 8.
Justus cur palmæ comparetur p. 83.

L

Lapis non relinquitur in templo cur? p. 40.
Lapsus magnorum ingens. p. 203. & 204.
Latere nihil diu potest p. 36 36.
Latroni paradisum Christus sine dilatione promittit. p. 103.
Læus qui nullius ruinæ causa fuit p. 110.
A Collectione virtutum Laus plena. p. 17.
Leges dolosi hominis iniquæ. p. 57. & 58.
Liber Sapientiæ canonicus. p. 1.
Legis totius observatio requiritur. p. 18.
Lingua incauta corrumpit Juvenes. p. 34. Novacula comparatur,
pag: 69. Lucib.

Lucillo præscripsit Philosophus taciturnitatem. p. 41.

M

Magdalene Penitentia. p. 46. Majorum vitia notabiliora p. 204.

& 205. Magnorum ingens est lapsus: p. 203. & 204.

Malevola anima quid? p. 165.

Malevoli hilaritate Innocentum offenduntur. p. 111.

Malevolum averlatur Sapientia. p. 165.

Mali ad quem finem in mundo. p. 93.

Mali quandoq; sunt Sapientes sed non celesti Sapientiâ. p. 1. 66.

Mali remedium à radice incipiendum. p. 33.

Malorum consortia periculosa. p. 174.

Malorum suorum sibi quisq; causa. p. 133.

Manum Moyſi de ſinu exemptam lepra inficit. p. 46.

Malitia plus sibi nocet p. 136. & 138.

Manus propria mala parat, p. 133.

Malum incipit à capite p. 16.

Malum à cogitatione incipit. p. 33. & 34.

Malum tegi nequit. p. 37.

Mari mortuo omnia ſupernatant, p. 38.

Marius Imperator, eo ipſo gladio, quem fecit periit. p. 105.

Meritum loquacitate perit. p. 49.

Medicina morborum odium ſingularitatis. p. 28.

Merita præmittenda ſunt præmiis p. 117.

Minima peccata gradum faciunt ad maxima, p. 213.

Miſericordia Dei eſt timenda peccatori. p. 107. & 178.

Miſericordiâ indigni qui plures in malum conveniunt. p. 109. & 108.

Modus corripiendi quis eſſe debeat? p. 158.

Moneta crucifixum referens. p. 45.

Morbi Cauſa peccatum. p. 33.

Ex modicis ingens malum. p. 143. & 144.

Mortis memoria medicus animæ p. 23.

N

- Nocet plus sibi, qui aliis nocere Optat. p. 36. 142. 140. & 139.
 Nomen Divinum cur solum mirabile prædicatur. p. 97.
 Nomen magnum vitio perditur. p. 30.
 Nomen non meretur iniquus, p. 29.
 Nomina male imponuntur ab affectu. p. 50.
 In solo Nomine splendor. p. 29.
 Nomini respondendum. p. 28.
 Novitatum pænæ. p. 75.
 Nox illuminatio. p. 36.
 Numæ Pompilii speculum ex Calvariis mortuorum. p. 24.

O

- Observatio totius Legis ad integritatem Laudis requiritur. p. 18.
 Obrectatores vincuntur silentio. p. 189. & 190.
 Occulta emergunt in apertum. p. 35. & 37.
 Odoramenta in aperto posita gratiam perdunt. p. 41.
 Opera habent suam linguam. p. 14. 38. & 146.
 Opera efficaciora ad persuadendum, quam verba. p. 148. & 147.
 Origo cogitationis prævæ. p. 122.

P

- Pambo diu discit silentium. p. 42.
 Parva magnorum origo malorum. p. 14.
 Passiones magis domandæ quam hostes. p. 29.
 Pastor non se ipsum sed oves pascere debet. p. 16.
 Patiens Angelo similis, p. 192. Patientia & placabilitas hominem Deo facit similem. p. 191.
 Patientia in adversis maximum miraculum. p. 93. Patientiæ exempla. p. 190.
 Paula Romana obrectatores silentio & oratione vincit. p. 189.
 Pauperem precantem non audiens non exauditur à Deo. p. 109.

Peccata cur Nubi comparentur? p. 134. Peccati jugum gravissimum
pag. 208.

Peccatis subijci stultitia. p. 207.

Peccati radix evellenda p. 34. Peccatum nullum inexpiabile. p. 184.

Peccatum causa morbi. p. 33. Peccatum ad mortem quod? p. 185. & 186.

Peccatum nunquam solitarium incedit. p. 209. Unum trahit ad aliud.
pag. 210. A minimis ad maxima progressus. p. 213.

Peccatores sepulchri memoriâ ad meliorem frugem reducuntur. p. 25.

Peccatoris felicitas infelix. p. 107. & 108. Comparatur cum co-
lumba seducta. p. 196. item cum columba sine corde p. 197
cum peregrino. p. 193. cum funibus. 215.

Pectus tundit Publicanus, ut mali radicem tollat. p. 34.

Pellicæ tunicæ ad quid datæ primis Parentibus. p. 25.

Perfectionis augmenta semper debent esse majora. p. 83.

Perfectionis terminus in hac vita non datur. p. 81.

Periculis magnanimitas inferendis injuriis. p. 188.

Pericula vitanda. p. 112.

Persecutio à suis intolerabilis. p. 141.

Petrus in Præsidentem electus quomodo instituitur. p. 16.

Petrus reprehenditur renuens sibi lavari pedes. p. 75.

Petrus singularitate corrui. p. 79. illam averfatur. p. 79.

Phocion exemplar fortitudinis in ferendis injuriis. p. 180.

Piscis suppeditat staterem, ad gabellam à Christo solvendam. p. 39.

Plures ubi peccant, indigni commiseratione. p. 108.

Panitentia publicani unde laudatur? p. 25. Pœna maxima mali ho-
minis, errare absq; intelligentia. p. 193.

Pœna in terra Sodomorum ad speciem tantum. p. 44.

Panitentia Magdalena. p. 46. & 47.

Præco sermone vitam conformet. p. 153.

Prædicator à veritate dicenda non se sinat abstrahi. terroribus. p. 157.

Præsidibus demon insidiatur. p. 14.

Præsumptio periculosa p. 172.

Præsentia Dei efficax medium ad vincendas tentationes. p. 125.
Princeps se ipsum regere debet, ut alios bene gubernet. p. 19. & 20.
Principes debent esse ad instar putei, ad instar luminarium. p. 16.
Principes formandi, ut alii informentur: p. 13.
Principum exemplo subditi conformantur. p. 13.
Probus, vir sui nominis p. 28.
Prudentia quid? p. 11.
Puer in medio Apostolorum cur statuatur. p. 41. 54. 55. & 56.
Pugiones dolose tecti. p. 57. Pulvere excæcantur oculi cervi. p. 213.
Puritas Christo placet. p. 102.

R

Regnum cælorum cur thesauro abscondito comparetur? p. 45.
Regnum duos non patitur p. 66.
Religiosus segniter vivens memoriâ mortis reducitur ad fervorem. p. 25.
Remedium mali à radice incipiendum. p. 33.
Respectibus pauci non abducuntur. p. 155.
Rudolphus Imperator exemplo suo ad ferendam sitim incitavit. p. 14.
Ruinam quisq; sibi imputet. p. 104. 112. & 115.
Rixarum avertendarum remedium. p. 188.

S

Salomon inter templi ornamenta posuit boves & leones. p. 162.
Salutem animæ quid magis promoveat solitudine an conversatione? p. 171.
Sanguisugæ adhaerentes corpori pulvere vel sale amovuntur. p. 24.
Sanctus esse debet, qui velit esse doctor. p. 150.
Sapientia averfatur malevolum. p. 165.
Sapientia Corpus subditum peccatis fugit. p. 167.
Sapientia malorum, non est vera Sapientia. p. 166.
Sapientia vera intra silentii terminos reperitur. p. 41.
Sapientiæ divisio p. 166.
Sapientis est malitiæ cedere, non resistere. p. 187.

Sapientis est mala cavere confortia. p. 170. & 176. Et silentio calumnias vincere. p. 192.

Scelera variis modis produntur. p. 37.

Scelerum medicina in ore peccatoris confitentis. p. 129.

Scelus in authorem redit. p. 138.

Scientia de Deo maxima, scire, nihil se scire p. 98.

Semen secus viam non oritur. p. 66.

Sermone cautè utendum p. 69.

Servitus peccati. p. 168. Servire Deo renuens, multorum servituti subicitur. p. 216.

Severitas conjungenda mansuetudini. p. 161. & 166.

Silentium optimus rerum magister. p. 41. Vincit jurgia p. 188

Silentium quomodo Agathon discit. p. 43.

Similitudines exprimentes totum bonum pendere ab animo. p. 30. & 31.

Similitudines exprimentes concordiam animorum. p. 62. & 68.

Similitudines exprimentes quomodo Deus assimilet se homini. p. 99.

Similitudines exprimentes constantem animum. p. 60.

Similitudines exprimentes quales debeant esse prædicatores, p. 15.

Similitudines exprimentes ex affectu judicia de rebus procedere. p. 47.

Similitudines exprimentes dolosos. p. 57.

Similitudines exprimentes uni Deo cor deberi p. 63.

Similitudines exprimentes prava confortia. p. 170. & 175.

Similitudines variæ exprimentes quod institutio debeat inchoari à Præfidiis. p. 13.

Similitudines quod Principes non sibi sed aliis vivere debeant. p. 16.

Similitudines exprimentes quod multum conducat mortis memoria ad virtutum conservationem p. 24. & 25.

Similitudines exprimentes quod neq; mala neq; bona opera diu latent. p. 35.

Similitudines exprimentes loquacitatem esse nocivam. p. 47.

Similitudines exprimentes quod bonum latere debeat. p. 44.

Similitudines exprimentes pluribus nocere unius delictum. p. 70.

Simi-

Similitudines exprimentes malitiosos sibi plus nocere. p. 137.
 Similitudines exprimentes vana esse nomina sine rebus. p. 29.
 Similitudines exprimentes suæ quemq; ruinæ esse authorem. p. 105.
 Similitudines exprimentes quod se ipsum quisq; prius curare debeat
 quàm alium, p. 19.
 Similitudines exprimentes quòd à radice, malo sit occurrendum. p. 33.
 Similitudinēs exprimentes virtutem debere esse elinguem, & tacitam.
 pag. 39.
 Similitudines exprimentes quòd unum vitium totam laudem corrup-
 pat. p. 17.
 Similitudines exprimentes peccatorem non sentientem sua mala
 pag. 198. & 193.
 Sinceritas animi commendatur. p. 58.
 Singularitas fugienda. p. 80.
 Singularitas impedit in quærendo Deo. p. 74.
 Singularitate Petrus corrui. p. 79.
 Singularitatis morbus incurabilis. illius odium medicina morbi. p. 78.
 Simplicitas debet esse conjuncta prudentiæ. p. 11.
 Simplicitalis varia acceptio p. 9,
 Simplicitas cordis, compendiosa ad inveniendum Deum via. p. 53.
 Socrates tria discipulis præscribebat. p. 43. Idem, discit Domi pati
 injurias. p. 192.
 Societas prava corrumpit bonos. p. 129. est vitanda p. 130. & 131.
 In sole tabernaculum Deus ponit. p. 66.
 Speculum non fallens p. 24.
 Speculum varias species hominum representans, p. 47.
 Spiritu privato alii animantur. p. 28.
 Stultitia subijci peccatis p. 207.
 Superbi calamitas non meretur compassionem. p. 205.
 Susurriones cavendi Dominis. p. 141.

T

Tacere stulti non possunt. 41.

Gg3

Taci.

Taciturnitas magistra rerum. p. 49.
 Talpa humorum copiâ impeditur ne videat. p. 49.
 Tarpeia Virgo Romana armillis oppressa. p. 105.
 Temperata sit correptio. p. 160.
 Templi reverentiam requirit Christus. p. 21.
 Tempus conscripti libri Sapientiæ. p. 3.
 Tentatio quid? p. 85. An sit peccatum? p. 87. cur permittatur? p. 89.
 91, & 92.
 Tentationes unde proveniunt? p. 86.
 Thales milesius astra considerans cadit in foveam p. 97.
 Tormenta subit ipse, quæ aliis paravit. p. 138.

V

Venenata animalia non patitur Insula Ivica p. 199.
 Venialia peccata comparantur cum Elephante p. 214 cum ficu in-
 Vespasiani commendatio p. 26. (dica ibidem.)
 Vestimenta candida cur requiruntur? p. 53.
 Vestis peregrina quid significat. p. 69.
 Via inveniendi Deum, p. 11.
 Vita solitaria laudatur. p. 121.
 Vitæ testimonium efficax. p. 14.
 Vitam optimam promovet mortis memoria p. 24.
 Vita prædicatoris sermoni conformari debet. p. 153.
 Vitia corripienda sunt sine furore. p. 159.
 Vitia non palpanda p. 156.
 Vitia honoratis adjunguntur. p. 27. Sunt notabiliora p. 204. & 205.
 Vitis radicata in vena aurea Pampinos aureos protulit. p. 32.
 Vitium unum totam laudem corrumpit. p. 17.
 Virtus quid sit? p. 126. non omnis virtus probata. p. 127. quibus
 modis probatur. p. 127. Sola ad correptionem aliorum efficax
 est. p. 148.
 Virtus corripiat non passio. p. 158.

Vir

Virtus debet esse elinguis. p. 39. Virtus & peccatum non commo-
rantur adinvicem. p. 198.

Virtus non ætas ad Regimen promovet. p. 55.

Virtus promovere debet ad munus corrigendi & docendi alios. p.

Virtutis est scelera objurgare non dissimulare. p. 154. [149. & 152.

Virtutem sibi quisq; prius debet providere. p. 19.

Virtus præstantior sublimi genere. p. 55.

Unio Animorum. p. 84.

Unicornis nulla alia animalia admittit ad suum nidum. p. 199.

Voluntas bona, fundamentum perfectionis p. 31.

Vultus animi index. p. 36.

X

S. Xaverius commendabat Sociis curam diligere ab omnibus. p. 107.

Z

Zeno Demii filius inquirat viam sanctioris vitæ. p. 24.

Zizania superseminantur tritico noctu, cur? p. 36.

~~~~~

INDEX PROPOSITIONUM
Quæ in hac ima parte continentur ac
probantur, possuntq; servire ad usus Conci-
onatorios & Christianos discursus.

EX PRIMO VERSU DEDUCTÆ PROPOSITIONES

1 Amor efficax argumentum ad persuadendum p. 10.

2 Bonum exemplum Principum salus subditorum. A Principibus
debet incipere emendatio, ut cæteri sanentur. p. 13.

3 Alij

- 3 Aliis non sibi, Princeps vivere debet. à p. 14. ad 16.
- 4 Unum vitium totam laudem corrumpit, p. 17.
- 5 Maxima Sapientia est, sibi ipsi prius providere, ut melius alii instruuntur. p. 19.
- 6 Ad tribunal, æquitas & iustitia, non respectus ac Personarum discretio præsidere debet. Decreta ferre, sententiam concludere, Iustitiæ officium est, non respectum. p. 21.
- 7 Optimus disciplinæ ac virtutum magister est mortis memoria. Mors menti impressa, omnium morborum animæ medicus, Sanctitatis custos est. p. 24.
- 8 Degenerat quandoq; in vitia honor, & quos invenisse videbatur bonos, improbos persæpe reddit. p. 26.
9. Quisq; nomini suo respondere debet. vana nomina sine rebus. p. 38.
- 10 Radix & fons omnis boni, rectè ordinata mens. Ab animo & bona voluntate universa pendet perfectio. 30.
- 11 Sola Deo grata est, tacita virtus. p. 39.
- 12 Efficacissimum remedium est, bonos sensus conquirendi, taciturnitas, ac longâ meditatione plenum silentium. p. 40.
- 13 Non bene curatur malum quodpiam, nisi radici ejus adhibeatur remedium. A radice incipere curatio debet & bonitas. p. 33.
- 14 Non sunt publicandi interni sensus, sive boni sive mali, facile sese ipsi prodent, & quæ occulta esse putantur in aperto sunt. p. 35.
- 15 Sepulta esse oportet, & ab oculis, exterioreq; omnium sensu remota, quæ bona esse desiderant. p. 44.
- 16 Plus quandoq; voluntatis propensio, quam legum, justiq; ratio in cudendis de rerum statu sententiis laborat. p. 48.
- 17 Simplicitas & animi candor, compendiola est ad Deum via, cor vero fraudibus ac dolo sitate plenum, & à Deo, & ab hominum consuetudine quemq; removet & elongat. p. 53.
- 18 Constantia animi & mutari nescia mens, facilem ad Deum inveniendum aperit viam. In utraq; fortunâ constans esse debet, qui Deum, ejusq; inquirat gratiam. p. 60.

- 19 Excluditur illo hospitio Deus, patiturq; angustias, ubi alii diver-
santur. p. 63.
- 20 Efficacissimum Dei inveniendi medium, si à pluribus in unitate
cordis, & indivisibili animorum consensu requiratur. Personæ
distinguantur, non animi in quarendo Deo. p. 67.
- 21 Non rectâ ad Deum progreditur viâ, qui communem vitam fu-
giens, singularis esse desiderat. p. 75.
- 22 Quotacumq; sit Sanctitas & perfectio hominis in hac vita, sem-
per tamen superest, in quo se, quisq; magis perficiat. p. 81.
- 23 Nullam is habet partem cum Deo, qui non emundato corde men-
sæ Eucharisticæ accumbit. p. 15.
- 24 Ad partem Dei se spectare, ne cogitet, cujus voluntas non con-
formatur divinæ p. 76:
- 25 Cautè utendum sermone, unico verbo multorum quandoq; bono-
rum inducitur privatio. p. 69.
- 26 Sæpe fit, ut unius delicto, in omnes pæna prorogetur, uno pec-
cante, omnes puniantur. p. 70.

EX 2do VERSU

- 1 Magis expedit, ut quisq; potius fugiat, quàm optet & appetat ten-
tationem. p. 88.
- 2 Tentatio multorum bonorum est occasio. p. 89.
- 3 Ille perfectiùs tenet Deum, & plura de Deo novit, qui sagaci in-
genio in perscrutandis divinis, minùs indulget. p. 95.
- 4 Talem se Deus exhibet homini, qualis fuerit homo erga Deū. p. 99.
- 5 Non Deo, sed sibi quisq; debet imputare ruinam. 104.
- 6 Nulla planior, breviorq; via est, ad cujusq; emendationem, quā
sit plenissima in Dei beneplacitum, ejusq; in omnibus, volun-
tatem resignatio. p. 101.
- 7 Nihil Deo gratius, nihil amabilius munditiâ ac puritate animæ,
pag. 102.

- 8 Signum est interitus nostri, quando Deus hilarem, serenamq; faciem nobis ostendit, cum nos exasperatum iræ Dei vultum mereamur p. 106.
- 9 Minus est si cadat unus, veniam meretur, qui solus peccat, verū ubi plures in malum conveniunt; ubi suus cuiq; non sufficit interitus, subfannationem Dei, non commiserationem sperent. p. 108
- 10 Maximis ille affluit solatiis, inter medias etiam aliorum ruinas, qui ut alii ruerent author non erat. p. 110.
- 11 Nihil magis interimit malevolas, nihil citius prostrernit invidos homines, quam hilaris innocentium in omni fortunæ aleâ vultus. p. 111.
- 12 Fides bonorum omnium, radix fundamentum perfectionis, beatitudinis janua est. p. 116.
- 13 Haud ille præmiandum se speret claro vultus divini lumine, qui per obscuræ fidei semitam progredi neglexerit. p. 117.
- 14 Ille dignus efficitur, cui sese videndum præbeat Deus, qui in exercitio virtutum desudat, & non solum fatigatur desideriis p. 118
- 15 Minus æstimanda fides hominis est, quæ sola expectat miracula, nec aliter, nisi magno prodigiorum pretio paratur ac impetratur.

E X 3tio V E R S U

- 1 Citius à malo bonus pervertitur, quam malus à bono recti ficetur. pag. 128.
- 2 Perversitatis notam haud effugere potest, quisquis schismatum, divisionum, separationum author est. p. 122.
- 3 Quisq; sibi nocet, & se ipsum subvertit, qui aliis nocere, eosq; subvertere conatur. p. 126,
- 4 Frustra aliena industria, suorum quisq; malorum causas attribuit, ipsius hominis ingenio, hoc malum stetit quo premitur. p. 133.
- 5 Præstantissima scelerum medicina in ore peccatoris consistentis. p. 129
- 6 Quæ nobis parva videntur, ingentium sunt origo malorum p. 143.

7. Nihil

- 7 Nihil intolerabilius, nihil magis alienum à rectæ rationis legibus
quàm quòd se persequantur, qui commune vitæ institutum se-
quuntur. p. 141.
- 8 Plus tacitæ virtutis exempla. quàm docti verba eloquii, ad aliorum
correctionem proficiunt. 146.
- 9 Hic ad exhortandos alios securè procedit, quem probitas & mo-
rum comitatur honestas. p. 149.
- 10 Probata virtutis indicium est, non palpare scelera, nec blandiri pec-
cantibus, sed objurgare cujuscunq; sint vitia. p. 154.

EX 4to V E R S U.

- 1 Verè Sapiētis est malarum & depravatarum mentium devitare
ac dedignari consortia. p. 170.
- 2 Consortia malorum, sunt peccandi ac pereundi pericula. p. 174.
- 3 Sapiētius est vitare malorum consortia, quàm spe victoriæ inter
illos versari. p. 176.
- 4 Nihil magis rectæ adversatur rationi, magis nemo omni distitu-
itur Sapiētiā, quàm malevola seu invida anima. p. 178.
- 5 Invidi quantacunq; felicitate augeantur, minimum se habere pu-
tant, si alios æq; felices advertant. p. 179.
- 6 Nullum incurabilius nullumquè magis desperatum invenitur
malum, quàm sit invidia. p. 183.
- 7 Sapiētis est malevolum vincere, non repugnando, & tela telis
opponendo, sed benevolè cedendo, ac ejus malitiam declinando.
pag. 187.
- 8 Hæc est pæna malevolorum, hæc ultima peccatoris miseria, errare
ab q; intelligentia. p. 193.
- 9 Peccatum & Sapiētia seu Virtus, simul in eadem sede non com-
morantur p. 198.
- 10 Nihil magis divinam provocat justitiā, quàm Domūs divinæ ir-
reverentia. p. 201.

- 11 Sapiētis est excludere de animo, & confiteri culpas; insipientis
autem fovere intra conscientiam & occultare. p. 202.
- 12 Sapiētis est sibi introspeciendo immorari, non aliis. p. 203.
- 13 Facilius mali quā n Viri Sapiētes hominū demerentur gratias.
pag. 203.
- 14 Magnorum ingens est lapsus. 204.
- 15 Superbas cadens, insultationem non compassionem meretur. p. 205.
- 16 Multum desipit ille, qui se peccatorum subiecit dominio. p. 207.
- 17 Semper vitia nisi primo in aditu excludantur, associata progredi
confueverunt. p. 209.
- 18 Graviora peccata à levioribus initium sumunt. p. 213.
- 19 Qui Deo ac virtuti servire renuit, necesse est ut pluribus vitiis,
tanquam immanissimis tyrannis subijciatur. p. 216.
- 20 Servire Christo non est labor, nec vile obsequium, sed magni adin-
star convivii. p. 218.
- 21 Non est conveniens Sapiētiæ domicilium, quod obnoxium pec-
catis. p. 219.
- 22 Liberas nec ullis affectionibus implexas incolit mentes Sapiētiæ,
servilem averfatur animum. p. 220.



Biblioteka Jagiellońska



stdr0021244

